

831.85

U-40

A

00 DEC 2010

# ՍՐՈՎ ՈՒ ՀՐՈՎ

Դ.



891.85  
U-40

ՀԵՆՐԻԿՈՍ ՍԻԿՆԳԻԿՎԻԶ

## ԱՐԱՎՈՅ ՈՒ ՀԵՐԱՎՈՅ


## ՊԱՏՄՈՒՆ ՎԵՐ

ԹԱՐԳՄԱՆԵՑ

Հ. ԱՆԱԻՆ ԳՈՒՅՆԱՔՑԵԱՆ

W h b B u P b u v u h b s h v

7 · ZUSAC



Վենեսիլի Ա.  
1907



30 JUL 2013

16191



## ՍՐՈՎ ՈՒ ՀՐՈՎ

ՄԱՍՆ ԶՈՐՇՈՐԴ

Ա.

Իրաւցնէ իշխանը քանի մի օր առաջ  
Զամոսդ գնացեր էր, նոր զինուորագրու-  
թեան մը համար, երբ դառնալը ոչ ոք  
զիտէր։ Անոր համար Վոլոտիէսքոյ, Զակ-  
լոպա ու կենսան առանց հրաման ընդու-  
նելու և գաղտնեաց կնքոյ տակ՝ զոր միայն  
Լոնկինոս զիտէր և որ չէր մատներ ինչ  
ալ ըլլալու ըլլար, մեկնեցան։ Վերշիով  
և միւս սպայները, իմացած ըլլալով իշ-  
խանուհոյն մահը, չէին կրնար մտքերնէն  
անցնել որ Զակլոպայի և Վոլոտիէսքոյի  
մեկնիլը կազ մ'ունենայ թշուառ տեղա-  
կալին նշանածին խնդրոյն հետ։ Մանա-  
ւանդ համարեցան որ երկու բարեկամները



326-74

տեղակալին քով գնացեր են, քանի որ  
Կենսան ալ անոնց հետն էր՝ զոր ամէնքը  
կը ճանչնային թէ Արշեղուցքի հաւատա-  
րիմ ծառայն է: Իսկ երկու բարեկամները  
ուղղակի գնացին Քէպանովքա, ուր եր-  
կայն և դժուար ճամբորդութեան պատ-  
րաստուեցան:

Նախ Զակլոպա Բոսպիրիէնդայէն առած  
դրամով Բոտոլիայի հինգ հումկու ձիեր  
գնեց՝ որոնք երկայն ճամբորդութեան մը  
կարող էին զիմանալ և անոր համար ալ  
Լեհ հեծելագունդը և Ղազախ զլիսաւորնե-  
րը կը գործածէին: Վազուկ ձիեր՝ որոնք  
կարող էին ամբողջ օր մը թաթար մարտուկ  
մը հալածել, արագութեամբ կը զերա-  
զանցէին քան զտաճիկ ձիերը, զիմաց-  
կուն ամէն տեսակ գէշ օդիրու: Բաց աս-  
տի, Զակլոպա գնեց իրեն, միւսներուն և  
նոյն իսկ իշխանուհւոյն համար ղազախ  
զգեստներ: Կենսան բեռները կապեց ու  
երբ ամէն բան պատրաստ էր, իրենք զի-  
շենք Աստուծոյ ու Ս. Նիկողայոսի՝ որ  
պաշտպան էր աղջիկներու, պաշտպանու-  
թեան յանձնելով, ճամբայ ինկան:

Այսպէս ծպտեալ ղազախ Աթաման-  
ներու կը նմանէին: Ղազախ պարեկապան-

ներ շատ անգամ կեցուցին զիրենք. բայց  
Զակլոպա զիւրութեամբ կը հեռացնէր զա-  
նոնք: Քալեցին երկայն ժամանակ՝ ան-  
դորր ու խաղաղ երկրի մը մէջէն՝ զոր  
կը պահէին Լանցըորոնոքի զինուորները՝  
որոնք դէպ ի Պար առաջ կը խաղային հոն  
հաւաքուող ղազախ ուժերը լրտեսելու  
համար: Ամէնքը զիտէին բանակցութեանց  
ի դերև ելած ըլլալը և պատերազմին մօ-  
տալուա ըլլալը, թէպէտ սառուար զօրա-  
բաժիններու շարժումն չկար դեռ: Հոգե-  
զալստեան օրը լմնցեր էր զինազարդի  
ժամանակը, և երկու կողմէն ալ նշանի  
մը կը սպասուէր:

Գարունը բաւական առաջ գնացեր էր:  
Դաշտերու ոտնակոխ եղած և ապականած  
հողը ծաղկեայ կանանչ զորգով մը ծած-  
կուեր էր. մեռած զինուորաց զերկզման-  
ներու վրայ բուսեր էին ծաղիկներ: Պա-  
տերազմի գաշտերու վրայ, ջինջ կապոյ-  
տին տակ կը շըջէին և կը կարկաչէին ար-  
տոյաները: միւս թռչունները՝ զուարթ  
ճոռողիւնով, կը պատուէին օղը. ջերմին  
հովիկներ վէտ վէտ կը ծածանէին հալած  
ծիւներէ կազմուած լճակներու երեսը, և  
իրիկուան դէմ ճախճախուար եղերքները

գորտերը կը կոկոային : Կարծես բնութիւնն  
իսկ կը փափաքէր վէրքերը սպիացնելցաւե-  
րը սփոփել, գերեզմանները ծաղկազարդել:  
Երկնքի և երկրիս վրայ կը փայլէր պայ-  
ծառութիւնը, զով էր օղը և քաղցրաբոյր,  
ամբողջ զաշտը՝ կարծես նկարչի մը վրձի-  
նով նկարուած, կը շողզողար օղինի մար-  
գագետնի մը նման, գոյնզգոյն՝ նման երկ-  
նային աղեղան կամ նման լեհ գոտիի մը՝  
որուն վրայ փորձ ասեղնազործը ճաշակով  
խառնած ըլլայ զանազան գոյները : Այս  
ընդարձակ և հիանալի պատկերին դիմաց  
սրտերը ուրախութեամբ կը տրոփէին :

Վոլոտիէսքոյ կը սուլէր ու կ'երգէր.  
Զակլոպա, ասպանդակներու վրայ կանզ-  
նելով, արևու բարերար ճառագայթներու  
դէմ ուսերը կը տաքցնէր :

— Ահ, ո՞չափ ախորժելի է, — ըստ  
յանկարծ — օդիէն և հունզարական զինիէն  
վերջ ծեր ոսկորներու համար լաւագոյն  
քանն է արել :

— Այսը ամենուն համար աղէկ է, —  
նկատեց Վոլոտիէսքոյ . — չկայ կենդանի  
մը որ չախորժի անոր տաքութենէն :

— Եղանակն ալ մեզի կ'օգնէ, ըսելիք  
չկայ : Չմեռ ժամանակ, սառոյցով, գործը  
քիչ մը դժուար պիտի ըլլար :

— Թող մէյ մը իշխանուհին ձեռքս  
անցնի, այնուհետեւ տեսնենք ով կարող է  
յափշտակել ձեռքէս :

— Ատուգիւ, ես միայն մէկ բանէ վախ  
ունիմ, — ըստ Զակլոպա, — այս ինքն,  
պատերազմի ժամանակ ըլլալով, Թաթար-  
ները մեզի շատ նեղութիւն պիտի տան :  
Զազախներու հետ դիրին է զլուխ ելլել:  
Գիւզացւոց հետ արարողութեանց պէտք  
չկայ, զմեզ Աթաման պիտի կարծեն, մեծ  
յարգ կու տան զաւազանին, և կը սար-  
սափին Պոկունին անունէն :

— Ոհ, Թաթարները կը ճանչնամ.  
Լուպլինի մէջ ես ու Վերշիուլ միշտ անոնց  
հետ կը կռուէինք :

— Իսկ ես կարծես չեմ ճանչնար զա-  
նոնք, — զոչեց Զակլոպա : — Հարիւր ան-  
գամ պատմեր եմ քեզի որ տարիներով  
անոնց երկրին մէջ զտնուեր եմ, մանա-  
ւանդ ինձի, չեմ գիտեր, ինչ աստիճան  
կ'ուզէին տալ եթէ մալիման ըլլայի : Իսկ  
ես, ոչ, անոր համար քիչ մնաց զիս մոր-  
թազերծ ընէին, վասն զի իրենց միջիքի-  
ներէն մէկը ճշմարիտ հաւատքին դարձնել  
յաջողեցայ :

— Այդ դէպքը, կարծեմ, ըսիր թէ  
Ղալաթիա հանդիպեր է քեզի :

— Ղալաթիայինը ուրիշ է . Խրիմու վրայ կը խօսիմ ես : Եթէ դուն կը կարծես որ աշխարհնք ի Ղալաթիա կը լմնայ, ըսել է և ոչ խակ զիտես թէ ուր կ'աճի պղպեղը : Աշխարհիս վրայ աւելի Բելիարի որդիք կան քան քրիստոնեայներ :

— Միայն Թաթարները չեն որ մեզի կրնան վնասել, — ըսաւ կենսան : — Ես դեռ ամէն բան ձեզի չըսի : Պոկուն ինձի պատմեց : Այն ծործորը՝ որ ըսի ձեզի, գժոխային ոգիներու պաշտպանութեան տակ է : Վհուկը՝ որ հոն տեղի իշխանուհին է, շատ դեւեր կը ճանչնայ՝ որոնք թերես մեր գալուստը իրեն խմացուցեր են : Խրաւ է, քովս օրհնած զնդակ մը կայ, վասն զի ուրիշ զնդակ անոր վնաս չիկըրնար հասցնել, բայց այս ալ ստոյգ է որ իրմէ զատ, գեւերու լէգէոն մը կայ ծործորին պաշտպանութիւն ընող : Դուք ինձմէ աւելի խելացի և խոհեմ էք, անշուշտ կը մտածէք որ վնաս մը չհասնի ինձի ապա թէ ոչ աշխատութիւններս բոլոր օդը կ'ելլեն :

— Ա՛հ, ծոյլ անպիտան, — բացագանչեց Զակլոստա : — Դուն կը կարծես որ միայն քու վրան պէտք է մտածել : Ա-

պահով եղիր, սատանան զքեզ չի տանիր, Աստուած չընդունիր : Խրացնէ, պէտք է զլուխոդ բան մը գայ, որ քաւես որ կրամոլութիւնդ : Ես, սիրելիս, ծեր աղուէս եմ : Լաւ միտքդ պահէ այս բանս : Եթէ քու Օրբինադ ահաւոր վհուկ մըն է, զիտցիր որ ես իրմէ աւելի ահաւոր եմ, վասն զի ապրեր եմ Պարսկաստանի մէջ, ուր սորվեցայ սպիտակ և սև մոգութիւնը : Նա գերուն կը ծառայէ, բայց գերեր ինձի կը ծառայեն . մինչեւ անգամ կարող եմ զանոնք հոգերս արօրագրելու գործածել, եթէ հոգւոյս փրկութիւնը չմտածեմ :

— Այդ ամէնը լսաւ, բայց այս անգամ դուն պէտք ես բոլոր ուժերդ ի գործ դնել, ապահովութիւնը միշտ աղէկ է :

— Խակ ես, — ըսաւ Վոլոտիէսքոյ, — իմ յոյսս Բարձրելոյն պաշտպանութեան վրայ գրեր եմ : Եթէ չար ողիները կը պաշտպանն Օրբինան և Պոկունը, մենք մեր կողմը ունինք երկնային զօրութիւնները, որոնց գէմ չկայ գժոխային ոյժ մը որ կարենայ կոռւիլ : Ինչ և իցէ, ես ուխտ կ'ընեմ առ Ա. Միքայէլ Հրեշտակապետն եօթը անարատ ևոմ նուիրել :

— Ես ալ ութերորդը կը զնեմ, — ը-

սաւ կենսան, — որպէս զի Զակլոպա ինծի չսպառնայ յաւիտենական դատապարտութիւն:

— Ես զքեզ ուղղակի կը զրկեմ դժոխք, — սպառնացաւ Զակլոպա, — եթէ անզբագառնամ որ իշխանուհւոյն ուր ըլլալը չես զիտեր:

— Ի՞նչպէս չեմ զիտեր....: Բաւական է որ Վալատինքա հասնինք, կ'ըսեմ ձեզի, աչքերս գոց վհուկին որջը կը գտնեմ: Տնիեսդէրի աջ եզերքէն պիտի երթանք, ծործորը միւս կողմը կը գտնուի և անմիջապէս պիտի ճանչնանք զայն, վասն զի ահազին ժայռ մը անոր բերանը կը գոցէ: Նախ պիտի կարծենք թէ անկարելի է անցնիլ, սակայն ժայռը կողմնակի ճեղբուածք մ'ունի ուսկից երկու ձի քովէ քով կարող են անցնիլ: Ներս մտնելնէս վերջ ոչ ոք մեր ձեռքէն կրնայ ազատիլ, վասն զի միակ ճամբան է մտնելու և ելլելու. ծործորին չորս կողմը այնպիսի բարձր ժայռեր կամ՝ ուր և ոչ թռչուները կը մօտենան: Վհուկը կը սպաննէ ով որ առանց իրեն հրամանին ներս կը մտնէ, ինչպէս պիտի տեսնենք գետինը ցրուած մարդկային ոսկրոտիքներէն. բայց

Պոկուն ինծի ըսաւ որ անոնց ուշ զնելու չէ...: Ներս մտնելէն վերջ պէտք է պոռալ. Պոկուն, Պոկուն, Պոկուն, այն ատեն դուրս կու գայ վհուկը ու զմեզ թեւը բացած կ'ընդունի: Օրբինայէն զատ, Զէրէմիսն ալ կայ, որ հրացանով լաւ նշան առնել զիտէ: Պէտք է երկուքն ալ անմիջապէս անդիի աշխարհը զրկել:

— Զէրէմիսը, այո՛, բայց կինը բաւական է կապել:

— Կապել...: Երկաթեայ զրահը շապիկի մը պէս կը պատռէ և մատերովը ձիու պայտ մը կը կոտրէ: Եթէ Յոտպիրիէնդա հոս ըլլար, թերես անոր հետ կարենար կոռուլ, բայց մենք, ոչ: Միակ յոյսս օրհնուած զնդակն է...: միայն թէ յաջողիմ...: Ապա թէ ոչ ջղջիկի պէս ետենէս կը վազէ և ըոլոր Ղազախները ոտք կը հանէ իրեն ճիշերովը. ու այն ատեն ոչ միայն չենք կրնար ազատել զիշխանուհին, այլ մեր զլուխներն ալ հոն կը թռունք:

Այսպէս խօսելով ժամանակ կ'անցնէին: Մեր ճամբորդները աղէկ կը բալեին, ետև կը թողուին քաղաքներ, զիւղաքաղաքներ, ազարակներ, խրճիթներ: Դէպ ի Եարմոլին-

ցի ու Պար կ'երթային, ուսկից դիտաւուրութիւն ունէին ուղիղ անկիւնով դառնալ Եամպոլի վրայէն զէպ ի Տնիեսդէր: Հիմա այն գիւղին մէջէն կ'անցնէին՝ ուր Վոլոտիէսքոյ զԶակլոպա ազատեր էր Պոկունին ձեռքէն. հոն կեցան և միւնոյն ազարակատան մէջ զիշերեցին: Երբեմն դաշտին մէջ բացօղեայ քնանալու կը ստիպուէին, և Զակլոպա ընկերներուն կը պատմէր ամենատարօրինակ և մտացածին արկածներ: Այսկայն շատ անգամ խօսակցութիւնը իշխանուհոյն և անոր աշտաման վրայ կը դառնար:

Վերջապէս Լանցըորոնսքիի զինուորներու գրաւած երկրէն զուրս ելլելով մտան զազախ երկիրը՝ ուր Լեհի և ոչ ստուերը կը գտնուէր. որոնք որ ժամանակին չէին կրցած փախչիլ սրով ու հրով ջնջուեր էին: Մայիսի վերջն էր, խղդուկ Յունիար անոր կը յաջորդէր, և դեռ իրենց անտանելի ճամբորգութեան երրորդ մասը չէին ըրած: Բարեբաղդաբար Ղազախներու կողմանէ վտանգ մը չէր սպառնար իրենց: Երբեմն երբեմն իրենց ով ըլլալը կը հարցնէին, այն ատեն Զակլոպա՝ եթէ հարցնողը աստիճանաւոր մէկն էր, Պոկունի գաւազանը

կը ցուցնէր, եթէ պարզ գիւղացի մըն էր, կուրծքին աքացի մը կը զարնէր ու գետին կը տապալէր: Այն ատեն անմիջապէս ճամբար կու տային, ենթագրելով որ իրենց ամենէն նշանաւոր Աթամաններէն պիտի ըլլան, վասն զի հարուած չէին խնայեր, զԶակլոպա՝ Գրիվոնոսը, Պուրլային, և կամ նոյն իսկ Խմիելնիցրին կը կարծէին ըլլալ: Քիչ անէծք չկարդաց Զակլոպա Պոկունի համբաւոյն, վասն զի միշտ Ղազախներու հարցմունքներուն պատասխանելու ստիպուած էր և այսպէս ժամանակ կորսնցնելու: Կենդանի՞ է, մեռմ՞է է. ի՞նչ կ'ընէ. Ե՞րբ կու զայ . . . : Այն կողմէրն ալ տարածուեր էր մահուան լուրը, և երբ ճամբորդները կը պատասխանէին որ Պոկուն հանգիստ էր և զիրենք զրկողը նա է, թևարաց ընդունելութիւն կը գտնէին, սնունդ, պաշար և նոյն իսկ զրամ՝ ուսկից յօժարութեամբ կ'օգտուէր կենսան: Եամպոլի մէջ զիրենք ընդունեցաւ Պուրլայի՝ ծեր և նշանաւոր զնդապետ՝ որ հոն իրեն գունդերով Պուտժիայի թաթարներուն կը սպասէր: Ինքն էր սորվեցուցեր Պոկունի պատերազմի արուեստը, անոր հետ Սև ծովու վրայ արշա-



ւանաց մասնակցեր էր, մէկ տեղ Սինոպ քաղաքը կողոպտեր էին : Եւ որովհետեւ Պուրլայի զինքը որդոյն պէս կը սիրեր, անոր դեսպաններուն սիրով ընդունելութիւն ըրաւ, բնաւ տարակոյս մը չունեցաւ, մանաւանդ որ կենսան հետերնին էր զոր անցեալ տարի Պոկունին քով տեսեր էր: Պոկունի ողջ ըլլալը և դէպի ի Վոլինիա ճամբորդելը լսելէն վերջ, Պուրլայի զիրենք կերակուրի հրամուց ու միասին ուրախ զուարթ կերաւ խմեց : Զակլոպա կը վախէր որ կենսան շատ խմելով, վրտանգաւոր խօսք մը չփախցնէ բերնէն, սակայն պատանին՝ աղուէսի պէս խորամանկ, ոչ միայն գործը չաւրեց, այլ Պուրլայի փստահութիւնը աւելցուց: Տարօրինակ բան մը կը թուէր մեր ասպետներուն ներկայ զանուիլ այն երկուքին համարձակ և անկեղծ խօսակցութեան՝ որուն մէջ յաճախ իրենց անունը կը լսէին:

— Լսուեցաւ, — ըսաւ Պուրլայի, — որ Պոկուն մենամարտի մը մէջ վիրաւորուերէ: Գիտե՞ս վիրաւորողին անունը:

— Վոլոտիէսքոյ, Երեմիա իշխանին մէկ սպայն, — պատասխանեց կենսան անխոռվ:

— Այս, եթէ ձեռքս անցնէր, ես իմ ձեռքովս ողջ ողջ կը քերթէի զանիկա:

*ՀՀ* Վոլոտիէսքոյ շէկ պեխերը խածաւ և խիստ նայուածը մը նեսեց Պուրլայիի վըրայ, նման բարակ շան՝ որ գայլին վըրայ կը նայի երբ չի կրնար անոր կոկորդէն բռնել:

— Ես ալ անոր համար անունը քեզի կ'ըսեմ, զնդապետ:

— Սատանան, — ըսաւ Զակլոպա, — բաւական գործ պիտի ունենայ երբ այս պատանին ձեռքը անցնի:

— Սակայն, — առաջ տարաւ կենսան, — սպայն յանցանք չունի, վասն զի Պոկուն հրաւիրեր է զինքը մենամարտելու՝ որ անշուշտ չէր գիտեր թէ ինչպիսի սուր մըն է դէմը ելողը: Բուն յանցանքը ուրիշ ազնուականի մըն է, որ Պոկունի երդուեալ թշնամին է, և որ անգամ մը ձեռքէն յափշտակեց զիշխանուհին:

— Ո՞վ է, ինչ է անունը:

— Ծեր զինեմոլ մը, որ Պոկունի բարեկամ ըլլալ կը ձեացնէր, և զոր Զիկրինի մէջ կախաղան պիտի հանէին:

— Եթէ ձեռքս անցնի ես կը կախեմ զինքը, — պոռաց Պուրլայի:



— Անբան կենդանի ըլլամ, — ըստ ցած ձայնով Զակլոպա, — եթէ այս նենագամիտ պատանւոյն ականջները չկտրեմ:

— Ու զիտե՞ս թէ ինչպէս գէշ կերպով վիրաւորեր էին զինքը : Ուրիշ մը կերակուր եղեր էր հիմա ագռաւներուն...: Բայց մեր Աթամանը եղջիւրի պէս կարծր է, ու առողջացաւ, թէպէտ շատ նեղութեամբ ինքզինքը Վլոտարա ճգեց....: Նորէն չէ՛ս ազատեր եթէ ես չըլլայի: Իրեն Վոլինիս երթալը դիւրացուցինք՝ ուր կը գտնուին մերինները, և իրեն հրամանաւ կ'երթանք իշխանուէին տանելու:

— Ահ, կիները անոր կործանումը պիտի ըլլան. — ըստ Պուրլայի. — այնչափ անգամ ըսի իրեն: Լաւագոյն չէ՞ր զազախօրէն վարուեր այդ աղջկան հետ.... նախ վայելել, ապա քար մը վիզը կախած նետել ջուրը, ինչպէս անգամ մ'ըրինք Ակ ծովու վրայ:

— Յայտնի է թէ լաւագոյնն այդ էր:

— Իսկ դուք, հաւատարիմ քարեկամներ, թշուառութեան մէջ զինքը մինակ չէք թողուցեր... մանաւանդ դուն, պատանի, վասն զի Զիկրին ճանչցայ զքեզ և տեսայ թէ ինչպէս կը խնամէիր զին-

քը: Ուրեմն գիտցէք որ ես ալ ձեր բարեկամն եմ...: Ի՞նչ բանի պէտք ունիք, քաէք, մարդ, ձի, ամէն բան կու տամ ձեզի, որպէս զի ի դարձին նեղութիւն չկրէք:

— Մարդու պէտք չունինք, գնդապետ, — պատասխանեց Զակլոպա: — Վասն զի բարեկամ երկրի մէջ կը ճամբորդենք և բնակիչները մերիններն են, իսկ եթէ ձախորդ հանդիպում մ'ունենանք, ուսկից Աստուած պահէ, շատուոր ըլլալը աւելի գէշ է: Բայց քանի մը լաւ քալող ձի աշէկ կ'ըլլայ եթէ շնորհես:

— Այն ձիերէն կու տամ որոնց և ոչ խանին մտրուկները կը հասնին:

կենսան յարմար ժամանակը գտաւ:

— Աթամանը մեզի քիչ զրամ տուաւ վասն զի քովը քիչ ունէր, իսկ Պրաւաւէ անդին չափ մը գարին մէկ դալեր կ'ամէք:

— Հետո խուցս եկուր, — ըստ Պուրլայի:

կենսան խօսքը կրկնել չտուաւ, ու ծեր գնդապետին հետ աներեսյթ եղաւ: Երբ դարձաւ դէմքը ուրախութեամբ կը փայլէր ու բաճկոնակին կուրծքերը ուռեր էին:

— Հիմա, երթաց բարով, Աստուած հետերնիդ ըլլայ, — ըստ ծեր դազախը, — ի գարձին հոս պիտի հանդիպիք, ես ալ կ'ուզեմ Պոկոնի նշանածը տեսնել:

— Այդ անկարելի է, գնդապես, — պատասխանեց խիզախ կենսանը. — վասն զի այդ լեհ աղջիկը դժուարաբարոյ մէկն է, անգամ մը դանակով ինքզինքը վիրաւորեց: Միշտ կը վախնամ որ բան մը չհանդիպի անոր: Երբ զինքը Աթամանին ձեռքը հասցնենք, ինչ կ'ուզէ թող ընէ այն ատեն:

— Այդպէս թող ըլլայ: Նա թող չվախնայ, ոչ. մահ այդ լեհ ազնուական աղջիկներուն, — ըստ քթին տակէն Պուրւայի: — Երթաց բարով, երթաց բարով, երկայն ճամբայ չոնիք ընելիք:

Իրաւցնէ Եամպոլէն վալատենքա երկայն չէր ճամբան, սակայն ճամբան, եթէ ճամբայ կրնար ըսուիլ, բնաւ գնալի չէր, վասն զի բոլոր այդ կողմերը անապատ երկիր էր: Ուստի դէպի արևմուտք դարձան, Տնիեսդէրէն հեռացան, որպէս զի վերջը վալատենքայի ճամբուն վրայ ելլեն մինչև Ռասցով, վասն զի ծործորին մէջ մտնելու միակ ճամբան այդ էր: Երբ կերա-

կուրնին լմնցուցին արդէն արշալոյսը ծագեր էր, և Զակլոպա կը հաշուէր որ արևմուտքէն առաջ պիտի չկարենան հասնիլ հոն, և այս իրեն գործին կու գար, վասն զի զշեղինէ վհուկին ձեռքէն առնելէն վիրջ, ամբողջ զիշերը կ'ունենային հանգչելու: Ճամբան կը խօսէին թէ ինչպէս ցարդ բաղդը օգնեց իրենց, իսկ Զակլոպա հաճոյքով կը յիշէր Պուրլայիի ընդունելութիւնը:

— Տեսէր թէ ինչպէս միացեր են սա Ղազախները: Խօսքս խառնիճաղանձին վրայ չէ՝ զոր կ'արհամարհէն մեծերը. մանաւանդ թէ, Աստուած մի՛ արասցէ, եթէ մեր իշխանութեան տակէն յաջողին ելլել, մեզմէ աւելի չարագոյն կերպով պիտի վարուին ումկին հետ....: Բայց սա ստոյգ է որ պատրաստ են մէկմէկու համար կրակը նետուիլ, մինչ դեռ մենք...:

— Է՞ն, ոչ. — պատասխանեց կենսան: — Ես բաւական ժամանակ կեցայ մէջերնին և գիտեմ թէ ինչպէս մէկզմէկ կը գիշատեն գայլերու պէս: Եթէ չըլլայ խմիելնիցքի որ ուժով և խորամանկութեամբ կը կառավարէ զիրենք, կատղած շուներու պէս մէկզմէկ պիտի խածառեն: Այսկայն

Պուրլայի քաջ զօրավար է, Խմիելնիցքի իսկ մեծ համարմունք ունի վրան:

— Կ'ենթագրովի, անոր զբանները քամելին վերջ զինքը երկինք պիտի բարձրացնես: Ո՛հ, կենսան, կենսան, կ'ըսեմ քեզի գլուխդ ուսերուդ վրայ ծանր կուգայ, և թէ դուն բնական մահով պիտի չմեռնիս:

— Ճակատագրէն փախչիլ չէ կարելի. . . .: Թշնամին խարելը արժանաւոր և Աստուծոյ հաճոյ գործ մըն է:

— Ագոր համար բան մը չեմ ըսեր: Բայց ազահութիւնը գիւղացիի ախտ մըն է և ուղղակի դժոխք կը տանի զբեզ:

— Անոր համար է որ ես երբ բան մը ձեռք կը ձգեմ, անմիջապէս մոմ վառել կու տամ, որպէս զի Աստուծած ալ իրեն մասը ունենայ ու զիս պաշտպանէ. . . .: ՄԵ՞ղք է ըրածս եթէ աստիէն անդիէն կը հաւաքեմ ծնողացս օգնելու համար:

— Բայց ի՞նչ չուանէ փախած մըն է սա կենսանը, — բացազանչեց Զակլոպա, վոլոտիէսքոյի դառնալով: — Ես կը կարծէի թէ ունեցած բոլոր խորամանկութիւններովս զերեզման պիտի իջնեմ, սակայն կը տեսնեմ որ սա զիս կը զերազանցէ:

Անոր շնորհիւ պիտի ազատենք զիշխանուհին Պոկունի ձեռքէն, Պոկունի հրամանաւ ու Պուրլայիի ձիերով. . . .: Այսպիսի բան մը տեսնուե՞ր է երբէք: Եւսակայն երեսը նայողը երեք փարա չէ տար:

կենսան գոհ ժպտեցաւ:

— Կարծես թէ փոյթ կ'ընեմ այդ բանին համար. — Հարցուց:

— Աչքս մտար, և եթէ անյազութիւնդ չըլլար զբեզ ծառայութեան կ'առնէի: Սակայն այնպիսի խորամանկութեամբ Պոկունը և Պուրլային խարեցիր որ կը ներեմ քեզի զիս զինեմոլ անուանելուդ համար :

— Ես ի՞նչ յանցանք ունիմ: Պուրլայի հարցուց, ես ալ ձեր գովասանքը ընելու համար. . . .:

— Ուրիշ անզամ այդ գովասանքը չընես....

— Ինչ որ Պոկուն միշտ քեզի համար կ'ըսէր, ես կրկնեցի:

— Անոր համար Աստուծած զինքը պատեց, — վերջացուց Զակլոպա:

Այս խօսակցութիւններով անցան առաւտեան ժամերը: Արկը բարձրացեր էր ու մեր բարեկամները միշտ առաջ կ'եր-

թային, մտածելով ու նիրհելով։ Վալատինքա հասնելու բանի մի ժամ մնացեր էր դեռ։ Նպատակին մօտենալով բնական մտատանջութիւն մը կը պատէր զիրենք։ Ո՞ղջ էր չեղինէ. պիտի գտնէին զինքը. արդեօք Օրբինա զանիկա ուրիշ տեղ մը փոխադրած չէր, կամ անմերձենալի անձաւներու մէջ պահած, կամ, որ չարագոյնն է, սպաննած։ Միշտ կային դիմացնին արգելքները ինչպէս նաև վտանգվ։ Այս՝ ունէին Պոկունին բոլոր նշանները իրենք զիրենք վհուկին ճանչցնել տալու և հնազանդութիւն պահանջելու համար. . . . ։ Սակայն եթէ դեկերը անոր իմացուցած ըլլան։ Այս կէտէս մանաւանդ կը կասկածէր Զակլուղա՝ որ սաստիկ յուզուած էր. թէ պէտ Պարսկաստանի մէջ սորվեր էր սպիտակ և սև մոգութիւնը։ Եթէ այս ենթադրութիւնը ստոյգ ըլլար, ծործորը պարապ պիտի գտնէին, կամ որ չարագոյն է, Ուսարովի Ղազախներու մէկ ծուղակին պիտի հանգիպէին։ Ուստեղին երթալով աւելի ուժով կը տրոփէին, և երբ ըիչ վերջ, հեռուէն նշմարեցին արծաթափայլ ջուրին երկայն զիծը, կենսան բոլորովին գունաթափեցաւ։

— Ահաւասիկ վալատինքա, — ըստ մեղմ ձայնով։

— Կարելի բան է. — բացազանչեց Զակլուպա։ — Այսչափ մօտ։

— Տէր Աստուած, օգնէ մեղի, — ըստ կենսան։ — Աղօթքով դեկերը հալածելու ժամանակին է, ես սաստիկ կը վախնամ։

— Էհ, լոէ, ինչ աղօթք։ Խաչակնքենք գետին և ծործորին վրայ և այս ամենէն աւելի զօրաւոր աղօթքն է։

Միւաներէն աւելի անիրով էր Վոլոտիէսքոյ, բայց կը լոէր։ Միայն աչքէ անցուց ատրճանակները և վասօգը նորոգեց. ապա փորձեց թէ զիւրաւ կ'ելէ սուրը պատեանէն։

— Ես, — ըստ կենսան, — ատրճանակիս մէջ օրհնուած գնդակ մունիմ, ուստի վախնալու բան չկայ. . . . Յանուն Հօր և Որդոյ և Հոգույն Արբոյ. յառաջ։

— Յառաջ, յառաջ, սիրտ տուաւ Վոլոտիէսքոյ։

Թիչ մը վերջ գետեզերքը հասան ու սկսան երկայնութեամբը առաջ երթալ։ Վոլոտիէսքոյ կանկ առաւ ու ըստ։

— Կենսան թող առնէ զաւազանը ձեռքը, վասն զի վհուկը զինքը կը ճանչնայ,

և անոր հետ թող ինքը խօսի նախ, որպէս զի նա զմեզ տեսնելով չվախնայ ու զիշանուհին ուրիշ որջի մը մէջ չփախցընէ:

— Ինչ որ կ'ուզէք ըրէք, — պատասխանեց կենսան, — ես առաջ չեմ նետուիր:

— Այն ատեն ետև անցիր և վերջինը եղիր, ծոյլ անպիտան:

Այս ըստ ու ձին մտրակեց վոլոտիէքքոյ, իրեն ետևէն Զակլոպա . անոնց կը հետեւէր պարապ ձիերով կենսան անհանգիստ չորս կողմը դիտելով: Միայնութեան մէջ ձիերու պայտերը խուլ ձայն մը կը հանէին. խոր լուսովիւն մը կը տիրէր՝ զոր կը վրդովէին ծորիթներու և ճպուռներու երգերը: Օրը տաք էր, թէպէտ արել միջօրէն անցեր էր: Ճամբորդները հասան բըլրակի մը մօտ որ զլիխվայր դարձած վահանի մը նմանութիւնը ունէր, որուն վրայի ջախջախուած ու արեէն այրած ժայռերը, տուներու, դղեակներու, եկեղեցիներու աւերակներու կը նմանէին:

— Ասիկա Սատանայի լեռն է, — ըստ կենսան, — Պոկունին նկարագրութենէն ճանչցայ: Գիշեր ժամանակ ոչ ոք կարող է անցնիլ ասկէց:

— Եթէ մարդ չանցնիր, ըսել չէ թէ կարելի չէ անցնիլը, նկատեց Զակլոպա: — Ինչ անիծեալ երկիր....: Աակայն ճամբանիս շիտակ է:

— Մօտ ալ ենք, — ըստ կենսան: — Գոհութիւն Աստուծոյ:

Զակլոպա, երբ տեսաւ Վալատենքայի վայրենի եզերքները, չէր կրնար հաւատաւուլ որ իշխանուհին այնչափ մօտ ըլլայ ...: Այն վայրկենին՝ յորում թերես խեղճաղիկը վերջին յոյսը կորսնցնելու վրայէր, անակնկալ օգնութիւնը կը հասնէր իրեն:

— Հիմա պիտի լմնան վշտերդ, — կը մտածէր Զակլոպա, — ու ուրախութիւնը և երջանկութիւնը կը մնան քեզի: Ո՞հ, ինչպէս երախտագէտ պիտի ըլլաս մեզի:

Զանիկա կենդանի աչքին դիմացը կը տեսնէր. յուզուած էր մտածելով թէ քիչ մը վերջ ինչ պիտի ըլլայ:

կենսան զգեստին թեէն քաշեց:

— Ինծի նայէ՛, — ըստ:

— Ինչ կայ:

— Տեսա՞ր, .... գայլ մը:

— Է՛յ, ինչ փոյթ:

— Բայց արդեօք զայլ էր:

— Գնա՛ իրեն հարցուը:  
 Վոլոտիէսքոյ ձին կեցուց:  
 — Ճամբան շփոթեցանք արդեօք: Հիւ-  
 մա պէտք էր....:  
 — Ո՛չ, ո՛չ, — պատասխանեց կենսան:  
 — Ճիշտ այսպէս ըսաւ ինծի Պոկուն: Այս-  
 պէս շուտ կը լմնայ:  
 — Միայն թէ չմոլորինք ուղիղ ճամ-  
 բէն:

— Ուրիշ բան մ'ալ ունիմ ըսելիք, —  
 ըսաւ կենսան: - Երբ ես վհուկին հետ  
 խօսիմ, աչքերնիդ Զերէմիսի վրայ ըլլայ:  
 Վայրենի գաղան մըն է, ըսաւ ինծի Պո-  
 կուն, ու լաւ նշան կ'առնէ հրացանով:

— Յառաջ, մի՛ վախնաք:

Հազիւ քանի մը քայլ առեր էին ձիե-  
 րը ականջնին տնկելով խրխնջացին: Կեն-  
 սան բոլոր մարմնովը դողաց: Ամէն վայր-  
 կեան վամպիրի մը կամ սոսկալի դէմքի  
 մը երենալուն կը սպասէր: Աակայն կը  
 տեսնուի որ ձիերը պատանւոյն քիչ մ'ա-  
 ռաջ տեսած գայլին որջին դիմացէն կ'անց-  
 նէին: Երթալով խոր լոռութիւն մը կը տի-  
 րէր: Արևը մարը մտնելու մօտ էր: Կեն-  
 սան երեսը խաչակնքեց ու հանդարտե-  
 ցաւ: Յանկարծ նորէն կեցուց ձին վոլո-  
 տիէսքոյ:

— Կը տեսնեմ, — ըսաւ, — ծործորը  
 ժայռով մը գոցուած, և ժայռին քով ճեղ-  
 քուածք մը:

— Յանուն Հօր և Որդւոյ և Հոգւոյն  
 Արբոյ, - թոթովեց կենսան: - Հոս է:

— Ետեէս եկէ՛ք - հրամայեց վոլո-  
 տիէսքոյ, - ու ձին մտրակեց:

Վայրկեան մը վերջ հասեր էին մուտ-  
 քին դիմաց ու ժայռերէ ձեւցեալ կամա-  
 րի մը տակէն կ'անցնէին: Խոր ծործոր մը  
 կը քացուէր դիմացնին, առջևի մասը ծռած,  
 երկու կողմերը խիտ խոտով ծածկուած,  
 խոշոր ժայռերով շրջապատեալ: Կենսան  
 բարձրածայն սկսաւ պոռալ.

— Պոկուն, Պոկուն:

Հեռուէն շուներու հաջիւնը լսուեցաւ:

— Պոկուն, Պոկուն:

Ծործորին ձախ կողմը, որ արևմտեան  
 ոսկեղինիկ ճառագայթներէն լուսաւորուած  
 էր, վայրենի սպիտակ փուշերու ճիւղերը  
 շարժեցան, անմիջապէս վերջը՝ զրեթէ ե-  
 զերքը, երեցաւ մարդկային դէմք մը, որ  
 ձեռքը հովանի բռնած աչքերուն վրայ,  
 ուշադրութեամբ երեք ճամբորդները դի-  
 տեց:

— Օրբինա է, - ըսաւ կենսան, և  
 ձեռքը բերնին դնելով, նորէն պոռաց:

— Պոկուն, Պոկուն:

Օրբինա սկսաւ իջնել, հաւասարակշռութիւնը չկորսնցնելու համար դէպի ետև կը ծուէք: Արագ ու աշխոյժ առաջ կու գար, ետևէն կու գար մարմնեղ մէկը ձեռքը տաշմիկ հրացան մը: Վհուկին զօրաւոր քայլերուն տակ կը խորտակուէին մացառները ու ժայռերու կտորներ շառաչմամբ կը գլուրէին մինչև հեղեղատին յատակը: Արեմը տեան ճառագայթներէն լուսաւորուած իշրացնէ անդիի աշխարհի արարածի մը կը նմանէր վհուկը:

— Ո՞վ էք, — պոռաց, — երբ գար իշաւ:

— Ի՞նչպէս ես, պառաւ, — հարցուց կենսան, սիրտ առնելով՝ զիմացը՝ փոխանակ ոգիներու, մարդկային կերպարանքներ տեսնելով:

— Ա՛ն, դռն ես, Պոկունի ծառան: Ճանչցայ զքեզ....: Խոկ ասոնք ո՞վ են:

— Պոկունի բարեկամները:

— Գէշ չէ վհուկը, ըսաւ քթին տաշէն Զակլոպա:

— Ի՞նչ կ'ուզէք, ի՞նչո՞ւ համար եկերէք:

— Ահաւասիկ գաւազանը, մատանին,

գաշոյնը. զիտես թէ ի՞նչ կը նշանակեն, հէ:

Հսկայ վհուկը առաւ երեք առարկայ-ներն ու ուշի ուշով սկսաւ զննել:

— Այո՛, նոյներն են, - ըսաւ: - Իշխանուհին տանելով համար եկեր էք:

— Այո՛: Ի՞նչպէս է, աղէ՞կ է:

— Աղէկ է: Բայց Պոկուն ինքը ի՞նչո՞ւ չեկաւ:

— Պոկուն վիրաւորուած է:

— Վիրաւորուած... արդէն տեսայ ջաշացըի ջուրին մէջ:

— Եթէ տեսար, ի՞նչո՞ւ կը հարցնես, սուտ մի խօսիր, եղջիւրաւոր գազան, - ըսաւ կենսան մտերմաբար:

Վհուկը ժամեցաւ ցուցնելով գայլու սպիտակ ակռաները ու կենսանին կողին զարկաւ բռնցի:

— Դուն լաւ պատանի մըն ես:

— Գնա՛, կորառէ:

— Համբոյը մը, հէ...: Երբ պիտի տանիք զիշխանուհին:

— Անմիջապէս, ձիերը քիչ մը թող հանգիստ ընեն:

— Լաւ, տարէք, ես ալ ձեզի հետ պիտի գամ:

- Ինչո՞ւ համար:
- Եղբայրս պիտի մեռնի: Լեհերը զի՞նքը ցից պիտի հանեն: Չեզի հետ կու գամ: Կենսան ձիուն վրայ ծռեցաւ, իբր թէ աւելի մօտէն ուզէր խօսիլ վճուկին հետ, ծածուկ ատրճանակին աքաղաղը բարձրացուց:
- Չերէմիս, Չերէմիս, — կանչեց ուժով, ընկերներուն ուշաղը ութիւնը անոր վրայ դարձնել ուզելով:
- Ինչո՞ւ կը կանչես Չերէմիսը . . . Գիտես որ լեզուն կտրուած է:
- Չեմ կանչեր. գեղեցկութեանը վրայ կը հիանամ: Զի՞նքը հոս չես թողուր, այնապէս չէ. բու ամուսի՞նդ է նա:
- Իմ շունս է:
- Հեղեղատին մէջ երկուքնի՞դ միայն էր:
- Մենք երկուքս և իշխանուհին որ կ'ընէ երեք:
- Ապրիս: Սակայն դուն առանց ասոր տեղ չես երթար:
- Բսի թէ պիտի գամ, ու պիտի գամ:
- Եւ ես քեզի կ'ըսեմ որ պիտի չըրգաս:
- Կենսանին ձայնին մէջ այնպիսի տար-

- օրինակ շեշտ մը կար որ հսկայ կինը կասկածանոք չորս կողմը նայեցաւ:
- Ի՞նչ ըսել կ'ուզես, — հարցուց զայրացած:
- Ահա թէ ի՞նչ ըսել կ'ուզեմ, — պատասխանեց կենսան, ու մօտէն պարպեց վրան ատրճանակը:
- Ծովսի ամպ մը պատեց զվհուկը: Սա ետ ետ քաշուեցաւ ու երկայնութեամբը փռուեցաւ գետին. աչքերը ակնակապիճներէն դուրս կը պոռթկային ու կուրծքէն գազանային ճիչ մը կ'արձըկէր:
- Միւնոյն վայրկենին Զակլոպա սրոյ այնպիսի հարուած մը իջեցուց Չերէմիսի գլխուն որ թզուկին գանկը նուռի մը նըման երկու ճեղքուեցաւ: Չերէմիս, և ոչ ճիչ մը հանել կրցաւ, որդի մը պէս գաւարեցաւ ինքիր վրայ ու ջղային ցնցումներ ունեցաւ: Վայրենի կատուի ճիրաններուն նման ձեռքերուն մատուցները կը բացուէին, ու կը գոցուէին:
- Զակլոպա զգեստին քղանցքով սրբեց արիւնոտ սուրբ. Կենսան ձիէն վար ցատքեց, խոշոր քար մը յափշտակեց ու նետեց Օրբինայի լայն կուրծքին վրայ ու սկսաւ գրանները խուզարկել:

Հսկայ կնոջ մարմինը կը ցնցուէր, եւ  
բեսը կը գալարուէր, կրճտող ակռաները  
փրփուրով կը ծածկուէին, կոկորդէն այ-  
լանդակ խորդիւն մը կ'ելլէր:

Այն ատեն կենսան գրպանէն օրհնուած  
կաւիճ մը հանեց, անով խաչ մը բաշեց  
քարին վրայ ու ըսաւ.

— Հիմա ա՛լ չի ցնցուիր:

Ու շուտով ձին հեծաւ:

— Յառաջ, — հրամայեց Վոլոսիէսքոյ:

Հեղեղատին խորը վազող գետակին եր-  
կայնութեամի քշեցին ձիերը սրարշաւ,  
ցատքեցին գետին ցրուած մատաղատունկ  
կաղնի ծառերուն վրայէն, դիմացնին տե-  
սան խրճիթ մը: Խրճիթին ետեղ բարձր  
ջաղացը մը՝ որուն ջուրը ցայտեցնող ա-  
նիւը արեւուն ճառագայթներէն կը փայլէր  
կարմիր աստղի մը նման: Խրճիթին մօտ,  
շղթայուած երկու սկ զամբոները կատա-  
ղարար սկսան հաջել: Վոլոսիէսքոյ առ-  
ջեկն կ'երթար: Զիէն իջաւ, աբացիով  
մը դուռը բացաւ, նախասենեակը մտաւ  
շառաչմամբ:

Աջակողմը բաց դոնէ մը կը տեսնուէր  
ընդայնակ սենեակ մը տաշեղներով և  
փայտ: որցակներով լեցուն և որուն մէջ

տեղը կար ծխացող վառարան մը: Զախ  
կողմը՝ գոյ դուռ մը:

— Հոս պէտք է ըլլայ, — ըսաւ Վոլո-  
տիէսքոյ, ու մօտեցաւ: Բոնեց բանալին,  
դարձուց, հրեց, ու դրան մէջ կեցաւ:

Սենեակին խորը, բարձի՝ մը վրայ  
կոթնած, նստեր էր իշխանուհին Հեղինէ  
Գուրցեվիչ, տժոյն, մազերու հիւառածքը  
քակուած: Երբ զՎոլոտիէսքոյ տեսաւ, սար-  
սափահար աչքերը բացած նայեցաւ, իբ-  
րև թէ հարցնէր. «Ո՞վ ես, ի՞նչ կ'ուզես»:  
Իշխանուհին չէր տեսած երբէք պզտիկ  
ասպետը, իսկ սա անոր գեղեցկութենէն և  
սենեակին ճոխ զարդարանքներէն ապշած  
անշարժ կեցեր էր:

Վերջապէս սթափելով, ըսաւ.

— Մի՛ վախնար, իշխանուհիդ, Արշե-  
դուցքիի բարեկամներն ենք:

Իշխանուհին նստած տեղին ցատքեց:

— Ազատեցէք զիս, — պոռաց ձեռ-  
քերը աղերսաւոր միացնելով:

Նոյն վայրկենին ներս մտաւ Զակլոպա  
հեւալով, խեչափառի մը պէս կարմրած,  
տերեի մը նման դողդոջուն:

— Մինք ենք, — պոռաց: — Մենք  
գքեզ ազատելու եկանք:

Իշխանուհին ծանօթ ծայն մը լսելուն և զջակլոպա տեսնելուն պէս ծունկ չուգեցաւ ու բունէն բաժնուած ծաղիկի մը նման դէպ ի վար խոնարհեցաւ, թեսերը թոյլցած ինկան, աչքերը մետաքսեայ երկայն արտեւանունքներուն տակ ծածկուեցան: Նուաղեր էր:

Բ.

Հազիւ հանգչեր էին ձիերը, փախստաւ կաները ճամբայ ինկան, և երբ լուսինը դաշտին վրայ բարձրացաւ, արդէն վալատինքայէ անդին՝ Սդուտէնքայի մօտ հասեր էին: Առջեկն կ'երթար Վոլոտիչսքոյ, արթնութեամբ և զգուշութեամբ չորս կողմը կը դիտէր. անոր ետեէն կ'երթար Զակոլպա Հեղինէի հետ, իսկ կենսան ամենէն վերջը կու զար ձիերը քաշելով որոնց թիւը աւելցուցեր էր Օրբինայի ախոռէն առած երկու ձիերովը: Զակլոպայի բերանը չէր գոցուեր, իշխանուհւոյն շատ բաներ կը պատմէր, վասն զի սա՝ փակուած այն ծործորին խորը, արտաքին աշխարհէն

լուր չունէր բնաւ: Անգաղար խուզարկութիւնները, Պոկունի մենամարտը, Արշեդուցքիի Բէրէսլաւ ճամբորդութիւնը, Կենսանին յայտնուած գաղանիքը, վերջին դէպերը, Հեղինէի հին ընկերին և ազատարարին ճարտասանութեան առատ և ընդարձակ նիւթ կը հայթայթէին:

— Ողորմած Աստուած, — բացազանչեց աղջիկը սպիտակ գեղեցիկ դէմքը լուսնին դարձնելով, — ուրեմն Արշեդուցքի զիս վնտուելու համար Տնիեսդէրն ալ անցաւ:

— Մինչև Բէրէսլաւ, կ'ըսեմ քեզի, և անշուշտ մեզի հետ կու զար հոս ալ, եթէ իմացնէինք իրեն: Ասկայն այսպիսի անզին ժամանակ մը չուզեցինք կորսընցնել ու մէկէն ճամբայ ելանք օգնութեան հասնելու: Նա բոլորովին կ'անզիտանայ յարութիւն առնելդ, զքեզ մեռած կը կարծէ ու հոգւոյդ համար աղօթք կ'ընէ...: Բայց դուն անհանգիստ մի՛ ըլլար, վնաս չունի թող քանի մ'օր ալ տանջուի, վասն զի վարձը պիտի ընդունի քիչ ատենէն:

— Ես կը մտածէի որ ամենքն ալ զիս մոռցեր և երեսէ ձգեր են, անոր համար աղօթք կ'ընէի Աստուծոյ որ առնէ հոգիս:

— Զքեզ մոռնալ, միշտ զքեզ մեր թոշ-

նամւոյն ձեռքէն ազատելու միջոցները կը փնտռէինք: Ինչպիսի մտատանջութիւններ, որչափ տանջանք: Աքշեղուցքի և ես գըլուկինիս կը ճաթեցնէինք մտածելով...: Սակայն սա դիմացէն գնացող ասպետն ալ չինայեց ոչ աշխատութիւն և ոչ վտանգ:

— Աստուած զինքը վարձատրէ:

— Դուք երկուքնիդ, կը տեսնուի, ձգիչ բան մը ունիք, ինչպէս մեղքը որ իրեն կը քաշէ ճանձերը: Բայց մանաւանդ Վոլոտիչսքոյին պէտք ես երախտագէտ ըլլալ, վասն զի, ինչպէս ըսի, այնպիսի հարուած մը տուաւ Պոկունին որ կոճղի մը պէտքատինը փոռուեցաւ:

— Աքշեղուցքի, իբրև մտերիմ բարեկամի մը, իրեն վրայ շատ կը խօսէր ինձի:

— Իրաւունք ալ ունէր: Ո՛հ, այն պըզտիկ մարմնոյն մէջ մեծ հոգի մը կը բընակի: Հիմա քիչ մը թմրած կը տեսնուի, վասն զի կը տեսնուի որ քու գեղեցկութիւնդ վրան տպաւորութիւն ըրեր է...: Սակայն համբերէ թող սթափի ու ընտանենայ, այն ատեն կը տեսնես...: Եթէ զիտնաս թէ ինչե՞ր ըրինք անոր հետ ընտրութեանց ժամանակ. անպատմելի գործեր :

— Ուրեմն հիմա ուրիշ թագաւոր մը նստեր է:

— Զէի՞ր զիտեր...: Է՛հ, կ'ենթադրուի, այն անիծեալ անապատին մէջ...: Այս, նոր թագաւոր: Ութը ամիս առաջ՝ աշնան ընտրուեցաւ Յովհան Քաղեմիր: Ո՛հ, հիմա այս աւազակներու հետ լաւ պատերազմ մը պիտի ունենանք. սարսափելի պատերազմ մը: Աստուած տայ որ յաղթել յաշողինք, վասն զի հրամանատարութիւնը երեմիայէն առին ու աննշան մարդիկներու տուին:

— Աքշեղուցքին ալ պատերազմի մէջ պիտի մտնէ՞:

— Իրեն պէս զինուոր մը ձեռք ձեռքի կապած չի կենար: Մենք երկուքնիս ալ այսպէս ենք: Երբ վասովի հոտը քթերնուս կը հասնի, զմեզ բռնող մարդկային զօրութիւն չկայ: Այս նախրորդները երկայն ժամանակ զմեզ պիտի յիշեն ինչպէս նաև անցեալ տարուան կերած ծեծերնին.

...: Ոմէն բան մէկ զիշերուան մէջ կարելի չէ պատմել...: Անշուշտ նա ալ պիտի մտնէ պատերազմի մէջ...: Մեծ բաղդէ որ վերջապէս գտանք զքեզ, վասն զի առանց քեզի ձանձրանալի էր մեզի կեանը:

Իշխանուհին սիրուն դէմքը Զակլոպաշի դարձոց :

— Ես չեմ զիտեր, — ըստ, — ինչու համար այսչափ կը սիրես զիս, և ես դեռ աւելի կը սիրեմ զքեզ :

Զակլոպաշ գոհութեան հառաջ մ'արձը կեց :

— Իրաւ է որ կը սիրես զիս :

— Ո՞հ, այո՛, շատ :

— Աստուած զքեզ օրհնէ, աղջիկս : Դէժ լաւ ծերութիւն մը կ'ունենամ: Բայց դեռ ինձի ալ սիրահարուողներ կան, ինչպէս պատահեցաւ Վարշաւիոյ մէջ ընտրութեանց ժամանակը. .... Վոլոտիէսքոյ վկայ է: Բայց ես հիմա կը նախընտրեմ ազնուական հօր դերը:

Խոր լոռութիւն մը տիրեց՝ զոր կը խանգարէր միայն ձիերու փոնգալը, որ յաջող ճամբորդութեան մը նշան էր:

— Յաջողութիւն, — կը պատասխանէին ձիաւորները:

Գիշերը պայծառ էր: Լուսինը միշտ կը բարձրանար երկնից բիւրաւոր փայլվլուն աստղներով զարդարուած կապոյտ կամարին վրայ և կամաց կամաց կ'աղօտանար լոյսը:

Յոգնած ձիերը բայլերն կամացըուցին ու ձիաւորները կը նիրհէին: Վոլոտիէսքոյ կեցուց ձին:

— Հանգիստ առնելու ժամանակն է — ըստ: — Թիչ ատենէն արշալոյս է:

— Այս, հանգչինք, — պատասխանեց Զակլոպաշ: — Ինձի այնպէս կը տեսնուի որ իմ ձիս երկու գլուխ ունի մէկին տեղ:

Սակայն, քնանալէն առաջ, կենսան ընթրիք պատրաստեց: Աղէկ կրակ մը վառեց. ձիու մը վրայէն վար առաւ Եամպուլ՝ Պուրլայի տունէն առած պաշարները. Հաց, պախ միս և վալահք զինի: Զակլոպաշ երբ տեսաւ կրկին փորով տիկերը՝ որոնց մէջ կը շարժէր հեղուկը, ալ քոնը չտարաւ: Ամենքն ալ ախորժով սկսան ուտել առաւ ընթրիքը: Երբ կշացան, Զակլոպաշ զգեստին բղացըով շըրթունքները սրբեց ու ըստ:

— Մինչև մահ պիտի չդադրիմ կրկնելէ. Աստուած իմ, հիանալի են քու զորձերդ: Ահա դուն ազատ ես, աղջիկս, մենք՝ քու բարեկամներդ, քովդ նստած կը խմենք ծեր գնդապետին զինին: Զեմ կրնար չըսել թէ հոնգարացի զինին շատ աւելի գերազանց է, վասն զի ասկէց բիչ մը

կաշիի հոտ կու զայ.... բայց սովի ժամանակ խեչափառն ալ ձուկի տեղ կ'անցընի:

— Բան մը միայն, — ըսաւ Հեղինէ, — անհասկանալի է ինձի, այսինքն, թէ ի՞նչ-պէս Օրբինա շուտով համոզուեցաւ ու զիս ձեզի յանձնեց:

Զակլոպա Վոլոտիէսքոյի և կենսանին դարձաւ ու ողջ աչքը գոցեց:

— Ուզէր չուզէր պիտի յանձնէր զքեզ: Բայց ի՞նչ պէտք է կեղծել, թէ իրեն և թէ իրեն Զէրէմիսին գործը լըմնցուցինք մենք:

— Ի՞նչ ըսել կ'ուզես, — հարցուց իշխանութին սարսափահար:

— Հարուածներուն ձայնը լսեցի՞ր:

— Այո՛, բայց կարծեցի որ Զէրէմիս հրացան կը պարպէ:

— Ո՛չ: Ընդհակառակն այս պատանին էր .... որ վհուկին վրայ պարպեց: Ասոր մարմնոյն մէջ սատանայ կայ....: Սակայն ուրիշ կերպ ալ չէր կրնար ընել, վասն զի վհուկը կասկածիլ սկսաւ ու բացարձակապէս մեզի հետ կ'ուզէր գալ: Ի՞նչ-պէս կարելի էր զինքը հետերնիս առնել... անմիջապէս պիտի հասկընար որ Քիէւ

չենք երթար ու պիտի իմանար որ զինքը խաբեր ենք: Ուստի սպաննեց զինքը, ես ալ Զէրէմիսի զլուխը ջախջախեցի, իրաւցնէ ամերիկացի ճիւաղ մը, և կը յուսամ որ Աստուած մեղք չի համարիր զայն ինձի: Ծործորէն դուրս ելլելնէս առաջ, առաջ անցայ ու դիակները մէկդի քաշեցի, որպէս զի չտեսնես ու չարագուշակ բան մը չհամարիս:

— Ո՛հ, այս ահաւոր ժամանակներու մէջ որչափ դիակներ տեսայ....: Սակայն, ստոյգ է որ պիտի չուզէի ետևս արեան հետք թողուլ, որպէս զի օր մը Աստուած համար չպահանջէ մեզմէ:

— Այո՛, — ըսաւ Վոլոտիէսքոյ, — գործը ասպետական գործ չէր, անոր համար ես ձեռք չի վեցուցի:

— Աւելորդ է խօսիլը, — ըսաւ կենան, — քանի որ ուրիշ կերպ չէինք կրնար ընել: — Երկիրը Աստուածոյ երկու թշնամիներէն մաքրեցինք ....: Ես իմ աչքովս տեսեր եմ այն վհուկին սատանային հետ խօսիլը: Ո՛հ, ո՛չ, այդ չէ իմ ցաւս:

— Հապա ի՞նչ. — հարցուց իշխանութին:

— Գետնի տակ թաղուած դրամներուն

վրայ կը ցաւիմ, ինչպէս յայտներ էր  
ինձի Պոկուն։ Բայց այնչափ աճապարեւ  
ցինք որ ժամանակ չեղաւ զանոնց առնեւ-  
լու, տեղը գիտէի, ճիշտ ջաղացքին քով։  
Արբաս կտոր կտոր կ'ըլլայ երբ կը յի-  
շեմ այն քու սենեակդ, այնչափ ճոխու-  
թին, այնչափ հարստութին, սակայն ա-  
մէն բան հոն թողով բռնադատուած էինք  
· · · :

— Կը տեսնես ինչպիսի՛ ծառայ մը  
պիտի ունենաս, — ըստ Զակլոպա Հեղի-  
նէին։ — Իրեն տիրոջմէ զատ, միշտ պատ-  
րաստ է մինչեւ անգամ սատանային մորթը  
վրայէն առնելու զգեստին օձիք շինելու  
համար։

— Եթէ Աստուած ուզէ, կը յուսամ  
թէ կենսան երախտազիտութենէն զանգա-  
տելու բան մը պիտի չունենայ։

— Խոնարհ շնորհակալութիւններս, —  
բացազանչեց կենսան ձեռքը համբուրե-  
լով։

Այս խօսակցութեան ժամանակ Վոլո-  
տիէսքոյ լուռ և մտախոն կը խմէր։

— Ինչ լուռ կեցեր ես, — հարցուց  
Զակլոպա։ — Բոի արդէն իմ աղջկանս  
զեղեցկութիւնը լեզուդ փակեց։

— Լաւ կ'ըլլայ որ քիչ մը հանգչիս,  
— ըստ պատիկ ասպետը իշխանուհոյն,  
քիչ մը վրդովեալ։ Շէկ պեխերը կը դողդը-  
դային, ինչպէս հով չնչող աղուէսինը։

Սակայն Զակլոպա ալ իրաւոնք ունէր։  
Իշխանուհոյն հիանալի զեղեցկութիւնը  
ապշեցուցեր էր զրեթէ երիտասարդ սպայն։  
Անոր նայելով ինքիրեն կը հարցնէր, կա-  
րելի՞ բան է որ այսպիսի եթերական ա-  
ռարած մը երկրի վրայ շրջի։ Կենաց մէջ  
շատ զեղեցկութիւններ տեսներ էր, սակայն  
ոչ մէկը կրնար բաղդատուիլ այդ դաշտի  
շքեղ ծաղիկին հետ։ Կանանց քով միշտ  
խօսուն և համարձակ գտնուեր էր, բայց  
արդ, տեսնելով այն թաւշեայ աչքերը, այն  
մետաքսեայ արտևանունքը որ շուք կը ձը-  
գէին աչքերուն բիբերուն վրայ, այն ու-  
սերուն վրայ տարածուած ու մազերը,  
այն զողարիկ և ուզզարերձ իրանը, այն  
ուսուցիկ կուրծքը, այն կարմրալար շըր-  
թունքները, այն սպիտակ մորթը, իրաւ-  
ցընէ վոլոտիէսքոյ մոռցեր էր թէ բերանը  
լեզու մ'ունի, ապուշ, անմիտ, և ծաղ-  
րելի ըլլալու չափ պատիկ կը զգար ինք-  
զինքը։

— Իրաւցնէ իշխանուհի մըն է, — կը

մտածէր դառնութեամբ, — իսկ ես անոր դիմաց տղայ մըն եմ: Եւ ինչե՞ր չէր տար արդեօք եթէ կարենար նոր շահատակութեամբ մը ցուցնել այն շնորհաշուր զեղանույն թէ ինքը այնչափ պատիկ չէ ինչ պէս կ'երեւի արտաքսապէս: Այս մտած մունքը աւելի զինքը կը զայրացնէր քան Զակոպայի շարունակ իրեն «աղջկան» գովասանքները ընելը, որով զինքը խայթել կ'ուզէր: Իսկ իշխանուհին, կրակին քով նստած, բոցին կարմիր և լուսնի սպիտակ լուսով լուսաւորուած, անխոռվ, պարկեցա, շատ աւելի գեղեցիկ կ'երեւնար....:

— Խոստովանէ, բարեկամ, — ըսաւ Զակոպա երբ երկրորդ օրը մինակ էին, — որ ամբողջ Հասարակապետութեան մէջ ասոր նման աղջիկ մը չի գտնուեր: Եթէ կրնաս գտնել, զիս անմիտ անուանէ ու սպաննէ:

— Չեմ ուրանար, — պատասխանեց Վոլոտիէսբոյ: — Ստուգիւ ակունք մըն է, որուն նմանը չեմ տեսած: — Եւ ոչ իսկ մարմարեայ շաստուածուէիները՝ զորոնք տեսանք Արքունեաց մէջ և որոնք կարծես կենդանի էին, ասոր հետ չեն կարող բաղ-

դատուիլ: Հիմա չեմ զարմանար որ իրեն համար ամենէն քաջ ասպետները կը զարոնուին մէկմէկու հետ ու մէկմէկու ձեռքէ կը յափշտակեն զինքը:

— Հըաշալի՞ր մը, սքանչելի՞ր մը, — բացագանչեց Զակլոպա: — Եւ չես կրնար ըսել թէ ե՞րբ աւելի գեղեցիկ է, առաւծար թէ իրիկոնը ....: Վարդ մը՝ միշտ թարմ....: Արդէն քեզի ըսեր եմ որ երբեմն իմ գեղեցկութիւնս ալ հասարակ բան մը չեր....: Լաւ ուրեմն, ասոր հետ չէի կրնար բաղդատուիլ.... թէպէտ շատերը կ'ըսեն թէ բոլորովին ինծի կը նմանի:

— Գնա՛, կորսուէ, — պոռաց պատիկ ասպետը:

— Մի՛ բարկանար, էյ: Արդէն կաղամբի մը դիմաց կեցող այծի կը նմանիս, յօնքերդ կը պոստես ու պեխերդ կ'ոլորես ....: կ'երդնում որ զուն առնել կ'ուզես զինքը ....: Է՛հ, է՛հ, խաղողը տհաս է սակայն և ականերդ կ'առնէ:

— Լոէ, օ՞ն, այդ հասակիդ չե՞ս ամըշնար այդպէս կը խօսիս:

— Իսկ զուն, ինչո՞ւ ճակատդ կը կնճընես:

— Թերես կը կարծես թէ ամէն վտանգ



անցուցինք ու թռչուններու պէս ազմտ ենք....: Ո՞հ, դեռ շատ խոհեմութեան և արիութեան պէտք կայ մինչեւ որ անցանինք նախատեսեալ և ոչ նախատեսեալ վտանգներէն : Ճամբանիս երկայն է և Աստուած գիտէ թէ ի՞նչ կրնայ հանդիպիլ մեզի. զիմացնիս եղող երկիրը բոլոր բուցերու մէջ է արդէն :

— Երբ զիշխանուհին Ռազլոկէն Պոկունին ձեռքէն փախցուցի աւելի գէշ էր ժամանակը : Լոնակնիս՝ հետապնդումն, զիմացնիս՝ ապստամբութիւն, և սակայն ես ողջ առողջ անցայ բոլոր Ռւզբանիա մինչեւ Պար : Ասոր համար Աստուած մեր ուսերուն վրայ գլուխ մը զըեր է ...: Եթէ շատ նեղը իյնանք, Գամենէց հեռու չէ :

— Տաճիկներու և Թաթարներու համար ալ հեռու չէ :

— Ի՞նչ կ'ըսես :

— Կ'ըսեմ որ պէտք է մտածել ....: Լաւագոյն է թողուլ Գամէնէց ուր որ է ու զիմել Պար, վասն զի Ղազախները կը յարգեն հրամանատարի գաւազանը ....: Եթէ հանդիպինք ռամկին կամ Թաթարներուն, ամէն բան կորսուած է : Զանոնք ես լաւ կը ճանչնամ. պէտք է անոնց հոտը

հեռուէն առնել և թռչուններու ու գայլերու հետ փախչիլ....: Բայց եթէ յանակընկալս անոնց մէջ իյնանք, ես իսկ բան մը չեմ կարող ընել :

— Եթէ այդպէս է, երթանք Պար կամ անոր մօտերը, ու զրո՞ղ տանի թող Գամէնէցն ալ իրեն մէջ եղողներն ալ...: Գիտես որ կենսան Պուրլայիի գաւազանն ալ ձեռք ձգեր է, անոր համար Ղազախներուն մէջէն սուլելով ու երգելով կրնանք անցնիլ : Աւելի վտանգաւոր անապատ տեղերը անցանք, հիմա բնակուած երկիրներու մէջ ենք : Գիշերն ալ պէտք է հանգիստ առնել ազարակի տան մը մէջ՝ ուր մեր իշխանուհին կարենայ աւելի հանգիստ ըլլալ : Մակայն ես կարծեմ որ դուն ամէն բան սկ տեսնես ....: Ի՞նչ եղաւ քեզի : Կարելի բան է որ մեզի պէս երեք մարդիկ չկարենան գաշտէն գուրս ելլել անվտանգ : Իմ հնարազիտութիւններովս ու քու սուրովդ աշխարհիս միւս ծայրը կրնանք երթալ....: Բաց աստի, կ'ըսեմ քեզի նորէն, կենսան Պուրլայիի գաւազանը ունի, և այս գաւազանը ամբողջ Բողովիայի կը հրամայէ ....: Բաւական է որ Պար անցնինք՝ ուր են Լանցքորոնսքի զինուորները, ան-

Կէ վերջ ապահով ենք : Արիացիր, երախնը, այս անգին ժամանակը չկորսնցը նենք :

Եւ չկորսնցուցին իրաւցնէ, սանձարձակ արշաւեցին դէպ ի արևմուտք : Երբ Մոկելէզ հասան նորէն խաղաղ երկրի մը մէջ էին՝ ուր կային շատ կալուածներ և ազարակատուներ : Արշալոյս էր՝ դեռ ձիու վրայ էին : Բարեբաղդաբար օդը չոր էր, տաքը՝ տանելի, գիշերը՝ զով, առաւոտք բոլոր դաշտը կը ծածկուէր արծաթեայ փոշիի նման ցողով : Գետերը իջած էին և դիւրութեամբ կարելի էր անցնիլ : Ժամանակ մը Լոցովայէն դէպ ի վար գնացին, ու Շարկորոտ կանգ առին . հոս կար Ղազախ զօրագունդ մը Պուրլայիի հրամանին տակ : Հոն կային նաև Պուրլայիի թղթատարները և ասոնց մէջ Քունա հարիւրապելը՝ զոր ճանչցեր էին Եամպոլ ծեր գնդապետի սեղանին վրայ : Քունա զարմացաւ որ Քիէւ փոխանակ Պրասլաւի, Ուայիկորոտի և Սբվիրայի վրայէն երթաւու, կ'ուզեն երթալ Շարկորոտէն, բայց Զակլոպա իրէն բացատրեց որ ուզեցին խոյս տալ Թաթարներէն, որոնք Տնիերերէն շարժելու վրայ են : Քունայէն լսեցին

որ Պուրլայի զինքը դրկեր է իմացնելու թշնամութեանց մօտալուս ըլլալը և թէ ինքն ալ Եամպոլի զօրագունդներու և Պուտժաքի Թաթարներուն գլուխը անցած շուտով պիտի հասնի որպէս զի միասին աւելի առաջ արշաւեն : Խմիելնիցքիի թրդթատարները հրաման բերեր էին Պուրլայիի որ բոլոր ուժերովը Վոլինիա երթայ : Միւս կողմանէ ալ Պուրլայի ինքը կ'ուզէր երթալ Պար, Թաթար օգնական զինուորներուն կը սպասէր, վասն զի լսեր էր որ այն կողմերը ապստամբութեան վիճակը լաւ չէ :

Լանցքորոնսքի՝ լեհ հրամանատարը, շատ խումբեր խորտակեր էր, յարձակմամբ առեր էր քաղաքը ու պահակ զօրք զրեր էր բերդին մէջ : Հազարաւոր Ղազախներ կը պառկէին պատերազմին դաշտին վրայ, Պուրլայի կ'ուզէր անոնց վրէժը լուծել և կամ գեթ նորէն տիրել քաղաքին :

Սակայն Խմիելնիցքիի վերջին հրամանները այս ծրագիրները օդ հաներ էին . Պար պիտի չպաշարուէր եթէ Թաթարները չստիպէին :

— Ուրեմն, — ըսաւ երկրորդ օրը Զակ-

լոպա վոլոտիէսքոյի. — Պար զիմացնիս է, կարելի է երկըորդ անգամ մ'ալ հոն պահել զիշխանուհին....: Բայց ո՞չ ո՞չ Պարի և ոչ իրեն բերդին վրայ վստահութիւն ունիմ, բանի որ այս վայրենիները թագաւորին գունդերէն աւելի թնդանօթ ունին....: Ինձի աւելի մտածութիւն տուողը սա է որ ամպերը կը խտանան և հոռիզոնը կը մթնէ....:

— Ոչ միայն կը մթնէ, — պատասխանեց Վոլոտիէսքոյ, — այլ նաև փոթորիկ մը կը սպառնայ կոնակներնէս թաթարներով ու Փուրլայլով՝ որ շատ պիտի զարմանայ տեսնելով որ մենք բոլորովին հակառակ ճամբուլ Քիւ կ'ուզենք երթալ:

— Ու մեզի ուրիշ ճամբայ մը պիտի սորվեցնէ, անշուշտ.... եթէ նախ սատանայն իրեն չորվեցնէ դժոխքին ճամբան....: Սակայն միշտ լաւ է որ գործերնիս բաժնենք, այս գազաններուն հետ ես զլուխ կ'ելեմ կրցածիս չափ, բայց թաթարները քու գործդ են:

— Ղազախներու հետ գործը դիւրին է, վասն զի զմեզ իրենց մարդիկը կը կարծեն: Ընդհակառակն թաթարներէն պէտք է փախչիլ և կարելի եղածին չափ

շուտ, որպէս զի ծուղակի մէջ չիյնանք: Զիերնիս սքանչելի են, սակայն առաջին առթին պէտք է փոխել զանոնք, միշտ թարմ ուժերով ձիեր ունենալու համար:

— Լոնկինոսի քսակը միշտ մեր արամազութեան տակն է և դեռ լեցուն է. իսկ եթէ հարկ ըլլայ Պուրլայիի քսակն ալ կը բանանք, այն ալ կենսանին քովնէ. ուրեմն յառաջ:

Փախստակաները սանձարձակ սկսան երթալ նորէն, այնպէս որ ձիերուն կողերը փրփուրը պատեց և կը թափէր դաշտի կանանչ գորգին վրայ: Տերլա և Լովատա անցնելնէն վերջ, Վոլոտիէսքոյ ձիերը փոխեց, սակայն Պուրլայիի տուած ձիերն ալ չթողուցին, վասն զի լաւ տեսակ էին:

Կարելի եղածին չափ զգուշացան երկայն հանգիստ ընելէն: Ամենքն ալ առողջ վիճակի մէջ էին, նոյն իսկ Հեղինէ՝ թէպէտ յոզնած, սակայն արի էր և զօրաւոր: Ծործորին մէջ գտնուած ժամանակ ըիչ անգամ սենեակէն դուրս կ'ելեր, աներես Օրբինային չհանդիպելու համար, բայց հիմա դաշտին զով օդը կորպանցուցած ուժը վերստին կը դարձնէր իրեն, Այտերը կը կարմրէին, մորթը արե-

ւէն ոսկի գոյն մը կ'առնէր, մազերը ճաշկատին և ուսերուն վրայ փոռւած կը ծածանէին հովէն. գնչու թագուհւոյ մը կը նմանէր որ կը ճամբորդէր ընդարձակ դաշտերու մէջէն, և որուն կ'ընկերէին իրեն ասպետները, և զոր կ'ողջունէին չորս կողմը բուսած ծաղիկները:

Վոլոտիէսքոյ կամաց կամաց ընտանեցաւ. սովորական զուարթութիւնը սկսաւ և յաճախ ձին իշխանուհւոյն քովէն քալցընելով, լուպլինի վրայ, և մանաւանդ իրեն Աքշեղուցքի հետ ունեցած բարեկամութեան վրայ կը խօսէր: Իշխանուհին յօժարութեամբ մտիկ կ'ընէր, իսկ նա, երբեմն, կատակով զինքը վախցնել ուզելով, կ'ըսէր.

— Ես Պոկունի բարեկամն եմ ու զքեզանոր կը տանիմ:

Իշխանուհին ձեռքերը կը սեղմէր վախցած, և քաղցր ձայնով կ'աղաչէր.

— Ո՞հ, անգութ ասպետ, այդ բանը մի՛ ըներ...: Ապաննէ զիս մանաւանդ:

— Ահ, չէ, անոր պիտի տանիմ, և անոր կը տանիմ, — կը պատասխանէր ասպետը անողոքելի:

— Զարկ, — կը բացագանէր աղջի-

կը գեղեցիկ աչքերը զոցելով և շքեղ վիզը ծոելով իբր դահճի սուրին տակ:

Վոլոտիէսքոյ երբ կը տեսնէր այն սալիտակ վիզը սարսուռ մը կ'անցնէր բոլոր ոսկորներուն մէջէն:

— Տղայ է, — կը մտածէր, — բայց զինիի պէս զլուխս կը դարձնէ. սակայն զինին, ափսոն, ուրիշի մը կը պատկանի:

Ու Վոլոտիէսքոյ ձին առաջ կը քշէր: Բարձր խոտերու մէջ ընկղմելով, ամէն մտածմունք կը փարատէր մտքէն, ճամբորդութեան վրայ միայն կը մտածէր ու, արթուն և զզոյշ, չորս կողմը կը լրտեսէր: Ասպանդակներու վրայ կանգուն կը կենար, զլուխը դուրս կը հանէր մացառներէն, հովը կը հոտութար:

Զակլոպա լաւ տրամադրութեան մէջ էր:

— Հիմա, — կ'ըսէր, — մահուան կը դիմագրաւեմ, գէթ ձիու վրայ ենք: Տարի մը առաջ, Գակամլիքի վրայ, հետիոտն կը փախչէինք, լեզունիս զուրս ձգած շուներու պէս: Լեզուս այնպէս չորցեր էր որ ծառերու կեղեւները ծամել կը փափաքէի...: Իսկ հիմա, փառք Աստուծոյ, կրնանք հանգչիլ ու ուտելու և խմելու բան մ'ունինք:

— Կը յիշե՞ս երբ զիս զրկելով գետը  
անցուցիր, — հարցուց չեղինէ:

— Դուն ալ ուրիշ մը պիտի զրկես,  
եթէ Աստուած ուզէ. այդ Աքշերուցքիի  
մտածելու բանն է:

— Ա՛ն, ա՛ն, ա՛ն, — բարձրաձայն ծիծա-  
ղեցաւ կենսան:

— Լոէ՛, — ըսաւ իշխանուհին շիկնե-  
լով:

Այսպէս, ուրախ զռւարթ, խօսակցելով  
երկայն ճամբան կը կարճընէին : Վեր-  
ջապէս Պարէն և Լոդուսքովէն անդին  
երկիր մը մտան՝ ուր կ'եռար ապստամ-  
բութիւնը և ուր Լանցըրոնսքի այրեր և  
աւրլշտկեր էր քանի մ'օր առաջ դէպ ի  
Սպարայի նահանջելով: Ճամբան լսեցին  
որ Խմբելնիցքի և Խանը բոլոր իրենց  
ուժերովք կ'երթային Լեհերու դէմ, կամ  
լաւ ևս, հրամանատարներու դէմ՝ որոնց  
զինուորները միայն Երեմիա իշխանին հրա-  
մանին տակ կ'ուզէին պատերազմիլ: Ոմէն  
մարդ կը գուշակէր որ երբ իշխանը և  
Խմբելնիցքի ճակատին մէկմէկու դէմ, կամ  
Լեհերը և կամ Ղաղափները պիտի ջըն-  
ջուէին բոլորովին: Բոլոր երկիրը բոցերու  
մէջ էր: Ոմէն մարդ կը զինուէր ու կը

դիմէր դէպ ի հիւսիս Խմբելնիցքիի հետ  
միանալու համար: Ատորին Տնիկեստէրէն  
առաջ կու զար Պուրլայի. ճամբուն բոլոր  
երկայնութեան վրայ կը տեսնուէին զօ-  
րագունդեր, աստին անդին ցրուած երկրա-  
խոյզ զինուորներ, կենդանեաց համար ու-  
տելիք, պահականոցներու փոփոխութիւն-  
ներ: Հարիւրաւոր գրօշակներ կը ծածա-  
նէին անոնց հետ, ծովու ալիքներու նման  
կը խուժէր ուամիկ ժողովուրդը՝ զինեալ  
նիզակներով, զերանդիներով, երկժանի-  
ներով, դանակներով: Նախրորդները կը  
լքանէին իրենց նախիրները, գործակալ-  
ները՝ ազարակատուները, մեղուարոյծները՝  
փեթակները, ձկնորսները՝ եղեգնուտները,  
որսորդները՝ անտառները: Խրճիթ, զիւզ,  
քաղաք, անտառ դարձեր էին: Երեք գա-  
ւառներու մէջ միայն տղաք և պառանե-  
րը տուներնին մնացեր էին, երիտասարդ-  
ները Լեհերու դէմ պատերազմի զնացեր  
էին: Մի և նոյն ժամանակ Խմբելնիցքի  
ամբողջ բանակով առաջ կու զար արեել-  
քէն, փոթորկի մը պէս ամէն զիմացը հան-  
գիպածը տապալելով: Փախստականները՝  
Պարը անցնելէն վերջ, Գարնոպու և Լվով  
տանող մայր ճամբան բռնեցին: Կը հան-

դիպէին յաճախ սայլերու , վրանննրու , Ղազախ հետևակ և ձիաւոր զինուորներու , գիւղացիի խումբերու , եզներու փոշոտ նախիրներու : Ճամբան կը դժուարնար , անխոհեմ հարցումները կը յաճախէին , ովեն , ուսկից կու գան , ուր կ'երթան :

— Զմեզ զրկողը Պուրլային է , — կը պատասխանէր Զակլոպա , ու գաւազանը կը ցուցնէր . — Պոկունի տիկնոջ կ'ընկերենք :

Ահաւոր գնդապետին գաւազանը երբ կը տեսնէին Ղազախները անմիջապէս ճամբայ կու տային , խորհրդածելով որ եթէ Պոկուն ողջ է Սպարայիի կամ կոսդանողնովի մօտերը զօրագունդերու զլուխը պիտի ըլլայ : Աւելի դժուարին եղաւ զինով և տգէտ խառնիճաղանճին մէջէն անցնիլը : Եթէ Հեղինէն չըլլար , այն վայրենիները զԶակլոպա , կենսան և վոլոտիէսքոյ իշրենցներէն պիտի կարծէին , ինչպէս հանզիպեցաւ ուրիշ տեղ , բայց Հեղինէն՝ իշրեն արտաքոյ կարգի գեղեցկութեամբը , ամենուն ուշադրութիւնը իշրեն վրայ կը դարձնէր , և այս բանս վտանգները կը շատցնէր , ու հարկ կ'ըլլար արթնութիւն և արիութիւն ձեռք առնել :

Շատ անգամ Զակլոպա գաւազանը կը ցուցնէր , բայց աւելի յաճախ Վոլոտիէսքոյ՝ անօթի գայլի պէս , ակոաները ցուցնելով , կը խածնէր , դիակներ փոելով գետինը : Յաճախ անխուսափելի կորուստէ մը ազատեցին զիրենք Պուրլայի սրարշաւ ձիերը : Ճամբան , որ երբեմն ապահով էր , օրէ օր աւելի վտանգաւոր՝ կ'ըլլար : Հեղինէ , թէպէտ զօրաւոր , սկսաւ նեղուիլ մտատանջութենէ և անքուն մնալէն , կարծես գերի մըն էր՝ զոր բռնութեամբ թրշնամի վրաններու տակ կը տանէին : Զակլոպա կը բրտնէր , կը միսիթարէր , սիրտ կու տար , կը բազմապատկուէր :

— Խնդիրը , — կ'ըսէր Վոլոտիէսքոյ , — սա մընոցէն ազատիլ և Սպարայի հասնելուն վրայ է բանի որ խմիելնիցըի և թաթարները ճամբանները չեն բռնած :

Ճամբան լսեցին որ բոլոր Լեհ զօրագունդերը Սպարայի կը կենդրոնանան՝ ուր յուսահատ պաշտպանութեան մը պատրաստութիւնները կը տեսնուէին , իրենք աւդէպ ի հոն ուղղեցին իրենց բայլերը , յուսալով որ Երեմիա իշխանն ալ շուտով հոն կը հասնի , վասն զի արդէն իրեն զօրաց մեծ մասը հոն զինուորանոցներու

մէջ էին: Վերջապէս Բլուբերի հասան: Հոս այնչափ ռամիկ բազմութիւն չկար, վասն զի Սպարայիի և Բլուբերի մէջ արքունի զինուորները կը շրջէին ու հեռու կը բռնէին ապստամբ խումբերը՝ որոնք Պուրլայիի և Խմիելնիցըիի գալստեան կը սպասէին փորձ մը փորձելու համար:

— Միայն տասը մղոն, միայն տասը,  
— կը կրկնէր Զակլոպա ձեռքերը շփելով:  
Բաւական է առաջի լեհ զօրաց կայանը  
հասնիլ, ձեռքդ երկնցնես Սպարայի կը  
հասնի:

Թէպէտ մօտ էին, սակայն Վոլոսիէս-  
քոյ ուզեց ձիերը փոխել, վասն զի Պար  
գնած ձիերը յոգնած էին ու բանի չէին  
գար, իսկ Պուրլայիէն առած ձիերը աւելի  
տագնապալց վայրկենի մը կ'ուզէր պա-  
հել: Եւ այս խոհեմութիւնը աւելորդ չէր,  
բանի որ ստոյգ լսեր էին թէ Խմիելնիցըի  
Կոսդանովինով հասեր է և խանն ալ ամ-  
բողջ Թաթար խումբերով մեկներ է Բի-  
լավցէին:

— Լաւ կ'ըլլայ, — ըսաւ պզտիկ աս-  
պետը Զակլոպայի երբ լրեալ տնակի մը  
մէջ մտան՝ որ քաղաքին միայն երկու մղոն  
հեռու էր, — լաւ կ'ըլլայ որ իշխանուհին

հոս մնայ մեզի հետ ու դուն երթաս շու-  
կայն հարցնես թէ կը գտնուին արդեօք  
գնելու կամ փոխանակելու ձիեր: Արդէն  
իրիկուն է, բայց թարմ ձիերով, ամբողջ  
գիշերը կրնանք ճամբրորդել:

— Լաւ, շուտով կը դառնամ, — պա-  
տասխանեց Զակլոպա ու դէպ ի քաղաք  
ճամբրայ ելաւ:

Վոլոսիէսքոյ հրամայեց կենսանին որ  
ձիերուն թամբի փոկերը թուլցնէ, իսկ ին-  
քը զիշխանուհին ներս տարաւ քիչ մը  
հանգչելու և կազդուրուելու համար:

— Այս մնացած տասը մղոնը կտրելու  
համար կ'ուզեմ որ արշալուսին մեկնինք, —  
ըսաւ քիչ մը լուռ կենալէն վերջ: — Վեր-  
ջը ալ ինչպէս որ պէտք է կը հանգչինք  
այս նեղութիւններէն:

Հազիւ թէ կենսան թուլցուցեր էր փո-  
կերը և քիչ մը ուտելու բան տարեր էր  
ներսը, ձիու ոտնաձայն մը լսուեցաւ:  
Վոլոսիէսքոյ պատուհանէն դուրս նայե-  
ցաւ:

— Լէէ, Զակլոպա ....: Կը տեսնուի  
թէ ձի չէ գտեր:

Նոյն վայրկենին դուռը բացուեցաւ,  
ներս մտաւ Զակլոպա տժգոյն և հատկը-  
լեալ:

— Հեծէր — պոռաց:

Վոլոտիէսքոյ՝ փորձ զինուոր, երբէր հարցմունքներով ժամանակ չէր կորսնցը-ներ: Նոյն իսկ զինիի տիկն անգամ միասին առնել չուզեց, զոր սակայն վերցուց Զակլոպա: Բոնեց իշխանուհոյն թևէն, դուրս հանեց, ձին հեծցուց, աչք մը տուաւ փոկերուն ու հրամայեց.

— Յառաջ:

Չիերք քառասմբակ մեկնեցան և փախըստականները ստուերներու պէս աներեսյթ եղան իրիկուան մթութեան մէջ: Առանց շունչ առնելու վազեցին սրարշաւ, և երբ մղոնէն աւելի հեռացան Բլուբիրիէն և մթութեան պատճառաւ հետապնդումը անկարելի էր, Վոլոտիէսքոյ մէկ կողմը կանչեց զԶակլոպա:

— Ի՞նչ եղաւ, — հարցուց:

— Համբերէ, համբերէ: Այնպիսի վախ մ'ունեցայ որ չեմ կրնար պատմել: Քիչ մնաց կը նուաղէի:

— Սակայն ի՞նչ եղաւ:

— Պէտք է որ սատանան ինքն ըլլայ, կամ այն հոչակաւոր վիշապը՝ որուն եթէ գլուխը կտրես, ուրիշ մը կը բուսնի տեղը:

— Պարզ խօսէ՛, ի՞նչ եղաւ:

— Եռկային մէջ Պոկունը տեսայ: Յիմա՞ր ես, ի՞նչ ես:

— Տեսայ, կ'ըսեմ քեզի, զինքը շուկային մէջ, տեսայ այս աչքերովս, ի՞նչ պէս կը տեսնեմ զքեզ: Հետը կային հինգ կամ վեց Ղազախ, և եթէ աւելի չեմ գիտեր, վասն զի ալ չկրցայ տեսնել....: Ուրիմն այդ գազանը իրեն մարմնոյն մէջ եօթը հոգի ունի ու միշտ մեր դիմացը պիտի ելլէ....: Աստուծոյ սիրոյն, զՀեղինէն ջուրի պէս պիտի խմէ: Ա՛հ, Աստուած իմ....: Դուն զլուխը ջախջախեցիր. Կենա մատնեց զինքը Ռէկովսքիի, իսկ նա, պինդ: Ովկ Աստուած իմ, Աստուած իմ: Աւելի կ'ուզէի գերեզմանատան մէջ մեռնելի մը հանդիպիլ քան անոր՝ շուկային մէջ: Խմ անիծեալ բաղդն է. միշտ ես կը հանդիպիմ նախ այդ մարդուն... իբրև թէ աշխարհիս վրայ ուրիշ մարդ չըլլար. ես, միշտ ես:

— Իսկ ինքը տեսան զքեզ:

— Եթէ զիս տեսնէր հաւանական է որ այլ ևս պիտի չտեսնէիր Զակլոպա բարեկամը....: Այդ կը պակսէր:

— Բայց ուր պիտի երթար արդեօք

... կամ մեր ետևէն է, կամ վալատինքա  
Օրբինայի քով կ'երթայ, յուսալով կէս  
ճամբան հանդիպիլ անոր:

— Ես կ'ըսեմ Օրբինայի քով կ'եր-  
թայ:

— Ես ալ այդպէս կը մոռածեմ: Այն  
ատեն մենք այս կողմը, ինքը՝ այն կողմը.  
Երկու մղոն մէկմէկէ հեռու ենք, ժամէ  
մը չինգ մղոն կ'ըլլայ: Երբ մեր վրայօք  
տեղեկութիւն ունենայ, մենք հասած կ'ըլ-  
լանք ոչ թէ Սպարայի, հապա Ժիուքի:

— Դուն զիս կը մխիթարես, Վոլո-  
տիէսքոյ բարեկամո, ...: Սակայն կընաս  
ինձի ըսել, ինչպէս ազատ կը շրջի, երբ  
կենսան կ'ըսէ թէ զինքը վալադավոյի հը-  
րամանատարին մատներ է:

— Փախած պիտի ըլլայ:

— Անմիտ հրամանատար, կախաղանի  
արժանի է: — ըսաւ Զակլուղա: — Է՛յ,  
կենսան:

— Ի՞նչ հրաման ունիս, — հարցուց  
պատանին թամբին վրայ դառնալով:

— Որո՞ն մատնեցիր Պոկունը:

— Ուկովսքիի:

— Ո՞վ է այդ մարդը:

— Արքունի զրահաւորներու տեղակալ  
... համբաւաւոր ասպետ մը:

— Ա՛ն, անպիտան, — բացազանչեց  
Վոլոտիէսքոյ ձեռքով ծունկին զարնելով,  
— հիմա կը հասկնամ: Կը յիշեմս ինչ որ  
մեզի պատմեց Լոնկինոս այս Ուկովսքիի  
և Արշեգուցքիի մէջ եղած թշնամութեան  
վրայօք: Այն Լասրին՝ որուն հախէն եւ  
կաւ Արշեգուցքի և բանակէն աքսորել  
տոււաւ, ազգականն է:

— Հասկցայ, հասկցայ, — բացազան-  
չեց Զակլուղա: — Կը տեսնուի որ դիտ-  
մամբ ազատ ձգեր է զՊոկունը....: Սակայն  
ոճիր է գործածը, որուն պատուհասը կա-  
խաղանն է: Ամենէն առաջ ես պիտի մատ-  
նեմ զինքը:

— Կընաս դիմացս հանել զինքը — ը-  
սաւ Վոլոտիէսքոյ, — և ես քեզի ցուց-  
նեմ թէ դատաւորի դիմաց պէտք չէ զրկել  
զինքը:

կենսան ինդիրը չհասկցաւ, Զակլո-  
պայի հարցմունքներուն պատասխան տա-  
լէն վերջ իշխանուհւոյն քով դարձաւ:  
կամաց կը քաւէին: Լուսինը բարձրացեր  
էր, մշուշը փարատեր: Վոլոտիէսքոյ իրեն  
մտածմանց մէջ ընկղմեր էր. Զակլոպա-  
չեռ վախի մէջ էր:

— Վայ կենսանին գլխուն, — ըսաւ  
Արքուն Հրով Դ.

վերջապէս, — եթէ Պոկունին ձեռքն իյնայ:

— Դուն զինքը քիչ մը վախցուը, — ըստ Վոլոտիէսքոյ, — ես իշխանուհոյն կ'ընկերեմ:

— Լաւ: Է՛յ, կենսան:

— Ի՞նչ կայ, — հարցուց պատանին ձիով ետ դառնալով:

Զակլոպա լուռ սպասեց որ Վոլոտիէսքոյ մօտենայ իշխանուհոյն:

— Գիտե՞ս թէ ի՞նչ եղաւ, — հարցուց:

— Ո՞չ:

— Ուկովսքի զՊոկունը ազատ արձրկերէ...: Բլուբիրիի մէջ տեսայ զինքը:

— Բլուբիրիի մէջ, այսօ՞ր, անկարեւմ է:

— Այսօր, այս': Ախորժեցա՞ր, հէ՞:

Լուսնոյ ճառագայթները շեշտակի կենսանին երեսին վրայ ինկեր էին, և Զակլոպա՝ փոխանակ սարսափ տեսնելու հոն, մի և նոյն խիստ, և զրեթէ վայրագ արտայայտութիւնը տեսաւ՝ զոր կենսան ցուցուցեր էր զՈրբինա սպաննելու ժամանակը:

— Միթէ Պոկունէն չես վախնար. — հարցուց:

— Եթէ Ուկովսքի զինքը ազատ թողուցեր է, ըսել է թէ ինծի կ'իյնայ անոր Զիկրինի մէջ ինծի ըրածին փոխարէնը հատուցանելը: Ներել չեմ կրնար, վասն զի երդում ըրեր եմ, և եթէ իշխանուհոյն չընկերէինք, անմիջապէս կը դառնայի որպէս զի ինչ որ իմն է չկորսնցընեմ:

— Թշուառութեանս. լաւ որ այս պատանին չեմ ցաւցուցած երբէք, — մտածեց Զակլոպա, ու ձին մտրակելով մօտեցաւ իշխանուհոյն և Վոլոտիէսքոյի:

Մէկ ժամ վերջ Մէտվեղովքայէն կ'անցնէին և կը մտնէին անտառ մը որ զետեղերէն սկսեալ երկու պարիսպներու պէս ճամբուն երկու կողմը կը տարածուէր:

— Այս տեղերը լաւ կը ճանչնամ, — ըստ Զակլոպա: — Անտառէն վերջ՝ դաշտ, ապա նորէն անտառ մինչև Մաշզին: Հոն, հաւանական է որ լեհ զինուորներու հանդիպինք:

— Հիմա հասած պէտք էինք ըլլալ, — ըստ թիւն տակէն Վոլոտիէսքոյ:

Ճամբան լուսաւորուած էր լուսնոյ լուսով, քիչ մը ժամանակ լուռ առաջ զնացին:

— Նայեցէք, — ըստ յանկարծ Հեղինէք, — երկու գայլեր անցան:

— Տեսայ, — պատասխանեց Վոլոսիսբոյ: — Ահաւասիկ երրորդ մ'ալ:

Իրաւցնէ հարիւր բայլ հեռաւորութեամբ սեւ ստուեր մը ճամբուն վրայէն անցաւ:

— Եւ ահա չորրորդ մը, — գոչեց իշխանուհին:

— Ոչ, եղջերու մըն է. նայեցէք, նաւյեցէք. երկու... երեք...:

— Այս ի՞նչ տարօրինակ բան է, — պոռաց Զակլոպա: — Եղջերուները զգայւերը կը հալածեն. աշխարհ վեր ի վայր եւ դեր է....:

— Աւելի արագ, աւելի արագ, — ըստ Վոլոտիսբոյ տագնապալից: — Յառաջ կենսան:

Պանձարձակ սկսաւ առաջ երթաւ, բայց Զակլոպա՝ անհամբեր, դարձաւ Վոլոտիսբոյի և հարցուց.

— Ի՞նչ նորութիւն կայ:

— Գէշ նշան, — պատասխանեց պղտի ասպետը: — Չտեսա՞ր, գաղանները որջերէն կ'ելլեն ու զիշեր ժամանակ կը փախչին:

— Այս, ի՞նչ կը նշանակէ:

— Բաել է թէ մէկը կը վախցնէ զիշենք:

— Ո՞վ:

— Զինուորներ, թերեւս Դազախ կամ Թաթար, անկէց, աջ կողմէն:

— Կամ թերեւս մերինները:

— Ո՞չ. կարելի չէ: Կենդանիները արելը կողմէն կու գան...: Հաւանական է թէ Թաթար բանակը Բիլավցէի կողմէն առաջ կու գայ:

— Եթէ այդպէս է, թռչինք:

— Ուրիշ միջոց չկայ.... Ա՛չ, եթէ իշխանուհին հետերնիս ըլլար, կը կտրէինք կ'անցնէինք նոյն խոկ թշնամի բանակը, բայց իրեն հետ.... չար ժամ մը պիտի անցնենք եթէ տեսնեն զմեզ:

— Եթէ գայլերու ետևէն անտառը մտնենք:

— Անկարելի է....: Առ ժամանակեայ ազատ կ'ըլլանք ....: Միշտ կը հասնին մեր ետևէն:

— Անիծեալ աշխարհ, այս կը պակւէք մեզի ....: Սակայն թերեւս կը խարուիս....: Գայլերը միշտ զինուորներու ետևէն կ'երթան, երբէք առջևէն:

— Այս, անոնք որ քովբնտի կը զբանուին՝ ետեւ կ'անցնին, խոկ անոնք որ զիմացը կը զտնուին՝ կը փախչին: Նայէ

հոն, աջ կողմը...: Կը տեսնես...: Կարծես երկրորդ լուսին մըն ալ կը ծագի...:  
— Յիսուս Նոզովրեցի:  
— Լուս, լուս...: Դեռ շատ կայ անտառը անցնելու:  
— Հիմա կը լմնայ:  
— Վերջը դաշտը կու գայ:  
— Այո՛: Ո՛վ Աստուած իմ:  
— Աւելի ցած խօսէ ... ու դաշտէն վերջ ուրիշ անտառ մը:  
— Մինչև Մազին:  
— Լաւ...: Եթէ դաշտէն անցնելու ժամանակ չտեսնեն զմեզ...: Եթէ յաջողինք միւս անտառին մէջ մտնել, ազատեր ենք: Յառաջ ամենքնիս միասին: Բարերազդաբար իշխանուհւոյն և կենսանին հեծած ձիերը Պուրլայիի ձիերն էին:  
Մտրակեցին ու հասան անոնց:  
— Ի՞նչ լոյս է հոն աջակողմը, — հարցուց իշխանուհին:  
— Մի այլայլիր, մի վախնար, — պատասխանեց Վոլոստիէսքոյ, — կարծեմ թաթարներն են:  
— Աստուած իմ, — գոչեց Հեղինէ:  
— Հանդարտէ, կ'աղաչեմ, պիտի յաջողինք անոնց ձեռքէն ազատիլ...: Մազինի մէջ մեր զինուորները կը գտնենք:

— Աստուած իմ, շնորհակալ եմ քեզմէ: Փախչինք, — ըստ կենսան:

Լոեցին և ստուերի պէս սրարշաւ առաջ զնացին: Ծառերը սկսան քիչնալ, անտառը կը լմնար, աջակողմը երկցած լոյսը աղօտացաւ...: Հեղինէ դարձաւ վուտիէսքոյի:

— Երդուիր, — ըստ, — որ զիս ողջ թաթարներուն ձեռքը պիտի չտաս:

— Կ'երդնում. քանի որ կ'ապրիմ մազ մը զլիսէդ գետին պիտի չիշնայ:

Հազիւ ըսեր էր այս խօսքերը դաշտը ելան: Զորս մղոն երկայնութիւն ունէր: Դիմացի եզերքին վրայ կը տեսնուէր սև անտառը, որ տկար կերպով լուսաւորուած էր լուսնէն:

— Գործոյն վերջը աւելի դժուարութեանց կը հանդիպինք, — ըստ Վոլոտիէսքոյ Զակլոպայի: — Եթէ Զորնիազրով են, անշուշտ անտառին ճամբան կը բռնեն:

Զակլոպա, տոանց բառ մ'ըսելու՝ մըտրակեց ձին: Դաշտին կէսը հասեր էին. անտառին ծառերը աւելի մօտ և աւելի որոշ կը տեսնուէին ...: Յանկարծ պզտի ասպետը ձեռքը դէպ ի արևելք երկնցուց:



— Նայէ, — ըստ Զակլոպայի, — կը  
տեսնե՞ս:

— Կը տեսնեմ, այո՛, մացառներ, ճիւ-  
ղեր....:

— Որո՞նք կը շարժին սակայն....: Յա-  
ռաջ, սանձարձակ....: Հիմա կը տեսնեն  
զմեզ....:

Հովը փախչողներուն ականջին սուլեց  
ու ազատարար անտառը արագ մօտեցաւ.  
....: Հեռուն նաև կոյտ մը երևցաւ յան-  
կարծ, խուլ շառաչ մը լսուեցաւ, աղա-  
ղակ մը արձագանգ տուաւ օդոյ մէջ:

— Տեսան զմեզ, — ըստ Զակլոպա:  
— Ահ, շունե՞ր, անիծեալնե՞ր, դեե՞ր, չուա-  
նէ փախածնե՞ր, Փերսեպոնայի զաւակնե՞ր.  
....:

Այլ ևս այնչափ մօտ էր անտառը որ  
գրեթէ անոր զով հովը երեսնին կը փչէր:  
Սակայն թաթարաց ամբոխն ալ աւելի  
տեսանելի կ'ըլլար, անոնց երկայն ստուեր-  
ները, ճիւաղի մը եղջերուկներու նման,  
անգթօրէն դէպի առաջ կ'երկննային: Վոլո-  
տիչսըոյ որոշ լսեց.

— Ալրահ, Ալրահ, — աղաղակը:

— Զիս սայթաքեցաւ, — պոռաց Զակ-  
լոպա:

— Վնաս չունի, վնաս չունի, յառաջ  
միշտ. — հրամայեց Վոլոտիչսըոյ, որուն  
ականջին հնչեցին այն աղաղակները ո-  
րոտման սպառնալից բոմբիւնի պէս:

— Եւ եթէ իրաւցնէ ձիերը այլ ևս  
առաջ չկարենան երթալ, — մտածեց նա  
սարսափահար: — Եթէ մէկը իյնայ: Իրաւ-  
է որ, երկաթեայ կազմուածք ունեցող թա-  
թար սքանչելի նժոյգներ էին, բայց մէկ  
շունչով վազեր էին Բլուբիրիէն: Կարելի  
էր փոխել միւսներու հետ, բայց անոնք  
ալ յոգնած էին:

— Ի՞նչ պիտի ըլլայ, ի՞նչ պիտի ըլ-  
լայ, — կը մտածէր Վոլոտիչսըոյ և սիր-  
ուը կը տըռփէր սարսափէն, և այս ա-  
ռաջին անգամն էր կենաց մէջ: Նա իրեն  
անձին համար չէր վախեր, այլ կը վախ-  
նար Հեղինէի համար, զոր քրոջ պէս սի-  
րել սկսեր էր: Լաւ գիտէր որ երբ սկսին  
հալածել զիրենք պիտի չդադրին՝ մինչև  
հասնին:

— Թող գան, — ըստ ինքիրեն, —  
զիշխանուհին պիտի չկարենան առնել:

— Զիս սայթաքեցաւ, — պոռաց երկ-  
րորդ անգամ Զակլոպա:

— Փոյթ չէ, յառաջ, — պատասխա-  
նեց Վոլոտիչսըոյ:

Վերջապէս հասան անտառն ու մէջը  
մտան: Ավակայն քանի մը թաթար ձիա-  
ւորներ միայն երկու կամ երեք հարիւր  
քայլ հեռու էին իրենցմէ:

Պղտի ասպետը որոշեց ընելիքը:

— Կենսան, — կանչեց : — Առաջին  
բովութիւն ճամբէն դարձիր իշխանուհին  
հետդ առած, ու փախիր : Ապա Զակլո-  
պայի դառնալով.

— Ատրճանակդ ձեռքդ առ:

Եւ այս ըսելով Զակլոպայի ձիուն սան-  
ձը բռնեց ու կեցուց:

— Ինչ կ'ընես, — գոռաց Զակլոպա:

— Ոչինչ, կը կեցնեմ:

Զիրենք և իշխանուհոյն հետ փախչող  
կենսանը բաժնող հեռաւորութիւնը երկրն-  
ցաւ:

Վերջապէս այն երկուքը հասնելով այն  
ճամբան՝ որ ուղղակի դէպի ի Ապարայի կը  
տանէր, աներեսոյթ եղան խիտ մացառնե-  
րու մէջ: Վոլոտիէսքոյ միշտ հաստատուն  
բռներ էր ընկերոջը ձին:

— Ողորմած Աստուած, ինչ կ'ընես,  
— կը պոռար Զակլոպա:

— Ուրիշ միջոց չկայ ....: Գէթ հե-  
տապնդումը կուշացնենք:

— Բայց մենք կորսուած ենք:  
— Վնաս չունի: Հոս կեցիր, ճամբուն  
մէկ կողմը....: Հոս, կ'ըսեմ, հոս:

Ծառերու ճիւղերու մէջ պահուղտեցան  
....: Թաթար ձիերու ահաւոր ոտնաձայնը  
կը մօտենար, մըրկի մը պէս արձագանգ  
տալով անտառին մէջ:

— Կենացդ — սաւ Զակլոպա, ու օ-  
ղիի տիկը շրթունքներուն մօտեցուց ու  
խմեց: Ապա ցնցուեցաւ, երեսը խաչա-  
կընքեց. — Յանուն Հօր և Որդոյ և Հոգ-  
տոյն Արրոյ....: Հիմա պատրաստ եմ նոյն  
իսկ մեռնելու:

— Ահաւասիկ, ահաւասիկ, — զգուշա-  
ցուց Վոլոտիէսքոյ: — Երեք հոգի են վր-  
ցանիս եկողները....: Լաւ է: Երեք ձիա-  
ւորներ՝ սքանչելի թաթար ձիերու վրայ  
նստած, որնց գայրորս անունը կու տան  
Ռւզբանիոյ մէջ, երկցան. անոնց ետեէն  
կու գայլն ուրիշներ ու ուրիշներ, և աւելի  
հեռուն ամբողջ խումբը:

Հազիւ հասեր էին պահուղտած տեղեր-  
նուն մօտ, երկու հրազինու հարուած  
շառաչեցին: Միննոյն ժամանակ Վոլո-  
տիէսքոյ եղջերուի մը պէս ճամբուն վրայ  
ցատքեց ու մանրերկոոդ մը վերջ երեք

Թաթարները աներևոյթ եղան։ Զակլոպա  
դեռ չէր սթափած ապշութենէն, երբ ար-  
դէն վոլոտիէսքոյ թշնամիները լմնցուցած,  
— առաջ. — պոռաց։

Զակլոպա կրկնել չտուաւ և երկուքը  
միասին՝ բարակ շուներու վոհմակէ մը հա-  
լածուող գայլերու պէս, սլացան։ Միւս  
թաթարները կեցան երեք դիակներու բով,  
հասկցան որ այն գայլերու խածուածքը  
մահացու է։ Կեցուցին ձիերը և իրենց միւս  
ընկերներուն սպասեցին։

— Տեսա՞ր, — բացազնչեց Վոլոտիէս-  
քոյ։ — Ես լաւ զիտեմ զանոնք կասեցնե-  
լու կերպը։

Սակայն թաթարաց քիչ մը ժամանակ  
կանգ առնելը փախուստը չէր ապահովէր։  
Թաթարները սկսան նորէն հետապնդումը,  
բայց այս անգամ ոչ բաժնուած, այլ  
խմբովին։ Փախստականներու ձիերը յոգ-  
նած, կը դանդաղեցնէին քայլերը։ Զակ-  
լոպայի ձին ամէն վայրկեան կը զթէր,  
վասն զի վրայինը շատ ծանր էր։ Զակ-  
լոպայի գլխուն վրայ գտնուած քանի մի  
մազերը տնկուեր էին։

— Զիս մի՛ թողուր, բարեկամ, զիս  
մի՛ թողուր, — կը պոռար Զակլոպա յու-  
սահատ։

— Ապահով եղիր, — կը պատասխա-  
նէր միւսը, — չեմ լքաներ զքեզ։

— Ահ։ կար…։

Անէծքը շրթանց վրայ էր նետ մը սու-  
լեց, երկրորդ մը, երրորդ մը, տասնե-  
րորդ մը, ականջէն մեղուներու և մժեղնե-  
րու երամի պէս կը բզզային։ Նետ մը  
զրեթէ երեսին քսուելով անցաւ։ Վոլո-  
տիէսքոյ թամբին վրայ դարձաւ և երկու  
ատրճանակ շեշտակի պարպեց զիրենք  
հալածողներուն վրայ։ Նոյն վայրկենին  
Զակլոպայի ձին այնպէս մը սայթաքեցաւ  
որ քիչ մնաց քիթը գետին պիտի զար-  
նէր։

— Երկնքի սուրբե՛ր, ձին կ'իյնայ, —  
պոռաց Զակլոպա սրտաճմիկ ձայնով։

— Վար իջնանք, ու անտառին մէջ  
մանենք, — հրամայեց Վոլոտիէսքոյ։

Կեցուցին ձիերը, վար ցատքեցին, խիտ  
ծառերու մէջ մտան։ Այս արագ շարժու-  
մը տեսան թաթարները՝ որոնցմէ ոմանք  
ձիերնէն իջնալով խոյացան փախստական-  
ներու ետեէն։ Ծառերու ճիւղերը յափշտա-  
կեցին Զակլոպայի գլխարկը, անզթօրէն  
երեսին կը զարնէին, զգեստէն կը բռնէին,  
ձեռքերը կը պատուէին։ Սակայն Զակլո-

պա կարծես թե ունէր ոտքերուն վրայ,  
պատանիի մը նման կը սահէր, կը ցատ-  
քէր: Կ'իյնար, կ'ելէր, աւելի՛ ուժով կը  
վազէր, փուքսի պէս կը չնչէր: Վերջա-  
պէս, առանց գիտնալու, խոր փոսի մը մէջ  
ցատքեց, ուսկից կարելի չէր դուրս ել-  
լել: Ուժասպառ ինկաւ:

— Ո՞ւր ես, — հարցուց վոլոտիէս-  
քոյ:

— Հոս, փոսին մէջ...: Լմնցաւ... դուռ  
զքեզ ազատէ:

Սակայն վոլոտիէսքոյ ինքն ալ ցատ-  
քեց փոսին մէջ ու ձեռքով ընկերոջ բե-  
րանը գոցեց:

— Լուռ կեցիր, կարելի է անցնին եր-  
թան....: Այսուհանդերձ պիտի պաշտ-  
պանենք մենք զմեզ:

Նոյն միջոցին կը հասնէին թաթարնե-  
րը: Ումանք վազելով անցան, ուրիշները  
կամաց առաջ կ'երթային ամէն տեղ փընտ-  
ռելով:

Երկու բարեկամները շունչերնին բռնե-  
ցին:

— Եթէ մէկը հոս իյնայ, — կը մտա-  
ծէր Զակլոպա, — շուտով կը լուցնեմ  
զինքը....:

Յանկարծ ամէն կողմէ կայծեր սկսան  
փայլիլ. Թաթարները կայծքար կը զար-  
նէին: Կայծքարի փայլակի լուսով կը  
տեսնուէին մութին մէջ անոնց վայրենի  
դէմբերը, ջղուտ, ուռած այտերը, մսուտ  
շրթունքները: Քիչ մը ժամանակ մօտերը  
քալեցին, սակայն միշտ աւելի կը մօտե-  
նային փոսին:

Վերջին վայրկենին, մայր ճամբուն  
կողմէն, շառաչիւն մը լսուեցաւ, իսպն-  
աղաղակներ կը վրդովէին զիշերային ան-  
դորրութիւնը: Թաթարները շունչերնին  
բռնած զետնի վրայ գամուածի պէս կե-  
ցան: Վոլոտիէսքոյ ուժով կը սեղմէր Զակ-  
լոպայի ուսերը: Աղաղակները կը շատ-  
նային: Կարմիր յանկարծական լոյս մը՝  
որուն յաջորդեց հրացանաձգութիւն մը,  
անտառին մթուլթիւնը լուսաւորեց:

Առաջին հրացանաձգութեան յաջորդե-  
ցին ուրիշներ ալ: Ապա նոր աղաղակներ.  
Ալահ, Ալրահ, երկաթներու ընդհարում,  
սուրերու շկահիւն, ձիերու դրնդիւն և  
խրիսինջ....: Կուր մը տեղի ունէր:

— Մերիները, մերիները, — պոռաց  
վոլոտիէսքոյ:

— Սպաննէ, ջախջախէ՛, զարկ, մի՛

Խնայեր, — կը պոռար Զակլոպա դիւահարի մը պէս:

Դեռ վայրկեան մ'ալ: Փոսին զիմացէն անցան, խառնի խուռն և աճարապարանօք շատ թաթարներ որոնք իրենց ընկերներուն կ'ուզէին հասնիլ: Վոլոտիէսըոյ՝ անհամբեր, դուրս ցատքեց, հասաւ փախստականներու ու կուրօրէն սկսաւ հարուածել: Զակլոպա տեղէն չշարժեցաւ. չէր կընար. շատ անգամ փորձեց, բայց ուկորները կը ցաւէին ու հազիւ ոտքի վրայ կընար կենալ:

— Այ, շուներ, — ըսաւ ինքիրեն չորս կողմը նայելով: — Կը փախչին: Ափսոս որ մէկը չմնաց հոս ինծի ընկերութիւն ըներ, անոր ցուցնէի լուսինը ջրհորին մէջ....: Ահ, պիզծ սողուններ, հիմա կ'ուտէք ծեծը, հիմա կը ջարդեն զձեղ պէտք եղածին պէս....: Սակայն աղմուկը կը շատնայ....: Արգեօք Երեմիա իշխանն է. սա միայն ձեր կողերը շիտկել գիտէ....: Աղրան, Աղրան, համբերեցէք Աղրան պիտի գոգոան ագուաւները ձեր զիտակներուն վրայ....: Բայց ի՞նչ կ'ընէ վոլոտիէսըոյն. զիս թողուց այսպէս....: Կ'ենթալրուի, երիտասարդ է, արինը կ'եռայ ....: Այս

դիպուածէն վերջ, կ'իջնեմ զետը մինչեւ դժոխք ալ....: Բայց ոչ, անիկա իրեն բարեկամը ժանտախտի մէջ թողնող մարդը չէ....: Սակայն ինչպիսի ահաւոր պիծակ, երեքը միանգամայն խայթեց ....: Ափսոս որ օղիի տիկը քովս չէ, կը խմէի իրեն կենացը....: Անշուշտ ձիերու ոտնակոխ եղաւ տիկը....: Եթէ թունաւոր կենդանի մը խածնէ զիս, այդ պիտի պակսէր....: Սակայն ինչ կայ. ի՞նչ եղաւ:

Աղաղակները և հրացանաձգութեան շառաչը կը հեռանային առաջին անտառին ուղղութեամբ:

— Ահ, ահ, — բացազանչեց Զակլոպա, — զատապարտեալները կը փախչին, զանոնք մօտէն կը հալածեն ...: Փառք քեզ Աստուած իմ Տէր:

Աղմուկն երթալով կը նուազէր:

— Ի՞նչպէս ալ կը վազեն, — շարունակեց Զակլոպա մենախօսութիւնը: — Իսկ ես ստիպեալ եմ այս ծակին խորը մնալ ....: Անշուշտ գայլի մը բերանին մէջ պիտի լմացնեմ կեանքս: Նախ Պոկուն, ապա Թաթարները, վերջապէս գայլերը ...: Տէր Աստուած, ցից հանէ զՊոկուն, իրեն զիտակը տուր գայլերուն ....: Թա-

թարները մենք կը հոգանք....: կը տես-  
նուի թէ մերինները աղէկ գործ կը տես-  
նեն....: Հէ՛, հէ՛, Վոլոտիէսքո՛յ, Վոլոտիէս-  
քո՛յ, քեզի հետ եմ:

Խոր լոռվթին մը իրեն պատասխան ե-  
ղաւ: Ծառերը կը սօսափէին, հեռուն թա-  
թարներու տկար ձայնը կը լսուէր:

— Ի՞նչ, հո՞ս պիտի քնանամ, անհան-  
գի՞ստ պիտի ըլլամ: Հէ՛յ, Վոլոտիէսքո՛յ:

Զակլոտայի համբերութիւնը վերջին կէ-  
տին հասեր էր: կը լուսանար, ձիու մը  
ոտքին ձայնը լսուեցաւ ու ծառերուն մէջ  
լոյս մը տեսնուեցաւ:

— Հոս, հոս, — պոռաց խեղճ մարդը:  
— Հոս եմ, Վոլոտիէսքոյ:

— Լաւ, դուրս ելիր ուրեմն:

— Բայց չեմ կրնար:

Վոլոտիէսքոյ՝ ջահ մը ձեռքը, փոսին  
եզերքը ծունկ չոքեցաւ, ձեռքը բարեկա-  
մին երկնցուց:

— Ահաւասիկ լմնցաւ, ալ թաթար չը-  
կայ....: Մինչև միւս անտառը հալածե-  
ցինք զիրենք:

— Ի՞նչ զունդեր էին:

— Քուշէլ և Ուազվորովսքի երկու հա-  
զար մարդով: Իմ դուակներս ալ կա-  
յին:

— Իսկ թաթարները բազմաթիւ էին:  
— Ոչ, կային մէկ երկու հազար:

— Օրհնեալ ըլլայ. Աստուած. ինձի  
խմելու բան մը տուր, ալ չեմ կրնար  
ոտքի կենալ տկարութենէս:

Երկու ժամ վերջ Զակլոպա՝ աղէկ կազ-  
դուրուած և լաւ խմած, Վոլոտիէսքոյի  
դուակներու մէջ էր ձիով, պզտիկ աս-  
պետն ալ քովը:

— Մի՛ ցաւիր, — ըսաւ, — եթէ իշ-  
խանուհւոյն հետ չենք հասնիր. չարա-  
գոյն պիտի ըլլար եթէ թշնամիներուն ձեռ-  
քը իյնար:

— Կարելի է թէ կենսան Ապարայի  
գայ:

— Ոչ, վասն զի ճամբան թաթարնե-  
րը բռնած կ'ըլլան, որոնք պիտի դառնան  
անշուշտ....: Դարձեալ վայրկենէ վայր-  
կեան Պուրլայի ալ կրնայ հասնիլ, — ուս-  
տի կենսան չի կրնար քաղաք մտնել:  
Միւս կողմանէ ալ, կոսդանդինովէն ա-  
ռաջ կու գան խմիելնիցքի և խանը:

— Ի՞նչ կ'ըսես: Այն ատեն կարելի է  
իշխանուհւոյն հետ անոնց ճիրաններուն  
մէջ իյնայ:

— Կենսան այնչափ ապուշ չէ, ժա-

մանակին կ'անցնի կ'երթայ Սպարայիի  
և կոսղանդիովի մէջէն։ Ապահով եմ որ  
չի բռնուիր։

— Աստուած տայ։

— Ազուէսէ մը աւելի խորամանկ է,  
... քեզմէ ալ։ Ո՛քափ մտածեցինք մենք  
զիշխանուհին ազատելու համար և ի՞նչ  
ըրինք. ոչ ինչ։ Կենսան ամէն բան դիւ-  
րացուց։ Իսկ հիմա, կաշին ազատելու հա-  
մար, մողեզի մը պէս պիտի սահի...։ Ա-  
պահով եղիր որ Աստուած պիտի պաշտ-  
պանէ զիշխանուհին, ինչպէս պաշտպանեց  
մինչև հիմա։

Այս խօսքերը կենդանութիւն տուին  
Զակլողայի ու սկսաւ մտածել։

— Տեղեկացար, — հարցուց քիչ մը  
վերջ, — ի՞նչպէս է Աքշեղուցը։

— Սպարայի է, և, գոհութիւն Աստու-  
ծոյ, աղէկ է։ Ասսվիլիքովսըի հետ ե-  
կեր է։

— Ի՞նչ պիտի ըսենք անոր։

— Հոս է խնդիրը։

— Միշտ պիտի կարծէ որ խեղճ աղ-  
ջիկը Քիէս մեռեր է։

— Այո՛, շիտակ է ըսածդ։

— Քուշէլի կամ ուրիշի մը ըսիր թէ  
ուսկից կու գանք։

— Ո՛չ, վասն զի նախ քեզի խորհուրդ  
հարցնել կ'ուզէի։

— Ես կարծեմ, լաւ է լոել։ Եթէ,  
Աստուած մի՛ արասցէ, աղջիկը նորէն  
թաթարներուն կամ Ղազախներուն ձեռքը  
իյնայ, Աքշեղուցը կը մեռնի ...։ Նոր  
ցաւը անոր հին վէքբերն ալ պիտի բա-  
նայ։

— Ես ապահով եմ որ կենսան զա-  
նիկա կ'ազատէ։

— Ես ալ իմ գլուխս գրաւի կը գնէի  
յօժարութեամբ, բայց ... դժբաղդութիւնը  
հիմա օդին մէջ կը քալէ ու ժանտախտի  
պէս վրադ կը կպչի...։ Լաւ է լոել, ու  
ամէն բան Աստուծոյ կամացը թողուլ։

— Թող այդպէս ըլլայ։ Կը վախեմ  
սակայն որ Բոտպիթիէնդա ամէն բան  
պատմած ըլլայ Աքշեղուցը։

— Ըսել է դուն զինքը չես ճանչնար։  
Ասպետի պատույ խօսք տուեր է, բերանը  
չի բանար։

Իրենց մօտեցաւ Քուշէլ։ Առաւտեան  
արևու առաջին ճառագայթներու տակ ա-  
ռաջ գնացին միասին, կը խօսէին զինուոր-  
ներու շարժումներու վրայ, անոնց Սպա-  
րայիի մէջ կեդրոնանալուն, Երեմիա իշ-

Խամին հրամանատարութիւնը ընդունելուն,  
անոր մօտալուդ գալստեան և Խմիելնից-  
քի անհամար զօրաց հետ զարնուելուն  
վրայ :

¶.

Վոլոտիէսքոյ և Զակլոպա Սպարայիի մէջ  
գտան արքունի բանակը՝ որ թշնամոյն  
կը սպասէր։ Հոն էր նաև Օսպրորոկ տա-  
կառապետը, որ կոսղանդինովէն եկեր էր,  
հոն էր Լանցըրորոնսքի՝ Գամէնեցի բեր-  
դակալը՝ որ արդէն զարնուեր էր թշնամ-  
ոյն հետ ի Պար. հոն էին հրամանատար  
Ֆերլէյ Տոմպրովիցա՝ Պէլարի բերդակա-  
լը, Անդրէս Սէրաբրովսքի՝ արքունի քար-  
տուղարը, Գոնիեցըրուքի՝ Ռոշակիրը, Բը-  
րիէմսքի՝ թնդանօթաձիգ զօրավարը, որ  
շատ կտրիճ էր թէ յարձըկելու և թէ բեր-  
դերը պաշտպանելու, արագ պատնէշներ  
շինելու և դիրքեր ընտրելու մէջ, և ա-  
սոնց հետ տասը հազար ընտիր զօրք, թող  
Երեմիա իշխանին զօրագունդերը՝ որոնք  
արդէն Սպարայի կը գտնուէին :

Բրիէմսքի՝ Նետցէէն և Երկու ճախճա-  
խուտնէրէն անդին, քաղաքին և բերդին  
հարաւային կողմը զրած էր բանակը, ո-  
տար զրութեան համաձայն զօրացնելով  
զայն. միայն ճակատէն կարելի էր յարձը-  
կիլ անոր վրայ, վասն զի Երեք կողմէն  
պաշտպանուած էր ճախճախուտնէրէն,  
բերդին և գետէն։ Այդ դրից մէջ կ'ուզէին  
հրամանատարները դիմադրել Խմելնից-  
քի, մինչև հասնէր թագաւորը մեծ բա-  
նակովը և ազգային զինուորութեամբ։  
Բայց գիտնալով թշնամոյն ոյժը, գոր-  
ծադրելի՝ էր արդեօք այս ծրագիրը։  
Շատերը կը տարակուսէին, և ոչ ա-  
ռանց պատճառի. բանակին մէջ ծածուկ  
կը վիճէին այս խնդրոյն վրայ։ Հրամա-  
նատարները՝ ոչ յօժարութեամբ, այլ միայն  
իշխան Երեմիայի փափաքանաց տեղի տա-  
լով, եկեր էին Սպարայի։ Խսկզբան կ'ու-  
զէին կոսղանդինովը պաշտպանել, բայց  
երբ լսուեցաւ թէ Երեմիա հրամանատա-  
րութիւնը յանձն կ'առնէր միայն այս  
պայմանաւ որ պաշտպանութեան կէտը  
Սպարայի ըլլայ, այն ատեն զինուորները  
յայտնեցին որ միայն Սպարայիի մէջ կը  
կոռւին։ Ընդունայն եղաւ ամէն համոզէ

Խօսք ու հրամանատարները հասկցան որ,  
եթէ պնդեն, բոլոր զինուորները, նուսարւ  
ներէն սկսեալ մինչև օտար վերջին հե-  
տեակազօրը, զիրենք պիտի թողուն ու  
վիսնիովիեցքիի դրօշակին տակ պիտի  
անցնին։ Անսաստութեան այն ամենաղըժ-  
բաղդ գէպցերէն մէկը պիտի ըլլար, ո-  
րոնք յաճախ կը հանդիպէին այն ժամա-  
նակները և որոնց պատճառն էր զօրա-  
վարներու անկարողութիւնը, անհամաձայ-  
նութիւնը, անհուն սարսափն՝ զոր ու-  
նէին խմբելնիցքիէն, անլուր պարտութիւն-  
ները, մանաւանդ թիւավցէի պարտութիւ-  
նը։

Այսպէս հրամանատարները չուզելով  
Սպարայի եկան՝ ուր, գէպքերու բերմամբ,  
արքունի իշխանութիւնը վիսնիովիեցքիի  
ձեռքը պիտի անցնէր, վասն զի զինուոր-  
ները միայն անոր հրամանին տակ մա-  
հուանէ չէին վախնար, անոր միայն կը  
հնազանդէին, անոր դրօշակին տակ միայն  
կ'ուզէին պատերազմիլ։ Սակայն մեծ զօ-  
րավարը բանակին մէջ չէր, անոր համար  
անկարողութիւնը տիրեր էր, տժգոհութիւն-  
ները շատցեր և կարգապահութիւնը օր  
ըստ օրէ կը թուլնար։ Ամենքը գիտէին որ

Խմիելնիցքի և խանը այնպիսի զինեալ  
բազմութեամբ կը քաւէին Սպարայիի վը-  
րայ որուն նմանը չէր տեսնուած եր-  
բէք Դիմուրլանտի ասպատակութենէն ի  
վեր։ Ամէն վայրկեան ձախորդ լուրեր կը  
հասնէին բանակը՝ որոնք կը վհատեցնէին  
զինուորները։ Երկիւղ կար որ անակնկալ  
խուճապ մը չցրուէ Սպարայիի մէջ հա-  
ւաքուած զօրագունդերը, վերջին պա-  
րիսպ ընդ մէջ խմիելնիցքիի և Հասա-  
րակապետութեան։ Հրամանատարները՝ ո-  
րոնց ձայնը չէր լսուեր և որոնց չէին  
հնազանդեր, գլուխնին կը կորսնցնէին։ ի-  
րաւցնէ միայն Երեմիա իշխանը կարող  
էր աղէտքին դէմին առնել որ կը սպառ-  
նար բանակին և բոլոր երկրին։

Զակլոպա և Վոլոտիէսքոյ Քուշէլի հետ  
չոն հասնելով, յորձանքին մէջ ինկան։  
Հազիւ հասեր էին հրապարակը բարեկամ-  
ներ և ընկերներ հարցմունքներով վրանին  
յարձըկեցան։ Հետաքրքիրները՝ տեսնելով  
թաթար գերիները, սիրտ առին։

— Ահ, ահ, ծեծը կերեր են, — կը-  
սէին զինուորները։ — Վերջապէս յաղ-  
թութիւն մը վաստկեր ենք։

— Քիչ վերջ, — կը պատասխանէին

ուրիշներ, — Պուրլայի մնացածներովը կը հասնի:

— Պուրլայի կու գայ... ի զէն, պարհսպներովն վրայ:

Քուշէլի յաղթութեան լուրը երթալով կը մեծնար: Ամբոխը թափարներու չորս կողմը խոնեցաւ: «Ի մահ, ցից հանուին» կը պոռար: Սպառնալիք և հարցմունք մէկմէկու կը խառնուէին: Քուշէլ, առանց պատասխան մը տալու, ուղղակի ֆիրւէյի քով գնաց տեղեկութիւններ տալու: Վուստիչսքոյ և Զակլոպա իրենց հոռողէն զօրագունդներու ընկերներուն հարցմանց կը զգուշանային պատասխան տալու, կը փութային Արշեղուցքին տեսնել:

Բերդին մէջ գտան զինքը ծեր Սասվելիքովսքիի, երկու Բեռնարդեան կրօնաւորաց և Լոնկինոս Բոտպիրիէնդայի հետ: Տեղակալը երր տեսաւ Վոլոտիէսքոյն և Զակլոպան այլայլեցաւ քիչ մը և աչքերը գոցեց, շատ յիշատակներ արթընցան մըտքին մէջ յանկարձ: Սակայն անխոռվ ընդունեցաւ զիրենք, հարցուց թէ ուր էին վերջերս, և արուած պատասխանէն գոհ մնաց....: Եւ որովհետեւ հաւատացեր էր իշխանուհւոյն մահուան, միիթարութիւն

մը չէր սպասել, և ոչ բարեկամներուն երկար բացակայութիւնը հեռաւոր իսկ կասկած մը կրնար յարուցանել մտքին մէջ: Վոլոտիէսքոյ և Զակլոպա ալ գաղտնիքը չյայտնեցին, թէպէտ Լոնկինոս աչքի տակէն անոնց կը նայէր, կը հառաչէր, ասդին կը դառնար, անդին կը դառնար, կերպով մը անոնց դէմքին վրայ կարդալ կ'ուզէր թէ ի՞նչ ելք ունեցեր է արշաւանքը: Սակայն երկու բարեկամները Արշեղուցքիով զբաղած, Լոնկինոսի մտատանջութեան ուշ չէին կրնար դնել: Վուստիչսքոյ իրեն սիրելի ընկերը՝ որ այնչափ նեղութիւն կըեր էր, համբուրելէն չէր դադրեր:

— Նորէն մէկ տեղ եկանք ամենքնիս, — ըսաւ: — Մեզի հետ հանգիստ պիտի ըլլաս: Թիչ ատենէն մեծ պատերազմ մը պիտի ունենանք. ճշմարիտ զինուորի մը համար ուրախութիւն մըն է յուսով վի: Աստուած քեզի ոյժ տայ որ անզամ մ'ալ հուսարներուդ դէպ ի յաղթութիւն առաջնորդես:

— Գոհութիւն Աստուծոյ, աղէկ եմ, — պատասխանեց Արշեղուցքի: — Իմ ուղածս ալ այդ է:

Իրացնէ առողջացեր էր։ Երիտասարդութիւնը յաղթեր էր հիւանդութեան, միայն սկ մօրուցին մէջ քանի մի սպիտակ թելեր կը տեսնուէին։ Քիչ կը խօսէր, բայց երբ պատերազմի վրայ խօսք կ'ըլլար յօժարութեամբ մտիկ կ'ընէր։ Խիստ՝ պարտուց մէջ, զանոնք կը կատարէր իրեւ ճշմարիտ զինուոր։ բերդին, բաղաքին, բանակին մէջ միայն պատերազմի վրայ կը խօսուէր։ Ծեր Սասվիլիքովսքի թաթարներու և Պուրլայիի վրայօք՝ որ իրեն հին ծանօթն էր, տեղեկութիւններ կը հարցնէր։

— Ո՞հ, կատարեալ պատերազմի մարդ մըն է, — ըստւ, — ափսոս որ ռամկին հետ միացեր է իրեն հայրենեաց դէմ։ Ի Քաղեմ միասին էինք…։ Այն ատեն դեռ երիտասարդ էր, և մեծ յոյսեր կու տար։

— Բայց ի՞նչպէս նա Գամինէցէն կու գայ, — հարցուց Սքշեդուցքի։ — Ինքը Տնիքերէ անդիի երկրէն չէ ու այն կողմի մարդիկը չե՞ն որոնց կ'առաջնորդէ։

— Կը տեսնուի թէ Խմիենիցքի իրեն Գամէնէց ձմերել հրամայեր է, վասն զի Թուկայի-պէյ Տնիքերի մօտերն էր և չէր կընար տեսնել Պուրլային՝ որ այն շուն

թաթարներուն սարսափին եղած է միշտ։  
— Իսկ հիմա դաշնակից են։

— Բարէ, — հառաչեց Սասվիլիքովսքի, — ահա թէ ի՞նչ ժամանակներու հասանք։ Սակայն, որպէս զի մէկզմէկ չխածնեն, Խմիենիցքի կը սանձէ զիրենք։

— Շուտ կը հասնին, — հարցուց Վոլոտիէսքոյ։

— Օրէ օր կը սպասենք։ Սակայն ոչ ոք զիտէ։ Հրամանատարներու պարտքն է երկրախոյզներ հանել, ու բան մը չեն ըներ։ Հազիւ յաջողեցայ զի՞ուշէլ հարաւային կողմը դրկել տալ, և Յիկլովսքին՝ ի Զեկլանսքի՝ Գամէն։ Ես ալ կ'ուզէի երթալ, սակայն սա պատերազմի ժողովքները երբէք չեն լմննար. . . .։ Աստուածտայ շուտով հասնի Երեմիա իշխանը, ապա թէ ոչ Բիլավցէի ամօթը պիտի կրկընուի։

— Տեսայ զինուորները, — ըստւ Զակլոպա, — որոնք աւելի ապուշի դէմք ունին քան կտրիմ մարդու։

— Ի՞նչ կ'ըսես, — պատախանեց ծերը։ — Քու քաջութեանդ վրայ չեմ տարակուսիր, թէպէտ երբեմն ուրիշ գաղափար ունէի, բայց զիտցիր որ Հասարա-

Կապետութեան ամենէն կտրիճ ասպետները հաւաքուեր են հոս: Անոնց զօրավար մը կը պակսի: Լանցքըրոնսըի կտրիճ է, բայց իրեն համար. Թիրլէյ ծեր է. տա կառապետը՝ Տոմինիկոս իշխանին հետ մեծ անուն վաստկեցաւ ի Բիլավցէ: Բընական է թէ զինուորները այսպիսի զօրավարներու չեն հնազանդիր: Ամէն զինուոր պատրաստ է մեռնելու, եթէ զիտնայ թէ պարապ տեղ չէ որ կը մեռնի . . .: Հիմա փոխանակ պաշարման վրայ մտածելու, կը վիճեն, կը կոռւին թէ ինչ գիրք պիտի բռնէ իւրաքանչիւրը:

— Բաւական պաշար կայ, — հարցուց անհանգիստ Զակլուպա:

— Պէտք եղածին չափ չկայ: Եթէ պաշարումը մէկ ամիս տեւէ, ձիերուն՝ խոտի տեղ, բար պիտի կերցնենք:

— Ժամանակ կայ հոգալու, — նկատեց Վոլոտիէսքոյ:

— Ապրին, բայց գնա՛ հասկցուր սաշատախօսներուն . . .: Երանի՛ թէ իշխանը շուտով հասնէր:

— Դուն միայն չես անոր գալստեան փափաքող, — ըսաւ Լոնկինոս:

— Գիտեմ . . .: Հոն, բերդին վրայ նա-

յեցէք: Ամենքը պարիսպներու վրայ խըռնուած անձկութեամբ դէպի ի Հին Սպարայի կը նային. ոմանք մազլցելով աշտարակներու վրայ կ'ելլեն աւելի հեռուն տեսնելու համար, և եթէ մէկը պոռայ կատակով. « Ահա, ահա » զինուորները ուրախութենէ կը խենթնան: Ինչպէս եղջերուն ջուրի, նոյնպէս մենք անոր տեսութեան ծարաւի ենք: Ո՛հ, երանի՛ թէ Խմիելնիցքիէն առաջ հասնի . . . սակայն վախեմ թէ զինքը արգիլեն և ուշացնեն:

— Խոկ մենք ամէն օր Աստուծոյ ազօթք կ'ընենք որ զինքը շուտով դրկէ մեզի, — ըսաւ կրօնաւորներէն մին:

Հասարակաց աղօթքը և խնդրուածքը պէտք էր որ շուտով լսելի ըլլային, թէպէտ երկրորդ օրն ալ տիսուր լուրեր հասան: Յուլիս 8, Հինգշարթի օրը, ահեղ փոթորիկ մը փրթաւ քաղաքին վրայ: Տեղատարափ անձրեսց, հողաբլուրներէն մաս մը փլաւ: Նետցէ և ճախճախուտները յորդեցին: Երեկոյեան՝ կայծակը Թիրլէյի դրօշակը խորտակեց և շատ մարգիկ սպաննեց: Այս՝ չարագուշակ բան մը նըշկատուեցաւ, մանաւանդ որ Թիրլէյ կալվինական էր: Զակլուպա առաջարկեց որ

պատգամաւորութիւն մը ղրկուի իրեն որ  
զինքը համոզէ կաթոլիկութեան դառնալ,  
որպէս զի ամբողջ բանակը աստուածային  
պատուհասէն ազատի: Շատերը իրեն կար-  
ծիքէն եղան, բայց պատգամաւորութիւնը  
չզրկուեցաւ: Պարիսպները հոս հոն թնդա-  
նօթներու ծանրութեան տակ տեղիք տուին,  
հարկ եղաւ գերաններով վեր բռնել հաս-  
տոցները: Խոր ջրանցքներու մէջէն հե-  
ղեղօրէն կը վազէր ջուրը: Արևելեան կող-  
մը ամպերը մէկմէկու վրայ կը դիզուէին:  
Ամէն մարդ քաղաք ապաստանեցաւ, գուրա-  
մնացին միայն վրաններու տակ բնակող  
վինուրները: Եթէ նոյն ատեն վրայ հաս-  
նէր խմիելնիցքի, առանց հարուած մ'արձը-  
կելու, կրնար տիրել բերդին:

Երկրորդ օրը, իրիկուան դէմ, արևմը-  
տեան հարաւային զօրաւոր հով մը ամպերը  
փարատեց, երկնքի կապոյտ կամարին վր-  
րայ փայլեցաւ ծիածանը: Հրամանատար-  
ները բանակը դարձան, ելան պարիսպնե-  
րուն վրայ այն պարզութեան սքանչելի  
տեսարանը դիտելու: Վոլոտիէսքոյ ուրիշ-  
ներու հետ խրամատին եղերքը կեցեր էր,  
և ձեռքը հովանի բռնած աչքին վրայ, կը  
դիտէր հետուն այն կէտը ուր ծիածանին

մէկ ծայրը իջեր էր Հին Ապարայիի վրայ:  
Յանկարծ ճիչ մ'արձակեց:

— Զինուորներ . զինուորներ՝ որոնք  
առաջ կու գան:

Նփոթութիւն մը տեղի ունեցաւ, ամբո-  
խը՝ բուռն հովէ մղուած ալիքներու նման,  
խմբովին վազեց : « Զինուորներ՝ որոնք  
առաջ կու գան » խօսերը կայծակի ա-  
րագութեամբ տարածուեցան պարիսպնե-  
րու երկայնութեամբ: Կը վազէին զինուոր-  
ները, կը խոնէին մէկմէկու վրայ, կը մա-  
զրցէին, ամենքը ձեռքերնին հովանի բռո-  
նած աչքերնուն վրայ, կը դիտէին շուն-  
չերնին բռնած: Իրաւցնէ, ծիածանին գու-  
նաւոր ահազին աղեղին տակէն բան մը  
դէպ ի առաջ կը շարժէր, քիչ մը վերջ ալ  
կասկածի տեղի չմնաց, երկնքի կապոյտ  
կամարին տակը որոշ կը տեսմուէին դրօ-  
շակներ՝ մեծ և պղտիկ, նիզակներ: Միակ  
բարձր, ուրախ աղաղակ մը արձագանգ  
տուաւ.

— Երեմիա, Երեմիա, Երեմիա:

Ամէն մարդ ուրախութենէն կու լար, կը  
ծիծաղէր: Ոմանք հետիւտն, այլք ձիա-  
տը, գունդերը դիմաւորելու վազեցին:

— Մեր ազատարարը, մեր հայրը

Արով ու Հրով Դ.

մեծ զօրավարը. — կը գոռային յուզեալ զինուորները:

Կարծես Խմիելնիցքի խորտակուեր էր ու պաշարումը վերցուեր: Աքշեգուցքի՝ որ Լոնկինոսին քովը կեցեր էր, հեռուէն ճանչըցաւ իրեն զօրագունդը՝ որ Զամոսդ մնացեր էր, տժգոյն երեսները շառագունեցան: Գունդերը հազար քայլ միայն հեռու էին: Քաղաքին սպայներն ալ պարիսպներու վրայ եկան, Երեմիա իշխանին շքեղ մուտքը զիտելու: Հոն էին արդէն հրամանատարները և բոլոր լեհ և օտար աստիճանաւոր անձնաւորութիւնները: Ամենքը առհասարակ ուրախութեան կը մասնակցէին, ամենէն աւելի զուարթ էր Լանցքուրոնքի՝ որ աւելի քաջ զինուոր մըն էր քան զօրավար. հրամանատարութեան գաւազանը ուղղելով դէպ ի առաջ եկող գունդերը բարձրածայն ըստաւ.

— Ահաւասիկ մեր մեծ զօրավարը և նախ ես կը յանձնեմ իրեն իմ հրամանատարութեան գաւազանս: — Զօրագունդերը սկսան բանակը մտնել: Բնդ ամէնը երեք հազար հոգի էին, սակայն տասը հազարէն աւելի կ'արժէին, վասն զի Բոկրեպիչայի, Նէմիրովի, Մարնովայի և կոս-

գանդինովի համբաւաւոր յաղթականներն էին: Ասոնց ետևէն կու զար Վուրցէլի ստուարազէն թնդանօթաձիգ գունդը, չորս լորտուահրետ, երկու հրասանդ և վեց թնդանօթ: Իշխանը միայն արևմուտքէն վերջ հասաւ: Դիմաւորելու ելան իրեն ջահերով, ճրագներով, կանթեղներով, և այնպէս խոնեցան անոր սպիտակ ձիուն չորս կողմը որ քայլ մ'առնել կարելի չէր: Ամէն մէկը կ'ուզէր նախ ինքը համբուրել անոր զգեստին բղանցքը: Լեհ կամ ոչ զինուորները ուրախութեամբ զինովցած երդում կ'ընէին անվճար ծառայել անոր հրամանին տակ տարւոյն մէկ երրորդ մասը: Կեցցէն ներու վերջը չէր զար: Պայծառ երկնքի կամարին վրայ շողշողուն աստղները կը ծագէին հետզէնոտէ: Այն վայրկենին՝ յորում Լանցքուրոնաքի իշխանինը մօտենար գաւազանը անոր յանձնելու համար, աստղ մը երկնքի կապոյտ կամարէն սահէլով ու լուսաւոր հետք մը թողլով աներեսոյթ եղաւ կոսդանդինովի ուղղութեամբ՝ ուսկից պիտի զար Խմիելնիցքի:

— Խմիելնիցքի աստղն է, — պոռացին զինուորները: — Հրաշը, Արաշը: Կեցցէ Երեմիա:



Հազարաւոր ձայներ կրկնեցին նոյն աշողակը: Գամչնէցի բերդակալը ձեռքը շարժեց. լոռվթիւնը տիրեց:

— Թագաւորը, — ըստ իշխանին մօտենալով, — տուաւ ինծի այս գաւազանը, սակայն ես զայն քու ձեռքդ կը յանձնեմ՝ որ աւելի արժանաւոր է, ո՛ յաղթականդ, և ամենէն առաջ ես կը սպասեմ քու հրամաններուդ:

— Մենք ալ իրեն պէս, — կրկնեցին ուրիշ երկու հրամանատարներ ալ, և երեք գաւազան դէպ ի իշխանն երկնցան:

Բայց նա հեռացնելով զանոնք, ըստ.

— Ես չյանձնեցի ձեզի այդ գաւազանները, հետևաբար ես չեմ կրնար առնել ձեր ձեռքէն:

— Այն ատեն քու գաւազանդ թող հրամայէ մեր երեքին:

— Կեցցէ Վիսնիովիկեցքի. կեցցէ զըլիստոր հրամանատարը, — պոռացին զինուորները: — Ապրիլ և մեռնիլ քեզի հետ:

Նոյն վայրկենին իշխանին ձին զլուխը վեր վերցուց, թօթուեց կարմիր ներկուած բաշերը և այնպէս բարձր իրինջաց որ բուլոր ձիերը կարծես մոգական գաւազանի մը հրամանին հնազանդելով, միաբերան պա-

տասխանեցին: Այս ալ յաջողութեան նշան էր: Ուազմիկներու խանդավառ սրտերը տրոփեցին. հարիւրաւոր սուրեր շողացին օդին մէջ, հազարաւոր կռուիներ սպառնալից երկնեցան դէպ ի թշնամին:

— Եկէք հիմա, շան զաւակներ, — կը պոռացին: — Եկէք որ զձեզ կտոր կտոր ընենք:

Գիշերը ոչ ոք քնացաւ, և մինչև լոյս աղազակներով և ջահերով ասդին անդին վազելով անցուցին:

Առաւօտը զարձաւ Աէրաքովսքի Քալկանսքի-Քամէի կողմերը քննութիւններ ընելէն վերջ և լուր բերաւոր թշնամին քսան մղոն միայն հեռու էր բանակէն: Զոկատը ընդահարում մը ունեցեր էր թաթար խումբերու հետ և կորսնցուցեր էր երկու Մանքովսքիները, Օլէցսի և ուրիշ քանի մի սպայներ: Տեղեկութիւններ տուող գերիներու խօսքին համեմատ այն խումբերուն ետևէն կու գային խանը և խմիելնիցքի: Ամբողջ օրը պատերազմական պարաստութիւններով անցաւ: Իշխանը հրամանատարութիւնը ստանձնելով, սկսաւ բանակը պատերազմական կարգաւ շարել: Եփոթութեան և անհամաձայնութեանց

յաջորդեց կարգապահութիւնը։ Կէս օրին ամէն ոք իրեն զիրքերուն վրայ էր։ Դուրս զրկուած մկնզաւորք շուտ շուտ կը զառնային և շրջակայից մէջ հանդիպածներու լուրերը կը բերէին։ Բանակի ծառայները շրջակայ զիւղերէն պաշար և խոտ կը բերէին բանակը։ Պարիսպներու վրայ, պատերազմելու պատրաստ զինուորները կը շաղակրատէին։ Գիշերը խաղաղ անցաւ։ Արշալուսին, վիանեվեցի ուզզութեամբ, սև բան մը երկցաւ։ Զանզակները հնչեցին և փողերը ի զէն կանչեցին։ Հետեակազօր գունդը պարիսպներու վրայ ելաւ, հեծելազօրը պարապ միջոցները զրաւեց, պատրաստ յարձակման, խրամատին երկայնութեամբ հրեսանիներու պատրոյգները կը միային ծուխի նուրբ սիւներ բարձրացնելով դէպ ի վեր։ Իշխանը ինքնին՝ իրեն մպիտակ ձիուն վրայ նստած, երկցաւ պարիսպներուն վրայ, արծաթապատ զրբահով, զլիիբաց և անխոռվ դէմքով։

— Տեարք, — ըսաւ պարիսպին երկայնութեամբ ձիավարելով, — հիւրեր կը հասնին մեզի։

Զինուորներու մէջ խոր լոռութիւն մը կը տիրէր։ Թշնամին երկու հազար բայլ հեռաւորութեամբ մօտեցաւ։

Չէին տեսնուեր գեռ ոչ խմիելնիցքի և ոչ խանը. աղեղներով, լայնբերան հրացաններով ու սուրերով զինուած թաթար յառաջապահ գունդ մըն էր։ Խմբովին մեկներ էին վիսնէվցէն, գերի բռներ էին հազար հինգ հարիւր մարդ որոնք դուրս դրկուած էին դարման հաւաքելու համար։ Կէս լուսինի ձևով շարուած հակառակ կողմէն դէպ ի Հին Սպարայի կը շարժէին։

Իշխանը՝ երբ ճանչցաւ խմիելնիցքի դաշնակիցները, հրամայեց հեծելազօր գունդին դուրս յարձրկիլ։ Զօրագունդները սկսան դուրս ելլել փեթակներէն դուրս խուժող մեղուներու նման։ Դաշտը ձիաւոր և հետեակ զօրբով ծածկուեցաւ։ Հեռուէն կը տեսնուէին սպայները որոնք գումարտակներու դիմացէն քառասմբակ կ'անցնէին և կարգի կը զնէին զանոնք։ Թաթարլումբէն բաժնուեցան երկու գումարտակներ, ասոնց դէմ թեթև վազքով շարժեցաւ հեծելազօրը առաջնորդութեամբ կարմրժեռ Վերշիովի՝ որուն ձին առաջի ոտքերը վեր կը բարձրացնէր անհամբեր խոյանալու խառնուրդին մէջ։ Երկինք պայծառ էր և անամպ։

Նոյն վայրկենին Հին Սպարայի կողմէն երկցաւ պատիկ բեռնակառը մը որ նա-

Խընթաց օրը իշխանին միւս գունդերուն  
հետ չէթ կրցած համնիլ, ու հիմա սրար-  
շաւ կ'ընթանար ձեռք չիյնալու համար։  
Թաթարներու կէս լուսինը Ալրահ պռուա-  
լով խոյացաւ անոր վրայ։ Վերշիուլի զի-  
նուորները մրրկի պէս յարձըկեցան զա-  
նոնք ետ մղելու համար։ Սակայն թա-  
թարները՝ աւելի արագ, արդէն սև ժա-  
պաէնի մը պէս շրջապատեց սայլը, ու  
միհնոյն ժամանակ բազմութիւնը ոռնա-  
լով դիմեց Վերշիուլի վրայ ջանալով շրր-  
ջապատել զինքն ալ։ Հոս տեսնուեցաւ Վեր-  
շիուլի հմտութիւնը և իրեն զինուորներուն  
կտրիճութիւնը։ Տեսնելով որ թաթարները  
իրեն վրայ կը յարձըկին աջէն և ձախէն,  
իրեն ուժերը երեքի բաժնեց ու թերուն  
վրայ յարձըկիլ հրամայեց։ ապա չորսի  
բաժնեց, ապա երկուքի, և ամէն անգամ  
ստիպեց զթշնամին որ ճակատ փոխէ։  
Չորրորդ շարժման ճակատ առ ճակատ  
զարնուեցան թշնամոյն դէմ, սակայն  
Վերշիուլ այնպիսի թափով թշնամոյն  
տկար կողին վրայ յարձըկեցաւ որ խոր-  
տակեց զայն, թշնամոյն ետել անցաւ,  
գահավիժարար խոյացաւ բեռնակառքին  
պաշտպանութեան, բնաւ փոյթ չընելով

թէ կոնակը կը թողու թշնամոյն։ Պա-  
րիսպներու վրայէն դիտող հին զինուոր-  
ները բացազանչեցին։ «Թշուառութեանս։  
միայն իշխանին զօրավարները կարող են  
այսպիսի հարուածներ տալ»։ Իսկ Վեր-  
շիուլ սայլը պաշարող թաթարներու շրր-  
թայն խորտակեց ու մէջը մտաւ։ այն ա-  
տեն փոխանակ երկու կէտի վրայ, մէկ  
կէտի վրայ տեղի ունեցաւ կոփւը։ Երեղ  
էր տեսարանը։ Կոռոյ ասպարէզին մէջ  
տեղը բեռնակառքը՝ շարժական բերդի  
մը պէս, ծխոյ երկայն սիմներ կ'արձըկէր  
ու բոցեր դուրս կու տար, չորս կողմը՝  
սև մրջիւններու պէս, կը դառնային թա-  
թար ձիաւորները։ Ճիչ, շառաչ, սուրերու  
փայլ։

Պզտի բեռնակառքը յուսահատօրէն կը  
պաշտպանէր ինքզինքը։ Եւ ահա զաշտ  
ելան Քուշէլի և Վոլոսիէսքոյի դակոն-  
ները, կարծես կարմիր տերեններ էին հո-  
գէն մղուած։ Թաթարներու բազմութեան  
վրայ խոյացան և աներեսոյթ եղան անոր  
մէջ, իբր անտառի մը մէջ։ Օգնական զի-  
նուորութիւնը կը զարմանար, բայց իշխա-  
նը դիտմամբ այսպէս կ'ընէր որպէս զի  
տեսնէր նա իրեն զործածած ոյժը և սիրտ

առնէր աւելի մեծագոյն ընդհարմանց բախելու: Յեռնակառքին շուրջը հրացանաձը՝ զութիւնը կը նուազէր, կամ ժամանակ չկար նորէն լեցնելու հրացանները կամ հրացանի փողերը չափազանց տաքցեր էին: Իշխանը ուրիշ նշան մըն ալ տուաւ. հուսարներու երեք զումարտակներ, որոնց կը հրամայէին Արշեղուցքի, Բիկլովսքի և Քրասնովսդավի գահերէցը, յարձրկեցան Թաթարներու վրայ, խորտակեցին զանոնք, մղեցին դէպ ի անտառը, մեծ կոտորած տուին: Ուրախութեան աղաղակներով բեռնակառքը մուաւ բանակը:

Սակայն Թաթարները, գիտնալով որ Խմիելնիցքի և Խանը ետենէն կու գան, չցրուեցան, նորէն երեցան, զրաւեցին ճամբանները, բլուրները, խրճիթները, չորս կողմ ծխոյ սև սիւնակներ դէպ ի երկինք կը բարձրանային: Խիզախսագոյններէն շատերը մինչեւ պատնէշները առաջ եկան՝ որոնց վրայ կամ խմրովին կամ զատ զատ կը յարձրկէին իշխանին զինուորները: Վերշիուլ չէր կրնար մասնակցիլ, վասն զի զլիէն վեց տեղով վիրաւորուեր էր ու զգայազիրկ կը պառկէր: Անոր տեղը անցաւ Վոլոտիէսքոյ: Այս պատիկ պատե-

րազմները՝ զորոնք իբր տեսարան, պարըստին վրայէն կը դիտէին, մինչեւ իրիկուն տեսեցին, ու լմացան Թաթարներու փախըստամբ՝ որոնք ոչ սակաւ գերիներ ալ թուղուցին: Վոլոտիէսքոյի կարմիր համազգեստը ամէն կողմ կը տեսնուէր, և անոր սուրին փորձ հարուածներուն տակ Թաթարները ճանձի պէս կը թափէին վար: Արշեղուցքի՝ իբրև սքանչելիք, կը ցուցնէր զանիկա իրեն զինուորներուն, իսկ Զակլուպա, թէպէտ շատ հեռուէն, կը խըրախուսէր:

— Տեսէք, — կ'ըսէր, — ես սորվեցուցի իրեն սուր զործածելու արուեստը...: Խնչպիսի աշակերտ, քիչ վերջ իրեն վարպետին ալ պիտի կարենայ յաղթել:

Արեւ մարը մտեր էր ու պատերազմողները կամաց կամաց կը քաշուէին ասպարէզէն՝ ուր ցըռուած էին մարդիկներուն և ծիերու զիակները: Գիշերը կը յառաջէր, երկինք դեռ բոլորովին մութ չէր, Հրդեհեալ ծառերու բոցը կարմիր կը ներկէր զայն: Թառչուններու երամներ անտառնէն կը բարձրանային և երբ սարսափահար կարմիր ծուխին մէջէն կ'անցնէին կը նմանէին օդը կարող բոցերու: Կենդանիները կը բառաչէին:

— Կարելի բան չէ, — կ'ըսէին փորձ զինուորները, — որ այդ թաթար պզտի ջոկատը այդպիսի հրդեհ մը բռնկցուցած ըլլայ : Անշուշտ Խմիելնիցքի իրեն Դաշտիներու և Թաթարներու մեծ բանակով առաջ կու գայ : Զէին սփալեր : Արդէն Սէրաբովսքի նախընթաց օրը ըսեր էր որ Զաբորոժի Աթամանը շատ հեռու չէր յառաջապահ գունդէն : Բոլոր զինուորները պարիսպներու վրայ վագեցին, բաղաքացիք աշտարակներու ու տանիքներու վրայ ելան, եկեղեցիներու մէջ կիները կու լային ու կ'աղօթէին : Ահաւոր անըստու գութիւնը ամենուն վրայ կապարի պէս կը ճնշէր :

Սակայն երկայն չտեեց : Գիշերը դեռ իրեն սև վերարկուով չէր ծածկած բոլորովին բերգաքաղաքը, երբ արդէն հորիզոնին վրայ երեցան զազախ առաջին գիծերը և ասոնց ետեկն անհուն սև կոյտ մը, կարծես բոլոր անտառները միասին Սպառայիի վրայ կու գային : Խմիելնիցքի զինուորները պարիսպներէն գրեթէ մղոն մը հեռու կանգ առին ու կրակներ վառեցին :

— Տեսէք, ի՞նչ բազմութիւն կրակներու, — ցած ձայնով կ'ըսէին մէկմէկու

զինուորները, — մէկ օրուան ձիու ճամշայ դաշտին մէջ տեղ բռներ են :

— Յիսոնս Մարիամ, — բացազանչեց Զակլոպա Աքշեգուցքի դառնալով : - Վախչունիմ, ո՛չ, միշտ առիւծ եմ, բայց կը փափաքէի որ սատանան այս զիշեր զամէնն ալ առներ տանէր : Ո՛հ, ի՞նչ բազմութիւն, գրաւ կը դնեմ որ Յովսափիատու ձորին մէջ այսչափ բազմութիւն պիտի չըլլանք : Եւ ի՞նչ է ասոնց ուզածը, ինզրեմ : Աւելի լաւ չէր կենային իրենց տուները ու իրենց երկիրները պարատացնելու համար աղք ժողվէին : Ի՞նչ յանցանք ունինք մենք եթէ Աստուած զմեզ ազնուական ստեղծեր է ու զիրենք ուամիկ : Հաւատացի՞ր որ եթէ համբերութիւնս հատնի .... : Աւ շատ եղաւ իրենց պահանջը. ալ չափն անցաւ ատոնց համարձակութեան, շատ հաց գտան . մկներու պէս բազմացեր են և կատուներու վրայ կ'ուզեն յարձըկիլ....: Համբերեցէք, բարեկամներ, հոս է Երեմիա կատուն որ զծեզ պէտք եղածին պէս պիտի ընդունի, հոս է նաև ուրիշ մ'ալ որ Զակլոպա կ'ըսուի : Եւ ի՞նչ կը կարծէք. ձեզի պայմաններ պիտի առաջարկեն, հէ՞ : Եթէ հպաւ-

տակէիք թերես կեանքերնիդ շնորհուէր . . . . : Բան մը միայն զիս կը տագնապեցանէ, և է սա դարմանի և պաշարի խնդիրը . . . . : Տես, տես, ուրիշ հրդեհ մ'ալ: Կըակ, կըակ, ու միշտ կըակ:

— Ի՞նչ տեսակ պայմանի վրայ է խօսք, — հարցուց Աքեղուցը ի: — Անոնք հիմա ապահով են որ պիտի տիրեն մեզի ու վազը զմեզ զերի պիտի տանին:

— Զմեզ զերի պիտի տանին: Հէ՛, չէ՛:

— Աստուած ինչպէս կ'ուզէ այնպէս կ'ըլլայ: Սակայն քանի որ իշխանը մեզի հետ է, սուզի պիտի նստի իրենց:

— Ո՛չ, բիչ մը սիրտ կու տաս ինձի: Սակայն ես կ'ուզէի որ սուզի և աժանի խնդիր չըլլար, և ոչ իսկ վճարման խօսք . . . . :

— Եւ սակայն զինուոր մը յօժարութեամբ դէմ կու տայ կուրծքը թշնամոյն հարուածներուն երբ զիտէ որ պարապ տեղ չէ:

— Անշուշտ, անշուշտ . . . . :

Բոտպիթինդա և Վոլոտիխը իրենց մօտեցան:

— Կը հաշուշուի, — ըստ Լոնկինոս,

— որ թաթար և զազախ միասին, կէս միլիոնը կ'անցնի:

— Ա՛յ, քու լեզուդ չորնայ, — պոռաց Զակլոպա: — Ազուո՞ր լուր մը կը բերես մեզի:

— Աւելի դիւրին է զիրենք սպաննել երբ յարձըկին քան կանոնաւոր պատերազմի մը մէջ, — ըստ հանդարտութեամբ Լիթուանիացին :

— Քանի որ Խմիելնիցը և իշխանը զիմացէ զիմաց եկան, այլ ևս բանակցութեանց վրայ մոտածելու ժամանակը չէ, — ըստ Վոլոտիխը ոյ: — Կամ ամէնը Ալի, կամ ամէնը Մուսղաֆա . . . . Վազը դատաստանի օրն է: Ու պզտիկ ասպետը ուրախութենէն ձեռքերը կը շփէր:

Իրաւունք ունէր: Պատերազմի ժամանակ այն երկու առիւծները դէմ առ դէմ չէին հանդիպած մէկմէկու: Մէկը արքունի Աթամանները ջախջախեր էր, միւսը ամենէն աւելի ահաւոր զազախ գլուխները: Երկուքն յաղթականք ամենուն վրայ սարսափ կը սփոէին: Որո՞ն պիտի ըլլար հիմա վերջնական յաջողութիւնը:

Այս տարակուսին լուծումը մօտ էր: Տարակոյս չկար որ ընդհարումը ահեղ, և

կոխուը յամառ պիտի ըլլար: Խշանին դրօշակին տակ տասնուհինգ հազար մարդ կար, ասոնց մէջ նաև բանակի ծառաները: Ապստամբութեան գլուխը իրեն հրամանին տակ ունէր անթիւ բազմութիւն մը խառնիճաղանճ ժողովրդեան զորոնք հաւաքեր էր Ազով ծովէն, Տոնէն, Դանուբէն, իրեն հետ էր Խանը՝ գլուխ անցած Խրիմու, Պելկորոսի, Նոկայիի, Տոպրուշիայի թաթար խումբերուն. իրեն հետէին Տնիեսդէրի և Տնիերերի բնակիչները, դաշտեցիները, Լեռնցիները, անտառներու մէջ բնակողները, քաղաքներու, գիւղաքաղաքներու, գիւղերու բնակիչները, և ամէն անոնք՝ որոնք ծառայեր էին կամ անհատական կամ արքունի զօրագունդներու մէջ, Զերքիներ, Վալահքներ, Սիլիողրիներ, Ռումէլիցիներ, Տաճիկներ, Սերպեր, Պուլզարներ: Կարծես ժողովուրդներու նոր գաղթականութիւն մըն էր որ գէպ ի արեմուտք կը շարժէր նոր երկիրներու տիրելու ու նոր թագաւորութիւններ հիմնելու համար:

Այսպիսի էր զիմացը կեցող ուժը. բուռ մը մարզիկ լէզէռններու գէմ. կղզի մը՝ ովկիանոսի գէմ: Շատերու սիրար կը տրու-

կէր. ոչ միայն քաղաքին մէջ, հապանակ ամբողջ Հասարակապետութեան մէջ կը կարծէին որ այն պարիսպները համբաւաւոր ասպետներու և իրենց մեծ զօրքավարին գերեզմանը պիտի ըլլան: Այսպէս, անշուշտ, կը մտածէր Խմիելնիցըին ալ:

Բանակին մէջ կրակները դեռ նոր վառուեր էին, պատգամաւոր մը՝ սպիտակ գրօշակը շարժելով, մօտեցաւ պարիսպներուն ու փող հնչեցուց, պոռաց որ վրան զէնք չպարպեն:

— Աթամանէն առ Երեմիա Խշանը, — ըստ երբ զինուորները զինքը շրջապատեցին:

Խշանը՝ անվրդով և դեռ ձիուն վրայ, պարիսպներուն վրայ էր: Ղազախ պատգամաւորը երբ տեսաւ այն ազնուական և փափուկ գէմքը լեզուն փակուեցաւ, շփոթեցաւ, թէպէտ երկչու մէկը չէր և իրեւ գեսպան կը ներկայանար:

— Ո՞վ ես, — հարցուց ուսւ Պալտափնը անխոռվ անոր նայելով:

— Ոռքու հարիւրապետը, Աթամանին կողմանէ:

— Ի՞նչ ունիս ըսելիք:

Արով ոչ Հրով Դ.

Հարիւրապետը մինչեւ իշխանին ասանդակները ծռեց զլուխը:

— Ներէ՛, տէր իշխան, հրաման մը կը կատարեմ....:

— Խօսէ՛:

— Աթամանը հրաման ըրաւ ինձի որ իմացնեմ բեզի թէ ինքը հիւր եկեր է ու վաղը կ'ուզէ այցելութիւն տալ:

— Բաէ՛ իրեն, — պատասխանեց իշխանը, — որ ոչ վաղը, հապա այսօր ես բերդին մէջ ինչոյք մը կու տամ: — Ժամ մը վերջ թնդանօթները որոտացին. կեցցէներու աղաղակները բարձրացան, բերդին բոլոր պատուհանները ճրագներով լուսաւորուեցան: Թնդանօթներու բոմբինը, թմբուկներու դափինը, փողերու ձայնը լսելով խանը իրեն հետեռդներով դուրս ելաւ վրանէն, հետն էին իրեն եղբայրը՝ Նուրետտին, կալկայ սուլթանը, թուկայի-պէյ և ուրիշ Մուրզաներ. մարդ զրկեց խմիելնիցը կանչեց:

Սա՛ թէպէտ խմելու զրաղած, մէկէն ներկայացաւ և յարգանօք ծռելով խանին սպասեց հրամանին:

— Ի՞նչ կ'ընեն հոն, — հարցուց մօրուքը շոյելով և մատով բերդին լուսաւորուած պատուհանները ցուցնելով:

— Զօրաւոր վեհապետ, — պատասխանեց խմիելնիցը, — Երեմիա իշխանը ինչոյք մը կու տայ:

— Խնջոյք մը, — կրկնեց խանը զարմացած:

— Այո՛, կը կանխէ թաղմանական ինչոյքը, — ըսաւ Աթամանը:

Երկրորդ անգամ որոտացին թնդանօթները պարիսպներու վրայէն, որոնց արձագանգ եղան կեցցէներու աղաղակները:

— Աստուած մէկ է, — ըսաւ խանը, — այդ կեավուրին սրտին մէջ առիւծ մը կայ....:

Եւ վայրկեան մը լուռ կենալէն վերջ, յաւել.

— Ափսոն որ անոր դաշնակից չեմ: Խմիելնիցը սարսուեցաւ: Թաթար բարեկամութիւնը՝ որուն վրայ վատահութիւն չունէր, սուզի կը նստէր իրեն:

— Զօրաւոր վեհապետ, — ըսաւ. — Երեմիա իշխանը քու անձնական թշնամիդ է. նա յափշտակեց քեզմէ Ցնիերերէ անդիի երկիրները, քու Մուրզաներդ ծառերէն կախեց, սուր և հուր ձեռքը կ'ուզէր խրիմու վրայ յարձըկիլ....:

— Խակ դուն քիչ վնաս հասցուցիր մեր

Վրանաբնակութեանց, — ընդմիջեց Խանը:  
— Ես քու գերիդ եմ:

Թուկայի-պէյի կարմիր շրթունքները  
սկսան դողդղալ: Աս Ղազախներու մէջ  
մահացու թշնամի մը ունէր՝ որ երբեմն  
թաթար ամբողջ գիւղ մը ջնջեր էր. անոր  
տոելի անունը հիմա լեզուն կ'այրէր...:

— Պուրլայի, Պուրլայի, — ըսաւ կատ-  
ղած բայց ցած ձայնով:

— Դուն և Պուրլայի, — պատասխա-  
նեց Խմիելնիցքի, — Խանին իմաստուն և  
բարձր հրամանաւը, ձեր սուրերուն վրայ  
ջուր թափեցիք ի նշան հաշտութեան: Յի-  
շէ:

Թնդանօթներու նոր բռնիւն մը որո-  
տաց երրորդ անգամ ....: Խանը ձեռքը  
վեր վերցուց շրջանակ մը գծեց որ կը պա-  
րունակէր բերդը, քաղաքը, պատնէշները,  
ու ըսաւ.

— Վաղը ասոնք ամէնը իմս պիտի ըլ-  
լան:

— Այո՛, վաղը ամենքը պիտի մեռնին,  
— պատասխանեց Խմիելնիցքի ու յարգա-  
նօք ծոեցաւ կարծելով թէ խօսակցութիւ-  
նը լմիցաւ:

Խանը պլլուեցաւ իրեն սպիտակ արի-

սենի լայն մուշտակին մէջ և վրանը դառ-  
նալով ըսաւ:

— Ժամանակը ուշ է....:

Բոլոր Թաթարները մինչև գետին խո-  
նարհեցան և վեհապետը յամը և վսեմ  
քայլերով գնաց դէպ ի վրանը քթին տա-  
կէն ըսելով:

— Աստուած մեծ է:

Նոյն միջոցին Խմիելնիցքի ալ իրեն  
քնակարանը դառնալով քթին տակէն կը  
մըմռար.

— Քեզի կու տամ քաղաքն ալ, բերդն  
ալ, աւարն ալ, գերիներն ալ, բայց Ե-  
րեմիա իմս պիտի ըլլայ, եթէ հարկ ըլ-  
լայ գնել զինքը նոյն իսկ կենացս գնով:

Նոյն միջոցին սակայն բերդին մէջ ու-  
րախութիւնը կը շարունակուէր: Ամենքը կը  
սպասէին որ երկրորդ օրը տեղի պիտի  
ունենայ յարձակումը: Եւ իրաւցնէ հազիւ  
արշալոյսը ծագեր էր թշնամւոյն անհա-  
մար գունդերուն մէջ մեծ շարժում մը  
սկսաւ: Զինուորները՝ որոնք ի զուր ջա-  
նացեր էին համրել բոցերու թիւը, հիմա  
այն գլուխներու ծովը տեսնելով կ'ապշէին:  
Եւ գեռ յարձակումը չէր, այլ քննութիւն  
մը պատնէշներու, խրամներու, լեհ բա-

նակին։ Խնչպէս հովէն մղուած ահագին ալիք մը կը պտոյտքի, առաջ կու զայ, կ'ուսի, կ'ընդհարի, շառաչմամբ կը խորտակի ու կը նահանջէ, այսպէս այն խուռն բազմութիւնը հոս հոն կը զարնուէր, կը նահանջէր, նորէն կը յարձըկէր, կարձես համոզուեր էր որ յարձըկողաց թիւը, գլխաւոր բանակին շարժելէն առաջ, պիտի յաջողի վհատեցնել թշնամին։

Թնդանօթներ ալ արձըկեցին և զբնդակները ինկան բանակին վրայ, բանակին ալ ութ հրետասանն և հրացանաձգութիւններ պատասխանեցին անոնց։ Միւնոյն ժամանակ թափօրով Արբութիւն Արբոցն պարիսպներուն վրայ բերին։ Մուքովեղցի ոսկի մասնատուփը բարձր բռնած, ամպհովանիի մը տակ, աչքերը զոց, դէմքը ամփոփի, անխոռվ և վսեմ առաջ կու զար ծանր քայլերով. քովէն կ'երթային երկու քահանայներ. Ժասցոլսքի՝ քահանայ Հոռարիներու, ինքն ալ երբեմն հոչակաւոր զինուոր և հարիւրապետ, և Ժապքովսքի, սա ալ երբեմն զինուոր, այժմ Բենարդեան կրօնաւոր, հսկայ և հուժկու հաւասար Լոնկինոսիր։ Ամպհովանւոյն չորս ձողերը բռներ էին չորս ազնուականներ,

որոնց մէկն էր Զակլոպա։ Դիմացէն խումբ մը սպիտակազգեստ պզտիկ աղջիկներ ծաղիկ ցանելով կ'երթային։ Թափօրը պարիսպներուն ամբողջ շրջանը ըրաւ, ետևէն կ'երթային բոլոր սպայները։ Երբ կը տեսնէին այն լուսաճաճանչ ոսկի մասնատուփը, քահանային վեհ անդորրութիւնը, այն սպիտակազգեստ օրփորդները, ամենուն սրտերը ցնծութեամբ և արիութեամբ կը լեցուէին։ Զեփիւոր ամէն կողմ կը տարածէր խունկին անոյշ հոտը։ Մուքովեղցի մերթ ընդ մերթ բարձրացնելով Արբութիւն Արբոցն կը սկսէր Մայր Հաւատոյ, երգը. . . . . Ժասցոլսքի և Ժապքովսքի զօրաւոր ձայները կը շարունակէին. Այորի հարասիարան . . . . . Եւ բոլոր բանակը մէկ բերան. Եւ առազատ գերադրական։ Երգին կ'ընկերէր թնդանօթի բուժիւնը։ Երբեմն զնդակները շշելով ամպհովանիին վրայէն կ'անցնէին կամ աւելի ցած հողին մէջ խրուելով մերձաւորներու վրայ սարսափ կը ծգէին։ Զակլոպա ձեռքը բռնած ձողը ուժով սեղմելով մէկդի կը քաշուէր։ Երբ թափօրը կեցաւ աղօթելու համար, խոր լուռւթիւն մը տիրեց, այն ատեն աւելի որոշ լսուեցաւ զնդակնե-

բու շաշիւնը՝ որոնք թռնչոց երամներու պէս օդը կը պատռէին։ Ժամբոլսքի յիշեց հին արուեստը ու քթին տակէն լսաւ։ «Առոնք պէտք էին հաւաբուծութեամբ զբաղիլ փոխանակ թնդանօթ նետելու»։ Իրաւցնէ Ղազախներու թնդանօթաձիգը շատ գէշ էին և անվարժ։ Թափորը նորէն շարժեցաւ ու պարիսպներու միւս ծայրը հասաւ ուր թշնամին շատ չէր մօտեցեր։ Հոս հոն ընդունայն տեղ խուճապ ձգել փորձելէն վերջ, թաթարները և Ղազախները իրենց դիրքերը դարձան ու անշարժ կեցեր էին։

Յայտնի կը տեսնուէր որ Խմիելնիցքի իրեն աղխուհանդերձանաց կը սպասէր։ Այնչափ ապահով էր որ առաջին բուռն յարձակում մը բաւական պիտի ըլլայ, որ միայն քանի մը պատնէշներ բարձրացուց թնդանօթներու համար և պաշարում սպառնացող ուրիշ գործի ձեռք չզարկաւ։ Երկրորդ օրը հասան աղխուհանդերձանը և բանակին մէկ կողմը տեղաւորուեցան, տասը կարգ մէկ մղոն երկայնութեամբ տեղ զըրաւեցին, վերնիաբսիէն մինչև Տէմպինի։ Ուրիշ գունդեր ալ հասան, այս է Զարուռդի սքանչելի հետեակազօրը՝ որ շատ

գեր էր Ղազախներէն և զրեթէ յարձաւ կում ընելու մէջ հաւասար տաճիկ ենիչէրիներու։

Յուլիս 13<sup>՝</sup> յիշատակաց արժանի երեքշարթի օրը, երկու կողմն տեսդուս պատրաստութեանց զբաղեցան։ Ապահով էր յարձակումը։ Ղազախ բանակին մէջ փողերը, զափերը և թմրուկները ի զէն կը կանչէին արշալուսէն ի վեր, թաթարները նուիրական մեծ թմրուկը կը դափէին՝ որ որոտումի պէս կ'որոտար։ Իրիկունը խաղաղ և պարզ էր, միայն երկու ճախճախուտներէն և նետցէին մշուշ մը կը սկսէր բարձրանալ։ Երկցաւ երկնից կամարին վրայ առաջին աստղը։

Նոյն ժամանակ վաթսուն ղազախ թընդանօթներ միանգամայն որոտացին. անթիւ լէգէոնները խմրովին ահաւոր աղաղակով մարտկոցներուն վրայ վազեցին. յարձակումը սկսէր էր։ Պարիսպներու վըրայ կեցող զինուորները կարծեցին թէ երկիրը ոտքերնուն տակ կը դողայ. նոյն իսկ ամենէն հին զինուորները այսպիսի բան տեսած ըլլալ չէին յիշեր։

— Յիսուս Մարիամ. — բացագանչեց Զակլոպա որ հուսարներու մէջ Աքշեղուց-

Քիե քով կեցեր էր: — Բայց այն մեր վը-  
րայ եկողները մարդիկ չեն:

— Ո՛չ. ինչպէս կը տեսնես եզներ են:  
Թշնամին զանոնք առաջ կը քշէ մեր ա-  
ռաջին հարուածներէն խոյս տալու համար:

Զակլոպա՝ կարմրած խեչափառի մը  
պէս, աչքերը դուրս ցցուած, խօսք մը  
միայն գոռաց, յորում կ'իմացուէր իրեն  
կատաղութիւնը, սարսափը, արհամարհան-  
քը.

### Մինլըքորներ:

Նախորդները գաւազաններով և խան-  
ձող փայտերով կը գրգռէին եզները՝ որոնք  
սարսափահար բառաչելով առաջ կը նե-  
տուէին, կը ցրուէին, վանեալ՝ ետ կը դառ-  
նային: Վերջապէս Վուրցէլի թնդանօթնե-  
րը երկաթ և կրակ սկսան ժայթքել. ծու-  
խը սկցուց ամէն բան, սև ծուխին մէջէն  
կ'անցնէին շողշողուն փայլակներ. կենդա-  
նիները շանթահար գետին թաւալեցան:  
Թշնամին խուժելով անցաւ անոնց վրայէն:

Ոռջեւէն կը վագէին խրամատին մէջ նե-  
տելու համար աւագի պարկերով բեռնա-  
տորուած գերիներ՝ որոնք բռնադատուած  
էին առաջ երթալ սրածայր նիզակներէ  
և հրացանի հարուածներէ մղուած: Երջա-

կայից զիւզացիներն էին՝ որոնք ժամանա-  
կին չէին կրցած ապաւինիլ բերդին մէջ.  
Երիտասարդներ, ծերեր, կիներ : Առաջ  
կու գային ճշալով, ձեռքերնին երկինք  
վիրցնելով, զթութիւն խնդրելով: Անոնց  
յուսահատ գոռում գոչումը լսողին մա-  
զերը կը տնկուէին. սակայն այն ահաւոր  
ժամուն մեռեր էր զթութիւնը. կոնակնէն  
ունէին զազախ նիզակները, դիմացնէն՝  
շանթահար լեհ հրետանին: Կը վագէին,  
գետին կը տապալէին, ոտքի կ'ելլէին,  
գահավիժաբար կը խոյանային....: Խրա-  
մատն շուտով լեցուեցաւ դիակներով, ա-  
րիւնով, աւագի պարկերով, և թշնամին  
ոռնալով անոնց վրայ նետուեցաւ:

Զօրագունդ զօրագունդի ետեւէն կը հաս-  
նէր. թնդանօթածգութեան լուսով կը տես-  
նուէին սպայները որոնք նոր գունդերու  
առաջ նետուիլ կը հրամայէին: Ընտիր  
զինուորները մարտկոցներու և Երեմիացի  
զօրաց դէմ կը յարձըկէին, վասն զի խմիել-  
նիցքի լաւ զիտէր, որ հոն պիտի հանդիպի  
մեծագոյն դիմազրութեան: Նախ յարձըկե-  
ցան Անչիայի զօրագունդերը, անմիջապէս  
յետոյ բէրէսլաւի ահաւոր մարդիկը՝ ո-  
րոնց զլուխ անցեր էր Լոպոտա: Վորո-



չենքոյ կը զօրավարէր Զերքասսիի գունչին, Քուլաց, Նէշխայ, Ստէրքա, Մըռոցովեսքի կ'առաջնորդէին Խարքովի, Պրաւլաւի, Ումանի, Քորսունի զօրագունդերուն: Ասոնցմէ վերջ կու գային Քալնիքի մարդիկը և Պելոզէրքովի զօրաւոր գունդերը. Ընդ ամէնը տասնուհինգ հազար հոգի, և ասոնց հետ Խսմիւնիցքի անձամբ կրակին մէջ՝ նման Սաղանի, Լայն կուրծքը զնդակներու դէմ տալով, առիւծի դէմքով և արծուի աչքերով կը դիտէր, կը հրամայէր, կը վազէր անդուլ անդադար քաւուի, ծուխի, կոտորածի, մրրկի կատաղութեան մէջ:

Զարորոժիներէն վերջ կու գային Տոնի վայրագ Ղազախները, ապա դանակներով զինուած Զերքիները, Թուկայի-պէյ որ Խոկայի Թաթարներուն գլուխ անցեր էր, ապա Սուպաւզի՝ Պելկորոտի Թաթարներով, ապա Քուրտլուք՝ Աստրախանի սկադէմ մարդիկներով՝ զինուած ահազին աղեղներով և նիզակի չափ երկայն նետերով:

Ասոնցմէ բանիննը ինկան գերիներու զիակներով լեցուն խրամատին հասնելնէն առաջ: Ոչ ոք գիտէ: Սակայն հասան,

անցան և սկսան սանդուխներ դնել պարիսպներու վրայ: Այն աստեղազարդ զիշերն վերջին Դատաստանի գիշերին կը նմանէր: Թնդանոթը՝ որովհետեւ մերձաւորներուն վնաս չէր կրնար հասցնել, ետմացող զիծերուն մէջ կրակի մրրիկ մը կը թափէր: Գնդակները՝ լուսաւոր աղեղներ զծելով օղոյ մէջ, վար կ'իյնային դժոխային բարձրաձայն ըլքիջներու առիթ տալով և մթութեան մէջ լոյս սփոելով: Գերման հետևակազօրը լեհ հետևակ զօրագունդերու և Վիսիէվեցի յուակուներու հետ՝ որոնք ձիերնէն վար իջեր էին, կրակ և զնդակ կը տեղային յարձըկողաց կուրծքին և դէմքին վրայ:

Առաջին զիծերը՝ որոնք չէին կրնար նահանջել, վասն զի ետենէն կը մզէին զիշենք, ամենքը մեռան զիտապաստ. իրենց ետեէն եկողներուն ոտքին տակ արիւնը կը ցայտէր: Մարտկոցը լպրծոտ բան մը դարձաւ, ձեռք, ոտք, կուրծք կը սահէին վրան: Հոս հոն դէմ առ դէմ կը կոռւէին: Կատաղի և արիւնթաթաւ երեսներով մարդիկ ակոայ կը կրճտէին: Կենդանի մնացողները վիրաւորելոց և մեռածներու շարժուն կոյտերու վրայ խոնուած կը կոռւէին: Հրա-

մաններու ձայները չէին լսուեր. ընդհանուր ահաւոր բռմբիւն մը միայն կը լսուէր՝ յորում խառն էին ամէն տեսակ ձայներ, թնդանօթի որոտում, վիրաւորելոց խորնդիւն, մեռնողներու հառաջանք, գնդակներու շչիւն:

Այս հսկայական պատերազմը շարունակաբար ժամեր և ժամեր տեսց: Մարտկոցին շուրջը դիակներու ուրիշ մարտկոց մը բարձրացաւ՝ որ արգելք կ'ըլլար յարձըկրդաց: Զաբորոժիները՝ զրեթէ կտոր կտոր եղեր էին. Բէրէսլավի մարդիկ մէկմէկու վրայ պառկեր էին, Քարքովի, Պրասլավի, Ռւմանի զօրագունդերը խորտակուած....: Աթամանի պահակազօրքէն մղուած կը հասնէին ուրիշներ՝ Ռումելիոյ Տաճիկները և Ռւրում-պէջի թաթարները: Բայց անոնց զիծերու մէջ խառնակութիւնը ինկաւ, երբ լեհ հետևակազօրը, Գերմանացիք և դրակոնները տեղի չտուին քնաւ, այլ հետալով, արիւնով ծածկուած, պատերազմի թափէն մղուած, մսի և վառողի հոտէն զինովցած հետ զհետէ կը խոյանային թշնամոյն վրայ, նման գայլերու վոհմակի մը որ կ'իյնայ ոչխարի հօտին մէջ: Այն ատեն խմիելիցը առաջ:

Քշեց իրեն առաջին զօրագունդերէն մնացածները և անոնց հետ Պէլոզէրքովի թաթարները, Տաճիկները և Զերքերը:

Պարիսպներու թնդանօթները լոեցին. գնդակները այլ եւս օդը չէին պատռեր, արևմտեան մարտկոցին բոլոր երկայնութեան վրայ միայն սուրերու շկահիւնը կը լսուէր: Դեռ քանի մի հրացանաձութիւնք, և ապա ամենայն ինչ լոեց: Պատերազմողները խաւարի մէջ մնացին: Մթութեան մէջ կարծես ջղաձգային հիւնդութեամբ բռնուած ճիւաղի մը մարմինը միայն կը շարժէր: Լսուած աղաղակները կրնային յաղթութեան կամ յուսահատութեան համարուիլ: Երբեմն կը լոէին և այն ատեն անհուն հեծութիւն մը միայն կը լսուէր, որ կարծես երկրին խորերէն կ'ելլէր ու կը բարձրանար օդին մէջ, կարծես ցաւագին ոգիներ կոտորածի դաշտէն խմբովին օդին մէջ կը թռչէին: Պակայն երկար չէին տեսեր այս լոութիւնները: Աւելի բարձր և աւելի ուժով կը սկսէր ձայներու, գոռում գոչումներու, հայհոյութեանց ժիրորը:

Հրացանաձգութիւնք կը սկսէին: Մաքնիսքի՝ հետևակազօրուն մնացորդով, յոգնած

գունդերու օգնութեան կը վազէր : Այն  
ատեն Ղազախ վերջապահ գունդին մէջ  
նահանջի փողերու ձայնը լսուեցաւ :

Զինազարդար մը յաջորդեց : Մարտկո-  
ցէն ետ քաշուող Ղազախ զօրագունդերը  
իրենց ընկերներու դիակներէն կը պաշտ-  
ապանուէին : Սակայն կէս ժամ գեռ չէր  
անցած, Խմիւլնիցը նորէն տուաւ յար-  
ձակման նշանը և երրորդ անգամ ըլլալով  
յարձրկեցաւ :

Նոյն վայրկենին պատճէշներու վրայ  
երկցաւ ինքը՝ Երեմիա իշխանը ձիու վր-  
բայ : Դիւրին էր ճանչնալ զինքը, վասն  
զի զիսուն վրայ կը ծածանէր հրամանա-  
տարութեան զրօշակը, և իրեն չորս կող-  
մը հարիւր բոցավառ ջահեր արեան զոյն  
ճառագայթներ կ'արձրկէին : Անմիջապէս  
իրեն վրայ ուղղեց թշնամին թնդանօթի  
բուռն կրակ մը, սակայն անփորձ թնդա-  
նօթաձիզը զնդակները Նետցէ զետին ան-  
զին կը նետէին, իսկ ինքը անխոռվ և  
կանգուն կեցած, առաջ եկող մրրիկը կը  
դիտէր :

Ղազախները՝ կարծես դիւթեալ, դան-  
դաղեցոցին իրենց վազքը: «Երեմիա, Ե-  
րեմիա» անունը զիծերու մէջ տարածուե-

ցաւ : Ահաւոր իշխանը իրենց մտացածին  
հսկայ մը կը թուէր : Սարսուռ մը անցաւ  
իրենց յոգնած անդամներու մէջէն, և շատ  
ձեռքեր խաչակնքեցին երեսնին :

Նա անշարժ կը կենար : Ապա, ոսկեզօծ  
գաւազանով թեթև նշան մ'ըրաւ, ու ան-  
միջապէս ճառագայթներու ահազին խուրձ  
մը փայլեցաւ օդին մէջ ու զնդակներու  
կարկուտ մը տեղաց յարձրկողաց վրայ :  
Թշնամին մահացու վէրք մ'առած վիշա-  
պի մը պէս զալարեցաւ . բանակին մէկ  
ծայրէն միւսը սարսափի զոռում մը ար-  
ձագանգ տուաւ :

— Յառաջ, յառաջ, վազելով, — պո-  
ռացին Ղազախ զնդապետները :

Ու կոյտը խոյացաւ ամենայն թափով  
պարիսպներու դէմ՝ որոնց տակ միայն  
կրնային պաշտպանուկի զնդակներէն, բայց  
զեռ կէս ճամբան չէին հասած, երբ իշ-  
խանը, քիչ մը դէպ ի արևմուտք դառնա-  
լով ոսկեզօծ գաւազանովը ուրիշ պզտիկ  
նշան մ'ըրաւ :

Այն նշանին, ճախճախուտի կողմէն,  
ասոր և պարիսպներու մէջ տեղ գտնուած  
միջոցին մէջէն չեծելազօրը սկսաւ առաջ

գալ ու յանկանթարթափել տարածուեցաւ  
ու գրաւեց բոլոր ասպարէզը:

Դնդակներու լուսով որոշ կը տեսնուէին  
Արշեղուցքի և Սասվիլիքովմքի հուսար-  
ներու մեծ զրօշակները, Քուշէլի և Վո-  
լոտիէսրոյի դռակրները, Իշխանին զօրա-  
գունդերը՝ որոնք թաթարաց ոճով զի-  
նուած էին և որոնց կ'առաջնորդէր Արց-  
վորովսքի: Ասոնցմէ վերջ կու զային ու-  
րիշ զօրագունդեր. Իշխանին Ղազախները  
և Պիքովէցի Վալահները: Ոչ միայն Խմիմ-  
նիցքի, այլ նաև իրեն ամենէն վերջին զի-  
նուորն ալ, հասկցաւ որ խիզախ զօրա-  
վարը իրեն հեծելազօրու բոլոր ուժով  
թշնամոյն կողին դէմ կ'ուզէ դնել ամե-  
նայն թափով:

Ղազախ փողերը նահանջ հրամայե-  
ցին: «Ճակատ առ հեծելազօրն, ճակատ  
առ հեծելազօրն» լսուեցան շփոթ և շուտա-  
փոյթ հրամաններու ձայները: Խմիմնիցքի  
կը ջանար միանգամայն ճակատը փոխել  
և գիմաղել հեծելազօր զունդին: Բայց  
ժամանակ չկար: Դեռ իրեն զօրաց զիծե-  
րը կարգի չէր զրած, իշխանին զօրագունդ-  
ները շարժեցան կարծես հովէ մզուած, և  
կը պոռային. «Ապաննէ, սպաննէ».

շակները կը շշէին, փետուրները կը ծածա-  
նէին, զէնքերը կը շառաչէին: Հուսարները  
իրենց նիզակները միւեցին թշնամի մսե-  
զէն պարխապին մէջ, հալածեցին, տապա-  
ւեցին, ջախջախնեցին: Մարդկային իշխա-  
նութիւն մը, հրաման մը, զօրավար մը  
կարող չէր հաստատու բռնել հետևակա-  
զօրը այնպիսի գահավիժաբար յարձակման  
մը դէմ: Ահաւոր խուճապ մը տիրեց Ա-  
թամանին ընտիր պահակազօրուն վրայ:  
Պելոզէրքովի մարդիկ մէկդի նետելով նի-  
զակ, հրացան, սուր, գերանդի, ձեռքով  
երեսնին կը գոցէին և, զազաններու նման  
մոնչելով, յիմարաբար կը վազէին դէպի ի-  
թաթար ոճով զինուած զօրագունդերը, ո-  
րոնք զիրենք ընդունեցան սլաքներու կար-  
կուառվ մը: Դէպի ի կողն քաշուիլ ուզելով  
ինկան հետևակազօրու և Վուրցէլի թնդա-  
նօթներու կրակին տակ. այնչափ խիտ էին  
որ զիակ զիակի վրայ կ'իյնար զըեթէ  
միշտ:

Նոյն միջոցին վայրագ թուկայի-պէյ,  
օգնական ունենալով Առւակազին և Ու-  
րում Մուրզան, կատաղաբար յարձըկեցաւ  
ահաւոր հուսարներուն վրայ: Չէր յուսար  
յազթել անոնց, սակայն կ'ուզէր արգելք

ըլլալ անոնց և ժամանակ՝ տալ Ուումելիի  
և Սելեստրիոյ ենիչէրիներուն քառակու-  
սի խումբ կազմել և Պելոզէրքովի մար-  
դիկը պաշտպանել։ Նոր կոփ մը սկսաւ։  
Կոր սուրերը կը հնչէին հուսարներու զբահ-  
ներու վրայ և շողջողուն վեր կը ցատ-  
քէին։ Թուկայի-պէյի զինուորները ետ  
մզուեցան դէպ ի ենիչէրիները, սրախողող  
ձիերէն վայր իշնալով, սողուններու նման  
ոտնակոխ ըլլալով, սակայն պաշտպանեցին  
իրենք զիրենց և այնախի յամառութեամբ  
որ յաջողեցան կասեցնել հուսարները։ Թու-  
կայի-պէյ և իրեն ետեէն Նոկայիները ամէն  
կողմ կը վազէին գայլերու նման։ Աւ-  
կայն միշտ կը նահանջէին, իշնալով տաս-  
նեակներ։ Աղան աղազակը նշան մ'եղաւ  
որ ենիչէրիները կազմեր էին իրենց քա-  
ռակուսի խումբը։ Որշեղուցքի յարձրկե-  
ցաւ թուկայի-պէյի վրայ և սրոյ հարուած  
մը իջեցուց զլիսուն, բայց կամ վասն զի  
գեռ տկար էր թեր կամ թաթարին դա-  
մասկեան սաղաւարաը ի գերե հանեց հա-  
րուածը, այնուհանդերձ սուրը կտոր կտոր  
եղաւ և թաթարը զետին տապալեցաւ՝  
զոր անմիջապէս վերցուցին և մէկդի տա-  
րին իրենները՝ որոնք ցրուեցան ինչպէս

ամպը հովին։ Իշխանին հեծելազօրը Ուու-  
մելիի և Սերպ տաճիկներու դիմացը զըտ-  
նուեցաւ, որոնք քառակուսի խումբ կազ-  
մած՝ ճակատնին թշնամւոյն՝ կը նահան-  
ջէին։

Թուակուները՝ որոնք Որշեղուցքի հու-  
սարներուն ետեէն կու գային, մէջ նե-  
տուեցան։ ամենէն առաջ Որշեղուցքի և  
Լոնկինոս իրեն ահազին սուրովը։

Ենիչէրիներու քառակուսին աւելի սեղ-  
մուեցաւ և նիզակներու անտառ մը խոնար-  
հեցուց զահալիիժարար յարձակման դէմ։  
Այն ատեն հսկայ հուսար մը սաստիկ թա-  
փով նետուեցաւ նիզակներու պարիսպին  
դէմ, ձին ետեի ոտքերուն վրայ կեցաւ,  
ցատքեց նիզակներու պարիսպին վրայէն,  
խիզախ ձիաւորը ինկաւ ենիչէրիներու քա-  
ռակուսիին մէջ, և կատաղի առիւծի մը  
պէս, սկսաւ աջ և ձախ հարուածել։ Բու-  
պիրիէնդա էր։ Քիզար-պէյ, անոր դէմ  
կը յարձակի և երկու կտոր կըլլայ։ Ա-  
հազին սուրին տակ թաթարները խոսի  
պէս կը հնձուին։

— Գիւթուած է, գիւթուած է. — Կը  
պոռային հարիւր ձայներ ահարեկեալ։

Միենոյն ժամանակ հուսարներու երկա-

թեայ խումբը՝ գլուխ ունենալով Սքշե-  
դուցքի, կը խորտակէ քառակուսին և  
ենիչըիները փախչելու կը ստիպէ:

Ժամանակն էր: Սուպահազիի Նոկայի-  
ները կոռւելու կը դառնային, և միւս կող-  
մանէ Խմիելիցքի՝ Պելոզէրքովի ցրուած  
մարդիկը հաւաքելով, ենիչըիներու օգ-  
նութեան կը վազէր: Սակայն արդէն ա-  
մենայն ինչ խառնակութեան մէջ էր: Ղա-  
զախ, Թաթար, Սերպ, ենիչըիի խառնի-  
խուռն կը փախչէին: Խմիելիցքի ընտիր  
գունդը հեծելազօրու ընդհարման չփմա-  
նալով կը ցրուէր: Հուարները Թաթար հե-  
տեակազօրը խորտակելով իրենց գործը  
լմացուցեր էին: Հիմա թեթեազէն հեծե-  
լազունդը և Վոլոտիէսքոյի ու Քուշէլի  
դռակոնները գահավիժաբար կը յարձեկէին  
վերջին հարուածը տալու համար:

Փախստականները ապաստանաբան և  
հանգիստ գտան միայն երբ փողերու ձայնն  
ետ կանչեց իշխանին հեծելազունդերը:  
Զիաւորները յաղթութեան աղաղակներով  
և երգերով ետ կը դառնային և իրենց ա-  
րինոտ սուրերով ճամբուն վրայ ինկած  
դիակները կը համրէին: Օդը արեան ան-  
տանելի հոտով ծանրացեր էր: Բարեբաղ-

դաբար հովը դէպ ի թշնամւոյն բանակը  
կը փչէր:

Բայց պատերազմը լմնցած չէր, վասն  
զի մինչզեռ Վիսնիովիեցքի աջ թեկն վրայ  
յարձըկողները կը ջախջախէր, քիչ մնաց  
որ Պուրլայի ձախ թեկն վրայ պիտի յաղ-  
թանակէր: Սա՝ Զաքորոժիներու զլուխ ան-  
ցած, բաղացին և ամրոցին շրջանը ընե-  
լով, առաջ խաղացեր էր մինչև ճախճա-  
խուռները արեելեան կողմէն և յարձըկեր  
էր Ֆիրլէյիի զօրաբաժնին դէմ: Հունգա-  
րացի հետևակազօրը ընդհարման չփմա-  
ցաւ, վասն զի հողաբլուրները դեռ ան-  
կատար էին: Առաջին զօրագունդը փա-  
խաւ, անոր հետևեցան միւսներն ալ: Պուր-  
լայի կեղրոնին վրայ խոյացաւ և անդի-  
մազրելի մըրկի մը պէս առաջ կ'երթար:  
Յաղթութեան աղաղակները հասան բանա-  
կին միւս ծայրը: Ղազափիները հալածեցին  
հունգարացիները, խորտակեցին հեծելազօր  
պիտիկ չոկատ մը, առին քանի մը թնդա-  
նօթներ և հասնելու վրայ էին Պելսքի  
բերդակալին բնակարանին, երբ Բրիէմս-  
քի, զլուխ անցած գերմանացի քանի մը  
զումարտակներու, հասաւ օգնութեան:  
Դրօշակը յափշտակելով խոյացաւ թշնամ-

տոյն վրայ և ինկաւ Պուրլայիի Ղազախներուն վրայ՝ որոնք չորս անգամ աւելի էին թուով։ Հին առիւծներու թափը տեղի չտուաւ Պուրլայիի ուժերուն, թէպէտ ասոնք բուռն ընդդիմութիւն մը ի գործ կը դնէին. գերմանացիք զթշնամին պատնէշները մղեցին, կոտորեցին և փախցուցին։ Բրիէմսքի անկատար հողարլուրին վրայ տնկեց գրօշակը։ Պուրլայիի զիրքը վտանգաւոր էր. ինքը պէտք էր նահանջել այն ճամբայով՝ ուսկից եկեր էր, մանաւանդ որ իշրեմիա աջ թեր խորտակելէն վերջ կլնար իրեն նահանջը արգիլել։ Իրաւ է, իրեն օգնութեան կը հասնէր Մրոզովեսքի Քորսունի Ղազախներով, սակայն մի և նոյն ժամանակ կոռուոյ մէջ կը մտնէին Գոնիէցրոլսքիի հուսարները՝ որոնց միացան պատերազմին դաշտէն դարձող Աքշեգուցքիի հուսարներն ալ։ Պուրլայի՝ թէպէտ նահանջը արգիլուած, սակայն կարգով կը նահանջէր։ Պուրլայի մէկ յարձակման մէջ յաղթուեցաւ, ու Ղազախները մեռնելէն զատ ուրիշ փրկութիւն չյուսալով, չուզեցին անձնատուր ըլլալ։ Յուսահատ պատերազմը սկսաւ, որուն վախճանը սակայն Զարորոժիներու կատարեալ պար-

տութիւնը եղաւ։ Պարխստներէն պատերազմի գաշտը լուսաւորելու համար, կուպրի մէջ թաթխուած և բռնկցուցուած խուրձեր կը նետէին՝ որոնք օդոյ մէջ լուսերեոյթներու կը նմանէին։ Սուսպահազի՝ որ ամէն կողմ մեծ կորով ցուցուցեր էր, Ղազախներուն օգնութեան վազեց, սակայն կտրիճ Մարքոյ Սոպիէսքի անոր զիմացն ելաւ։ Պուրլայի հասկցաւ որ կորսուած է, այնուհանդերձ չուզեց փախչելով ազատիլ։ Իրեն ձեռքով գետին տապալեց զՃոմքս, Ոսուզէսքի և Աքսաք պատանին՝ որ կոսպանդինովի զիմաց անմահ փառք վաստկեր էր, ապա զԱվիսքի, ապա երկու հուսարներ, և վերջապէս գէր և մարմնեղ ասպետ մը նշամարելով, վրան յարձըկեցաւ։

Զակլոպա, — ինքն էր, — սարսափէն ճշաց և ձիուն զլուխը դարձուց։ Գլխուն վրայ մնացած մազերուն վերջին փունջն տկնուեցաւ ճակատին վրայ։ Այսուհանդերձ ինքզինքը չկորսնցուց, մանաւանդ աւելի քան երբէք այն վայրկենին ըղեղը բանեցաւ։

— Ազատեցէք զիս, եթէ Աստուծոյ կը հաւատաք, — պոռաց ձին մորակելով դէպ

ի իրենները : Պուրլայի անոր վրայ կը վազէր : Զակլոպա աչքերը գոցեց ու մտածեց . «Մեռած եմ» : Տեսնելով որ ոչ ոք օգնութեան կու գար և թէ պէտք էր իրեն ուժին վստահիլ , ձին կեցուց , սուրը բարձրացուց և որչափ կրնար բարձր պոռաց .

— Զակլոպայի հետ է գործդ :

Պուրլայի տեսաւ ու ապշեցաւ : Թշնամին նա էր՝ զոր իրբե բարեկամ Պոկոնի , հիւրենկալեր էր ինքը.... : Աակայն այդ ապլշութեան վայրկեանը իրեն կորստեան պատճառ եղաւ.... : Դեռ չսթափած ապշութենէն Զակլոպա սուրի հարուած մը իջեցնելով զլիուն զինքը ձիէն վար նետեր էր :

Այս մենամարտը տեսեր էր ամբողջ բանակը : Հուսարներու ուրախութեան ազազակին պատասխանեցին Պուրլայիի զինուորներու սարսափի ազազակները՝ որոնք Աև ծովու առիւծին իյնալը տեսնելով , վհատեցան և այլ ևս իրենց զիրենք պաշտպանելու խրախոյս չունեցան : Միայն Առապահազիի ազատած Ղազախները ողջ միացին , միւսները ըոլոր ջարդուեցան . գերի՝ ոչ մէկ հատ : Առապահազի՝ զոր կը հալածէր Առպիէսրի , փախաւ իրեն բանակը :

Ամէն կողմ յարձակումը ետ մղուած էր : Ուրախութեան ձայները երկինք բարձրացան . յաղթականները՝ արիւնոտ և վառողէն սեցած , պարխապներուն վրայ էին , պատրաստ նորէն կոփւր սկսելու : Հեծելագունդը արիւնոտ հունձբէն ետ կը դառնար : Իշխանը պատերազմի դաշտը գիտելու համար գուրս ելաւ . անոր ետեէն կու գային հրամանատարները , դրօշակերը , Մարքոյ Առպիէսրի և Բրիէմսրի :

— Կեցցէ Երեմիա , — կը պոռային յաղթական զինուորները :

— Շնորհակալ եմ , տղաք , շնորհակալ եմ , — կը պատասխանէր իշխանը բարեւլով : Ալա , զառնալով Բրիէմսրիի , ըսաւ . — Այս պատնէշը շատ լայն է :

Բրիէմսրի հաւանութիւն ցուցուց զըւխով : Յաղթական զօրավարները արևմբատեան ճախճախուաէն արեելեան ճախճախուան անցան . պատերազմի դաշտը և թրշնամոյն մարտկոցներու հասցուցած վնասները կը բննէին :

Խսկ զինուորները , զԶակլոպա՝ օրուան դիւցազնը , թեերնուն վրայ բարձրացուցեր էին որ՝ խաշխաշի նման կարմիր , կը ջանար հաւասարակշութիւնը պահել բարձր պատուանդանէն վար չիյնալու համար :

— (Անոր հախէն եկայ) — կը պոռար բոլոր ուժովը: — Փախուստ ձեացուցի որ ետևէս զայ ....: Հիմա դազրեցաւ շունը հաջելէն: Մենք ծերես պէտք ենք երեւասարդ զինուորներուն ցուցնել թէ ինչ-պէս պէտք է հարուածները իջեցնել և ինչ ճարտարութեամբ.... Լամաց. Աստուծոյ սիրոյն. զուք զիս վար պիտի ձգէք, տղաք...: Ուժով բոնեցէք...: Դիւրին բան չէր, զիտէ ք...: Գիւզացիի կտոր. կը կարծէր ազնուականէ մը վեր ըլլալ...: Լամաց, վար կ'իյնամ, վար զրէք զիս....:

— Կեցցէ Զակլոպա, — կը պոռային զինուորները:

— Իշխանին, իշխանին տանինք զինը:

— Այո՛, այո՛, կեցցէ...:

Զարորոժի Աթամանը, բանակը դառնալով, վիրաւորուած առիւծի մը պէս կը մռնչէր, զգեստները կը պատըսէր, երեսը կը ճանկըրթէր: Մահուանէ ազատող սպայ-ները լուս չորս կողմը կեցեր էին:

— Ո՞ւր են իմ զօրագունդերս, ո՞ւր՝ իմ զիւցավներս, — կը կրկներ փրափրա-դէզ շրթունքներով: — Ի՞նչ պիտի ըսէ խա-նը. ի՞նչ պիտի ըսէ թուկայի-պէյը ...:

Տուէք ինծի Երեմիան, տուէք ձեռքս և կամ ցից հանեցէք զինքը:

Ապայները կը լոէին:

— Ինչու ուղեմն կախարդները յաղ-թութիւն գուշակեցին ինծի: Կտրեցէք ա-նոնց զլուխները.... ինչու ինծի ըսին թէ Երեմիա ձեռքս պիտի իյնայ:

Առվորաբար երբ զազանը կը մռնչէր, ոչ ոք կը համարձակէր բերան բանալ: Աակայն հիմա, պարտելոյն զիմաց երկ-չոսներն անզամ կը խրոխտային:

— Գուն Երեմիայի հետ զլուխ չես կընար ելլել, — մրմռաց տիսուր ձայնով Ագէրքա:

— Թէ զրեզ և թէ զմեզ կը կործա-նես, — յաւել Մըրզովեսքի:

Աթամանը վազրի մը պէս ցատքեց:

— Խակ ով էր որ յաղթեց Դեղին Զու-րերուն վրայ, ով՝ ի Քորսուն, ով՝ Բիլավ-ցէի պարիսպներուն տակ, — զոռաց ինք իրմէ դուրս ելած:

— Դուն. — պատասխանեց կտրուկ Վորոնչէնը, — բայց Երեմիա հոն չէր:

Խմիելնիցքի մազերը կը փեթթէր:

— Խակ ես որ խոստացեր էի Խանին զինքը բերդին մէջ քնացնել, — զոռաց յուսահատ:

— Այդ ըու զիտնալու բանդ է, — ըստ Քուլաք: — Գլխովդ պիտի հատուցանես խոստումդ.... սակայն զմեզ կործանման մի առաջնորդեր....: Հրաման տուր պատնէշներ բարձրացնել, խրամներ փորել, շրջապատել Լեհերը երկաթեայ շրջանակով.... ապա թէ ոչ, վայ քեզի:

— Վայ քեզի, — կրկնեցին ուրիշներ:

— Վայ ձեզի, — պատասխանեց Խմիելնիցը:

Զայները կը բարձրանային, ամենուն աշքերէն սպառնալիք կը ցայտէր: Խմիելնիցը երերաց և վրանին անկիւնը ճոխ գորգերով ծածկուած մորթերու դէզի մը վրայ ինկաւ: Գնդապեաները, գլուխնին կախած, անոր չորս կողմը կեցեր էին: Երկար ժամանակ լուռ կեցան: Խմիելնիցը յանկարծ ոտքի ելաւ և զայրացած հրամայեց.

— Օդի՛ բերէք:

— Ո՛չ, պիտի չխմես, — ըստ Վիկովի երգիծանօք: — Համբերէ՛, հիմա Խանը զքեզ պիտի կանչէ:

Խակ Խանը, նոյն պահուն, վրանին տակ նստեր էր պատերազմի դաշտէն քանի մը

մղոն հեռուն և եղածէն տեղեկութիւն չունէր: Գիշերը ջերմին և պարզ էր: Իրեն մողաներէն և աղաներէն շրջապատեալ, աւտիսի կը սպասէր և արծաթեայ պնակի մը մէջէն արմաւ կ'ուտէր: Երբեմն աչքերը աստեղազարդ երկինքը կը բարձրացը-նէր և մտածկու կը մրմուր:

— Մուհամեկու ել սուս ուղահ:

Նոյն վայրկենին փրփրալից ձիով մը հասաւ Սուպահազի, իջաւ ձիէն, յարգանօք ծոեցաւ իրեն տիրոջ դիմաց և սպասեց հարմաններուն:

— Խօսէ՛, — հրամայեց Խանը արմաւալիր բերանով:

— Հզօր Խան բոլոր թաթար խումբերու, թոռն Մուհամէտի, միահեծան իշխան, իմաստուն և երջանիկ տէր, շառափող զիտութեան ծառոյն....

— Խօսէ՛, — ընդմիջեց Խանը այն տիտղոսներէն համբերութիւնը կորսընցնելով ու տեսնելով որ գերին արեան մէջ թաթիուերէ: — Խօսէ՛ շուտ և որոշ: Անհաւատներուն բերդը առնուեցաւ:

— Աստուած չտուաւ մեզի զայն:

— Խակ Լեհերը:

— Յաղթեցին:

— Խմիելնիցքի՞։  
 — Պարտեալ։  
 — Թոռկայի-պէջ։  
 — Վիրաւորուած։  
 — Աղան մէկ է, - ըստ խանը : -  
 Հաւատացեալներէն ո՞րչափ արքայութիւն  
 գնացին։

Սուպահազի աչքերը վեր վերցուց և  
 արինոտ ձեռքով երկինքը ցուցնելով, պա-  
 տասիանեց հանդիսաւոր կերպով։

— Այնչափ, որչափ են այդ շողշո-  
 ղուն գոհարները Աղանին զահին չորս կող-  
 մը։

Խանին գիրուկ երեսը կատաղութենէն  
 կրակ կտրեցաւ։

— Ո՞ր է այն կեավուրը որ ինձի  
 խոստացաւ զիշերը բերդին մէջ անցնել։  
 Ո՞ր է այն թունաւոր օձը՝ զոր Աստուած  
 ուացերուս տակը պիտի նետէ։ Հոս բերուի  
 անմիջապէս և իրեն գործերուն ու խոս-  
 տումներուն համարը տայ։

Մուրգաններէն ոմանք վազեցին հրամա-  
 նը կատարելու և սրարշաւ Խմիելնիցքիի  
 վրանը գնացին։ Իսկ Խանը հանդարտե-  
 ցաւ վայրիկ մի և ըստ։

— Աղան մեծ է ...: Սուպահազի քու  
 երեսդ արինոտ է։

— Անհաւատներու արիւն է, - պա-  
 տասիանեց զինուորը։

— Պատմէ՛ թէ ի՞նչպէս թափեցիր և  
 մեր ականջները սփոփէ մերիններուն քա-  
 ջագործութեանց պատմութիւններով։

Սուպահազի ամէն բան պատմեց։ Գո-  
 վեց թոռկայի-պէջի, կալբայի, Նուրէտ-  
 տինի և նաև Խմիելնիցքիի քաջութիւնը։  
 Պարտութիւնը Աստուծոյ կամաց գործ ցու-  
 ցուց։ Պատմութեան մէկ կէտը մասնաւո-  
 րապէս զրաւեց Խանին ուշադրութիւնը,  
 այսինքն թէ Լեհերը պատերազմին սկիզբը  
 Թաթարներու վրայ հրացան չէին պար-  
 պած և թէ իշխանին հեծելագունդը այն  
 ատեն միայն անոնց վրայ յարձըկեցաւ  
 երբ ճակատ ճակատի եկան։

— Աղան, բացագանչեց նա : - Ուրեմն  
 Լեհերը ինձի զէմ չէին ուզեր պատերազ-  
 միլ...։ Սակայն այլ ևս ուշ է...։

Այնպէս ալ էր իրաւցնէ։ Երեմիա իշ-  
 խանը, յարձակման սկիզբն, Թաթարնե-  
 րու վրայ հրացան պարպելը արգիլեր էր,  
 այսու իրեն զինուորները համոզել կ'ու-  
 զէր որ Խանին հետ խաղաղութեան բա-  
 նակցութեան մէջ էր և թէ Թաթար խում-

ըլ պարզ ի ցոյց միացեր էր ապստամբաներուն։ Ապա դէպքերը ստիպեր էին ընդհարիլ թաթարներու հետ ալ։ Խանը կը մտածէր թէ արդեօք լաւագոյն չըլլար Վիսնիովիցքի հետ միանալ և զինքերը Խմիելնիցքի դէմ դարձընել, երբ յանկարծ Աթամանը զիմացը ելաւ։

Անխոռվ էր։ Խիզախ կերպով Խանին աշքերուն մէջ կը նայէր։ Խորամանկութիւնը և յանդգնութիւնը նկարուած էին դէմքին վրայ։

— Մօտեցի՛ր, մատնի՛չ — պոռաց երեսն ի վեր Խանը։

— Մատնիչ մը չէ զիմացդ կեցողը, — պատասխանեց Խմիելնիցքի, — հապա Աթաման մը՝ քեզի հաւատարիմ դաշնակից և որուն գուն օգնութիւն խոստացար ոչ միայն յաղթութեան օրերուն մէջ։

— Բերդին մէջ բնակարանս պատրաստէ, վոնտէ Լեհերը, խոստմունքդ կատարէ։

— Բոլոր թաթար խումբերու վեհափառ Խան, — պատասխանեց Աթամանը։ Առվթանէն վերջ ամենէն աւելի հզօր միապետն ես, ամենէն հզօրն աշխարհիս վրայ։ գուն իմաստուն և քաջ ես, սա-

կայն կարո՞ղ ես գուն սլաք մ'արձըկիլ մինչև աստղերը կամ չափել ովկիանոսի խորութիւնը։

Խանը ապշած անոր նայեցաւ։

— Զե՞ս կարող....։ Լաւ ուրեմն, ես ալ չկրցայ չափել Երեմիայի խորամանն կութիւնը և լրութիւնը։ Կրնայի՞ ես մըտքէս անգամ անցնել որ նա պիտի յանդրգնի ձեռք վերցնել քեզի դէմ, քու զինուորներուղ արինը թափել, ծաղրել զքեզ, ամենահզօր միապետ, իբրև թէ ըլլայիր բու մուրզաներէդ յետինը։

— Աղան, — բացագանչեց Խանը, միշտ աւելի ապշած։

— Սակայն լսէ ինչ որ կ'ըսեմ քեզի. — առաջ տարաւ խօսքը Խմիելնիցքի աւելի զօրաւոր ձայնով։ — Դուն մեծ ես և զօրաւոր, զիմացդ կը խոնարհին արևելքի և արևմուտքի թագաւորները, զքեզ առիւծ կ'անուանեն ...։ Միայն Երեմիա իրեն վիզը մօրուքիդ զիմաց չի ծռեր....։ Բայց եթէ գուն չկուրես այն խրոխս վիզը և չդնես զայն ոտքերուղ տակը, ամէն մարդ պիտի ըսէ թէ զօրութիւնդ ոչ ինչ է, մատով պիտի ցուցնեն զքեզ իբրև յաղթուած անհաւատներէ, իբրև լեհ իշանէ մը աւելի տկար մէկը....

Խոր լռութիւն մը յաջորդեց : Խմիել-նիցքի խրոխտ կոթնած իրեն գաւազանին, պատասխանի մը կը սպասէր :

Մուրզաները , աղաները և մոլլաները շունչերնին բոնած կը դիտէին խանին դէմքը իբրև արև : Նա աչքերը դոց կը մտածէր :

— Դուն ըսիր արդէն , — պատասխանեց վերջապէս : — Պիտի խոնարհեցնեմ երեմիայի վիզը : Անոր մէջքին վրայ պիտի նստիմ ձիու պէս և պիտի չըսուփ թէ անհաւատ մը զիս կրցաւ խայտառակել :

— Ալլահ մեծ է , — ըսին միաբերան մուրզաները :

Խմիելնիցքի աչքերը փայլեցան : Վարպետ հարուածով մը հեռացուցեր էր մօտալուտ կործանումը և վաստկեր էր կառկածու դաշնակիցը :

Երկու բանակները մինչեւ խոր գիշեր շարժման մէջ էին , մինչ զեռ պատերազմի ասպարէզին վրայ յաւիտենական բունը կը քնանային հազարաւոր կտրիճներ : Լուսինը բարձրացաւ : Ստուերներու մէջէն հետզետէ դուրս ելան արեան հորեր , դիակներու կոյսեր , խորտակուած և արինոտ զէնքեր , ձիերու դիակներ , և զի-

շերուան աստեղ սարսափէ գունհատեալ ճառագայթները կ'իյնային տժգոյն դէմքերու , խոշոր բացուած և անշարժ աչքերու վրայ : Հոս հոն կը տեսնուէին անճոռնի դէմքեր , կը ծոէին , կը խուզարկէին , աներեցյթ կ'ըլլային . անյագ և յափշտակիչ դիակապուտներ՝ որոնք ամէն բանակի ետևէն կ'երթան , ինչպէս շնագայլերը՝ առիւծներու : Կը սօսափէին հովէն շարժող մացառները , իսկ պահակ կեցող զինուորները կը կարծէին լսել հոգիներու ողբուկոծը : Բառուեցաւ թէ , ձիշտ կէս գիշերին , կոտորածի դաշտին վրայ լսուեցաւ թերերու շառաչին մը , հեծեծանք և հառաչանք : Անոնք որ զեռ պիտի իյնային այդ պատերազմին մէջ և որոնց ականջին աւելի ուրոշ կու գային անդիի աշխարհի ձայները , լսեցին ցաւալի և տիսուք ձայներ . «Տէ՛ր , քու աչքերուղ դիմացն են մեր մեղքերը» կամ . «Ո՛վ Քրիստոն , Քրիստոն , զթա՛ մեր վրայ» : Եղբայրասպան պատերազմին մէջ ինկած հոգիները պիտի չմըտնէին յաւիտենական լուսոյ մէջ , հապահեռաւոր և մութ երկիր մը պիտի նետուէին և պիտի զատապարտուէին հովին թերեռուն վրայ գալ այս արտասուաց դաշտը և զի-



շեր ժամանակ լաւ ու կոծել, մինչև բռ-  
լորովին բաւէին իրենց մեղքերը, ներումն  
ընդունէին և մոռացութիւն:

Այսկայն նոյն ժամուն իսկ մարգկանց  
սիրով կը քարանար և դաշտին վրայ  
թռչող խաղաղութեան հրեշտակ մը չկար:

Ֆ.

Երկրորդ օրը, արել գեռ չծագած, լեզ  
բանակին մէջ նոր պատնէշ մը կը բարձրա-  
նար: Առաջին պատնէշները՝ որովհետեւ  
շատ լայն էին, անյարմար էին պաշտպա-  
նութեան և մէկմէկու շուտով օգնութեան  
հասնելու գործերուն: Աւատի իշխանը հրա-  
մայեր էր բանակը աւելի սեղմ և աւելի  
զօրաւոր շրջանակի մը մէջ ամրացնել:  
Անընդհատ երեք զիշեր տեսցին աշխա-  
տութիւնները, և միայն չորրորդ զիշերը  
կրցան զինուորները աչքերնին գոցել: Եր-  
կու բանակներուն մէջ ալ ամենքը կը քը-  
նանային բաց ի պահակներէն. Խմիել-  
նիցցի ալ պաշտպանութեան պատնէշները

ամրացուցեր էր: Այս զիշերը ոչ ոք յար-  
ձակման կը սպասէր: Աքշեղուցքի, Բոտ-  
պիթիէնդա և Զակլոպա, Վրանին տակ  
նստած, գարեջուր կը խմէին ու պանիր կ'ու-  
տէին. պատերազմին և յաղթութեան վրայ  
էր խօսակցութիւննին:

— Ես, սովորաբար, նախնեացս սո-  
վորութեան հետեւելով, — ըստ Զակլո-  
պա, — առջի իրիկուընէ կը պառկիմ և  
արշալուսին կ'արթննամ, բայց պատերազ-  
մի ժամանակ զժուար է այս սովորութեան  
հետեւիլ. քնացիր երբ կրնաս, և արթնցիր  
երբ կ'արթնցնեն զբեզ...: Այս բանս զիս  
կը կատղեցնէ, որ այն անպիտաններուն  
պատճառաւ, ստիպուած ենք սովորութիւն-  
նիս փոխել: Այսկայն ձար չկայ. ժամա-  
նակն այսպէս կը բերէ...: Բայց աղէկ  
հարուած մը կերան...: Այսպիսի երկու  
դասիկներ ալ, ու այն ատեն կ'ըսեմ որ  
ալ փափաք պիտի չունենան մեր սովե-  
րուն տակ գալու:

— Գիտե՞ս որչափ մեռած ունեցանք  
մենք. — Հարցուց Բոտպիթիէնդա:

— Շատ չէ: Պաշարմանց ժամանակ,  
լաւ զիտես, որ մեծագոյն կորուստը յար-  
ձը կողաց կողմն է...: Դուն՝ զիտեմ, այս

բաներուս մէջ փորձ չես, բայց մենք՝ հին  
զինուորներս, դիակները չենք համբեր,  
վասն զի խմբովին հաշիւ կ'ըլլուփի:

— Քեզմէ, — ըսաւ Լոնկինոս համես-  
տութեամբ, — պիտի սորվիմ:

— Անշուշտ, միայն թէ յաջողիս սոր-  
վիւ, որուն վրայ կը տարակուսիմ:

— Զինքը հանգիստ թո՛ղ, — մէջ մտաւ  
Սբէեղուցքի, — առաջին անգամ չէ որ  
վառողին հոտը կ'առնէ, երանի՛ թէ բոլոր  
զինուորները միշտ Բոտապիթիէնդայի պէս  
զործ կարենային տեսնել:

— Կրցածս ըրի, — ըսաւ սա, — բայց  
ոչ որչափ կ'ուզէի:

— Ոչ, ոչ, շատ լաւ կռուեցար, —  
քաջալերեց զինքը Զակլոպա պաշտպա-  
նողական շեշտով մը, — իսկ եթէ ուրիշ  
մը քեզմէ աւելին ըրաւ, այդ քու յան-  
ցանքը չէ:

Այս միջոցին վրանին դուռը վերցուե-  
լով ներս մտաւ Վոլոսիէսրոյ, գարնան  
առաւտեան մը թոչունի պէս զուարթ:

— Հիմա ամենքնիս միացանք, — ըսաւ  
Զակլոպա: — Իրեն ալ գարեջուր տուէք:

Պղտիկ ասպետը ընկերներուն ձեռքերը  
սեղմեց:

— Ա՛հ, — ըսաւ, — տեսնէիք թէ որ-  
չափ զնդակ ցրուած է բաղաբին մէջ, ա-  
մէն քայլ առնելուդ զնդակի մը կը զար-  
նուիս:

— Պատերազմի դաշտը կտրել անցնե-  
լու ժամանակն տեսայ, — ըսաւ Զակլո-  
պա: — Լվով զաւառին բոլոր հաւերը եր-  
կու տարուան մէջ այդչափ հաւկիթ չեն  
կրնար ածել....: Եւ ի՞նչ աղէկ բան Կը-  
լար եթէ իրաւցնէ հաւկիթ ըլլային. ....  
Ես ծուազեղը ամէն կերակուրներէ վեր  
կը զասեմ: Բայց իրուեւ զինուոր ամէն  
բան կ'ուտեմ և լաւ: Անոր համար է որ  
արդի երիտասարդներէն աւելի զօրաւոր  
հարուածներ կ'իջեցնեմ, արդի երիտա-  
սարդները անսովոր բան մը կերածնուն  
պէս ստամոքսի նեղութիւն կ'ունենան,  
փորի ցաւէ կը նեղուին:

— Այս ստոյգ է որ, — ըսաւ Վոլո-  
տիէսրոյ, — երեկ Պուրլայիի գէմ մեծ քա-  
ջագործութիւն մ'ըրիբ. ....: Է՛հ, Է՛հ, ի-  
րաւցնէ քեզմէ չէի սպասեր ....: Բոլոր  
Ուզրանիոյ մէջ ամենէն կտրիճ ասպետն  
էր:

— Առաջինը չէ, — պատասխանեց Զակ-  
լոպա, գոհութիւնը յայտնելով: — Մենք

միշտ կը ջանայինք զլուխները կտրել, և  
իրաւցնէ քանի քանիներ կտրեր ենք: Հա-  
ւատացէք, տեարք, որ ձեզի և իշխանին  
հետ պատրաստ եմ նոյն իսկ Ստամպովի  
վրայ քալելու: Հաշուեցէք. Սքշեգուց-  
քի սպաննեց Պուրդապուտը, Թոռկայի-  
պէյն ալ սպանուեցաւ....:

— Ո՛չ, — ընդմիջեց տեղակալը, —  
Թոռկայի-պէյլը, ոչ: Ես իսկ իմ սուրիս  
վեր ցատքելը իմացայ: Նոյն վայրկենին  
նահանջի փողը զարնուեցաւ:

— Նոյն բանն է, բայց խնդրեմ խօսքս  
մի կտրէք ....: Վոլոտիէսքոյ Պոկունին  
զլուխը երկու կտոր ըրաւ....:

— Լաւ է անոր անունը չիյիշէլ, — մէջ  
մտաւ լիթուանիացին:

— Այն որ ըսի, ըսի....: Առաջ կ'եր-  
թամ. Բոտպիբիէնդա Բուլիանի ոսկորնե-  
րը ջախջախեց և ես Պուրլային անդիի  
աշխարհը զրկեցի....: Կ'ուզէի զիտնալ թէ  
ի՞նչ վարձք պիտի տայ մեզի թագաւորը  
և ի՞նչ պիտի ըսէ Բարձրագոյն Ատեանը:

— Մեզմէ շատ աւելի մեծ սպան մը  
կայ և ոչ ոք կը յիշէ անունը, — խոր-  
հըրդածեց լոնկինոս:

— Ահ. և ո՞վ է, լսենք, անշուշտ հին

պատմութիւն մը — հարցուց Զակլոպա-  
վիրաւորուած:

— Հին, ոչ. այն ասպետը կ'ուզեմ ը-  
սել որ Թշիանայի մէջ կուսդաւ Ատոլ-  
փոս թագաւորը ձիով միասին տապալեց  
և գերի բռնեց:

— Այդ բանը կարծեմ Բուղսէք հան-  
դիպեցաւ, — ըսաւ Վոլոտիէսքոյ:

— Ինչ և իցէ. թագաւորը ձեռքէն  
փախչիլ յաջողեցաւ, — նկատեց Սքշ-  
դուցքի:

— Այո՛, ես ալ զիտեմ, — ըսաւ Զակ-  
լոպա աչքերը պզտկցընելով. — այն ատեն  
Գոնիէցըրուսիի՝ զրօշակրին հօրը հրա-  
մանին տակ կը ծառայէի: Համեստութեան  
համար իրեն անունը չուզեց յայտնել....:

Ստոյգ է, կուստաւ Ատոլփոս համբաւա-  
ւոր ասպետ մըն էր, սակայն ես Պուրլայիի  
հետ ընդհարման ժամանակ աւելի նեղու-  
թիւն քաշեցի բան նա կուստափ հետ:

— Եթէ ըեզի հաւատանք, դուն տա-  
պալած պիտի ըլլաս կուստաւը:

— Թերես պարձեցայ: Արդի գործեր  
շատ ունիմ, ի՞նչ հարկ անցիալը յիշել.  
....: Բայց այս գարեջուրը ինչո՞ւ կը  
զոգոայ ստամբախ մէջ, որչափ պանիր

կ'ուտեմ վրայէն, այնչափ աւելի գէշ կ'ընէ: Ժապառվարի քահանայն կ'ըսէր թէ պաշարը քիչ է, և այդ իրեն մտածել կու տար. փոր մ'ունի որ տակառի կը նմանի: Բաջ մարդ, աւելի զինուոր քան քահանայ....: Եթէ մէկուն ապտակ մը զարնէ պէտք է դագաղը պատրաստել տալ:

— Բայց դուն դեռ չես զիտեր թէ միւս քահանայն՝ Ժասպուլսքի, ինչ գործեր տեսաւ: Բերդին աջակողմեան աշտարակին վրայ ելած, պատերազմի դաշտը կը զիտէր: Պէտք էք զիտնալ որ կատարեալ հրացանաձիգ մըն է. «Ո՛հ, — կ'ըսէ ընկերոջ, — Դագախներու վրայ չեմ պարտեր, վասն զի վերջապէս քրիստոնեայ են, բայց թաթարներու դէմ... չեմ կրնար ինքինքս զապել»: Եւ, քահանայ ըլլալով հանդերձ, քանի մի տասնեակ թաթարներ անդիի աշխարհը զրկեց:

— Ափսոն ամբողջ կղերը այդպէս չէ, — հառաչեց Զակլոպա: — Մուքովեղի, օրինակի համար, միշտ կու լայ քրիստոնեայ արիւն թափուելուն համար:

— Ո՛հ, Մուքովեղի սուրբ մարդ մըն է, — ըստ Արշեղուցքի, — անոր առաքինութեան դիմաց ամենքը կը խոնարհին:

— Ես զինքը չեմ բամբասեր որովհետեւ առաքինի է, — պատասխանեց Զակլոպա, — համոզուած եմ որ կարող է խանն ալ գարձի բերել. ....: Բայց լաւ միտքս եկաւ, նորին վեհափառութիւնը՝ խանը, շատ զայրացած պիտի ըլլայ Լեհերու դէմ: Ելք խաղաղութեան դաշանց վրայ խօսիլ սկըսուի, զեսպաններուն հետ իրեն քով կ'ուզեմ երթալ: Հին բարեկամներ ենք, մանաւանդ զիս շատ կը սիրէր երբեմն:

— Թերեւ բանակցութեան համար Եանիսքին կը զրկեն, վասն զի թաթար լեզուն զիտէ, — ըստ Արշեղուցքի:

— Ես ալ կը խօսիմ, բաց այտի բոլոր Մուրզաները կը ճանչնամ....: Ամենքն ալ իրենց մէկ աղջիկը ինծի կնութեան կ'ուզէին տալ, ազնուական ըլլալու համար. ....:

— Բաւուկան է, բաւական, — ազդարարեց Լոնկինոս աչքերը խոնարհեցնելով:

— Դուն արդէն սարեակ ես և սարեակի պէս կ'երգես, ....: Կարծեմ մարդկային լեզուն քեզի անծանօթ է....:

Գուրաէն եկող աղմուկի ճայն մը խօսակցութիւնը ընդմիջեց: Ամենքը դուրս եւան տեսնելու թէ ինչ կայ: Զինուորնե-

բու բազմութիւն մը պարիսպներու վրայ կեցեր էր, և թշնամւոյն բանակին տեսնդու աշխատութիւնները կը դիտէր: Պազախները պատնէշներ կը բարձրացնէին և անոնց վրայ կը հանէին այնպիսի թնդանօթներ՝ որոնց նմանը չունէին լեհերը: Առաջին մարտկոցին վրայ Խմիելնիցքիի զինուորներուն կարմիր գլխարկները կը տեսնուէին: Վիսնիովիեցքի կեցեր էր Բրիէմսքի և Քրասովսդասքիի հետ: Աւելի վար կեցեր էր Պելսքի բերդակալը՝ որ դիտակով դիտելով Խմիելնիցքիի գործերը արքունի տակառապետին ըստ:

— Թշնամին կանոնաւոր պաշարում մը կ'ուզէ սկսիլ: Կը տեսնուի թէ բերդին մէջ փակուած պիտի մնանք:

— Աստուած մի՛ արացէ, — բացագնչեց իշխանը: — Հոս կամ պէտք է յաղթել կամ մեռնիլ:

— Ես ալ այզպէս կը մտածեմ, եթէ հարկ իսկ ըլլայ սպաննել ամէն օր Պուրւայի մը, — ըստ Զակլոպա: — Յանուն բոլոր բանակին կը բողոքեմ բերդակալին կարծիքին դէմ:

— Այդ բանը քեզի չիյնար, — նկատեց իշխանը:

— Լոէ՛, — ըստ Զակլոպայի ականցէն Վոլոտիէսքոյ ու հեռացուց զինքը:

— Որդի պէս բնաջինջ կ'ընենք զիրենք իրենց այդ ծակերուն մէջ, — առաջ տարաւ խօսքը Զակլոպա: — և ժամանակին ես նախ պիտի խնդրեմ Զեր Բարձրութենէն հրաման տալ դուրս յարձակում մը ընկելու: Արդէն բաւական կը ճանչնան զիս, լաւ ես պիտի ճանչնան:

— Դուրս յարձակում մը...: Համբերէ, բարեկամ, հիմա մութէ, — ըստ իշխանը յօնքերը պոստելով: Ապա դառնալով իրեն չորս կողմը կեցողներուն, — կը խնդրեմ, — ըստ, — ժողովքի գալ հաճեցէր:

Այս ըստ ու հեռացաւ, միւս սպայները ետևէն գնացին:

— Բայց դուն յիմա՞ր ես, — բացագնչեց Վոլոտիէսքոյ: — Զես զիտեր որ այդ մէջ նետուիլդ կարգապահութեան հակառակ է: Իշխանը շատ ազնիւ մարդ է, բայց պատերազմի ժամանակ անոր հետիաղաւ չըլլար:

— Մի՛ վախնար, — ըստ Զակլոպա: — Գոնիէցբոլսքի՝ առիւծ մը իրաւցնէ, իմ խորհուրդիս մտիկ կ'ընէր: Ո՛հ, ես զիտեմ

մեծերու հետ վարուելու կերպը . . . :  
Գրաւ կը դնեմ որ իմ գուրս յարձըկելու  
խորհուրդս նկատողութեան պիտի առնուի  
... : Եւ եթէ յաղթութիւն վաստկինք ու  
ըստն պիտի ըլլայ արդիւնքը, հէ... քեզի,  
թերես:

— Այս յայտնի է որ Ղազախները՝  
խոզերու նման, կը փորեն ու կը փորեն,  
— ըստ Սասվիլիքովսքի մօտենալով:

— Ես կարծեմ այս իրիկուն, կամ աւ  
ելի կանուխ, յարձակում կ'ընեն:

— Իսկ ես, ընդհակառակն, կարծեմ  
մինչև վազը զմեզ հանգիստ կը թողուն:

Զակլոպա հազիւ լմացուցեր էր խօսքը  
գնդակները շշելով իրենց գլխուն վրայէն  
անցան ծուխի հետք մը ձգելով:

— Մկանք, առ պատասխանդ, — ը-  
ստ Սասվիլիքովսքի:

— Վայ իրենց, կը տեսնուի թէ զի-  
նուորական արուեստէն բան մը չեն հասկ-  
նար, — ըստ Զակլոպա:

Իրաւցնէ Խմիենիցը կանոնաւոր պա-  
շարում մը սկսեր էր, հաղորդակցութիւն-  
ները կտրելով, պաշար ներս մտցնելը ար-  
գիլելով, պատնէշներ բարձրացնելով: Առ  
ժամս և ոչ մի յարձակում: Միաքը դրեր

էր նեղել լեհերը, միշտ երկիւղի մէջ բռնել  
զիրենք, յոգնեցնել մինչև որ զինաթափ  
ըլլան: Նոյն իրիկունը Վիսնիովիեցքի զօ-  
րանոցին վրայ յարձըկեցաւ, բայց չարա-  
գոյն արդիւնք ունեցաւ, մանաւանդ որ  
Ղազախներն յոչ կամս կը հնազանդէին:  
Երկրորդ օրը նորէն յարձըկեցաւ. շարու-  
նակ թնդանօթաձգութիւնը վայրկեան մը  
հանգիստ չտուաւ պաշարելոց. իրիկունը  
ընդհանուր յարձակում մը տեղի ունեցաւ,  
ժամանակ չկար դուրս յարձըկիլ մտածե-  
լու: Յուլիս տասնըվեցի զիշերը, կլատքոյ  
և Նէպապա գնդապետները նորէն յարձը-  
կեցան Վիսնիովիեցքի զօրանոցին վրայ,  
բայց նոյն բաղզը ունեցան. Երեք հազար  
Ղազախ ինկան, մասցածները՝ հալածուած  
Քրասնովդասքիէն, անկարգ փախան թող-  
լով զէնք և սազմամթերք: Այս բաղդին  
հանգիպեցաւ նաև Ֆէդորէնքոյ՝ որ առա-  
ւոտեան մզուշէն օգուտ բաղելով, քիչ մնաց  
բաղաքին կը տիրէր, բայց չորփ՝ զլուի  
անցած իրեն զերմանացիներուն, ետ մղեց  
զինքը, և Քրասնովդասքի և Գոնիէցքուլ-  
քի հալածեցին: Բայց ասոնք աննշան բա-  
ներ էին բաղդատմամբ Յուլիս տասնըօ-  
թի յարձակման: Նախընթաց իրիկունը,

Ղազախները Վիսնիովիեցքիի զօրանոցի  
դէմ զօրաւոր պատնէշ մը բարձրացուցին,  
ու անկէց սկսան խոշոր թնդանօթներով  
շարունակ ուժմբակոծել . առաւօտեան դէմ  
տասը հազարի վաշտ մը յարձըկեցաւ:  
Միւնոյն ժամանակ հեռուն տեսնուեցան  
տասը ահաւոր մեքենայներ՝ որոնք շարժա-  
կան աշտարակներու կը նմանէին և կը  
մօտենային պարիսպներուն : Երկու քո-  
վերն, ահազին թերու նման, շարժական  
կամուրջներ ունէին խրամներու վրայ ձգե-  
լու համար, ծակերէն շարունակ կը պար-  
պէին լայն բերան հրացաններ, հրացան-  
ներ և գաշտային թնդանօթներ: Զինուոր-  
ները մէկմէկու մատով ցուցնելով այն թե-  
ւաւոր աշտարակները, կ'ըսէին.

— Խմիելնիցքի հողմաղօրիքներով զմեզ  
աղալ կ'ուզէ:

— Տես թէ ինչպիսի աղմուկով վրա-  
նիս կը վազեն:

— Թնդանօթով, թնդանօթով հարուա-  
ծեցէք:

Իշխանին թնդանօթաձիգները հրամանը  
կըկնել չտուին, աշտարակներու դէմ զըն-  
դակներու և ուժմբակներու կարկուտ մը  
սկսաւ տեղալ. բայց որովհետև մութ էր,

գնդակները ճիշտ նպատակին չէին հաս-  
նիր: Եւ սեւ կոյտը ծխալով միշտ առաջ  
կու գար ալիքի մը նման :

— Ուփ, — պոռաց Զակլոպա որ Աքշե-  
դուցքիի ձիաւորներուն քով կեցեր էր: —  
Այսօրուան պէս տաք երբէց չեմ զգա-  
ցած: Գետնին տակը անցնին այդ գժու-  
խային աշտարակները: Այս անպիտաննե-  
րու պատճառաւ ժամանակ չունինք քրիս-  
տոնէի պէս ուտելու և ցնանալու. հաւա-  
տացէք որ շուներուն վիճակն անգամ մե-  
րինէն լաւագոյն է . . . . : Ուփ, ինչպէս  
տաք է: — Եւ իրաւցնէ օդը մահառիթ ար-  
տաշնչութեամբ ծանրացեր էր: Ամպամած  
երկինք փոթորիկ կը սպառնար: Զինուոր-  
ները ուզմամթերից ծանրութեան տակ  
ընկճուած քրտինք կը թափէին: Մութին  
մէջ թմբուկի դափինը լսուեցաւ:

— Կը լսէս, — ըսաւ Աքշեդուցքի, —  
յարձակման նշան կու տան:

— Կը լսեմ, կը լսեմ, սատանան յար-  
ձըկի իրենց վրայ, — մըմուաց Զակլոպա:

Պարիսպներու ամբողջ երկայնութեամբ  
ահաւոր պատերազմը սկսաւ: Միանգա-  
մայն կը յարձըկէին Վիսնիովիեցքիի,  
Ֆիրւէյի և Օսդրորոկի վրայ որպէս զի մէկ-

մէկու օգնելու կարելիութիւն չթողուն, սաւ կայն դիմադրութիւնն աւ կորովի էր: Զօրագլուխը իրեն զիւցազնական ովով լեցուցեր էր զինուորները: Ահաւոր հետևակազօրը՝ որուն օգնութեան հասան անմիջապէս Քրամնովուաբի և Աքշեգուցքի, չորս բաժնուած յարձըկեցաւ Ղազախներու դէմ: Արիւնը հեղեղօրէն կը վազէր. . . .: Կոփւը ժամեր տեսեց, Խմիելնիցը՝ փոխանակ վհատելու, միշտ նոր ուժեր կը նետէր կրակին մէջ: Թաթարները իրենց աղաղակներովը և սլաքներովը կ'օգնէին անոնց...: Սակայն, յանկարծ, զողաց երկիրը և երկնային կամարը ելէրտրական բոցով մը բոնկեցաւ, կարծես Աստուծոյ բարկութիւնը այլ ևս չէր կրնար հանդուրժել մարդկային չարութեան: Որուման ահեղ բոմբիւն մը խափանեց ձայներու և զինուց շառաչը: Երկնային հրազէնք սկսան իրենց հարուածները: Կարծես երկիրը փայլակներու և կայծակներու հրդեհով մը պատերազմողներուն զըլխուն վրայ պիտի փլչէր. հուժկութառը տաթառը տապալեց շատ զինուորներ, պատսեց դրօշակներու լաթերը, ցրուեց զանոնիք դաշտին մէջ:

Տեղատարափ անձրել կռուոյն վերջ տուաւ: Զուրը դիմակները քշեց լեցուց խրամատներու մէջ: Ղազախ զօրագունդերը պատերազմի զաշտը թողուցին ու փախան ջրհեղեղէն աղատելու համար. անոնց հետ կը փախչէին թնդանօթաձիգները թողլով զէնք, ուզմամթերք, թնդանօթ: Զուրը փլցուց զազախ պատնէշները քշելով տանելով ինչ որ դիմացը կը հանդիպէր: Հետեւակազօրը թողուց մարտկոցները և անոնց տակը ապաւինեցաւ: Միայն Քրասնովուաբիի և Աքշեգուցքիի հեծելազունդերը, իրենց զիրքը թողլու հրաման չունենալով, մինչև ծունկերը ջուրի մէջ անշարժ կեցեր էին:

Փոթորիկը վերջապէս մեղմացաւ քիչ մը: Կէս զիշերէն վերջ անձրել դազեկցաւ և հոս հոն աստղերը փայլվլի սկսան: Առաւոտեան ժամը մէկին նուազեր էր քիչ մը ջուրը. Աքշեգուցքի իրեն դիմացը տեսաւ երեմիա իշխանը:

— Պարոններ, — հարցուց, — փամբուածներու մախաղները չո՞ր են:

— Չոր են, — պատասխանեց Աքշեգուցքի:

— Լաւ: Վար իջէք ձիերէն, առաջ զը-

նացէք մինչեւ այն մեքենայները, օդ հանցէք զանոնք . . . : Զգուշութեամբ առաջ գնացէք: Չեզի հետ պիտի գայ Սոպիէսքի: — Կը հնազանդիմ, — ըսաւ Սքշեղուցքի:

— Դուն դէպ ի դուրս յարձակում մը կը խնդրէիր, — ըսաւ իշխանը խխում դարձած Զակլոպային:

— Աս ալ նոր բան, — մտածեց թշուառականը, — լողալով յարձակում:

Կէս ժամ վերջ, երկու ջոկատ՝ երկու հարիւր յիսուն անձինք, մինչեւ մէջքերը ջուրին մէջ, առաջ կ'երթային դէպ ի շարժական քարաքները, այսպէս կ'անուանէր իշխանը այն մեքենայները: Մէկ ջոկատին կ'առաջնորդէք Սոպիէսքի, միւսին Սքշեղուցքի: Զինուորները կը տանէին վառող, ջահ և կուպի պատիկ տակառներ: Երջահայեաց և շունչերնին բռնած առաջ կ'երթային, նման զայլերու՝ որոնք փարախին կը մօտենան: Վոլոտիէսքոյ իբրև կամաւոր կ'ընկերէք արշաւանքին: Իրեն բովէն կ'երթար Բոտպիթիէնդա, և երկու քին մէջ տեղ Զակլոպա, հեւալով ու մըմըսալով:

— Դուրս յարձակում մը կը խնդրէիր,

— Կը կրկնէր երգիծանօք իշխանին խօսքերը: — Ահաւասիկ. զնա խղղուէ: Այո՛, ես այդ խորհուրդը տուեր էի, բայց ոչ այսպիսի օգով. . . . : Միշտ ատելի եղեր է ինձի ջուրը, մանաւանդ հիմա աւելի տաելի է այնչափ դազախ դիակներով ապականուած:

— Լուս կեցիր, — ըսաւ ցած ձայնով Վոլոտիէսքոյ:

— Է՛հ, կ'ենթաղրուի, դուն պզտիկ ձուկի պէս կը լողաս . . . : Իրացնէ լաւ բան մը չըրաւ իշխանը, Պուրլայիի դէմ տարած յաղթութենէս վերջը այս նեղութիւնը ինձի տալով. . . . : Կարծես այս պատերազմի ժամանակ ամէն բան ես պիտի ընեմ. . . . : Բայց Աստուծոյ սիրոյն, եթէ փոսի մը մէջ իյնամ զիս դուրս բաշեցէք, թող ըլլայ ականջներէս:

— Լոէ՛, — հրամայեց Սքշեղուցքի: — Կազախները կրնան լսել:

— Ի՞նչ. ո՞ւր են. ի՞նչ կ'ըսես:

— Հոն են, այն հողաբլուրներու ետեր. . . . :

— Վայ չար սատանայ. աս կը պակէր. . . . թըշ. . . . :

Վոլոտիէսքոյ ձեռքով անոր բերանը գո-

ցեց։ Զոկատը ջուրին մէջ կը լողար։ բաւրեպաղպաքար անձրեւ սկսաւ ու աղմուկը չէր լսուեր։

Աշտարակներու վրայ դուրսէն պահապան չկար։ Որո՞ւն մտքէն կ'անցնէր որ այն ջրհեղեղէն վերջը լեհերը դուրս ելլեն ծով մը կտրեւ անցնելով։ Վոլոտիէսքոյ և Բոտպիրիէնդա առաջ ցատքեցին և ամենէն առաջ հասան։ Պղտիկ ասպետը ձեռքը բերնին դնելով, պոռաց։

— Եյ, ով կայ հոն։

— Ի՞նչ կայ, — պատասխանեցին ներսէն Ղազախները՝ որոնք կը կարծէին թէ իրենց ընկերներու հետ է որ կը խօսին։

— Գովեալ ըլլայ Աստուած, — նորէն պոռաց Վոլոտիէսքոյ։ Ներս առէր զմեզ։

— Ճամբան չէ՞ք զիտեր։

— Գիտեմ — պատասխանեց Վոլոտիէսքոյ ու խարխափելով գտաւ դուռը, ներս նետուեցաւ։ Անոր ետեէն Լոնկինոս ու քանի մը զինուորներ։

Աշտարակին մէջ վայրենի գոռում մը լսուեցաւ, մինոյն ժամանակ զինուորները միւս աշտարակներուն վրայ յարձեկեցան։ Մթութեան մէջ երկաթի, ձայներու, ընդհարմանց խառնիխուռն շառաչ մը կը լը-

սուէր։ Խուճապը քառորդ ժամու միայն տեեց։ Ղազախները յանկարծակիի գալով՝ անկարող իրենք զիրենք պաշտպանելու, ամէնն ալ սպանուեցան։

— Միւս աշտարակներու վրայ, — հընչեց Սրչեղուցքի ձայնը։ Կրակ մէջ տեղը՝ ուր աւելի չոր է։ Սակայն հրամանին գործադրութիւնը դիւրին չէր։ Եղմին փայտի զերաններով շինուած աշտարակները մէկ յարկէն միւսը ելլելու անցք չունէին. Թնդանօթածիզը շարժուն սանդուխներու վրայէն մազցելով վեր կ'եւլէին և պղտիկ թնդանօթները չունեներով վեր կը քաշէին։ Բարեբաղդաբար կացիներ կը գտնուէին հոն, անմիջապէս զանոնք յափշտակեցին։ Առաջիէսըի հրամայեց լեցնել թնդանօթները և կրակ տալ կուպրի տակառիկներուն։ Շուտով բոցը սկսաւ օծի պէս պլլուիլ խոնաւ զերաններու վրայ՝ որոնց վրայ կը կաթկըթէր հալած կուպրը։ Թնդանօթները տաքնալով շառաչմամբ պայթեցան խորտակելով պղտիկ պատուհանիկները և նոյն իսկ աշտարակներու կողերը՝ ուր զետեղուած էին։ Լոնկինոս ծոեցաւ և ահագեն քար մը վեցուց՝ զոր չորս զինուոր պիտի չկարենա-

յին տեղէն անգամ շարժել.... նա բարձրացուց զայն գլխուն հաւասար և նետեց փայտեայ պարսպին դէմ ու խորտակեց:  
— Հերակլէս մըն է, — պոռացին զինուորները:

Քիչ մը վերջ բոլոր աշտարակները բոցերու մէջ էին ու ողողուած դաշտը կը լուսաւորէին ի մնծ ապշութիւն երկու թշնամի բանակներու: Ղազախները փորձեցին կրակը մարել, բայց ի զուր: Ծուխի և կայծակներու սիւներ ճարճատելով դէպ ի երկինք կը բարձրանային: Զոկատները իրենց գործը լմացնելէն վերջ կարգով դէպ ի պարիսպները կը դառնային, չեռուէն իրենց ընկերներու ուրախ աղաղակները զիրենք ողջունեցին: Արշեղուցքի յանկարծ չորս կողմը դիտելով հրամայեց:

— Կանգ առէք:

Խիզախ ձեռնարկէն ետ դարձողներուն մէջէն կը պակսէին Վոլոտիէսքոյ և Լոնկինոս: Անշուշտ հրդեհին յաջողութեամբ խանդավառ, չէին անդրադարձեր իրենց ընկերներուն մեկնիլը և դեռ հոն կեցերէին:

— Ճակատ դէպ ի ետ. — հրամայեց  
Արշեղուցքի:

Սուլիէսքի՝ որ գծին միւս կողմն էր և չկարենալով գուշակել թէ ինչ պատահերէ, առաջ վազեց տեղեկանալու համար: Նոյն ատեն երկու կորսուած ասպետները յանկարծ երևացն, կարծես գետնի տակէն ելան: Լոնկինոս հսկայ քայլերով առաջ կու գար ահազին սուրը շողացնելով, Վոլոտիէսքոյ անոր ետեէն կը վազէր. երկուքն ալ՝ նահանջելով հանդերձ, կը դառնային մերթ ընդ մերթ զիրենք հալածող Ղազախներուն դէմ:

Աշտարակներուն բոցերուն լուսով կը տեսնուէր երկու կտրիճները հալածող թըշնամեաց խիտ բազմութիւնը:

— Աստուած իմ, Աստուած իմ, — պոռաց Զակլոպա ահարեկեալ, — կորսուած են: Օգնութեան վազենք:

Եւ փոյթ չընելով թէ նոր կոիւ մը պիտի սկսէր, սուրը բարձրացուցած խոյացաւ Արշեղուցքիի ետեէն: Ղազախները հրացան չէին պարպեր, վասն զի խանձակալը խոնաւութիւն առեր էր: Ոմանք, աւելի արագընթացք, հասնելու վրայ էին երկու ասպետներուն, երբ ասոնք դարձան յանկարծ և սուրերնին բարձրացուցին սուր ճիչ մը արձակելով: Ղազախները կանգ

առին: Լոնկինոս իրենց գերբնական էակ մը կը թուէր: Նման երկու գայլերու զորոնք կը հալածէ բարակներու խումբ մը, լոնկինոս և Վոլոտիէսցոյ մերթ ընդ մերթ կը դառնային, ակռանին կը կրմտէին ու նորէն կը սկսէին փախչիլ: Գերանդազէն Ղաղախներէն մին յաջողեցաւ Վոլոտիէսքոյի վրան խոյանալ, բայց պզտի ասպետը հարուածէն խոյս տուաւ, վայրենի կատուի պէս թշնամւոյն վրան ցատքեց և մեռած գետինը փոեց զայն: Աքշեղուցքին հուսարները վազելով կու գային, իսկ ամենէն առաջ կը վազէր Զակլոպա:

— Զարկ, Զախջախէ՛, սպաննէ՛, — կը պոռար:

Նոյն միջոցին մարտկոցներէն թնդանօթները որոտացին, և բանի մը որմբակ, աղեղ ձեացնելով երկնից կամարին տակ, ինկան Ղաղախներու խումբին մէջ:

— Փախէ՛ք, փախէ՛ք, — պոռացին Ղաղախները, երբ լսեցին մահացու գնդակներու շառաչը, ու ամէն կողմ ցրուեցան:

Նոյն միջոցին Վոլոտիէսցոյ և Լոնկինոս իրենց օգնութեան հասնող ջոկատին կը հասնէին: Զակլոպա մէյ մը մէկուն, մէյ մը միւսին վիզը կը պլլուէր, ինքիր-

մէ գուրս ելեր էր իրեն երկու բարեկամները ազատուած տեսնելով:

— Ո՞հ, իմ Հերակլէսներս, — կը պոռար: — Ես չեմ ուզեր ըսել թէ ինչ անձկութեան մէջ էի ձեզի համար, բայց կը վախնայի որ այն շուներուն ճանկերուն մէջ չիյնայիք....: Այսպէս ուրեմն է որ կը հասկնաք ծառայութիւնը. ետեւ մնալ: Ես պիտի ըսեմ իշխանին որ լաւ մը լուայ զձեզ: Մակայն, փառք Աստուծոյ, ողջ էք: Հիմա երթանը քնանանք: Անոնք ալ բաղդունեցան որ ոլմբակներու դիմացէն փախան, ապա թէ ոչ կարսոնի պէս կը ջարդէի զիրենք....: Ես աւելի կ'ընտրեմ կոուիլ բան թէ բարեկամներու մահը տեսնել....: Զեզի համար ի խորոց ըսելու պատրաստուեր էի....: Երթանը խմենք: Ակսոն որ նորէն չյարձուկեցան վրանիս. գիտնաք թէ ինչպէս կը քերուէին ձեռքերս....: Ստոյգ է անոնց անիծեալ աշշարակները փճացուցի, ո՞հ, լաւ փճացուցի:

Յ.

Լեհերու թնդանօթներու հարուածներէն պաշտպանուելու համար թշնամիները մեծ աշխոյժով անձրևէն աւրուած պատնէշները նորոգելու սկսան։ Երեքշարթիէն Զորբեքշարթի օրը զազախ բանակին չորս կողմը երկրորդ և աւելի բարձր պատնէշ մը բարձրացաւ։ Զորեքշարթի առաւտ կանուխ բերդին դէմ ուրմբակածութիւնը սկսաւ և չորս օր շարունակ տեսց։ Այսկայն զազախ վաշտերն ալ կ'անօսրանային, վասն զի թշնամի բանակին ալ պարագ չէր կենար։ Երբեմն Զարորոժիներու սև ամրոխներ յարձակում կ'ընէին, բայց մարտկոցներու տակ չէին հասնիր. միայն հրետանիներու կրակն աւելի բուռն կ'ըւլւար։ Դազախները անթիւ բազմութիւն ըլլալով, կրնային յոզնած զօրագունդերը փոխել թարմ զօրքերով. ոմանք կը կըռուէին, ոմանք հանգիստ կ'առնէին։ Ծնդհակառակն լեհերը՝ թէպէտ յոզնած, ստիպեալ էին գիշեր ցորեկ աշխատելու։ Զորս

օր ոչ ոք կրցաւ զգեստները հանելու ժամանակ ունենալ. թրջած զգեստները մարմիններուն վրայ կը չորնային, արևու գէմ կ'այրէին և գիշերը ջերմի սարսուռ կը զգային։ Եփած կերակուր չէին կրնար ուտել. օդի կը խմէին և որպէս զի աւելի զօրաւոր ըլլայ, վասօդ կը խառնէին մէջը, պարսիմատ էր կերածնին, և ծովսէ անցուած միս կը կրծէին. և այս՝ անդադար գնդակներու, կրակի և աղմուկի տակ։ Աւելով կարելի էր աւել պարիսպներու վրայ ինկած գնդակները, այնչափ առատ կը տեղային։ Թեթև վէրքերու ուշ չէր դրուեր, լաթով մը ուժով կը կապէին և աւելի կատաղութեամբ կը կռուէին։ Հիւնալի զիմազրութիւն, վսեմ չարքաշութիւն։ Դիւցազնական խանդ մը կ'ոգեռուէր զինուորները։ Յոզնուութիւն չէին իմանար, վտանգով կը սնանէին, զայն կը վինտուէին։ Այն կէտին հասան որ կարելի չէր այլ ևս զիրենք պարիսպներու վրայ բռնել։ Շարունակ կռուէին զայրացած՝ թըշնամւոյն վրայ կը նետուէին, ինչպէս զայլեր գառներու վրայ։ Ամէն զօրագունդ տենդոտ արիութեամբ ոգեռուած էր, ուրախութիւն մը կը զգային որ ինենթու-

թիւն կը թուէր, ով որ յանդզգնէր անձնատուր ըլլալու խօսքը ընել, կտոր կտոր կ'ըլլար: Զօրազլիսին որ և իցէ հրամանը կայծակի արագութեամբ կը կատարուէր: Իրիկուն մը, երբ իշխանը քննութեան եւ լեր էր մարտկոցներու՝ զինուորներու հրացանաձգութեան մէջ յոգնածութիւն մը նշմարեց:

— Ինչո՞ւ չէր պարպեր, — հարցուց զինուորներուն:

— Վառող չունինք. բերդը դրկեցինք բերելու:

— Զեր ձեռքին տակն է վառողը, — ըստ իշխանը մատով ցոյց տալով թշնամի պատնէշը:

Դեռ չէր լմնցուցած խօսքը ամրող զօրագունդը սրարշաւ վազեց: Պազախները հրացանի կոթերու և նիզակներու տակ ջախջախուեցան, երեք թնդանօթ գամուեցան, և կէս ժամ վերջ զինուորները կը դառնային, պակաս այո՛, բայց վառողի լաւ պաշարով:

Օրերը կ'անցնէին. պաշարումը երթալով կը սեղմուէր: Այլ ևս մօտէն կը կատարուէին հրացանաձգութիւնները, և թո՛ղ ընդհանուր յարձակումները, ամէն օր շատ մարդ կ'իյ-

նար իւրաքանչիւր զօրագունդէն: Քահանայները չէին հասնիր խորհուրդները մատակարարելու: Պաշարեալները սայլերու, մորթերու, վրաններու ետև կ'ապաստանէին: Թշնամի զիմերն ալ կ'անօսրանային և խմբելնիցքի Լեհերուն զիմազրութեան վրայ կը զարմանար: Յոյսը պաշարման երկարութեան և յարատեռութեան վրայ զրեր էր, սակայն Լեհերը միշտ աւելի կ'արհամարհէին մահը: Զօրազլուխները օրինակ էին զինուորներուն: Երեմիա իշխանը պարիսպներուն վրայ զետնի վրայ կը քնանար, օդի կը խմէր և ծխոտեալ միս կ'ուտէր: Գոնիեցըոլսքի և Սոպիէսքի երբեմն դուրս կը յարձըկէին: Յարձակմանց ժամանակ կրակին զիմաց նախ իշրենը կը կենային: Մինչև անզամ անփորձները, ինչպէս էր Օսզորովկ, մեծ զօրավարին հրամանին տակ դիցազնաբար կը կոռուէին: Ֆիրլէյ և Լանցքըորոնարի՝ թէպէտ ծեր, մարտկոցներու վրայ կը քնանային. Բրիէմսքի ցորեկը թնդանօթները կ'ուղղէր դէպ ի նպատակը, զիշերը խլուրդի նման գետնի տակ կը փորէր ընդբերդեայ ականներ պատրաստելու համար: Վերջապէս խմբելնիցքի բանակցութեանց

Սրով ու Հրով Դ.



սկսաւ. զիտաւորութիւնն էր յարմար ժամանակը գտնել և հնարքով մը յաղթել : Յուլիս քսանըչորսին Ղազախները պատշնէներէն սկսան պոռալ որ գաղթեցնեն կրակը: Պատգամաւորութիւն մը առաջ եկաւ և իմացուց որ Աթամանը կը փափաքէր խօսիլ ծեր Սասվիլիքովսրիի հետ: Հակիրճ խորհուրդ մընելէն վերջ զօրագլուխները իրենց հաւանութիւնը տուին: Պարսպներէն տեսան թէ ինչ ընդունելութիւն ըրին Ղազախները ծերոյն: Սասվիլիքովսրի այնպիսի արուեստով խօսեցաւ որ զրաւեց վայրենի Զարորոտիներու սիրառ և նոյն իսկ Խմիելնիցը պատկառեցաւ անկէց: Կրակը զաղբեցաւ: Ղազախները խմբովին թշնամի մարտկոցներուն կը մօտենային. Լեհերը վար կ'իջնէին և անոնց կը մօտենային: Երկու կողմէ ալ արթուն և զգոյշ էին, բայց ձախ բան մը չհանդիպեցաւ: Ղազախները կը զանգատէին Լեհերու դէմ որ ոչինչ բաներու պատճառաւ այսչափ քրիստոնեայ արին թափուելու պատճառ կ'ըլլային: Կամաց կամաց բարեկամաբար մէկմէկու օղի և ծուլս սկսան հրամցնել:

— Է՞ն, պարոններ, — կ'ըսէին ծեր

Զարորոտիները, — եթէ միշտ այսպիսի զիտագրութիւն մ'ըրած ըլլայիք, պիտի չտեսնէիք Դեղին Զուրերը, Քորսուն, և ո՛չ Բիլավցէ: Հիմա մարմնացեալ գեւերու կը նմանիք, անդիի աշխարհի մարդիկ էք:

— Եկէք վազը, միւս օր, միշտ այսպէս պիտի գտնէք զմեզ:

— Յայտնի է թէ պիտի գանը: Հիմակու հիմա, փառք Անտուծոյ, քիչ մը հանգիստ կ'առնենք....:

— Ինչ արեան հեղեղներ....: Սակայն ուշ թէ կանուխ սովէն անձնատուր պիտի ըլլաք:

— Անկէց առաջ թագաւորը կը հասնի: Հիմա զեռ նախընթրեաց մէջն ենք:

— Եթէ մեր կերակուրը պակսի ձեզմէ կու գանը կ'առնենք — ըստ Զակլուպաձեռքերը կողերուն զրած:

— Աստուած տար որ պապա Սասվիլիքովսրի համաձայնէր Աթամանին հետ. ապա թէ ոչ այս իրիկուն նորէն յարձակում:

— Ապրիք, մենք հոս անգործ մնալով կը ձանձրանանք:

— Խանը երդում ըրեր է զձեզ ամենքնիդ խորովել:

— Խոկ մեր իշխանը ըսեր թէ խանը մօրուքէն պիտի կապէ իրեն ձիուն պոչին:

— Կախարդէ, բայց այդ բանը պիտի չկարենայ ընել:

— Լաւ կ'ընէք դուք եթէ մեր իշխանին հետ միանայիք ու անհաւատներուն վրայ յարձըկէիք քան թէ կառավարութեան դէմ ապստամբէիք:

— Զեր իշխանին հետ . . . : Իրաւցնէ գեղեցիկ առաջարկ:

— Ինչո՞ւ կ'ապստամբիք: Թագաւորը կու գայ ձեր պարտը ձեզի կը սորվեցընէ: Երեմիա իշխանը որդւոյ պէս կը իրնամէր զձեզ . . . :

— Նա մեզի հայր է, ինչպէս մահը՝ մայր: Ժանտախտը այնչափ չսպաննեց որչափ անոր սուրբ:

— Ո՛հ, աւելի չարագոյնը պիտի ընէ: Դուք դեռ զինքը չէք ճանչցեք:

— Եւ ճանչնալու ալ փափաք չունինք: Մեր ծերերը կ'ըսեն թէ, եթէ զազախ մը անոր աչքերուն մէջ նայի, մահունէ չազատիր:

— Այդ բանը պիտի հանդիպի Խմիելնիցըիի:

— Աստուած միայն զիտէ թէ ինչ պիտի հանդիպի: Այս յայտնի է որ աշխարհիս վրայ երկուքին համար տեղ չկայ: Պասկա Խմիելնիցըի ալ կ'ըսէ որ եթէ Երեմիան ողջ իրեն ձեռքը յանձնէք զձեզ հանգիստ կը թողու և մեզի հետ կը հպատակի թագաւորին:

Զինուորները յօնքերը պոստեցին և ակունները կրատեցին:

— Լոեցէ՛ք, կամ սուրերնիդ մերկացէք:

— Ինչ կատաղի են այս լեհերը, — կը մրմույին Ղազախները: — Անոնց կատաղութիւնը մենք կ'անցնենք:

Այսպէս կը խօսէին թշնամիները, մերթ սիրով մերթ սպառնալով: Կէս օրէն վերջ Սասվիլիքովսը զազախ բանակէն դարձաւ: Բանակցութիւնը ի գերև ելեր էին: Խմիելնիցըի կը պահանջէր որ իրեն ձեռքը յանձնուին վիսնիովիեցըի և Գոնիեցըութիւնը . . . : Իրիկունը յարձակումը սկսաւ որ երկու ժամ տեղ: Ղազախները ետ մղուեցան, լեհ հետեւակազօրը անոնց առաջին պատնէշին տիրեց, աւրեց թնդանօթներու տեղերը, տասնըշորս շարժական աշտարակներու կրակ տուաւ: Խմիելնիցըիի:

նիցքի երդուընցաւ խանին որ պաշարումը պիտի չվերցնէ մինչև վերջին զինուորը։ Երկրորդ օրը՝ արշալուախն, որմբակոծութիւնը սկսաւ և մինչև իրիկուն կռուեցան։ Առաւոտուընէ սկսեալ կ'անձրեէր։ Զինուորները կէս օրուտեստ միայն ընդունեցան, և այս բանիս ամենէն աւելի Զակը լուա ցաւեցաւ, սակայն պարապ ստամբուը աւելի զրգուց կատաղութիւնը։ Իրիկունը՝ Ղազախները տաճիկ ծպտեալ, նորէն յարձըկեցան, սակայն այս անգամ երկար չտեսեց կոիւը։ Արիւնահեղ գիշեր մը յաջորդեց, շառաչ և աղաղակ։ Նոյն գիշերը նշանաւոր գործեր տեսան Աղէմբովսքի և Վոլոսիէսքոյ, վերջինս սպանունեց հռչակաւոր մկնդաւորն Տուտար։ Զակը լուա ալ կռուեցաւ, բայց աւելի լեզուով։ «Պուրլային սպաննելէս վերջ, — կ'ըսէր, այս խառնիճաղանճին հետ կռուիլ պատիւ չեմ սեպեր ինծի»։ Խակ երբ ապահով յարկի մը տակ գանուէր, կը պոռար կարծես գետնի տակէն։

— Հոս՝ Ապարայիի պարիսպներուն տակը կեցէք դուք, գեղջուկներ, Լիթուանիացիք Տնիերերէն վար կ'իջնեն։ Զերքարեները կը տանին ձեր որդուց և կինե-

րուն։ Առաջիկայ գարնան, ձեր տուներուն մէջ, եթէ տուն կը մնայ, պիտի գտնէք նորածիններու բանակ մը։

Ստոյգ էր Զակլոպայի ըսածը։ Լիթուանիացիք իրաւցնէ, Ռատացիվիլի հրամանաւարութեան տակ, Տնիերերին երկայնութեամբ վար կ'իջնէին այրելով ու քանդելով։ Այդ լաւ գիտէին Ղազախները անոր համար զայրացած գնդակներու կարկուտով մը պատասխանեցին Զակլոպայի։ Սակայն Զակլոպա ապաստանած պատնէշի մը ետև կը ծիծաղէր վրանին։

— Հրացան պարպել սորվեցէք, անասուններ, ես չսխալեցայ ձեր Պուրլային հարուածելու ժամանակ, հարուածս պարպի չգնաց……։ Ուհ, ուհ, յառաջ, հոս մինակ եմ ես……։ Առիթը յարմար է, օգտը ուեցէք, վասն զի առաջիկայ ձմեռը խրիմ պկտիկ Թաթարներուն դայեակութիւն պիտի ընէք և կամ Տնիերերի թումբերուն վրայ պիտի աշխատիք……։ Զարկէք։ Զեր խմիենիցըի գլումին համար պկտիկ դրամ մը կու տամ ձեզի։ Խմ կողմանէս անոր քիթումուութին լաւ ապտակ մը իջուցէք, Զակլոպայի կողմանէ, կը հասկնաք։ Զեր քանի՞ քանի՞ զիակները օդը կ'ապականեն,

համրեցէք, համրեցէք: Զեզի բահ՝ գեղաջուկներ, արօր՝ անասուններ, աղը՝ խոզեր, ասոնք կը վայելեն ձեզի. ես ձեզի հետ չեմ կոռուիր:

Եսանիսքին ալ գնաց բանակցելու խանին հետ, սակայն սա շատ անգամ կրկնեց թէ Լեհերուն սուզի պիտի նստի այս պատերազմը. որուն պատասխանեց գեսպանը, համբերութիւնը կորսնցելով և ըստ. «այդ խօսքը շատ անգամ կրկնուեցաւ, և եթէ պարտապահանջը պիտի գայ մեր զըլուփիները առնելու, գիտնայ որ իրենը պիտի կորսընցնէ»: Խանը պահանջեց որ Վիսնիովիեցը անձամբ գայ և բանակցի իրեն վեզիրին հետ. սակայն դաւը, վասն զի դաւ մըն էր, ժամանակին յայտներ էին նոյն իսկ Ղազախները: Բանակցութիւնները ի դերև ելան. յարձակում, դուրս յարձակում, որմակոծութիւն, թեթև կոիւներ, արիւնհեղութիւն նորէն սկսան:

Զինուորները պատերազմելու խանդով վառւած էին: Երգելով մահուան կը զիմազրաւէին: Կոուելու այնպիսի եռանդ մը կը ցուցնէին որ նոյն իսկ հանգիստ առնելու համար որոշուած զօրագունդերը կրակի մէջ և ոռոմբներու տարափի տակ

կը քնանային: Որէ օր օրուանստի չափը կը նուազէր: Ամէն բան սղեց, բայց դրամ ունեցողները օղի և կերակուր կը գնէին և չունեցողներուն կը բաժնէին: Ոչ ոք երկրորդ օրուան վրայ կը մտածէր:

Ամէնքը կը մտածէին թէ մարդ մը տաս սը անգամ չէ որ կը մեռնի, և թէ մահուանէ խոյս տալ չըլլար: Ամէն իրիկուն՝ դուրս յարձակում, ամէն իրիկուն՝ յարձակում: Խմիելնիցքի պաշարելոց անփոյթ կերպով երգելու ձայները կը լսէր ու կատաղութենէն ինքզինքը կ'ուտէր: Ամէնքը կը կարծէին որ Վիսնիովիեցը զօրաւոր կախարդ մըն է: Նոյն իսկ դազախ բանակին մէջ անոր վրայօք շինուած երգեր կ'երգէին և այնպիսի քաջագործութիւններ կը պատմէին որ մարդու մազերը կը տընկուէին: Կ'ըսուէր թէ զիշերները մարտկոցներու վրայ կ'երեննար ու կը մեծնար, կը մեծնար, ամենէն բարձր աշտարակները կ'անցնէր. աչքերը կըկին լուսիններու կը նմանէին, սուրը ձեռքին մէջ աւերիչ զիսաւորի մը պէս բոցավառ կը փայլէր, թէ անոր որոտացող ձայնէն մեռած Լեհերը յարութիւն կ'առնէին և իրենց պատերազմի դիրքը կը բռնէին: Երեմիա անունը ա-

մենուն բերանն էր, ժողովրդական երգերու մէջ, զարմանալի պատմութիւններու մէջ անոր անունը կը հնչէր: Ծերեր, երիտասարդներ, զինուորներ, գիւղացիներ, Թաթարներ զանիկա գերբնական էակ մը կը համարէին: Նախապաշարեալ պատմութիւններու մէջ, երգերու մէջ միշտ համակրանք մը կը սողոսկէր այն զիւթեալ իշխանին համար, անողոքելի ջնջող դաշտի բնակիչներուն: Ոչ միայն խանը և Թաթարները Խմիելնիցքիի գունաթափիլը կը տեսնէին, այլ նաև նոյն իսկ իրեն Ղազախները: Եթէ չէր ուզեր որ իրեն փառքը կորսուի, ինչպէս մշուշը արեւն ճառագայթներէն, անհրաժեշտ էր Սպարայի գրաւելը և այն առիւծը կործանելը: Իսկ այն առիւծը ոչ միայն ինքզինքը կը պաշտպանէր, այլ նաև յարձակում ալ կ'ընէր, ոչ միայն չէր տկարանար, այլ օրէ օր աւելի սարսափելի կը դառնար: Ոչ դաւ, ոչ յարձակում, ոչ բանակցութիւն օգուտ չունեին:

Խառնիճաղանձը և Ղազախները սկսեր էին շնչել ընդդէմ Խմիելնիցքիի: Վասողի ծովսը, դիակներու զարշահոտութիւնը, շարունակ անձրեր, մահը՝ որ միշտ կը

սպառնար, կը վհատեցնէին ամենէն աւելի արիստրատ մարդիկը: Եւ իսկախ Ղազախները այնչափ չէին վախեր մահէն որչափ երեմիա իշխանէն, զոր ահաւոր և անպարտելի հսկայ մը կը համարէին:

Զ.

Սպարայիի մարտկոցներու վրայ շատ ասպետներ անմահ փառք վասակեցան, սակայն քնարը պիտի երգէ Լոնկինոս Բոտապիրիէնդա՝ որ իրեն մեծամեծ գործերովը և համեստութեամբը, առաջինն եղաւ յառաջինս: Գիշերը խոնաւ և մթին էր. զինուորները անքուն մնալէն յոգնած՝ զէնքերուն վրայ կոթնած կը նիրհէին: Տասը օր շարունակ կրակէ և կռուէ վերջը՝ հանգստեան վայրկեան մ'ունեցեր էին: Ղազախ մերձաւոր պատնէներէն չէր լսուեր ոչ աղաղակ, ոչ յիշոց, ոչ սովորական աղմուկ: Կարծես թշնամին Լեհերը յոգնեցնել ուզելով ինքն ալ յոգներ էր: Հոսքոն կը տեսնուէր պղափ կրակ մը. կը լըսուէր սրնզի ձայնը որ երգի մը կ'ընկե-

ըէր. Թաթար հեռաւոր բանակէն կը հասնէր ձիերու խրիխնջը, մերթ ընդ մերթ կը լսուէր զիշերապահներու աղաղակը:

Եոյն զիշերը հետեւակ զօրքին ծառայութիւնը իշխանին հեծելագունդը կ'ընէր: Արշեղուցքի, Լոնկինոս, Վոլոտիչսքոյ և Զակլոպա պարիսպներու վրայ հանգիստ կը խօսակցէին, երբեմն՝ լուռ, մտիկ կ'ընէին անձրկին ձայնին՝ որ կ'իյնար իրամատին մէջ:

— Տարօրինակ անդորրութիւն, — բացազնչեց Արշեղուցքի: — Այնչափ վարժեցայ աղմուկի որ լուռթիւնը գէշ կու զայինծի: Վախեմ թէ այս լուռթիւնը մատնութիւն մը կը ծածկէ:

— Քանի որ օրուտեստնիս կէս բաժինի ինչաւ, ուրիշ բան փոյթս չէ, — մրմուց Զակլոպա, — իմ արիութիւնս երեք բան կը պահանջէ. լաւ ուտել, լաւ խըմել, լաւ քնանալ: Լաւագոյն լարն ալ՝ եթէ իւղով աղէկ չօծուի, կը փրթի, ուր մնաց որ եթէ զայն ջուրին մէջ թողուն: Անձրկը կը թրջէ զմեզ, Ղազախները կը ծակծրկեն զմեզ, մարմինը կը թուլնայ: Նախանձեմ՝ վիճակ. մէկ Ֆիօրին մէկ պաքսիմատ, հինգ՝ մէկ գաւաթ՝ օղի: Զուրը ապակա-

նած է և ես աւելի ծարաւի եմ քան իմ կօշիկներս որոնք բերանին ձուկի պէս կը բանան:

— Բայց կօշիկներդ կը խմեն ու կը լրեն:

— Այս՝ ինչպէս դուն, բարեկամ Վոլոտիչսքոյ...: Բայց դուն ձնձուկի մը չափ ես և մատնուցով մ'ալ ծարաւդ կ'անցնես: Խոկ ես, փանք Աստուծոյ, այնչափ փափկասուն չեմ. կնկան մը ծնունդ եմ, և ոչ հաւի մը ածած, անոր համար մարդու պէս կ'ապրիմ հաստատուն կերակուրով և հեղուկով: Երէկ կէս օրէն ի վեր բերանս միայն լորցունք մտեր է, ուստի կատակդ ինծի շատ համով չի զար:

Զակլոպա սրանեղութենէն հառաչեց, իսկ Վոլոտիչսքոյ ձեռքերը կողերուն վրայ դնելով ըսաւ.

— Գրպանս պղտիկ շիշ մ'ունիմ զոր Պազախի մը ձեռքէն յափշտակեցի այսօր. .... Սակայն եթէ ես հաւի մը ածածն եմ ըսել է թէ ինծի պէս ոչինչ մարդու մը օղին ճաշակիդ յարմար չէ....: Ա՛ռ քեզի, Արշեղուցքի:

— Իրեն ալ տուր, — ըսաւ Արշեղուցքի: — Սաստիկ ցուրտ է:

— Լոնկինոսի կենացը կը խմեմ:  
 — Ջքեղ կծեցի, — ըսաւ Զակլոպա,  
 — բայց զիտեմ թէ սովորական մարդ չես:  
 Գիտեմ թէ ինքզինքդ կը զրկես ուրիշները  
 զոհացնելու համար: Ո՞հ, Աստուածար  
 որ հաւերը քեզի պէս ասպետներ աւծէին:

— Ապրիս, իմ միտքս զքեղ մահացնել չէր: Խմէ դուն ալ:

— Իսկ գուն ի՞նչ կ'ընես, — բացազանչեց Զակլոպա տեսնելով որ Լոնկինոսն ալ կը խմէ: — Ինչու զլուխդ այդպէս դէպի ի ետե կը շրջես... շատ երկայն ես, և այդ խողովակը լեցնելու համար շատ բան պէտք է...: Չո՞ր խմես:

— Հազիւ համը առի, — ըսաւ Լոնկինոս ներուժն խնդրելով ու շիշը անոր երկընցնելով:

Զակլոպա ամբողջ բամեց ու հազաց քիչ մը:

— Միակ միտթարութիւնս այս է որ,  
 — ըսաւ, — մեր վայերը լմնալու վրայ են, Բաղդաւոր ենք եթէ այս տագնապէն զլուխնիս ուսերնուս վրայ ազատինք.  
 ...: Այնուհետեւ կը մտածենք թէ ինչպէս պէտք է կորանցուցած ժամանակնիս վաստը.

կիլ նորէն: Ժապքովսքի քահանայն լաւ կերող է, բայց ես իրեն պիտի ցուցնեմ թէ ուտելը ինչպէս կ'ըլլայ:

— Աղէկ ըսիր, ի՞նչ բանի վրայ կը վիճէիր այսօր Ժապքովսքի և Մուքովեղը ցիի հետ:

— Լոռութիւն, — ըսաւ Աքշեղուցքի, — մէկը կու գայ:

Ամենքը լոեցին: Ոկ ստուեր մը դիմացնին ելաւ ու ցած ձայնով հարցուց.

— Արթուրն էք:

— Այո՛, իշխան, — պատասխանեց Աքշեղուցքի ոտքի ելլելով:

— Արթուրն կեցէք: Այս անդորրութիւնը աղէկ նշան չէ:

Իշխանը անցաւ գնաց, անձամբ գիշեցային հսկողութիւնը կ'ընէք:

— Ո՞հ, ի՞նչ զօրագլուխ, — բացազանչեց Լոնկինոս երբ հեռացաւ նա:

— Մեզմէ աւելի քիչ հանգիստ կ'առնէ, — ըսաւ Աքշեղուցքի: — Ամէն գիշեր կը շրջի պարփսապներուն վրայ մինչև միւս ձախճախուտը:

— Աստուած կեանք տայ անոր:

— Ամէն:

Նորէն լոռութիւն: Ամէնքը ուշադրու-

թեամբ աչքերնին սկեռեցին մթութեան մէջ, սակայն անդորրութիւնը վրդովող բան մը չտեսան: Թշնամի բանակին մէջ կրակները բոլորովին մարեր էին:

— Կարելի է անոնց վրայ յարձըկիւ տղու պէս, — ըստ Վոլոտիէսքոյ:

— Ո՞վ զիտէ, — պատաժսանեց Արշեդուցքի:

— Ես այնպիսի բուն մ'ունիմ, — ըստ Զակլոպա, — որ ոտքի վրայ չեմ կրնար կենալ, իսկ հոս զիտմամբ չեն թողուր աչք գոցես: Կ'ուզէի զիտնալ թէ երր պիտի բնանանք...: Ուրմբակոծեն կամ ոչ, ոտքի վրայ պիտի երերաս, ինչպէս Հրեայները շարաթ օրերը: Իրաւցնէ լաւ ծառայութիւն: Չեմ զիտեր ինչու այսչափ ջղային եղեր եմ. կամ օդին է պատճառ կամ յանդիմանութիւնը՝ զոր լսեցինք այսօր ես ու Ժապառվարի բահանայն:

— Ի՞նչ հանդիպեցաւ, — հարցուց Լոնկինոս:

— Պատմեմ, թերես այսու քունս փախըցնեմ: Այս առաւօտ, ես և Ժապառվարի բերդը կ'երթայինք ակռաներնուս տակ դնելու բան մը գտնելու համար: Գաւիթին մէջ հանդիպեցանք բողոքական բա-

հանային, նա՝ որ Շէնպէք հարիւրապետին վերջին օծման խորհուրդը մատակարարեց: «Ի՞նչ կ'ընես հոս», — հարցուցի: — « Քեզի պէս հեթանոս մը Աստուծոյ բարկութիւնը մեր վրայ կը թափէ». Իսկ նա՝ վստահ ինքիրեն և Բերդակալին պաշտպանութեան վրայ, յանդուզն պատասխանեց. «Իմ հաւատքս ձերինին հաւասար է, եթէ ոչ լաւագոյն»: Ես լոեցի՝ թէպէտ զայրացած այն խօսքերէն: Թո՛ղ անոր հետ ժապառվարի գլուխ ելլէ, մտածեցի: Իրաւցնէ սկսան, և ամէն տեսակ բան ըսին մէկմէկու: Եւ ահա, իշխանը և Մուքովեղցի: «Այս ի՞նչ աղմուկ է. ժամանակն ու տեղն է այս...» ըսելով յանչ դիմանեցին զմեզ: Վերջապէս, լաւ յանչ դիմանութիւն մը, կ'ըսեմ ձեզի...: Եւ սակայն, ես կը կրկնեմ, Ջիրլէյիի այս օրհնեալ քարոզիչները դժբաղդութիւն մը պիտի բերեն մեր վրայ:

— Շէնպէք հարիւրապետը մահուան կէտին դարձի չեկան, — հարցուց Վոլոտիէսքոյ:

— Դարձի գալ: Մեռաւ՝ ինչպէս ապրեր էր, մեղքի մէջ:

— Ոմանք, — ըստ Լոնկինոս, յամառութեամբ կը դատապարտուին:

— Այսուհանդերձ Աստուած զմեզ կը պաշտպանէ Ղաղախներէն և անոնց կախարդութենէն, — ըստ Զակլոպա: — Գիտէք դուք որ երէկ իրիկուն ճիշտ այն պատնէչէն մեր վրայ նետեցին բամպակէ գնդակներ . . . : Իսկ զինուորները կ'ըսեն թէ ուր որ գնդակները կ'իյնային գետինը կ'եռար . . . :

— Յայտնի բան մըն է որ Խմիելնից քի սատանային հետյարարերութեան մէջ է, — ըստ Լոնկինոս երեսը խաչակնքեւով:

— Ես իմ աչքովս տեսայ վհուկները, — ըստ Սբցեղուցքի, — և պիտի ըսեմ բեզի:

— Լոռութիւն, — ընդմիջեց Վոլոսիէսքոյ ձեռքը անոր ուսին վրայ գնելով: Ապա մարտկոցին եզերը գնաց ու սկսաւ մտիկ ընել:

— Ես բան մը չեմ լսեր, ըստ Զակլոպա:

— Ուստի անձրեին ձայնն է, — հաստեց Սբցեղուցքի:

Վոլոսիէսքոյ ձեռքով նշան ըրաւ որ

լուր կենան: Վերջը ընկերներուն մօտեցաւ:

— Կու զան, — ըստ ցած ձայնով:

— Իմացուր իշխանին, — պատասխանեց Սբցեղուցքի նոյնպէս ցած ձայնով: — Օսդրորոկի քովն է: Մենք միւնոյն ժամանակ ձայն կու տանք ի զէն:

Մէկ մանրերկրորդի մէջ ամենքը պարիսպներու վրայ ցրուեցան, կանգ առնելով և պահապան զինուորներուն իմացնելով որ թշնամին կը մօտենայ:

Լուրը կայծակի արագութեամբ տարածուեցաւ: Քառորդ ժամէ մը վերջ իշխանը ձիու վրայ էր և սպայներուն հրամաններ կու տար:

Կը տեսնուի թէ թշնամին կ'ուզէր ցնոյ մէջ յանկարծակիի բերել, անոր համար վիսնիովիեցքի ուզեց որ իրեն սիսալին մէջ մնայ նա: Զինուորներուն հրաման տրուեցաւ շունչերնին անգամ բռնել, տեղերնէն չշարժիլ և թողուլ որ յարձըկողները առաջ գան, մինչև որ թնդանօթի հարուած մը ընդդէմ յարձակման նշանը տայ: Սբցեղուցքի, Լոնկինոս, Վոլոսիէսքոյ և իրենց հետ Զակլոպա մարտկոցին եզերը կեցեր էին, վասն զի Զակլոպա

ամենէն աւելի ապահով տեղը հոն կը գտնէր թէ բովի ընկերներուն պատճառաւ և թէ զիտէր որ ոռոմբները մէջ տեղ կ'լիւնային:

— Կու գան, — ըստ ցած ձայնով Վոլոսիէսքոյի:

— Այո՛, կամաց կամաց:

— Ոչ թաթար են և ոչ զիւղացիներ:

— Ոչ, Զաբորոժի հետևակազօրն է:

— Կամ ենիչէրիներ. հիանալի կերպով առաջ կու գան: Հեծելագունդի յարձակում մը պէտք է:

— Շատ մուլթ է:

— Կը լսե՞ս:

— Սըս, սըս...:

Կարծես թէ պաշարուածները խոր քնոյ մէջ ընկղմած էին. միայն թեթև անձրեկ ձայնը կը լսուէր: Սակայն ականջը աղէկ սրողն կրնար ուրիշ աւելի որոշ և միշտ մօտեցող ձայն մ՝ալ լսել: Վերջապէս քանի մը քայլ հեռուն զիշերէ աւելի սկ կոյտ մը սկսաւ տեսնուիլ, անշարժ էր, հողաբըլուրի մը կը նմանէր:

Զինուորները՝ պատրաստ, աւելի հանդարտ կեցան: Պաշարողները մօտեցան խրամին, սանդուխները վար իջեցուցին,

իջան, դէպ ի պարիսպները սկսան յառաջ գալ. պարիսպներու վրայ գերեզմանական լոռութիւն մը կը տիրէր: Սակայն, որչափ որ զգուշութիւն կ'ընէին, հոս հոն մէկ երկու սանդուխը սահեցան և քանի մը քարեր վար գլորեցան:

— Ուշ գրէր, — ըստ Զակլոպաշ, — վասն զի հիմա ձիւնը կը բերենք գլուխնուդ:

Վոլոսիէսքոյ՝ որ Սքշեղուցքիի կողը կը դրդէր, վասն զի չէր կրնար խօսիլ, շիտկըւեցաւ: Լոնկինոս ուժով բռներ էր ահազին սուրին երախակալը, նախ ինքը կ'ուզէր թշնամւոյն վրայ յարձըկիլ: Նոյն ատեն պարսպին եզերքին վրայ երեք զոյգ ձեռքեր երեցան, ապա երեք սրածայր սաղաւարտներ որոնք կամաց կամաց վեր կը բարձրանային:

— Տաճիկ են, — մտածեց Լոնկինոս:

Հազար հրացաններու շառաչ մը թշնդացուց օդը, և լուսաւորեց տեսարանը: Հրացաններու տարածած փայլը դեռ չէր մարած, երբ Լոնկինոս ահաւոր սուրը այնպէս մը փարտեց որ օդին մէջ սուլելու ձայն մը լսուեցաւ: Երեք մարմիններ գահավիժաբար ինկան խրամին մէջ, երեք սաղա-

ւարտեալ գլուխներ ծունկ չոքած ասպետին ոտքերուն տակ գլորեցան : Երկրի վրայ՝ դժոխք կը մըրկէր, բայց Լոնկինոս երկինքը բացուած տեսաւ և թեաւորուած կը զգար ինքզինքը : Հըեշտակները իրեն սրտին մէջ կ'երգէին, իսկ ինքը՝ կարծես յերազի, կը դարձնէր ահազին սուրը. ամէն մէկ հարուածը շնորհակալութեան արտայայտութիւն մըն էր : Անշուշտ իրեն նախահարք կ'ուրախանային երկինքը որ իրենց վերջին շառափղը՝ Լոնկինոս Ռուսիիբէնդա, այդպիսի մարդ մըն էր :

Այս յարձակումը՝ որուն մասնակցեր էին Ռումելիոյ և Սիլեսիոյ տաճիկները Խանին ենիչերիներուն հետ, ամենէն աւելի արիւնոտը եղաւ և Խանիելնիցքիի գուխուն ահաւոր փոթորիկ մը պայթեցուց, վասն զի սա ապահովցուցեր էր որ Լեհակերը երբ տեսնեն Տաճիկները, առանց զէնք զործածելու, անձնատուր պիտի ըլւլան : Հարկ եղաւ նուէրներով ամորել կառղած Խանը և Մուրզաները : Խանին տուաւ տասը հազար թաղէր, թուկայիպէի, կորզ-աղայի, Սուպահազիի, Նուրէտափինի, Կալկայի, իւրաքանչիւրին երկու հազար բաղէր :

Ակսան զիակները խրամէն դուրս հանել : Իսկ զինուորները մինչև առաւօտ հանագիստ քնացան ապահով ըլլալով որ այն զիշերը այլ ևս չի կրկնուիր յարձակումը : Ամենքը խոր քնոյ մէջ էլն բաց ի պահակներէն և Բոտպիրիէնդայէ՝ որ բոլոր զիշերը բերինքսիվար ինկած, շնորհակալ կ'ըլլար Աստուծոյ որ շնորհեց իրեն ուխտը կատարելու և անմահ անուն մը վաստկելու առիթը :

Երկրորդ օրը իշխանին զիմաց կանչուեցաւ : Իշխանը գովեց զինքը և շնորհակալութիւն յայտնեց : Զինուորները խմբովին կը վագէին զիւցազնին յայտնելու իրենց ուրախակցութիւնը և զիտելու կտրուած երեք զլուխները : Ամենքը անոր արտաքոյ կարգի ուժին վրայ կը զարմանային :

— Եատ ուժով ես, — կ'ըսէին սպայները : — Գիտէինք արխասիրտ ըլլալդ, սակայն այսպիսի քաջագործութեան մը չէինք սպասեր : Հին ասպետներու արժանաւոր զործ մըն է :

— Հովը այնպէս չի կընար վերցնել երեք զլխարկ, ինչպէս գուն կտրեցիր այն երեք զլուխները, — կ'ըսէին ուրիշները :

Ու շարունակ զիւցազնին ձեռքը կը

սեղմէին. իսկ ինքը աչքերը խոնարհեցուցած, դէմքը բոցավառ, խորանին դրամաց գնացող աղջկան մը կը նմանէք:

— Դիրքն ալ նպաստաւոր էր, — կը պատասխանէր համեստութեամբ:

Վրանին չորս կողմը երթալով աղմուկը կը շատնար: Զակլոպա, Արշեգուցքի և Վոլոտիէսքոյ այցելուներուն պատմութիւններ կը պատմէին Բոտպիրիէնդայի ուժին վրայօք, ուրիշ պատիւ չէին կրնար ընել:

Երր բոլոր սպայները լմնցուցին իրենց այցելութիւնը, եկաւ վերջապէս Մարքոյ Սոպիէսքի իրեն տեղակալին՝ Ագէմբովութիի, հետո: Լոնկինոս առաջ գնաց զինքը դիմաւորելու, իսկ նա կ'ըսէր.

— Այսօր քեզի համար հանդիսի որ մըն է:

— Այո՛, — պատասխանեց Զակլոպա, — վասն զի մեր բարեկամը իրեն ուխտը կատարեց:

— Օքնեալ ըլլայ Սստուած, — ըստ Սոպիէսքի: — Ուրեմն շուտով ուրիշ հանդիսի մը համար ալ մեր ուրախակցութիւն պիտի յայտնենք...: Մէկու մը սիրահարուե՞ր ես, հէ...:

Լոնկինոս մինչև ականջները կասկարմիր եղաւ:

— Քեզի համար նուիրական պարտք մը նէտք է ըլլայ ցեղդ շարունակելը....: Սստուած տայ որ այդ ամուսնութենէն ձեր չորսերուն նման շատ մը ասպետներ ծնանին:

Եւ Սոպիէսքի կարգաւ չորս բարեկամներուն ալ ձեռքերը թօթուեց, որոնց ախորժելի էր գովասանք լսել այնպիսի մէշկու մը շրթունքներէն որ օրինակ էր արիութեան, աննենգութեան և բոլոր ասպետական առարինութեանց: Ճշմարիտ և տիրապէս պատերազմի մարդ մըն էր, օժտեալ Աստուծմէ, ամէն բանի մէջ կը գերազանցէր իրեն Յովհաննէս եղբայրը՝ որ ապա թագաւոր եղաւ: Երեմիա իսկ մեծ համարմունք ունէր վրան և կը յարգէր: Հասարակապետութեան հորիզոնին վրայ նախկին միծութեան աստղ մըն էր, սակայն, ճակատագրին հրամանաւ, իրեն փայլը Յովհաննէս յափշտակեց, և մեծ գժրազգութեան օրուան մը մէջ աստղը մարեցաւ:

— Իշխանը ձեր վրայօք շատ բան ըստ ինծի, — շարունակեց Սոպիէսքի, — նա զձեզ ամենէն աւելի կը սիրէ: Ես չեմ զարմանար որ դուք իրեն ծառայութեան

մէջ գտնուելով, բարձր աստիճաններու հասնիլ չէք փափաքիր, այդ բանը որչափ դիւրին է արքունի զինուրութեան մէջ, այնչափ դժուար է հոս:

— Ամենքնիս ալ արքունի հորադրներու խումբին կը պատկանինք, — ըստ Սրբեղուցքի, — բաց ի Զակլոպայէ որ իբրև կամաւոր մեր մէջ կը գտնուի: Իշխանին կը ծառայենք նախ՝ որովհետեւ կը սիրենք զինքը, երկրորդ՝ պատերազմի մէջ՝ որ մեր արուեստն է, լաւ կրթուիլ կ'ուզենք:

— Եւ շատ լաւ կ'ընէք: Ստոյգ է որ, ուրիշ ու և իցէ զրօշակի տակ թուոպիբիէննդա այսպէս զիւրին պիտի չգտնէր իրեն երեք գլուխները: Խակ գալով պատերազմին, ալ կշտացանք կարծեմ:

— Այս, աւելի պատերազմով կշտացանք բան ուրիշ բանով, — խորհրդածեց Զակլոպա: — Շատ զովասանքներ, շատ ուրախակցութիւններ, սակայն ոչ ոք հրափրեց զմեզ ումազ մը բան խմելու կամ պատառ մը բան ուտելու. և ով որ այս զաղափարը յղանայ անոր շատ երախտապարտ պիտի ըլլանք:

Այսպէս խօսելով Զակլոպա Սոպիէսքի կը նայէր և աչքերը կը թարթէր:

— Երեկուընէ ի վեր իմ շրթունքներս ալ չոր են, — պատասխանեց Սոպիէսքի ժպտելով, — սակայն կարծեմ շիշի մը մէջ կաթիւ մը օղի պիտի գտնուի, և ես, պարոններ, զայն ձեզի հետ բաժնելու շատ ուրախ պիտի ըլլամ:

Վոլոտիէսքոյ, Սրբեղուցքի և Լոնկինոս շատ բաներ ըսին Զակլոպայի յանդուզն առաջարկին համար, և նա ջանաց սիսալը շիտկել ըստ կարելոյն:

— Ես չեմ նուաստանար աղաչանք ընելու, — ըստ, — աւելի կու տամ բան կ'առնում, բայց երբ ձեզի նման մէկը գմեզ կը հրաւիրէ, հրաւէրքը չընդունելը անքաղաքավարութիւն է:

— Ուրեմն երթանք, — ըստ Սոպիէսքի: — Ինձի մեծ հաճոյք կը պատճառէք, և Ղազախներու զմեզ հանգիստ թողուցած ժամանակին ալ օգտուիլը աղէկ է: Մի՛ կարծէք թէ մեծ խնջոյք մը պիտի տամ, լաւ զիտէք որ իւրաքանչիւր սպանուած ձիուն վրայ հազար ձեռք կ'երկըննայ: Գալով օղիին, պիտի ունենամ երկու շիշ՝ զորոնք բացարձակապէս մինակ չեմ ուզեր վայելել:

Տեղի տալով բաղաքավարական բռնա-

դատութեան, գնացին Սոպիէսրիի վրանը: Սղէմբովսքի առաջ վազեց և քանի մի պարսիմատ ու քիչ մը ձիու միս պատրաստեց: Զակլոպա երբ այդ պատրաստութիւնը տեսաւ, շատ զուարթացաւ:

— Երբ թագաւորը զմեզ այս պաշարումէն ազատէ, անմիջապէս կ'երթանք ազգային զինուորութեան պաշարներուն համը նայելու: Անոնք միշտ աւելի իրենց փորը կը հոգան քան Հասարակապետութեան բարիքը կամ օգուարը: Ճշմարիխն ըսելով, ես ալ զանոնք աւելի սեղանակից կ'ուզեմ քան պատերազմի ընկեր. սակայն յուսալի է թէ թագաւորին ներկայութեան քիչ մը աւելի քաջութեամբ պատերազմին:

— Մենք երդուընեցեր ենք մեռնիլ աւելի քան անձնատուր ըլլալ, — ըսաւ լրջօրէն Սոպիէսրի, — և այսպէս ալ պիտի ընենք: Աւելի գէշ օրեր տեսնելու պէտք ենք պատրաստ ըլլալ: Պաշարն արդէն լմնցեր է, իսկ վառօդ քիչ կայ: Ուրիշներու չէի յայտներ այդ բանը, բայց ձեզ կ'ըսեմ: Քիչ ատենէն միայն սուրը պիտի մնայ ձեռքերնիս: Երանի՛ թէ շուտով հասնի թագաւորը, նա է մեր վեր-

ջին յոյսը: Շատոնց է օգնութեան պիտի գար, բայց թուի թէ մեր տագնապալից վիճակը չի զիտեր. չի զիտեր թէ ձիու միսով սնանելու վիճակին մէջ ինկեր ենք:

— Իրեն համար մեր կեանքը կը զոհենք, — ըսաւ Ոքշեդուցքի:

— Կերպով մը իրեն լուր չէ կարելի տալ, — ըսաւ Զակլոպա:

— Ո՛չ, եթէ գտնուի մէկը որ կարենայ այդ մարախներու ամբոխը կտրել անցնիլ, անմահ փառք պիտի վաստկի նա, — ըսաւ Սոպիէսրի: — Զմեզ ալ, հայրենիքն ալ պիտի ազատէ: Եթէ զինուորութիւնը գեռ զրօշակի տակ ալ չըլլայ, թագաւորին ներկայութիւնը բաւ է ապստամբութիւնը սանձելու համար....:

Սակայն այս դիւցազնական ձեռնարկը ՞վ յանձն կ'առնէ փորձել, քանի որ Խմիելնիցքի բոլոր ճամբաները գոցեր է, այնպէս որ և ոչ մուկ մը կընայ քաղաքէն դուրս ելլել: Ո՛չ, ո՛չ, պէտք է մեռնիլ. այս է մեր ճակատազիրը:

— Հըմ, — ըրաւ Զակլոպա: — Ես գաղափար մ'ունիմ. սքանչելի գաղափար մը:

— Ո՞րն է, ո՞րն է... խօսէ՛:

— Ամէն որ մենք գերիներ կը բռնենք...: Անոնցմէ մին չէ կարելի կաշառել...: Մեր ձեռքէն փախչիլ կը կեղծէ ու թափաւորին քով կ'երթայ:

— Իշխանին խօսիմ, — ըսաւ Առաջիկարի:

Լոնկինոս՝ որ յօնքերը պոստած կը մըտածէր, զլուխը վեր վերցուց ու ըսաւ.

— Ես յանձն կ'առնեմ երթալ:

Ամենքը ապշած ոտքի ցատքեցին:

— Դուն կ'ուզես անցնիլ թշնամի բանակը, — բացազանչեց Առաջիկարի ձեռքերը ծունկերուն զարնելով:

— Ըսածիդ վրայ մտածեցիր, — հարցուց Արքեդուցքի:

— Մանաւանդ թէ քիչ մը շատ ալ մտածեցի, — պատասխանեց Լիթուանիացին, — դուք միայն չէք որ կը մտածէք թագաւորին կենաց և մեր այս թշուառ կացութեան վրայ: Շատոնց կը մտածէի, և երդուեր էի երթալ եթէ Աստուած շնորհէ ինձի առաջին ուխտս կատարել: Ես աննշան մարդ մըն եմ, և մեծ վլաս մը չըլլար եթէ Ղազախներու կամ թաթարներու զոհ ըլլամ:

— Ու մի տարակուսիր որ կորսուած

ես, — ըսաւ Զակլոպա: — Մահդ անշուշտ է:

— Ի՞նչ կ'ըլլայ: Եթէ Աստուած ուզէ, իմ մէկ մազիս ալ չեն կրնար դպչիլ...: Իսկ եթէ զիս պիտի սպաննեն, Բարձրեալ հանդերձեալ կենաց մէջ զիս կը վարձատրէ:

— Բայց զքեզ սպաննելէն առաջ, — կրկնեց Զակլոպա, — կը տանջեն, կը հասկնամս. Խելքդ Կորսընցուցե՞ր ես:

— Ե՛հ, ի՞նչ փոյթ: Ես կ'երթամ:

— Եւ ոչ իսկ թոչուն մը կրնայ փախչիլ, օդին մէջ կը զարնեն, և կ'ուզես փախչիլ գուն՝ որ տասը մզոն հեռուէն կը տեսնուիս: Զմեզ խլուրդներու պէս փակեր են հոս...:

— Իսկ ես պէտք եմ երթալ: Պարտաւորեալ եմ թէ առաջին և թէ երկրորդ ուխտէս:

— Տեսէք թէ ի՞նչ կ'ըսէ. — բացանչեց Զակլոպա յուսահատ: — Լաւագոյն չէ զլուխդ կտրել ու թնդանօթի մէջ դնել զայն. այդ միջոցով միայն կրնաս թշնամի բանակը անցնիլ:

— Ո՛չ, բարեկամներս, — աղաչեց Լոնկինոս ձեռքերը միացնելով. — զիս համոզել մի ջանաք: Պիտի երթամ:

— Եթէ այդպէս է ես ալ քեզի կ'ըն-  
կերեմ, — ըստ Սքշեղուցքի:

— Այն ատեն ես ալ կու գամ, — զո-  
չեց Վոլոտիկսը, սուրը շօշափելով:

— Ո՛հ, հրացանի հարուածի մը հան-  
դիպիք. — պոռաց Զակլոպա : — Դեռ  
չկշացա՞ք արինէ, վէրքէ, մահէ... թուի  
թէ կեանքը տաղտակալի է ձեզի... : Եթէ  
այդպէս է գնացէք, զիս հանգիստ թողու-  
ցէք.... : Դժոխւք գնացէք ու կտոր կտոր  
եղէք.... : Գնացէք, կ'ըսեմ:

Զակլոպա չորս կողմը կը քալէր ու  
խենթի պէս ձեռք կ'ընէր: Յանկարծ Սքշե-  
դուցքի դիմացը կեցաւ, ձեռքերը ետեղ  
դրած, սպառնալից անոր նայեցաւ ու ը-  
ստւ.

— Ես քեզի ի՞նչ ըրեր եմ որ զիս  
այսպէս կը հալածես:

— Աստուած իմ.... : Զըե՞զ հալա-  
ծե՞լ:

— Դուն, այո՛.... : Լոնկինոսի վրայ  
չեմ զարմանար.... : Քանի որ երեք ա-  
պուշներու զլուխները կտրեր է, ինքն ալ  
չորրորդ ապուշ մ'եղեր է իրեն պղտիկ  
ըդեղովը.... :

— Լոէ՛, լոէ՛, — ընդմիջեց Լիթուա-  
նիացին:

— Եւ ոչ այս միւսին վրայ կը զար-  
մանամ, — առաջ տարաւ խօսքը Զակլո-  
պա Վոլոտիկսքոյն ցուցնելով: — Այս բա-  
րեկամը, կ'ենթագրուի, կարող է Ղազա-  
խի մը կօշիկին մէջն ալ մտնել... : Բայց  
դուն, դուն բոլորովին զիս կ'ապշեցնես  
... : Փոխանակ զիրենք ետ կեցնելու, ի-  
րենց ընկերել կ'ուզես... . և չորսերնոււ  
ալ կորստեան պատճառ կ'ըլլաս, կը  
հասկնամս: Ո՛ւֆ. այսպիսի բանի մը չէի  
սպասեր սպայէ մը՝ զոր նոյն իսկ իշխա-  
նը խոհեմ կը համարի... :

— Բայց ի՞նչպէս չորսերնիս — բա-  
ցագանչեց Սքշեդուցքի, — դուն ալ թե-  
րես.... :

— Ի՞նչ բերես, — պոռաց Զակլոպա  
ուժով մը կուրծքին զարնելով: — Եթէ  
ձեզմէ մէկը քայլ մ'առնէ, ես հետն եմ  
... : Արինս ձեր զլուխը... : Այս ինծի  
դաս կ'ըլլայ ալ ձեզի հետ ընկերութիւն  
չընեմ, երբէ՛ք, երբէ՛ք:

— Ո՛հ, խարեբայ, — բացագանչեց  
Սքշեդուցքի յուզեալ՝ բարեկամին ձեռքը  
սեղմելով:

Միւս երկուքն ալ սիրալիր սեղմեցին  
անոր ձեռքը, բայց Զակլոպա իրաւցնէ  
Սրով ու Հրով Դ.

զայրացեր էր ու չէր կրնար հանդարտիլ:  
— Կորսուեցէ՛ք, կորսուեցէ՛ք, — կը  
պոռար, — հեռու կեցէք ձեր յուղայա-  
կան արինհեղութիւններով:

Պարիսպներէն թնդանօթներու և հրա-  
ցաններու շառաչը լուեցաւ:

— Հըամմեցէ՛ք, գնացէ՛ք, ըսաւ Զակ-  
լուպա ծաղրելով:

— Սովորական ուժբակածութիւններն  
են, — ըսաւ Արշեղուցրի:

— Այո՛, սովորական, կարծես չեն բա-  
ւեր ասոնք բեզի....: Այս սովորակամեն-  
րով բանակին կէսը բնաջինջ եղաւ, և  
դուք դեռ կը խրոխտաք:

— Հանդարտէ՛, հանդարտէ՛, — խրա-  
տեց Լոնկինոս: — Ո՞չ յանդգնութիւն, ոչ  
վհատութիւն....:

— Լոէ՛ դուն, ձո՞դ: Որո՞ւնն է յան-  
ցանքը, քուկդ: Ո՞վ հնարեց այդ գեղեցիկ  
զաղափարը:

— Գեղեցիկ կամ ոչ, ես կ'երթամ:

— Գնա՛, գնա՛, և զիտեմ ալ պատճա-  
ռը....: Բայց զիցազնութիւն մի ծախեր,  
այլևս ամենքը կը ճանչնան զբեզ....: Կ'ե-  
փիս, կ'ուզես շուտով երթալ....: Միտքը  
դրեր ես թէ ասպետներու մէջ ամենէն

ընտիրն ես, մինչ դեռ վաճառական մըն  
ես ...: Այո՛, այո՛, վաճառական քաջա-  
գործութեանց: Թագաւորին երթալը այն-  
չափ փոյթդ չէ, ոչ. կ'ուզես ինքզինքդ  
ցուցնել ....: Ողջախոհութիւնդ ալ վա-  
ճառքը ըրիր, ամօթ:

— Անգամ մ'ալ լուռ կեցիր, — պո-  
ռաց Լոնկինոս:

— Բաւական է, բաւական. — ըսաւ  
Արշեղուցրի: — Լրջօրէն խօսինք:

— Վստուծոյ սիրոյն, հանդարտէ, —  
խնդրեց Սովիչսըին որ նախ չէր կրցեր  
տարօրինակ վեճին մեկնութիւն մը տալ:

— Այդ ամէն բան աղէկ է, բայց առանց  
իշխանին խնդիրը չէ կարելի լուծել: Պա-  
րագ տեղ զիճելը բանի չի գար: Դուք  
ամենքնիդ զինուորական ծառայութեան  
մէջ էք, հետևաբար զօրազլիին հրամա-  
նաց տակ: Երթանք իշխանին, տեսնենք  
ինչ հրաման կ'ընէ:

— Ես ալ, — հարցուց Զակլոպա  
զուարթ դէմքով: — Լաւ ուրեմն, ժամա-  
նակ չկորսնցնենք, երթանք:

Վրանէն ելան և բանակին մէջէն անց-  
նելով դէս ի իշխանին բնակարանը ուղ-  
ղուեցան, շարունակ զիակներու և ուժ-

բակներու կոյտերու հանդիպելով: Աղտօս  
և պատառոտուն զգեստներով զինուորնե-  
րը կը կրէին դիակները կամաց կամաց:  
Յոչ կամս և սարսափով կը մտածէին թէ  
ի՞նչ պիտի ըլլայ արդեօք մէկ երկու շա-  
բաթ վերջ երբ ձիու միսն և պաքսիմմատ-  
ներն ալ պակսին:

— Տեսէք թէ ի՞նչ թշուառ տեսարան,  
— բացագանչեց Սոպիէսքի: — Ժամանակն  
է, մանաւանդ անհրաժեշտ է թագաւորին  
տեղեկութիւն հասցնելը:

— Սովը ակռաները կը սրէ, իրեն զո-  
հը կը պահանջէ, — ըսաւ Վոլոսիէսքոյ:

— Երբ բոլոր ձիերը ուտենք, ի՞նչ պի-  
տի ըլլայ մեր վիճակը, — հարցուց Սրշե-  
դուցքի: — Այսպէս խօսելով հասան իշխա-  
նին վրանը՝ մարտկոցին աջակողմն: Տաս-  
նեակ ձիաւորներ դուրսը կը սպասէին՝  
հրամանները բանակին իւրաքանչիւր կողմն  
հասցնելու համար: Զիերը՝ որ ծեծուած  
ածխոտեալ ձիու միսով կը սնանէին փո-  
խանակ գարիի, վեր վեր կը ցատկէին:  
Զիերուն վիճակին մէջ էին նաև ձիաւոր-  
ները որոնք առիւծի կատաղութեամբ կրա-  
կին մէջ կը նետէին իրենք զիրենք:

— Իշխանը հոս է, — հարցուց Սո-  
պիէսքի:

— Վրանին տակն է Բրիէմսքի հետ,  
— պատասխանէցին:

Սոպիէսքի՝ առանց իրեն զալուստը ի-  
մացնելու, ներս մտաւ նախ: Չորս բա-  
րեկամները գուրսը սպասեցին: Վայրկեան  
մը վերջ վրանին մէկ վարագոյրը բացուե-  
ցաւ ու դուրս եկաւ Բրիէմսքի:

— Իշխանը, — ըսաւ, — կը փափաքի  
անմիջապէս զձեզ տեսնել:

Զակլոպա՝ լաւ համոզուած որ իշխանը  
զիրենք անխուսափելի մահուան դիմաց  
չի զրկեր, ներս մտաւ: Բայց շուտով ի-  
րեն համոզման սիալը իմացաւ:

— Իմացայ, — ըսաւ իշխանը, — որ կը  
փափաքիք հեռանալ բանակէն, հաճու-  
թեամբ կ'ընդունիմ ձեր անձնանուիրու-  
թիւնը: Այդպիսի անձնանուիրութիւն մը կը  
փարձատրէ օր մը հայրենիքը:

— Եկանք ձեր հրամանը խնդրելու, —  
պատասխանեց Սրշեդուցքի, — վասն զի  
մեր կենաց վրայ արամագրութիւն ընելու  
դուք միայն իրաւունք ունիք:

— Չորսերնիդ ալ միասին պիտի եր-  
թաք:

— Բարձրապատիւ Տէր, — մէջ մտաւ  
Զակլոպա, — իրենք կ'ուզեն երթալ, իսկ

Ես ոչ...: Աստուած զիտէ որ ես հոս չե-  
կայ իմ ըրած ծառայութեանցս վրայ պար-  
ծենալու, և եթէ կը յիշեցնեմ զանոնք,  
անոր համար է որ դուք՝ իշխան, չկարծէք  
թէ վատ մէկն եմ ես: Այս երեքն ալ  
դիւցազոնք են, չեմ ուրանար, բայց  
Պուրլայի ալ մեծ մարդ մըն էր և իմ  
ձեռքովս սպանուեցաւ...: Միւս գործերս  
կը լոեմ....: Միայն կ'ըսեմ թէ ուրիշնե-  
րէն վար չեմ մնար: Բայց դիւցազնու-  
թիւն և յիմարութիւն շատ տարբեր բա-  
ներ են: Մենք ոչ թռչուն ենք՝ որ կա-  
րենանք թռչիլ և ոչ մողէզ՝ որ կարե-  
նանք այն գաղաններուն ոտքին տակէն  
սողալ:

— Ուրեմն դուն չես երթար. — Հար-  
ցուց իշխանը:

— Ես ըսի չեմ ուզեր երրար, բայց ոչ  
թէ չեմ երթար: Քանի որ Աստուած իմ  
մեղացս քաւութեան համար ինծի շնոր-  
հեր է ասոնց ընկերութիւնը, կ'երթամ:  
Նորէն, տագնապի մը ժամուն, Զակլոպա-  
յի սուրն ալ բանի մը կրնայ գալ, բայց  
չեմ զիտէր, ի՞նչ բանի և որո՞ւն օգտա-  
կար կրնայ ըլլալ մեր չորսերուն մահը.  
...: Ես համոզուած եմ որ Զեր Բարձրու-

թիւնը չուզեր զմեզ անխուսափելի մա-  
հուան դիմաց զրկել և պիտի հրամայէ մե-  
զի որ այդ գործէն ետ կենանք:

— Կը տեսնեմ, — ըսաւ իշխանը, —  
որ լաւ ընկեր մըն ես և ազնուական է  
զգացմունքը՝ որով չես ուզեր ընկերներէդ  
բաժնուիլ....: Բայց, աս ալ զետնալու ես  
որ խարուեր ես, ես՝ ընդհակառակն, շատ  
ուրախ եմ ձեր անձնանութիւնութեան վր-  
րայ:

— Գրո՞զը տանի զինքը, — ըսաւ մըտ-  
քէն Զակլոպա, ու թևերը թուլցան:

Նոյն միջոցին ներս մտաւ, Պելոքի բեր-  
դակալը՝ Ֆիրլէյ:

— Այս վայրկենիս, զինուորներս զա-  
զախ մը ձերբակալեցին՝ որ կը հաստատէ  
թէ այս իրիկուն իսկ յարձակում մը տեղի  
պիտի ունենայ:

— Գիտէի, — պատասխանեց իշխանը:

— Ամէն բան ի կարգի է: Միայն պէտք  
է աճապարել նոր պատնէշներ բարձրաց-  
նել:

— Արդէն այդ գործը կատարուած է:

— Լաւ ես: Այս իրիկուն ալ բիշ մը  
պիտի զուարձանանք:

Եւ գառնալով ասպետներուն, յաւել.

— Յարձակումէն վերջ, եթէ զիշերը խաւար ըլլայ, կը մեկնիք:

— Ի՞նչ, — հարցուց ֆիրլէյ, դո՞ւրս յարձակում մը:

— Դեռ ոչ...: Ես պիտի առաջնորդեմ զինուորներուն...: Հիմա ուրիշ բանի վըրայ էր խօսքերնիս: Այս պարոնները յանձն կ'առնեն թշնամի բանակը ճեղել անցնիլ և թագաւորին տեղեկութիւն տալ մեր կացութեան վրայօք:

Բերդակալը աչքերը խոշոր բացած դիւեց այն չորս յանդուզները: Իշխանը գոհութեամբ ժպտեցաւ:

— Կարելի՛ բան է, — բացազանչեց ֆիրլէյ. — աշխարհիս վրայ դեռ այդ տեսակ մարդիկ կան: Սակայն ես չեմ ուզեր համոզել զձեզ ետ կենալ այդպիսի ազնուական ձեռնարկէ մը...:

Զակլոպա՝ բարկութենէն կասկարմիր եղած, գազանային մոնչիւն մը արձակեց: Իշխանը՝ վայրկեան մը մտածելէն վերջ, ըստւ.

— Ես, սակայն, չեմ ուզեր ձեր կեանը վտանգի մէջ դնել, և չեմ ուզեր որ չորսերնիդ միասին երթաք:

Չեզմէ մէկը միայն թող երթայ. եթէ

զինքը կը առաննեն, թող պարծին, ինչպէս ըրին էվով ծառայիս համար: Ուրեմն եթէ առաջինը սպաննեն, երկրորդը կ'երթայ, ու այսպէս կարգաւ: Կարելի է թէ առաջինը յաջողի ողջ անցնիլ. ես ամենքնիդ միասին վտանգի մէջ չեմ ուզեր ձըգել:

— Իշխան. — ապա սկսաւ խօսիլ Աքշեգուցքի:

— Այսպէս կ'ուզեմ, — ընդմիջեց խօսքը իշխանը: Եւ որպէս զի մէջերնիդ վէճ ըլլայ, թող երթայ նախ այն որ առաջին անգամ առաջարկեց ինքզինքը:

— Ես, — գոչեց Լոնկինոս ուրախութեամբ:

— Այս իրիկուն, յարձակումէն վերջ, եթէ զիշերը նպաստաւոր ըլլայ, կրնաս մեկնիլ, Աստուած չետղ ըլլայ: Նամակ չեմ յանձներ: Ի՞նչ որ կը տեսնես՝ կը պատմես թագաւորին: Այս մատանին նշան ըլլայ որ իմ դեսպանս ես:

Լոնկինոս մատանին առաւ ու յարգանօք ծռեցաւ իշխանին, սա յուզուած հասրուրեց զինքը:

— Դուն, — ըստւ, — հիմա ինձի եղարօր պէս ես: Երկնից թագուհին պաշտ-

պանէ զքեզ և պահապան Հրեշտակը առաջնորդ ըլլայ քեզի, իմ կտրիմ ասպետս: Ամէն:

— Ամէն, — կրկնեցին ամենքը:

Իշխանին աչքերը արտասուօք լեցուեցաւ. նա ճշմարիտ հայր մըն էր իրեն զի՞նուորներուն: Միւսներն ալ կու լային: Լոնկինոսի հոգին ուրախութեամբ և անձնանուիրութեան խանդով կը ցնծար:

— Պատմութիւնը վրադ պիտի խօսի, — բացագանչեց Ֆիրլէ:

— Ո՛չ մեզի, ոչ մեզի, այլ բու անուանդ կը պատկանի փառքը, ո՛վ Աստուած իմ, — ըսաւ իշխանը:

Ասպետները վրանէն դուրս ելան:

— Ո՛ւֆ, — ըրաւ Զակլոպա թքնելով, — մաղմա բերանս լեցուեր է...: Իսկ սա անիծեալները միշտ կը որմրակոծեն ...: Ո՛հ, որչափ դառն է կեանքը: Ուրեմն, որոշեր ես մեկնիլ, Լոնկինոս: Հրեշտակները թող պաշտպանեն զքեզ:

— Այո՛, պէտք եմ ձեզի հրաժեշտի ողջոյնս տալ, — պատասխանեց Բոտպիւրինդա:

— Ի՞նչ արդէն. ուր կ'երթաս:

— Մուքովեղցի քահանային բով, եղ-

քայր, խոստովանանք ըլլալու...: Պէտք է լուացուիլ մեղքերէ:

Այսպէս ըսելով Լոնկինոս դէպ ի բերդը ուղղեց իրեն քայլերը, իսկ միւսները պարիսպներու կողմը գնացին:

— Զէի կարծեր որ ինձի այսչափ վիշտ պատճառէր, — ըսաւ Զակլոպա: — Որտիս վրայ ծանրութիւն մը կայ...: Այսպիսի մէկը կանթեղով անգամ կարելի չէ գըտնել: Կը յուսայի որ Պելսըի բերդակալը զինքը համոզէ ես կենալ ...: Իսկ ընդհակառակն աւելի բաջալերեց ըսելով. «Պատմութիւնը վրադ պիտի խօսի»: Ինչո՞ւ համար ուրեմն ինքը չերթար ինքզինքը կրակին մէջ նետելու: Իրաւունք ունի եղեր Ժապքովսըի երբ կ'ըսէր թէ աշխարհիս վերջը մօտ է...: Քիչ մը հոս պարիսպներուն վրայ կենանք վերջը երթանք վերջին ժամերը մեր բարեկամին հետ անցընելու:

Սակայն Բոտպիւրիէնդա խոստովանանք ըլլալէն վերջ բոլոր ժամանակը աղօթքով անցուց և միայն իրիկունը յարձակման ժամանակ մէջ տեղ երեցաւ: Այս անգամ յարձակումը ամենէն աւելի ահաւորը եղաւ, վասն զի Ղազախները ճիշտ այն ժամուն

յարձըկեցան երբ Լեհերը թնդանօթները  
նոր պատնէշներուն վրան կը փոխադրէին:  
Կարծես այն բուռ մը Լեհերը խմիելնից-  
քիի երկու հարիւր հազար զինուորներուն  
պիտի չկարենային դիմադրել: Պաշ-  
րեալը և պաշարողը այնպէս խառնուեցան  
մէկմէկու որ դիւրին չէր որոշել բարեկա-  
մը թշնամիէն:

Երեք անգամ կատաղի կոիւն բորբոքե-  
ցաւ: Խմիելնիցը յաղթելու համար բոլոր  
ջանքը կը թափէր, վասն զի թէ խանը և  
թէ միւս հրամանատարները իրեն ըսեր էին  
որ այս վերջին յարձակումը պիտի ըլլայ,  
այնուհետև պէտք է մտածել սովով ստի-  
պել զիշնամին անձնատուր ըլլալու: Ե-  
րեք ժամ շարունակ, բոլոր յարձակումնե-  
րը ետ մղուեցան ահազին կորստեամբ Պա-  
զախներու. ըսուեցաւ թէ քառասուն հա-  
զար վիրաւորուեր էին: Իրաւցնէ կոիւր  
սարսափելի եղաւ և որմբակածութիւնը  
շարունակ:

Յոզնիւ չգիտցող Վիսնիովիեցը՝ յար-  
ձակումէն անմիջապէս վերջ, դուրս յար-  
ձակում մը ըրաւ և նոր յաղթութիւն մալ  
տարաւ թշնամոյն դէմ:

Խոր անդորրութիւն մը յաջորդեց: Գի-

շերը ջերմին և մթին էր: Զորս ստուեր-  
ներ կ'երթային դէպ ի մարտկոցին արևե-  
լեան ծառը. մեր չորս բարեկամներն էին:

— Ատրճանակներդ քննէ, — ըսաւ  
Արշեղուցը, — վասողը խոնաւութիւն ա-  
ռած չըլլայ: Ամբողջ գիշերը երկու գու-  
մարտակ միշտ պատրաստ պիտի կենան:  
Փոքրիկ նշան մը տեսնելնուա՝ օգնութեան  
կը վազենք:

— Զափազանց մութ է, — ըսաւ Լոն-  
կինոս:

— Ա՞ս, — ընդմիջեց Վոլոսիէսը: -  
Աղմուկ մը կը լսեմ...:

— Հոգեվարը մըն է որ կը խորդայ.

— Դժուարը կաղնի ծառին համնիլն  
է:

— Աստուած իմ, Աստուած իմ, — հա-  
ռաչեց Զակլոպա՝ որ ջերմէ բռնուածի պէս  
կը դողար:

— Երեք ժամ վերջ արշալոյսը կը  
բացուի:

— Երթաս բարով, երթաս բարով —  
կրկնեց Արշեղուցը ցած ձայնով: — Աս-  
տուած հետդ ըլլայ:

— Եւ զբեզ պաշտպանէ:

— Ողջ կեցէք, բարեկամներ. ներեցէք  
ինձի եթէ երբէք վշտացուցեր եմ զձեզ:

— Վշտացնել զմեզ...: Ով Աստուածիմ, — պոռաց Զակլոպա անոր գիրկը նետուելով:

Իւրաքանչիւր ոք կարգաւ համբուրուեցաւ Լոնկինոսի հետ : Այն ազնուական սրտերը վայրկեան մը դողացին: Միայն Լոնկինոս՝ թէպէտ յուզուած, անխոռվ էր:

— Ողջ կեցէք, — կրկնեց նորէն ու մարտկոցին եզերքին մօտենալով վար ցատցեց...: Վայրկեան մը վերջը խրամատն անցաւ ու վերջին անգամ մ'ալ հրաժեշտի նշանը ընելով, գիշերային խոր մթութեան մէջ աներեռյթ եղաւ:

Ծնդ մէջ Զալոսդիցայի և վիսնէվէցի ճամբուն՝ կաղնի ծառ մը կար, ամէն կողմանէ մարգագետիներով շրջապատեալ և մօտ սոճիներու խիտ և դարաւոր անտառին: Բոտպիրիէնդա քայլերը դէպ ի այն կողմը ուղղեց:

Ճամբան շատ վտանգաւոր էր, վասն զի դազախ բանակին քովէն կ'անցնէր, բայց ճիշտ այդ պատճառաւ այն ճամբան ընտրեր էր Լոնկինոս, վասն զի այն կողմերու անդադար շարժումը անցորդներու վրայ մեծ ուշադրութիւն մը չէր արթնցըներ: Բաց աստի, արդէն ամէն ճամբանեւ

ըը բռներ էին Ղազախները. Խմիելնիցքի անձամբ խուզարկութեան կ'ելլէր, իսկ Թաթարները գիշեր ցորեկ կը հսկէին:

Այնպէս մութ էր որ տասը քայլ անզին մարդ մը ստուերէն որոշել կարելի չէր: Այս՝ թէն նպաստաւոր էր Լոնկինոսի և թէ վտանգաւոր. ամենայն արթնութիւն և ուշադրութիւն պէտք էր ընել որ դաշտին մէջ գտնուած բազմաթիւ փոսերուն մէկուն մէջ չիյնայ:

Լոնկինոս, առանց չորս կողմը նայելու, կ'աղօթէր ու առաջ կ'երթար: Լեհ բանակի աղմուկը կամաց կամաց նուաղեցաւ ու մարեցաւ բոլորովին:

— Եղբայրներս, — մտածեց Լոնկինոս վերջին անգամ մ'ալ ողջունելով, — ով գիտէ պիտի տեսնէ՞մ նորէն զձեզ:

Սիրաը կը ճմլուէր: Խորհրդաւոր ճայն մը կ'ըսէր իրեն. «Պիտի չկարենաս անցնիլ. ետ դարձիր, զեռ ժամանակ ունիս բաւական է ատրճանակ մը պարպես՝ երկու գումարտակ քեզի օգնութեան կը վազեն»: Այն՝ կէս սովի բռնուած, հազարաւոր ոռմբներու նպատակ եղող, դիակներու գարշահոտութենէ ապականած բանակին մէջ զրկաբաց պիտի ընդունէին:

զինքը և անշուշտ ձեռնարկէն ետ կենալ  
ուզելը վատութիւն պիտի չչամարէին իւ-  
րէն:

— Յանուն Հօր և Որդւոյ և Հոգւոյն  
Սրբոյ, — կը կրկնէր մտքովը լոնկինոս:  
— Եւ մի՛ տանիր զիս ի փորձուրիւն . . . :  
Ես պատրաստ եմ մեռնելու . . . : Ասկէց  
չարագոյնը ինծի չի կրնար հանդիպիլ:  
Սատանան՝ զիշերուան ստուերներէն օ-  
գուտ քաղելով, զիս կը փորձէ: Ի՞նչ, վաս  
մ'իմ ես, իմ զլուխս ամօթով պիտի ծած-  
կեմ . . . : Երբէք, երբէք:

Ազմուկ մը լսուեցաւ, ամորոշ, բայց  
սպառնական, կը նմանէր անտառէն դուրս  
եկող արջու թունթունոցին: Լոնկինոս ու-  
շադրութիւն չդարձուց ու վճռական կեր-  
պով ըսաւ.

— Յառաջ միշտ:

Ուշադրութեամբ կը քալէր և արդէն  
դազախ բանակին հասնելու վրայ էր, երբ  
աղմուկը նորէն կրկնուեցաւ, այս անզամ  
աւելի որոշ:

— Յառաջապահ գունդերը պիտի ըլ-  
լան, — մտածեց նա ու առաջ գնաց:

Զայներ լսեց: Լոնկինոս մէկ կողմը քա-  
շուեցաւ, ուղքովը փոս տեղ մը փնտոեց,

բերինքսիվար պառկեցաւ, շունչը բռնեց  
և ատրճանակները ձեռքը առաւ:

Պիշերապահ խումբ մը կը մօտենար:  
Մութ էր . Լոնկինոս չկրցաւ համրել թէ  
ցանի հոգի էին, բայց անոնց խօսքերը  
ամբողջ լսեց:

— Ենոնք գէշ վիճակի մէջ են, բայց  
մեր վիճակն ալ շատ լաւ չէ, — ըսաւ  
մէկը: — Քանի՛ քանի կտրիճ ընկերներ  
թաղեցինք ու հիմա հողը կը պարարտաց-  
նեն:

— Աստուած իմ, — բացազանչեց ու-  
րիշ մը: — Կ'ըսուի թէ թագաւորն ալ  
մօտ է: Ի՞նչ պիտի ըլլայ մեր վերջը:

— Խանը կատղեր է ընդդէմ պապա  
Խմիելնիցըիի, և Թաթարները կը սպառ-  
նան զմեզ գերի տանիլ եթէ կարող չըլ-  
լան լեները բռնել:

— Թաթարները մերիններուն դէմ ալ  
կը կոռուին, պապա Խմիելնիցըի թաթար  
բանակը երթալ արգիլեց, վասն զի հոն  
զնացողը ալ չի դառնար:

— Կ'ըսուի թէ տօնավաճառէն դարձող  
մարդկանց հետ ծպտեալ լեներ ալ կան:  
Անիծեալ ըլլայ պատերազմն ալ և ժամն  
ալ՝ յորում սկսաւ:

Որով ու Հրով Դ.



— Այս ստոյգ է որ հիմա մեր վիճակը  
առաջուրնէ չարագոյն է:

— Վայն հոս է որ թագաւորին հետ  
կեհերու նոր ամբոխ մը պիտի գայ:

— Ո՞հ, ի՞նչ հանգիստ պիտի ըլլայինք  
հիմա Սեշխայի մէջ, իսկ հոս ընդհակա-  
ռակն անօթի գայլերու պէս զիշեր ժա-  
մանակ աստին անդին կը քալենք:

— Հոս պէտք է որ գայլեր գտնուին,  
վասն զի ձիերը կը խրինջեն:

Չայները կամաց կամաց հեռացան ու  
մարեցան: Լոնկինոս ոտք ելաւ ու սկսաւ  
առաջ երթաւ:

Թեթև անձրե մը սկսաւ տեղալ, մութը  
աւելի խտացաւ: Հեռուն՝ աջ կողմը, պղտիկ  
կրակ մը սկսաւ փայլփլիլ, ապա երկրորդ  
մը, երրորդ մը: Թշնամոյն բանակին սահ-  
մանին վրայ էր անշուշտ: Կրակները շատ  
տկար էին: Յայտնի էր որ ամենքը կը  
քնանային, միայն հոս հոն դեռ օղի կը  
խմէին կամ երկրորդ օրուան օրուտեստ  
կը պատրաստէին:

— Գոհութի՛ւն Աստուծոյ, — մտածեց  
Լոնկինոս, — որ յարձակումէն վերջ մեկնե-  
ցայ: ամենքը հանգիստ կ'ընեն, վտանգ  
չկայ:

Հազիւ թէ մտքին մէջ այս խորհրդա-  
ծութիւնը կը վերջացնէր, հեռուէն ձիե-  
րու ուսնաձայն մը լսուեցաւ: Ուրիշ զիշե-  
րապահ խումբ մըն էր՝ որ անմիջապէս  
իրեն քովին անցաւ: Բարեբաղդաբար ձիե-  
րը՝ աղմուկներու վարժ, չխրտեցան: Հա-  
զար քայլ հազիւ առեր էր, ուրիշ երկու  
խումբերու ալ հանդիպեցաւ: Լոնկինոս ու-  
րախ էր որ հետեւակ խումբերու կամ պա-  
հակներու չի հանդիպիր: Բայց ուրախու-  
թիւնը կարճ տեեց: Երբ բաւական առաջ  
գնացեր էր, սկս ստուեր մը դիմացը ելաւ:  
Թէպէտ երկչու չէր լոնկինոս, սակայն  
բոլոր մարմնոյն մէջ սարսուռ մը զգաց:  
Նահանջել կամ հեռուէն անցնիլ կարելի  
չէր. ստուերը զինքը տեսեր էր. մանրերկ-  
րորդ մը տատամսեցաւ:

— Վասիլ, դուն ես, — հարցուց յան-  
կարծ ձայն մը:

— Այո՛, — պատասխանեց ցած ձայ-  
նով լոնկինոս:

— Օղի ունի՞ս քովդ:

— Ունիմ:

— Քիչ մը տուր ինծի:

լոնկինոս մօտեցաւ:

— Հեհէ՛, ո՞րչափ երկնցեր ես. —  
կրկնեց ձայնը վախով մը:

Ստուերը յանկարծ երերաց և խուլ Տէր մը զինուորին շրթունքներէն դուրս թռաւ։ Ուսկըներու ջախջախուելու ճարճաւ տիւն մը լսուեցաւ և ստուերը գետին տապալեցաւ։

Իրբկ թէ բան մը պատահած չըլլար Լոնկինոս ճամբան շարունակեց. զիշերապահներու ճամբուն գծին վրայ չգտնուելու համար միշտ բանակին կը մօտենար։ Ղազախ բանակը միայն երկու նետաձիգ հեռու էր, և կարծես երթալով կը մօտենար, թէպէտ ինքը միշտ կը ջանար նոյն հեռաւորութիւնը պահել։ կը տեսնուէր որ ամենքը կը քնանային։ Կրակներուն աղօտ լուսովը կը տեսնուէին, նստած մարդիկներ։ Լոնկինոս ջանաց լուսոյ ճառագայթներէն խոյս տալ։

Կրակները նախ իրեն աջակողմն էին, յանկարծ դիմացը ելան։ Տարտամ՝ կանգ առաւ։ Պաշարուած էր Ղազախներէ, թաթարներէ. բոլոր բանակէն շրջապատեալ էր։ Շրջանակին մուտքը կը պաշտպանէին պահակ զինուորներ։

Վտանգաւոր էր Լոնկինոսի կացութիւնը։ Երկուքէն մին. կամ կառցերուն մէջէն սողալով անցնիլ կամ ուրիշ ելք մը

գտնել Ղազախներու ու թաթարներու մէջ տեղէն. մեռնիլ կամ ետ դառնալ, սակայն ետ դառնալն ալ ապահով չէր։ Վայրկեան մը տաշտամ կենալէն վերջ, որոշեց կառքերուն մէջէն սողալով անցնիլ ու բանակին միւս ծայրը ձգել ինքզինքը։ Քիչ մ'ալ գեռ մօտեցաւ։ Կրակներու լոյսը կրնար զինքը մատնել, բայց իրեն ալ կարեւոր էր այն լոյսը և անհրաժեշտ կոխած տեղը տեսնելու համար։

Թառորդ ժամու չափ ալ առաջ գնաց, կառքերու մէջ սև ժապաւէնի նման անցք մը նշմարեց։ Լոնկինոս գետին պառկեցաւ և սողունի մը պէս սկսաւ սողալով առաջ երթալ։

Էէս ժամ անցաւ։ Երկու կողմը հանգարտ էր ամենայն ինչ, դիմացը սև անտառը և անկէ անդին սոճիներու անտառը մինչեւ թորորով։ Ապա՝ սոճիներէն անդին թագաւորը, ազատութիւնը, փառքը, արժանիք Աստուծոյ և մարդկան դիմաց։ Այս հսկայական գործոյն բաղդատմամբ ի՞նչ էին մէկ հարուածով կարուած երեք գըլուխները …։ Լոնկինոս այս բաղդատութիւնը կ'ընէր առանց հպարտանալու։ Ուրախութենէն միայն տղու մը պէս կուլար։

Ոտքի ելաւ, առաջ գնաց: Տեղատարափ անձրեց ոտնաձայնը կը խափանէր: Ուստի երկայն սրունքները բացած հսկայական բայլերով առաջ կ'երթար: Բանակը ետեւ մնաց, կաղնիի անտառը կը մօտենար, կը մօտենար նաև ազատութիւնը:

Հասաւ վերջապէս խիտ տերեներուն տակը. մութը անթափանցելի էր: Թեթև հով մը տերեները կը շարժէր: Լեհ բանակին եօթը մղոն հեռու էր: Քրտինը ճակատէն կը վազէր: Անտառը երթարով կ'անօրանար: Դաշտ մը բացուեցաւ դիմացը: Ծառերուն սօսափիւնը սաստակացաւ, կարծես իրեն կ'ըսէր. «Հոս կեցիր, ապահով է այս տեղը»: Բայց ասպետը մտիկ չըրաւ, խիզախ առաջ գնաց դէպ ի կաղնին որ բացավայրին մէջ առանձին կեցեր էր:

Յանկարծ կաղնիին տարածուած ճիւղերուն տակէն, կարծես դիւթութեամբ, քսան ստուերներ դուրս եկան և զայլի բայլերով իրեն դիմացը վազեցին:

— Ո՞վ ես, ո՞վ ես, — անձանօթ լեզուով հարցումներ ուղղեցին: Շեշտէն՝ հարցման իմաստը հասկցաւ: Թաթարներէն՝ որոնք անձրեէն կաղնիի տակ ապաս-

տաներ էին: Նոյն վայրկենին փայլակ մը լուսաւորեց կաղնին, բացավայրը, և թաթարներուն դէմքերը: Ահաւոր աղաղակ մը օդը թնդացուց և սարսափելի կոիւ մը սկսաւ:

Թաթարները գայլերու վոհմակի մը պէս լոնկինոսի վրայ յարձըկեցան, սակայն սա՝ փոխանակ ինքզինքը կորսնցնելու, հերակլեան հասակովը այնպէս ընդհարեցաւ անոնց որ շատերը գետին փռեց ծառէ թափուած պտուղներու պէս: Ահա գին սուրը մերկանալով սկսաւ աջ ու ձախ հարուածել: Գոռում գոչում, հեծեծանք, օգնութեան կանչելու աղաղակներ բարձրացան: Թաթարները նորէն յարձըկեցան, բայց ինքը կոնակը կաղնիին տուած ահազին սուրը կը դարձնէր: Բացավայրը դիակներով լցուեցաւ: Թաթարները՝ ահարեկեալ, նահանջեցին: Սակայն իրենց աղաղակը արձագանգ գտեր էր: Կէս ժամ չէր անցած, բազմութիւն մը կոռոյն վայրը կը խուժէր. Ղաղախներ, թաթարներ, հետեւակ, ծիաւոր, զինուած աղեղներով, զերանդիներով, երկժանիներով: «Ի՞նչ կայ, ի՞նչ եղաւ»: «Հրաշք մը, դիւթեալ մարդ մը: Միայնը այսչափ մարդ սպան-

նեց...: Ջարկէ՛ք: Ո՛չ, ոչ, ողջ բռնեցէք  
...: լեհ է»:

Լոնկինոս ատրճանակները պարպեց,  
բայց դժբաղդաբար լեհ բանակը շատ հեռու էր:

Ամբոխը աւելի մօտէն զինքը պաշարեց:  
Վերջապէս հրաման մը լսուեցաւ.

— Բռնեցէ՛ք զինքը:

Ամենքը միասին վրան յարձըկեցան.  
աղաղակները դազրեցան...: Յարձըկողները  
կարծես յործանքի մը մէջ բռնուած  
կը ուր կը դամային, սակայն այդ  
յործանքին մէջ խղղուկ հեծեծանքներ կը  
լսուէին: Հինգ վայրկեան վերջ մինակ  
կը մնար Լոնկինոս՝ դեռ կաղնիին կը թշնած,  
զիմացը դիակներու կոյտ մը կար:

— Չուան մը, չուան մը, — հնչեց  
ձայն մը:

Ոմանք երկայն չուանի երկու ծայրերէն  
բռնած կը ջանային Լոնկինոսը կաղնիին  
բռնին կապել, բայց սա սուրի հարուաւ  
ծով մը չուանը կը կտրէր և զինքը կապել  
ուզողները կը սպաննէր:

Տեսնելով որ բազմութիւնը աւելի ար-  
գելք էր, Նոկայիներէն ոմանք խոյացան  
բռնելու զինքը, բայց հսկայն ձգախէժէ

գնդակներու նոհան հեռուն նետեց զիբենք:  
իրեն գերմարկային ճիզն երթալով կ'ա-  
ճէր:

Թաթար ամբոխին մէջէն լսուեցաւ.

— Նետե՛ր, նետե՛ր:

Լոնկինոս երբ տեսաւ նետերը և աղեղ-  
ները հասկըցաւ որ մարդկային ոյժը զին-  
քը չիկրնար ազատել թշնամիներու բազ-  
մութենէն: Տեսաւ որ կը մօտենայ իրեն  
վերջին ժամը, սկսաւ աղօթել:

Խոր լռութիւն մը տիրեց: Ամբոխը անձ-  
կութեամբ կը սպասէր...: Սլաքները շշե-  
ցին Լոնկինոսի ականջին, իսկ ինքը կ'ա-  
զօթէր. «Մայր փրկչին»: Սլաք մը երե-  
սին քառելով անցաւ, ուրիշ մը ուար վի-  
րաւորեց. «Աստղ առաւոտեան»: Սրիւնը  
աչքերուն վրայ կը թանձրանար. կը տես-  
նէր թաթարները մշուշի մը մէջէն. սլաք-  
ներու շաշիւնը երթալով կը մարդէր: Տը-  
կարութիւն մը զգաց. ծունկերը կը կոտըր-  
տէին. զլուխը կուրծքին վրայ ինկաւ :  
Վերջապէս ծունկերուն վրայ ինկաւ վար:  
Այն ատեն ըսաւ խորդալով. «Թագուհի  
Հրեշտակաց...»:

Այս աշխարհիս վրայ իրեն վերջին  
բառերը եղան ասոնք: Հրեշտակները ա-

ոին դիւցազն հոգին և մարգարտի մը պէս  
դրին զայն Սուրբ Թագուհոյն գահոյից  
դիմաց :

## Է.

Երկրորդ օրը Զակլոպա և Վոլոտիէս-  
քոյ զինուորներու մէջ կեցած ուշի ուշով  
կը դիտէին դէպի ի զազախ բանակը, ու-  
կից առաջ կու զար զինեալ դիւղացիներու  
բազմութիւն մը : Սքշեգուցքի իշխանին  
քով պատերազմական ժողովքի մը մէջ էր :

— Գէշ նշան, — ըստ Զակլոպա : —  
Նորէն յարձակում ունինք կը տեսնուի.  
իսկ մեր թեմերը ալ բոլորովին յոզնած են :

— Այս ժամուս և այս գեղեցիկ օգով  
յարձակում մը, էհ, մի՛ հաւատար, —  
պատոսախանեց պզտիկ ասպետը : — Բան  
մը չեն կընար ընել : Թերևս մեր երե-  
կուան պատնէշը զբաւեն և բոլոր օրը որմ-  
բակոծեն :

— Եթէ ուզենք զանոնք ցըռել բանի  
մը խորտընկեցի հարուածներով:

— Վառող կը պակսի...: Մեծ բան է

Եթէ շաբաթ մ'աւ բաւէ : Բայց կը յու-  
սանք թէ այդ միջոցին թագաւորը հասնի:

— Կ'ուզէ զայ, կ'ուզէ չզայ, միայն  
թէ սա խեղն Լոնկինոսը անցած ըլլայ այդ  
ազուաներու երամին մէջէն....: Ի՞նչ մարդ  
... : Բոլոր Հասարակապետութեան մէջ  
նմանը չի գտնուիր:

— Իսկ դուն միշտ կը նեղէիր զինքը :

— Վասն զի լեզուս սրտէս չարագոյն  
է...: Այս ստոյգ է որ հիմա մտատան-  
ջութեան մէջ եմ անոր համար ...: Աս-  
տուած զինքը չարիքներէն պահէ, ապա  
թէ ոչ բոլոր կենացս մէջ խիղճս զիս  
պիտի տանջէ:

— Լոէ՛, լոէ՛ : Իսկ ինքը միշտ աղէկ  
եղեր է բեզի նկատմամբ : Մանաւանդ կ'ը-  
սէր. «Ոսկեղին սիրտ մ'ունի սա Զակլո-  
պան, թէպէտ լեզուն խայթող է» :

— Աստուած իրեն օգնէ : Իրաւ է որ  
ամէն բերանը բանալուն անմիտ խօսք մը  
պիտի բաէր, բայց կարիճ և պատուաւոր  
մարդ էր : Ի՞նչ կը կարծես. ազատ ան-  
ցե՛ր է արդեօք :

— Գիշերը մութ էր. թշնամիները յար-  
ձակումէ վերջ յոզնած պիտի ըլլային.  
... : Շատ հաւանական է որ ամենքն ալ  
կը խորդային :

— Օրհնեալ ըլլայ Աստուած։ Ես իրեն ապսպրեցի որ մեր իշխանուհւոյն լաւ տեղեկութիւններ տայ...։ Համոզնաւած եմ որ կենսան զանիկա թագաւորին բանակետաց հասցուցած պիտի ըլլայ ...։ Աս ալ ստոյգ է որ Լոնկինոս պիտի չուզէ հոն մնալ հանգչելու համար, թագաւորին հետ հոս կը դառնայ, ուստի իշխանուհւոյն վրայօք մեզի տեղեկութիւն կը բերէ։

— Ես այն կենսանին արթնութեան վրայ վստահ եմ, և չեմ տարակուաիր որ զինքը լաւ պաշտպանած պիտի ըլլայ։ Աստուած մի՛ արասցէ եթէ նոր դժբաղդութեան հանդիպած է, ես հանգիստ պիտի չունենամ։ Քիչ ժամանակ զինքը ճանչցայ, բայց քոյր մը այնչափ պիտի չսիրէի որչափ կը սիրեմ զինքը։

— Քեզի համար քոյր մըն է, ինծի համար աղջիկ մը...։ Այդ վիշտը մօրուքս բոլորովին պիտի ճերմկցնէ և սիրսս կը տոր կտոր պիտի ընէ....։ Մէկու մը հետ կը բարեկամանաս, և հազիւ անոր ինչ տեսակ մարդ ըլլալը կը հասկնաս, այդ մէկը աներեռյթ կ'ըլլայ...։ Իսկ դուն սպասէ, յուսահատէ, մտածէ պարապ ստամոքսով, ծակծկած գլխարկով, անձրեփ տակ որ

դրումիդ վրայ կը տեղայ, իբրև թմբուկի մը վրայ։ Հիմա մեր Հասարակապետութեան մէջ, շան մը վիճակը լաւագոյն է քան ազնուականի մը։ Քիչ մը բարիք վայելելու ժամանակը պիտի հասնի՞ արդեօք։

— Շատ անգամ մտածեցի ամէն բան յայտնել Աքշեգուցքի։ Սակայն իրեն լուս թիւնը համարձակութիւն չտուաւ ինծի, մանաւանդ որ իշխանուհւոյն նկատմամբ եղած ամենափոքր ակնարկը միայն զինքը վեր կը ցատքեցնէ, կարծես հրաշէկ երկաթ մը կը մօտեցնես իրեն։

— Այս գնա՞ւ, ըսէ՛ իրեն, բաց նորէն վէրքերը... մինչդեռ թերևս թաթար մը խեղճ իշխանուհւոյն մազերէն բռնած կը քաշկոտէ...։ Ո՛չ, ոչ, բաւ է. ա՛լ չեմ կրնար մտածել։ Լաւ է մեռնիլ երբ ամէն բան դառն է այս աշխարհիս վրայ. ....։ Գեթ ողջամբ տեղ հասնէր Լոնկինոս ...։

— Աստուած զիտէ ...։ Ունեցած առաքինութեան համար ամենէն աւելի արժանաւորն է երկնային պաշտպանութեան ...։ Նայէ՛, նայէ ...։ Ի՞նչ կ'ընեն հոն այն ամբոխին մէջ։

— Այսօր արև մը կայ որ չի թողուք բան մը տեսնեմ։

— Մեր երեկուան բարձրացուցած  
պատնէշը կը կործանեն:

— Ես քեզի ըսի թէ յարձակում պիտի  
ունենանք: Հեռանանք:

— Բայց ո՞չ. կը կործանեն նահանջեւ  
լու պատրաստուելու կամ իրենց շրջուն  
մերենայներուն ճամբայ բանալու համար:  
Ճես:

— Այս, հիմա կը տեսնեմ:

Զակլոպա մէկ ձեռքով հովանի ընելով  
աչքերուն վրայ հողաբլուրը կործանող  
Ղազախները դիտեց: Նոյն միջոցին պատ-  
նէշին արդէն բացուած ճեղքուածքին մէ-  
ջէն, գիւղացիներու խուռն բազմութիւն մը  
անցնելով տարածուեցաւ դաշտին վրայ,  
ոմն կը քաշէր, ուրիշ մը բահով կ'աշխա-  
տէր, ուրիշներ նոր հողաբլուր մը կը բարձ-  
րացնէին երրորդ շրջանակով մը լեհ բա-  
նակը շրջապատելու համար:

— Ա՛ն, գուշակեր էի, — բացագանչեց  
վոլոտիէսքոյ: Ահա մերենայն:

— Ուրեմն նորէն գործ ունինք...: Հե-  
ռանանք, — ըսաւ Զակլոպա:

— Ո՛չ, շարժական մերենայները չեն,  
— առաջ տարաւ խօսքը պղտիկ ասպետը:  
իրաւնէ այս նոր մերենայները շատ-

տարբեր էին առաջին աշտարակներէն :  
Մ'էկ մէկու մէջ անցուցուած սանդուխնե-  
րով շինուած էին, լաթերով և մորթե-  
րով ծածկուած, և ասոնց ետկը կեցած  
ամենէն քաջ նշան առնողները թշնամւոյն  
դէմ կ'ուղղէին զէնքերը:

— Հեռանանք — կրկնեց Զակլոպա: —  
Գրողը տանի զիրենք:

— Կեցիր, համրենք, քանի հատ են...:  
Մ'էկ, երկու, երեք, չորս, հինգ ... ո՞հ,  
ի՞նչ պատրաստութիւն. ... վեց, եօթը,  
ութ... զամենքնիս, մինչև վերջին շունը,  
կրնան սպաննել... ինը, տասը... տաս-  
նումէկ.... Վոլոտիէսքոյ յանկարծ համ-  
րելէն դազբեցաւ:

— Այս ի՞նչ բան է, — պոռաց:

— Ո՞րը:

— Հոն, հոն... ամենէն բարձր աշ-  
տարակին վրայ ...: Մարդ մը կախուած  
է:

Զակլոպա աչքերը սրեց: Իրաւնէ, ա-  
մենէն բարձր մերենային զագաթը, զան-  
գակի հսկայ լեզուի մը նման, մերկ մար-  
մին մը կը շարժէր:

— Այս, ստոյգ է, — ըսաւ Զակլո-  
պա:

— Աստուած իմ, ողորմած Աստուած,  
— գոռաց Վոլոտիէսքոյ սրտաճմլիկ ձայ-  
նով մը : — Լոնկինոս Բոտպիրիէնդան է:

Պարիսպներուն վրայ շշնկոց մը բարձ-  
րացաւ, նման հովին որ անտափ մը մէ-  
ջէն կ'անցնի: Վոլոտիէսքոյ գունաթափե-  
ցաւ: Զակլոպա զլուխը խոնարհեցուց,  
ձեռքերովը աչքերը գոցեց, շրթունքները  
կապուտցած հառաչեց.

— Յիսոնս Մարիամ, Յիսոնս Մա-  
րիամ:

Շշնչիմը ալիքներու շարունակ մողնչ-  
ման փոխուեցաւ...: Ամենքը ճանչցեր էին  
Բոտպիրիէնդան, զինուորներուն աչքերը  
կատաղութեամբ կը փայլէին:

— Արի՞ն, — գոռաց Զակլոպա փըր-  
փրալից բերանով և մէկ ոստումով նե-  
տուեցաւ խրամին մէջ: Ոչ մի մարդկային  
ոյժ, և ոչ իսկ իշխանին ձայնը, կարող  
չէր զսպել զինուորները: Մէկզմէկ կը  
հրմշտկէին, մէկմէկու վրայ կ'ելլէին, ձեռ-  
քերով ու ակռաներով խրամատին եղերք-  
ներուն կը կառչէին, դուրս կը ցատքէին,  
զահավիժաբար և կուրօրէն կը վագէին:  
Հսկայական աշտարակները շուտով ծած-  
կուեցան ծուխի ամպերու մէջ ու որոտա-

ցին: Զակլոպա ամենէն առաջ կը վագէր,  
սուրը մերկացած, կատաղի՛ վիրաւորուած  
ցուլի մը նման: Ղազախները նիզակներով  
և գերանդիներով դուրս ցատքեցին: Եր-  
կու պարիսպները մէկմէկու զարնուեցան.  
սակայն կուշտ ոչխարները անօթի գայ-  
լերու վոհմակին դէմ չկրցան դիմանալ:  
Ղազախները ետ մղուեցան, զարդուե-  
ցան, ջախջախուեցան ու նահանջեցին  
դէպ ի աշտարակները: Զակլոպա՝ էգ ա-  
ռիւծի մը կատաղութեամբ՝ որուն կորիւն-  
ները յափշտակեր են, գոռալով ու գո-  
չելով խառնուրդին մէջ կը նետուէր: Ի-  
րեն քովին Վոլոտիէսքոյ՝ աւերիչ բոցի  
մը պէս, առաջ կ'երթար:

Մեքենայները քաշողները կամ ջարդուե-  
ցան և կամ մեքենայներու տակ ճգմուե-  
ցան: Զինուորները անիծեալ աշտարակին  
ծայրը ելան, քակեցին Լոնկինոսի մար-  
մինը և կրօնական յարգանօք վար իջե-  
ցուցին:

Զակլոպա ինկաւ ընկերոջ դիակին վը-  
րայ: Վոլոտիէսքոյ հեծկլտալով կու լար:  
Դիւրին էր գուշակել թէ ինչպիսի՞ մահ  
ունեցեր էր դիւցազնը: Բարեկամները ու-  
սերնուն վրայ առին դիակը և դարձան

պարիսպները : Իրիկունը Սպարայիի գերեզմանոցին մէջ թաղեցին զինքը : Բուռը կղերը թաղման ներկայ էր . կը պակսէր միայն ժապքովլսքի՝ որ վերջին յարձակման ժամանակ վիրաւորուեր էր և մահամերձ էր : Ներկայ էին իշխանը, հրամանատարները, բոլոր սպայները, թրիէմսքի, Աքշեղուցքի, Վոլոտիէսքոյ, Զակլոպա և այն զօրագունդը՝ յորում կը զինուորէր Բոտպիբիէնդա :

Գիշերը խաղաղ էր և աստղազարդ, ջահերուն բոցերն անշարժ՝ կը լուսաւորէին սպիտակ նոր դագաղը : Խոր լուսթիւն մը կը տիրէր, Զակլոպայի հեծկըլտոցն և թնդանօթներու հեռաւոր բոմբիւնը միայն կը լսուէին :

Վսեմ էր Մուբովեղի: Ըսաւ վերջին աղօթքը, աչքերը երկինք բարձրացուց և յուղեալ ձայնով արտասանեց .

« Ո՞վ է որ զիշեր ժամանակ երկնից դաները կը զարնէ » այսպէս կը հարցնէ Քրիստոսի աստուածային փոխանորդը արթըննալով քունէն: « Բա՛ց, ո՞վ Պետրոս, ես Լոնկինոս Բոտպիբիէնդա եմ » :

« Իսկ ի՞նչ արժանիք ունիս դուն, որ արքայութիւն մտնել կը համարձակիս :

Ի՞նչ իրաւամբ կ'ուզես դուն մտնել հոն՝ ուր առանց մեծամեծ առաքինութիւններու և վիշտերու ոչ մեծամեծք երկրի, ոչ ծիրանաւորք, և ոչ իսկ օծեալք ջեառն կրնան մտնել... ուր ոչ շքեղ կառքերով և ոչ բազմութեամբ ծառայից կը մտցուի և որուն ճամբան՝ առաքինութեան փշալից ճամբան է » :

« Բա՛ց, բա՛ց, կ'աղաչեմ, ո՞վ սուրբ բարապան: Բա՛ց կ'ըսեմ քեզի, վասն զի Աստուծոյ այս ծառային ըրած ճամբան փուշերով և գառնութեամբ լի եղաւ, և սա՝ այս մեր սիրելի զինակիցը՝ քեզի կու գայ մաքուր իբրև աղաւնի՝ որ յոզնած է երկայն թռչելէն, մերկ՝ իբրեւ զՂազար, սլաքներով վիրաւորուած՝ իբրև նախավկայն Ստեփաննոս, աղբատ՝ իբրև Յոր, համեստ և համակամեալ, անարատ՝ իբրև գառն, մաքուր՝ մեղքի արատէ, որ իբրև քաւութեան զոհ նուիրեց ինքզինքը յօգուտ հայրենեաց . . . . Ծնդունէ զինքը, ո՞վ Պետրոս, ընդունէ, ո՞վ սուրբ բարապան, զընտիրն հօտին, և թոյլ տուր որ արքայութեան մշտադալար մարգագետնի մէջ արածէ » :

Մուբովեղի այս ոճով առաջ տարաւ

գամբանականը, նկարագրելով դիւցազնին  
կրած նեղութիւնները և գործած գործերը:  
Ամենքը կու լային և իւրաքանչիւր ոք ի-  
րեն վախճանը կը մտածէր՝ որ թերես հե-  
ռու չէր, թերես Սպարայիի պարիսպնե-  
րուն վրայ պիտի իյնային իրենք ալ:  
Վերջապէս ի խորոց կարդացին երգեցին.  
Կարծես օդը կ'ողբար:

Դագաղը գերեզման իջեցնելու ժամանակ  
շատ դժուարութեամբ կրցան զջակլոպա-  
անկէց բաժնել . . . : Խշխանը մօտեցաւ և  
նախ ինքը ափ մը հող նետեց վրան: Քա-  
հանայն սկսաւ. Հոդի սորա: Չուանները  
ճռնչեցին: Հարիւր ձեռքեր, հարիւր սա-  
դաւարտներ հող նետեցին դագաղին վրայ.  
Լոնկինոսի մահկանացու մնացորդաց վրայ  
շուտով բարձրացաւ հողարլուր մը. լու-  
սինը իրեն աղօտ լոյսը սփոեց անոր վր-  
րայ:

Է.

Երեք բարեկամները գերեզմանէն հե-  
ռացան ու պարիսպներու վրայ դարձան  
ուսկից կը լսուէր թնդանօթներու որոտը:  
Զինուորները և սպայները կը խօսէին հան-  
գուցելոյն յատկութիւններուն վրայ:

— Փառաւոր թաղում, — ըսաւ սպայ  
մը Աքշեղուցքի մօտենալով, — և ոչ Ան-  
րացովսքի՝ արքունի քարտուղարը, այս-  
պիսի թաղում մ'ունեցաւ:

— Լոնկինոս արժանի էր — խորհրդա-  
ծեց ուրիշ սպայ մը: — Ուրիշ ո՞վ պիտի  
ստանձնէր այդպիսի դիւցազնական գործ  
մը:

— Լսեցի որ, — մէջ մտաւ երրորդ  
մը, — Վիսնիովիեցքի սպայներէն շատե-  
րը ուզեր են երթալ. բայց կարծեմ Լոն-  
կինոսի օրինակը զամենքը ետ պիտի կեց-  
նէ թագաւորին երթալու փափաքէն:

— Անզործադրելի զաղափար մըն է . . .:  
Եւ ոչ օձ մը պիտի կարենայ անցնիլ . . .:  
Վայրկեան մը լսութիւն եղաւ:

— Լսեցի՞ր, — հարցուց Վոլոտիէսքոյ Արշեղուցքիի:

— Այո՛, լսեցի...: Այսօր իմ կարգս է:

— Ինձի նայէ, Արշեղուցքի, — ըսաւ Վոլոտիէսքոյ լուրջ կերպով: — Դուն զիս բաւական ժամանակէ ի վեր կը ճանչնաս և զիտես որ բան մը կարող չէ զիս կասեցնել. սակայն ուրիշ բան է վտանգը, ուրիշ բան է անձնասպամնութիւնը:

— Այդ խօսքը գո՞ւն ես որ կ'ըսես:

— Այո՛, ես, վասն զի քեզի բարեկամ եմ:

— Ես ալ քու բարեկամդ եմ: Ուստի երդուկիր որ եթէ ես մեռնիմ, դուն պիտի չերթաս:

— Ա՛հ, ոչ, — բացագանչեց Վոլոտիէսքոյ: — Երթամ պիտի:

— Կը տեսնեմ. ուրեմն ի՞նչպէս կը պահանջես ինձմէ այն բանը՝ զոր դուն իսկ պիտի չընես...: Թո՞ղ որ Աստուծոյ կամքը կատարուի:

— Եթէ այդպէս է ես ալ քեզի հետ կու գամ:

— Իշխանը արգիլեց: Դուն զինուոր ես, հնագանդիլը պարտքդ է:

Վոլոտիէսքոյ պեխերը իսածաւ ու լռեց:

— Գիշերը շատ պայծառ է, — ըսաւ քիչ վերջ, — այս գիշեր ճամբայ մի՛ ելւեր:

— Աւելի մթին գիշեր մը կը նախադասէի, — ըսաւ Արշեղուցքի, — սակայն գործը ուշացնել անկարելի է: Կը տեսնես որ օդը հաստատուեցաւ, և մենք չունինք ոչ ուտելիք և ոչ վասօդ...: Զինուորները հողին մէջ բոյսերու արմատներ կը փընտռեն. շատերը բռնուած են լնդահարութեան հիւանդութեամբ: Այս իրիկուն անմիջապէս կը մեկնիմ, արդէն իշխանին հրաժեշտի ողջոյնս տուի:

— Կարծեմ յուսահատեր ես կեանքէդ:

Արշեղուցքի ժպտեցաւ:

— Կ'ենթազըռուի, ետ պիտի չկենամ, բայց մի՛ կարծեր թէ մեռնիլ կ'ուզեմ, այդ մեղք է: Դարձեալ ինդիրը մեռնելու վրայ չէ, այլ թագաւորին քով հասնելու և զամենքը ազատելու:

Վոլոտիէսքոյ իշխանուհւոյն նկատմամբ գիտցածը ըսելու փորձութիւնը ունեցաւ, սակայն նորէն բռնեց ինքզինքը:

— Ի՞նչ ճամբով պիտի երթաս, — հարցուց:

— Իշխանին ըսի որ ճախճախուտը պիտի անցնիմ և ապա գետին երկայնութեամբ պիտի երթամ մինչև որ թշնամի բանակէն դուրս ելլեմ: Իշխանը այս գաղափարիս հաւնեցաւ:

— Ճ'ար չկայ, — հառաչեց Վոլոտիէքը: — Քանի որ մահը անհրաժեշտ է, լաւագոյն է փառաց ասպարէզին մէջ քան անկողնոյ: Աստուած պահէ պահպանէ զքեզ: Եթէ այս աշխարհիս վրայ այլկա չտեսնուինք, անշուշտ անդիի աշխարհը կը հանդիպինք մէկմէկու: Վատահ եղիր որ միշտ և միշտ բարեկամ պիտի մնամ քեզի:

— Նոյնպէս ես. շնորհակալ եմ: Ինձի նայէ. եթէ մեռնիմ, չեմ յուսար թէ լոնկինոսի բաղդին հանդիպիմ, վասն զի անոր մահը իրենց սուղի նստած պիտի ըլլայ...: Սակայն, ո և իցէ կերպիւ, պիտի պարծենան: Այն ատեն ետեւէ եղիր որ ծեր Սասվիլիքովսքի իմ մարմինս խնդրէ Խմիելնիցքիէն, վասն զի սարսափ կու զայ վրաս երը կը մտածեմ թէ կրնամ կեր ըլլալ թաթար շուներու:

— Վատահ եղիր որ ինդիրքդ պիտի

կատարեմ, — պատասխանեց Վոլոտիէքը:

Զակլոպահ՝ որ սկզբան մտքով վերացեր էր, վերջապէս հասկցաւ թէ ինչ բանի վրայ է խնդիրը: Սակայն չկրցաւ համոզել որ բարեկամը ետ կենայ: Ըստ միայն.

— Երեկ միւսը, այսօր ասիկա...: Ո՛վ, Աստուած իմ, Աստուած իմ:

— Հաւատք ունեցիր, — սիրտ տուաւ Վոլոտիէքը:

— Մտիկ ըրէ, Սքշեղուցքի, — սկսաւ ըսել Զակլոպահ, բայց խօսքը բերնէն դուրս չելաւ, ու ծերը, տղու մը պէս անկարող՝ ուրիշ բան չկրցաւ ընել եթէ ոչ ասպետին գիրկը նետուիլ:

Ժամ մը վերջ Սքշեղուցքի ճախճախուտի ջուրերուն մէջն էր:

Գիշերը պարզ էր, լուսինը ճախճախուտին մէջ տեղը արծաթեայ վահանի մը նման կը փայլէր: Սքշեղուցքի գիտեզերքի խիտ եղեգնուտներուն մէջ մտնելով, շուտով աներևոյթ եղաւ: Ուղիղ գծով գետէն անցնիլը անկարելի էր, կրնար թշնամւոյն ուշադրութիւնը վրան դարձնել, ուստի Սքշեղուցքի մտածեց գետին երկայնութեամբ



իջնել մինչև այն ճախնային գետինը՝ ուրուն մէջէն կ'անցնէր գետը։ Ատոյդ է թէ հոն էին թաթար և ղազախ մկնդաւորները, սակայն եղեգնուտաները հոն շատ խիտ էին, այնչափ որ թշնամին զանոնք վրաններ շինելու կը գործածէր։ Հոն հասնելէն վերջ առանց վտանգի կրնար գետը անցնիլ թէ զիշեր և թէ՛ ցորեկ ժամանակ։ միայն կը վախէր որ շատ տիղմ ըլլայ ...։ Սակայն հոն՝ ուր կը քալէր մինչև սրունքները ջուրին մէջ, ջուրին խաղաղ մակերեռյթին տակ երկիրը կը ճօնէր և անհաստատ էր։ Ամէն քայլ առնելուն պղպչակներ վեր կ'ելլէին՝ ու զիշերային անդորրութիւնը կը վրդովէին։ Որչափ որ զգուշութիւն կ'ընէր, սակայն ջուրը կը շարժէր և շրջանակներ կը ճեսցնէր՝ ուրոնք երթալով կ'ընդլայնէին և կը հասնէին ճախճախուտին կեղրոնք։ Եթէ անձրեւ եկած ըլլար՝ աւելի դիւրաւ պիտի համնէր Աբշեղուցքի մինչև ճախնային գետինը և պիտի չտեսնուէր, նոյն իսկ եթէ հարկ ըլլար լողալով պիտի կտրէր այդշափ հեռաւորութիւնը։ Սակայն, կարծեսի հեճուկս, խոր անդորրութիւն մը կը տիւրէր օդոյ մէջ, և ոչ իսկ թեթև հով մը

կը փշէր որ գեթ եղեգնուտի սօսափիւնը ծածկէր իրեն քայլերուն ձայնը...։ Միայն հրազինուց շառաչը քիչ մը կը խափանէր պղպչակներու խոխոջիւնը, և այդ շառաչման վայրկենին միայն կրնար քանի մի քայլ առաջ երթալ։ Ճամբայ ելած ժամանակը ամէն բան չէր կրցած նախատեսել, ինչպէս, օրինակի համար, ջուրին խորութիւնը։ Նոյն իսկ լաւ ծանօթ երկիր մը զիշեր ժամանակ ուրիշ խորհրդաւոր կերապարանք մը կ'առնու, երկիւղ կ'ազդէ, ամէն վայրկեան մտատանջ տարակոյներու մէջ կը ճգէ։ Մի՛ գուցէ հոս հաստատուն չըլլայ երկիրը, մի՛ գուցէ հոն փոս մը գտնուի. . . .։ Աբշեղուցքի ճակատէն քրտինքը կը հոսէր։ Այնուհանդերձ առաջ կ'երթար, և առանց անդրադառնալու, այնչափ հեռացեր էր քաղաքէն որ չիմացաւ իսկ թէ քանի մը քայլ հեռուն թաթար ծիաւոր մը կեցեր էր դիմացը։ Ժամանակին կանգ առաւ և դիտեց ծիաւորը՝ որ ճիռւ վրայ, գլուխը երերցնելով կը նիրհէր։

Եւ, տարօրինակ բան, կարծեց թէ թաթարը իրեն բարե կու տայ և աչքը վրայէն չի վերցներ։ Սարսափ ազդող տե-

սիւր մըն էր, գրեթէ ուրուական՝ որ ջուրերէն դուրս ելեր էր և իրեն ճամբան կ'ուզէր արգիլել:

Աքշեղուցքի, վայրկեան մը տատամսեւէն վերջ, սիրտ ըրաւ:

— Եթ քնանայ թէ ոչ, — հարցուց ինքիրեն:

Վերջապէս ամենայն խոհեմութեամբ սկսաւ նորէն առաջ երթալ: Կէս ճամբուն մէջն էր, մեղմ հով մը սկսաւ փչել, բուլոր եղեգնուտը սկսաւ սօսափիւն մը արձակել: Աքշեղուցքի սիրտ առաւ ու աւելի արագ սկսաւ քալել: Սակայն հովը միայն բոյսեր չէր որ կը շարժէր. Քիչ մը վերջ իրեն զիմաց տեսաւ սկ առարկայ մը որ ջուրին վրայ կը շարժէր և կարծես իրեն վրայ ցատքել կ'ուզէր: Քիչ մնաց որ պոռար Աքշեղուցքի. բայց վայրկեան մը վերջ հասկցաւ որ մարդ մըն էր՝ որ կը խղդուէր: Սարսուռ մ'անցաւ մարմընոյն մէջէն: Եղեգնուտի սօսափիւնը շատցաւ: Ծածանող եղեգներու մէջէն տեսաւ Աքշեղուցքի երկու, երեք, չորս թաթար մկնդաւորներ: Յանկարծ ոտքը սրունքի մը զիպաւ, վար նայեցաւ, ուրիշ խըղդուած մը ոտքին տակն էր:

— Այս երկրորդն է, — մտածեց: Երագեց քայլերը: Եղեգնուտը երաթալով կը խտանար, և այս՝ եթէ մէկ կողմանէ նպաստաւոր էր իրեն, միւս կողմանէ արգելք կ'ըլլար բալելու: Բաց աստի, կպչուն տիղմը՝ որ տեղ տեղ մինչև մէջքը կը հասնէր, շատ կը քրտնցնէր զինքը և ջերմ կը պատճառէր:

— Ի՞նչ բան է այս, — սարսափահար կը մտածէր: — Ուրեմն եղեգնուտի խորերը մտեր եմ: Ինչո՞ւ դեռ չհասայ ճախնային գետինը: Արդեօք միենոյն տեղւոյն վրայ կը դառնամ: Կը տեսնուի, — մտածեց վրհատելով, — որ զէշ ճամբայ մը ընտրեր եմ: Լաւագոյն է ետ դառնալ: Վաղը լոնկինուի բռնած ճամբէն կ'երթամ:

Սակայն այսուհանդերձ ետ չկեցաւ ճամբայէն և ոչ ետ դարձաւ: Կէս ժամ նորէն անցաւ, սակայն ճախնային հողը դեռ չէր տեսնուեր: Աւելի յաճախ կը հանդիպէր զիակներու: Այդ սոսկում ազդող տեսարանը, անքուն մնալը, եղեգնուտի սօսափիւնը, ջրոյն պաղութիւնը, գրեթէ զառնեցել կու տային իրեն: Ամբոխեալ ըղեղին մէջ կը խուժէին խորհուրդներ և տեսիլներ՝ որոնք կամ կը կեցնէին զինքը

և կամ յառաջ կը մղէին : Վերջապէս ,  
ուժէ ինկաւ . իրեն այնպէս կը թուէր թէ  
թմրեր է , կոթնած եղէցներուն մինչեւ  
ծռնկերը ջուրին մէջ , ու ջրոյ խոխոջը  
զինքը կը սթափեցնէ : Մօտէն մակոյկ մը  
կ'անցնէր՝ որուն մէջ երկու մարդիկ կային :  
Մինչև վիզը ջրոյ մէջ ընկղմեցաւ , ա-  
կանջին քանի մը անկապ խօսքեր հասան .

— Ենոփորը խղդէ զիրենք... այս հո-  
տած լճին մէջ ալ պահպանութիւն պէտք  
է ընել . . .

Մակոյկը աներեոյթացաւ . դիմացը կե-  
ցող Ղազախը թեճակով ջուրը կը ծեծէր ,  
կարծես ձկները վախցնել ուզէր : Արշե-  
դուցքի նորէն սկսաւ առաջ երթալ : Քիչ  
մը վերջ պահակ թաթար մը նշմարեց ,  
լուսնոյ լոյսը կը լուսաւորէր անհաւատին  
շան երեսը : Մակայն Արշեդուցքի պահակ-  
ներէն չէր որ կը վախնար , հապա ինք-  
իրմէ . կը ջանար գիտնալ թէ ո՞ւր է և  
ո՞ւր կ'երթայ : Մակայն այս ճիգը՝ փոխա-  
նակ գաղափարները պայծառացնելու , ցը-  
նորքը կը կրկնապատկէր : Առարկայները  
կրկին , բազմապատիկ կը տեսնէր , շա-  
րունակ մտացածին ձկեր կ'առնէին անոնք  
աչքին դիմաց : Երբեմն կը կարծէր թէ

պաշարուեր է թշնամիներէն , կ'ուզէր պո-  
ռալ , օգնութեան կանչել , սակայն անգի-  
տակից խոհեմութիւն մը , կոռուոյն ճիգը  
շրթունքները կը գոցէին : Սպարայիէն ե-  
լեր էր՝ արդէն անօթութենէն և անքունու-  
թենէն տկարացած , ջրոյ մէջ սառած ,  
դիակներու գարշահոտութենէն զզուած , ե-  
ղեգներէն և մացառներէն վիրաւորուած ,  
արիւնոտ՝ մժեղներու խածուածքներէն , վը-  
հատութիւն մը եկաւ վրան , յուսահա-  
տութիւն մը որ պիտի չկարենայ եզերքը  
հասնիլ : Իբրև փրկութեան նաւահանգիստ  
մը՝ կը փափաքէր հասնիլ ճախնային հո-  
ղը , թէպէտ հոն հասնելէն վերջն ալ պի-  
տի սկսէր նոր վտանգներու և դժուարու-  
թեանց շարք մը . . . : Վերջին ճիգն թափեց  
ինքինքը հոն ձգելու համար : Եղեգնու-  
տի սօսափիւնի մէջ մարդկային ձայն մը  
կը լսէր , սակայն լսածը մժեղներու բըզ-  
զունն էր :

Զուրն աւելի խոր էր , մէջքէն վեր  
կ'անցնէր :

— Եթէ հարկ ըլլայ լողալ , ոյժ չու-  
նիմ պիտի խղդուիմ : — Այս մտածմունքը  
չարագուշակ փայլակի մը պէս մոքէն ան-  
ցաւ : Գլուխը՝ կարծես բոցերու մէջ , կ'այ-

րէր. բարեբաղդաբար թաց փնջիկ մը եւ րեսին դիպաւ և սթափեցուց զինքը։ Հեռուն աղօտ լոյս մը տեսաւ...։ Քայլերը դէպ ի այն կողմը ուղղեց...։ բայց յանշ կարծ կեցաւ. դիմացը մաքուր ջրոյ գիծ մը տեսեր էր։ Գետն էր։ Երկու կողմն իրեն փափաքած երկիրը կը տարածուէր։

— Որչնեալ ըլլայ Աստուած, ազատեցայ, — մտածեց Արշեղուցքի։

Հոս ալ եղեգնուաներ։ Արշեղուցքի անվեհեր մտաւ անոնց մէջ։ Ճախճախուարետեւ մնաց։ Դիմացը ելած ջուրին՝ որ անշուշտ գետն էր, ուղղութեամբ առաջ կ'երթար։ Յուրաք աւելի էր հոս։ Քիչ վերջ սաստիկ յոգնածութիւն զգաց, հանգչելու անհրաժեշտ պէտքը կ'իմանար։ Աւելի հաստատուն և բարձր երկրի մը հանդիպեցաւ, կարծես կղղեակ մըն էր։ Կանգ առաւ, նստաւ, մժեղներէն և եղեգներէն արիւնոտած երեսը սրբեց։ Վայրկեան մը վերջ ծուփի զօրաւոր հոտ մ'առաւ, զլուխը վեր վերցուց, հարիւր քայլ հեռուն կրակ մը տեսաւ՝ որուն շուրջը բազմութիւն մը կար։ Թաթարներ էին որոնք կը տաքնային և կ'ուտէին։ Այդ տեսարանը, անգութ կերպով անօթութիւնը զրգոեց...։ Բաւական

ժամանակէ ի վեր կերակուր բերանը չէր դրած, վերջին անգամ պատառ մը ձիու միս կերեր էր՝ որով և ոչ իսկ շնիկ մը կը կշտանար։ Չորս կողմը գտնուած եւ դեգները սկսաւ ծամել և անոնց հիմքը ծծել անօթութիւնը և ծարաւը վայրկեան մը խարելու համար։ Նորէն կրակը դիտել սկսաւ՝ որ կամաց կամաց կը տկարանար։ Կրակին չորս կողմը նստող մարդիկ կարծես մշուշի մէջ մտան և կորսուեցան։

— Ահ, քունը չարաչար զիս կը տանչէ, — մտածեց Արշեղուցքի, — հոս պէտք եմ քնանալ ճար չկայ։

Կրակին շուրջը շարժում մը սկսաւ։ Թաթարները ստք ելան։ Արշեղուցքի ձիերու ոտնածայն մը՝ զոր կը խափանէր խոնաւ երկրը, և խրխինջ լսեց։ Զհասկցաւթէ ինչո՞ւ կը հեռանան...։ Նշմարեց որ եղեգները զայներնին կը փոխէին, կարծես օդոյն մէջ նուրբ մշուշ մը կար։ Կը լուսանար։ Ճախճային երկրին համելու համար ամբողջ գիշերը գրեր էր։ Ուրեմն դեռ ճամբուն սկիզբն էր։ Յորեկով ուրեմն պիտի անցնէր թշնամի բանակը։ Երթալով կը լուսանար։ արեւելք տժզոյն սպիտակ գոյն մը կ'առնէր։ Արշեղուցքի նորէն

ջուրին մէջ մտաւ, և երբ միւս եզերը  
հասաւ եղեգնուտէն գլուխը դուրս հանեց:  
Հինգ հարիւր քայլ հեռուն թաթար պահա-  
կանոց մը տեսաւ, բայց մարդ չկար հոն  
և կը կը գրեթէ մարեր էր: Մօտեցաւ և  
սկսաւ չորս կողմը փնտուել յուսալով կե-  
րակուրի մնացորդ մը գտնել: Իրացնէ հոս  
հոն նետուած էին կիսով չափ կրծուած  
ոսկորներ և մարած փայտերուն վրայ խո-  
րոված շողգամի հինգ կտորներ: Ամե-  
նայն ինչ հաւաքեց և անօթի գայլի պէս  
սկսաւ ուտել: Յանկարծ տեսաւ որ թա-  
թարները կը դառնային: Կայծակի արա-  
գութեամբ նորէն մտաւ եղեգնուտին մէջ,  
հասաւ կղեակը և հետը առած ոսկորնե-  
րը սկսաւ կրծել. կենացը մէջ այնպիսի  
համեղ կերակուր մը չէր կերած...: Քիչ  
մը ոյժ առաւ ու արիացաւ նորէն: Ա՛  
բոլորովին լոյս էր: Առաւօտեան ցուրտը  
զինքը կը նեղէր, բայց քիչ վերջ արել  
իրեն չերմութեամբ պիտի տաքցնէր զին-  
քը: Չորս կողմը զիտեց. կղեակը՝ որուն  
վրայ կը գտնուէր, երկու մարդու հազիւ  
կը բաւէր, չորս կողմը եղեգնուտը պարիսպ  
ձեացուցեր էր....: Ամէն բան լաւ քննե-  
լէն վերջ՝ որոշեց ճամբայ ելել երբ հովը  
սկսի շարժել եղեգնուտը:

— Փանը Աստուծոյ, — կ'ըսէր ինք-  
իրեն, դեռ կ'ապրիմ:

Սակայն քունը յաղթեց իրեն և հոն՝  
ուր կը գտնուէր, անզգայ պառկեցաւ:

Բարձրացող արեւու ճառագայթները ա-  
նոր թաց զգեստները չորցուցին: Զինքը  
այն վիճակին մէջ տեսնողը պիտի կար-  
ծէր որ խղդուած զիակ մըն է՝ զոր ա-  
լիքները հոն նետեր են: Երեսը արիւնոտ  
էր, զգեստները՝ տղմաթաթախ...: Ժամերը  
կ'անցնէին. կէս օրը անցեր էր և ինքը  
կը քնանար գեռ: Միայն իրիկուան դէմ,  
դաշտի վրայ կոիւ ընող ձիերու սուր  
խրխինջ մը զինքը արթնցուց:

Աչքերը շփեց ու յիշեց թէ ուր կը  
գտնուի: Երկնից կամարին վրայ առաջին  
աստղները ազօտ կը փայլվիւէին: Սակայն  
քունէն չէր կազդորուած, մանաւանդ զը-  
ժուարութեամբ կընար շարժել ցաւոտ ա-  
դամները: Գրեթէ անզիտակցաբար ոտքե-  
րը նորէն ջուրին մէջ խոթեց և սկսաւ  
քալել: Արեւուն վերջին ճառագայթները  
մարեր էին բաւական ժամանակէ ի վեր,  
աստղները հետզհետէ կը փայլվիւէին, բայց  
դեռ լուսինը չէր բարձրացած: Տեղ տեղ  
ջուրը շատ խոր էր. բռնադատեալ էր

ինքզինքը ջուրին վրայ բռնել ջանալու և  
հոսանքին դէմ լողալու որպէս զի դէպ ի  
ճախճախուտը չքշէ զինքը հոսանքն։ Զէր  
լողար, այլ աւելի եզերքին մացառները  
բռնելով ջուրին վրայ կը սահէր, ձեռքերը  
տիղմին մէջ կը խոթէր և ջիղերուն բոլոր  
ուժովը ինքզինքը առաջ կը մղէր։ Շատ  
չտեեց, հասաւ տեղ մը՝ ուսկից դիմացը  
պարզուեցաւ կրակներու ովկիանոս մը։

— Ղազախ բանակն է, — մտածեց։  
Աստուած իմ, օգնէ ինձի։

Կանգ առաւ ու սկսաւ մտիկ ընել։ Շփոթ  
շշուկ մը կը հասնէր մինչև իրեն։ Գետին  
ձախ եզերքին վրայ զազախ բանակն էր,  
աջին վրայ՝ թաթար բանակը. այս բա-  
ժանումը խոհեմութեամբ եղած էր արիւ-  
նահեղ կոհիներու դիմաց առնելու համար,  
վասն զի նոր դաշնակցութիւնը թաթար-  
ներու և Ղազախներու մէջ եղած հին ա-  
տելութիւնը չէր կրցած մարել։

Հոս ցանցառ էր եղեգնուտը։ Արշեղուցքի  
նորէն քանի մը քայլ առաւ, ու կանգ առաւ  
դարձեալ։ Կը կարծէր թէ զազախ բոլոր  
ոյժը՝ սպառնալից՝ իրեն վրայ կու գար։  
հարիւր հազարաւոր մարդիկ՝ որոնք զինքը  
կընային ջախջախել որդի մը պէս . . . :  
կարծեց թէ կորսուած է։ Մինակ էր։

Մակայն և այնպէս, կարծես խորհրդա-  
ւոր ուժէ մը մղուած՝ յառաջ գնաց։ Աւե-  
լի մօտէն կ'ուզէր տեսնել այն ահաւոր  
ոյժը։ Բայց յանկարծ քարացեալ կանգ ա-  
ռաւ . եղեգնուտը՝ դանակով կտրուածի  
պէս, կը լմնար։ Ջուրը՝ աւելի հեռուն,  
կարմիր գոյն մը առած էր, երկու եզերք-  
ներուն վրայ վառուած երկու մեծ բոցե-  
րուն անզրադարձութենէն. այս բոցերուն  
մէկուն դիմացը կեցեր էր թաթար ձիա-  
ւոր մը, միւսին դիմաց նիզակով զինեալ  
զազախ ձիաւոր մը։ Բոցերուն լոյսը հրե-  
զէն կամուրջի մը պէս գետը կը կարէր  
մէկ կողմէն միւսը։ Երկու եզերքներու մօտ  
շատ մակոյկներ շարուած էին կարգաւ։

— Ո՛չ, — մտածեց Արշեղուցքի, — աս-  
կէց չանցնուիր. անկարելի է։

Յառաջ թէ ետեւ երթալու էր։ Ահաւոր  
վարանումն էրկու ալ անգործազրելի։  
յուսահատեցաւ։

Մեղմ հովիկ մը հեռուէն Ապարայիի  
զանգակներու ձայնը բերաւ։ Արշեղուցքի  
երեսը խաչակնքեց և աղօթք մը մրմնջեց։  
Երկու բոցերու չորս կողմի կարմիր և սև  
դէմքեր՝ կը խառնուէին մէկմէկու, կարծես  
դատապարտեալ հոգիներ էին։ Գետը ա-  
րեան գոյն առեր էր։

— Գիշերը, — մտածեց Աքշեղուցքի, —  
թերևս կրակները մարին:

Եւ իրաւցնէ քանի մը ժամ վերջը ար-  
կարացան կրակները: Ամբոխը ցրուեցաւ,  
ու մինակ պահակները մնացին հոն: Շըն-  
կոցը դազրեցաւ բոլորովին: Խումբ մը մօ-  
տեցաւ, պահակները փոխուեցան:

Յորեկ ժամանակ անցնիլը թերևս աւելի  
նուազ վտանգաւոր պիտի ըլլար, բայց ոչ,  
այս գաղափարն ալ անտեղի էր, շուտով  
մը հանեց մոքէն ...: Բայց մակոյկները  
հոն կեցեր էին....: Մինչեւ վիզը ջուրին  
մէջ ընկղմեցաւ և զգուշութեամբ առաջ  
գնաց, աչքը թաթար պահակէն չէր հե-  
ռացնէր: Կէս ժամէն առաջին մակոյկին  
քով հասաւ: Մտալրած ծրագիրը շատ  
պարզ էր: Մակոյկները՝ որոնց յատակը  
դէպ ի վեր դարձած էր, կամար մը կը  
ձևացնէին՝ որուն տակէն կարելի էր անց-  
նիլ առանց տեսնուելու: Ասկէ զատ ուրիշ  
ճամբայ ալ չկար: Աքշեղուցքի՝ առանց  
վայրկեան մը վարանելու, մտաւ այդ կա-  
մարին տակը: Ջուրը ցած էր և ինքը բե-  
րենքսիվար առաջ գնաց: Այնչափ մօտե-  
ցեր էր թաթարին որ կը լսէր ձիուն շըն-  
չելը: Բարեբաղդաբար մակոյկներուն շար-

քը իսկու էր, ուստի Աքշեղուցքի՝ աչքը  
միշտ թաթար բանակը դիտող զազախ  
պահակին վրայ սեւեռած, տասնուհինք  
մակոյկ անցաւ այս կերպով: Յանկարծ գե-  
տեզերըին վրայ ձայներ և ոտնաձայն լսեց:  
Խրիմ ըրած ճամբորդութեանց ժամանակ  
սորվեր էր թաթար լեզուն. տրուած հրա-  
մանը հասկցաւ.

— Մակոյկի մէջ ու յառաջ:

Աքշեղուցքի՝ թէպէտ ջուրի մէջ, կար-  
ծեց թէ բոցերու մէջ ինկաւ: Եթէ այն  
մակոյկը առնէին որուն տակը ինքը կծկեր  
էր... և կամ անմիջապէս անոր քովինը  
...: Վայրկեանները իրեն ժամեր կը  
թուէին: Բարեբաղդաբար հինգերորդ մա-  
կոյկն առին և ջուրին վրայ դնելով զայն  
սկսան դէպ ի ճախճախուտը թիավարել,  
զազախ պահակին ուշազրութիւնը իրենց  
վրայ դարձնելով: Աքշեղուցքի կէս ժամու-  
չափ տեղէն չշարժեցաւ. և երբ նորէն փո-  
խուեցան պահակները, այն ատեն սկսաւ  
իրեն տաժանելի ճամբորդութիւնը: Հա-  
սաւ վերջին մակոյկին մօտ, անկէ անդին  
եղեգնուտը կը սկսէր: Մրտատրոփ, քըրտ-  
նաթաթախ ծունկի վրայ ինկաւ և գո-  
հութեան աղօթք մ'ըրաւ առ Նախախինա-  
մութիւնը:

Հիմա աւելի համարձակ սկսաւ առաջ  
երթալ, հովէն օգտուելով։ Մերթ ընդ մերթ  
դէպ ի ետև կը դառնար։ Գիշերապահներու  
կը ակներու լոյսը կ'աղօտանար, գետը կը  
հեռանար։ Եղեգնուտը աւելի խիտ էր և  
երկրը հաստատուն։ Գերմարդկային ոյժ  
մը զինքը յառաջ կը մդէր։ Զէր զիտեր  
թէ որչափ ճամբայ ըրեր է, միայն երբ  
նորէն ետև դարձաւ դիտելու, կը ակները  
աստըզներու պէս կը փայլիլէին և քիչ  
վերջ բոլորովին աներեսոյթ եղան։ Լուսի-  
նը բարձրացեր էր և խոր անդորրութիւն  
մը կը տիրէր ամէն կողմ։ Երբեմն խուլ  
շնկոց մը, խորհրդաւոր սօսափիւն մը կը  
լսուէր։ Քիչ մնաց Արշեդուցքի ուրախու-  
թենէն պիտի պոռար։ Գետին երկու և  
գերքներուն վրայ կը տարածուէր անտա-  
ռը. ռետենի բուրումը զինքը կը զմայլեց-  
նէր։ Ազատեր էր։

Ոնտափին մէջ մտնելէն վերջ մտածեց թէ  
ո՞ր կողմը պէտք է երթալ. ուր կը հանէր  
զինքը այդ անտառը. ո՞ւր էր թագաւորը։

Դեռ ճամբան երկայն էր և վտանգնե-  
րով լեցուն, թէպէտ ամէն ծանր վտանգ-  
ներէն անցեր էր այլ ևս։

Անօթութիւնը կը տանջէր զինքը. խը-

խում դարձեր էր տիղմի մէջ թաթիսւած,  
սակայն՝ յուսալով որ շուտով պիտի դառ-  
նայ Ապարայի և նոր ուժերով, արիաբար  
առաջ կ'երթար։

— Հիմա, — կ'ըսէր ինքիրեն, — ես  
զձեզ պիտի ազատեմ, բարեկամներս։ Աւ-  
տուծոյ կամքն է։

Ուրախութենէն սիրտը կը տրոփէր ու  
ինքը յառաջ կ'երթար, միշտ յառաջ։ Ան-  
տառին հակայ ծառերը իրենց հովանին ա-  
նոր վրայ կը տարածէին։

Ճ.

Թորորովի Արքունեաց սրահի մը մէջ  
երեր աւագանիք գաղտնի խօսակցութիւն  
մ'ունէին երեկոյ մը։ Գորգերով ծած-  
կուած սեղանի մը վրայ ճրագներու բազ-  
մութիւն մը կը վառէր։ Անդանին վրայ կա-  
յին սեւ փետրազարդ գլխարկ մը, սուր  
մը՝ որուն երախակալը սատափէ էր և որ  
ծածկուած էր ասզնեգործ լաթով մը, և  
զոյգ մը ուղտի մորթէ ձեռնոց։ Անդանին

ետև՝ բազկաթոռի մը վրայ նստած էր շուրջ քառասուն տարուան մարդ մը, նիհար, ազնուական և կանոնաւոր դէմքով։ Երեսն արևակէզ, աչքերը սև, շուետական ոճով յարդարուած սև մազերը ուսերուն վրայ տարածուած. վերին շրթանց վրայ ցանցառ և դէպ ի վեր ոլորուած պեխերը, դունջին վրայ նոյնպէս ցանցառ և պղտիկ մօրուք մը դէմքին կու տային առիւծային յանդգնութեան, գոռոզութեան և յամառութեան արտայայտութիւն մը։ Գեղեցիկ չէր դէմքը, բայց ուշիմ։ Աչքերը մարած էին, բայց կը հասկցուէր որ բարկութեան ժամանակ պէտք էին անոնք շանթարձակ և հրացայտ դառնալ։ Այդ վայրկենին արտաքոյ կարգի բարութիւն մը նկարուած էր դէմքին վրայ։

Հազուեր էր բոլորովին սև զգեստ մը ոլործուն ժապաւէնով եզերուած, և որուն տակէն կը տեսնուէր ոսկեղին շղթայն։

Ու էր Յովհան Քազիմիր Վազա թափառը՝ որ իրեն Լատիսլաւ եղօրը յաջորդեր էր։

Իրմէ քիչ հեռուն՝ թերաստուերի մէջ, նստեր էր Հերոնիմոս Ռատոսէսքի՝ Լոմժինի կառավարիչը, յաղթանդամ, կարմըր-

ժեռ, կասկածոտ դէմքով մարդ մը. ասոր դիմաց՝ արմուկներով սեղանին կոթնած՝ կար երրորդ անձնաւորութիւն մը, որ միշտ գորգերուն կը նայէր և երբեմն աչքերը կը վերցնէր թագաւորին նայելու համար։ Չունէր արքունական վեհութիւն, բայց ունէր իրեն յատուկ մտախոհ և անվեհեր նկարագիր մը որ դիմագծին գեղեցկութիւնը չէր խանգարեր։ Կապոյտ աչքերը, դէմքին փափկութիւնը, լեհ հարուստ զգեստը, շուետական ոճով կը տրուած մօրուքը, դէպ ի վեր սանտրուած մազերը անոր կանոնաւոր դիմագծին՝ որ կարծես մարմարի վրայ քանդակուած էր, ծերակուտական արժանապատուութիւն մը կու տային։

Գէորգ Օսոլինսքի՝ արքունի դիւանապետն էր, համբաւաւոր դիւանագէտ, հարատասան, իշխան Հոռվմէական Պետութեան, զոր կը յարգէին Եւրոպիոյ բոլոր արքունիքները և որ էր նախանձորդ Երեմիա Վիսնիովիեցըիի։

Մեծ հանճարը և գործունէութիւնը զինքը ամենէն բարձր աստիճաններու բարձրացուցեր էին, իսկ հիմա՝ մօտալուտ նաւարեկութեան անխորսափելի պահուն, ինքն

էր որ Տէրութեան ղեկը կը կառավարէր։  
թէպէտ փորձ նաւապետ, սակայն լե-  
հաստանի նաւը իրեն համար չէր : Ու-  
շիմ, գործունեայ, հաստատուն՝ գաղափա-  
րաց մէջ, սրատես և հեռատես, կարող  
պիտի ըլլար կառավարել ո և է Տէրու-  
թիւն մը, բայց ոչ Հասարակապետու-  
թիւնը, անշուշտ կարող էր նաև զՀասա-  
րակապետութիւնն ալ նաւահանգիստ հաս-  
ցընել, խաղաղութիւն, յաջողութիւն, մե-  
ծութիւն տալ անոր, եթէ ուրիշ թագաւո-  
րի մը ծառայութեան մէջ գտնուէր, օրի-  
նակի համար ֆրանսայի կամ Ապանիոյ  
թագաւորին։

Հանճարեղ զննող մըն էր, բայց ոչ  
գործող։ Եւրոպիոյ մէջ դաստիարակուած,  
թէպէտ արթուն մտքով, բայց չէր կրցած  
համկնալ Հասարակապետութեան վարչու-  
թեան յատուկ մեղութիւնը, և բոլոր կե-  
նաց մէջ ալ չկրցաւ սորվիլ խոյս տալ  
այն ամէն խոչընդոտներէն՝ որոնք իրեն  
ծրագիրներուն և ճիգերուն արգելը կ'ըլ-  
լային։ Դիմացը յորձանք մը կը տեսնէր  
ուսկից ազատում չկար։ Այնուհանդերձ  
ղեկը ձեռքէն չէր թողուր յամառութեամբ,  
ուշ չդնելով որ գաղափար մը՝ որ ի տեսա-

կանին փրկութիւն կը նշանակէր, ի գործ-  
նականին կընար կործանում նշանակել։  
կառավարութիւնը ուժովցնելու նպա-  
տակաւ, դազախ ահաւոր տարերքին սան-  
ձը թուլցուցէր էր, առանց նախատեսելու  
թէ մրբիկն՝ որ պիտի փրթէր ընդդէմ ազ-  
նուականութեան և աւագանւոյն, տէրու-  
թեան և նոյն իսկ միապետութեան կեն-  
սական շահերուն մեծ վասն կընար բե-  
րել։

Իրեն դէմ ելեր էր խմիելնիցըի։ Հա-  
սարակապետութիւնը կրեր էր կործանիչ  
պարտութիւններ։ Խմիելնիցըի՝ իրեն թշշ-  
նամւոյն՝ խրիմու խանին հետ դաշնակ-  
ցէր էր։ Կայծակ կայծակի կը յաջորդէր,  
պատերազմ զպատերազմ կը ծնանէր։ Այն  
ահաւոր տարերքն գործածուելէն առաջ կը  
մարզուէր, իսկ դիւնապետը իրեն գա-  
ղափարին վրայ հաստատուն, միշտ ժա-  
մանակ կ'ուզէր վաստկիլ և կը բանակ-  
ցէր, մինչև անգամ խմիելնիցըիի վրայ  
հաւատք ունենալ կը ցուցնէր։

Անողոք իրականութիւնը կը ջախջախէր  
իրեն տեսական գաղափարները։ Օրէ օր  
աւելի պայծառ կը տեսնուէր որ դիւն-  
ապետին ճիգերն բոլորովին հակառակ

արդիւնքը կու տային, այդ բանիս վերջին և յայտնի ապացոյցն եղաւ Ապարայիի պաշարումը:

Հասարակաց արհամարհանքը և առեւթութիւնը կը վհատեցնէին զդիւանապետը, սակայն փոխանակ իրեն պակասութիւնը տեսնելու, չորս կողմը յանցաւորներ կը փնտռէր, ինչպէս դժբաղգութեան մը ժամանակ սովոր են ընել անոնք՝ որոնք իրենց անձնական կարծիքը ամէն թշուառութենէ վեր կը դասեն:

Սակայն յանցանքը ամբողջ Հասարակապետութեանն էր, անոր ազնուական կազմակերպութեան, անոր անցելոյն. սակայն նա՝ որ անդունդին եզերքը կախուած ժայռը կը փորձէ ետև քաշել որ վար չիյնայ, անոր անկումը կ'երագէ: Իսկ զիւանապետը չարագոյնը ըրեր էր. զազախ տարրը իրեն օգնութեան կանչելու ժամանակ՝ չէր մտածած որ այն կատաղի հեղեղն կրնար կը ծել այն հիմը որուն վրայ ժայռը կեցեր էր:

Ինքը յանցաւորներ կը փնտռէր իսկ ամենուն աչքն իրեն վրայ կը դառնար իրրեմիակ պատճառ հայրենեաց բոլոր աղետից: Թէպէտ թագաւորն միշտ հաւատք

ունէր անոր վրայ, այնպէս որ ժողովրդեան ձայնը զիւանապետին հետ նորին վեհափառնութիւնն ալ կ'ամբաւատանէր:

Թոքորով կեցեր էին և ընելիքնին չէին գիտեր, վասն զի թագաւորը միայն քսանուհին հազար զինուոր ունէր: Ուշ ժամանակ հրամայուած միահամուռ զինուորագրութիւնը, մեծ արդիւնք մը չէր ունեցած: Ո՞վ էր այս յապաղման պատճառը, և այս զիւանապետին յամառ դիւանագիտութեան մէկ ուրիշ սխալը չէր...: Որ կողմը որ ալ դառնային, երկուքն ալ կ'իմանային որ անկարող են զիմաղրել խմբելնիցըի ուժերուն:

Գէշն հոն էր որ տեղեկութիւն մ'ալ չունէին անոր վրայօք: Թագաւորին բանակին մէջ զեռ չէին լսած որ խանը իրեն բուրոր թաթար խումբերով միացեր էր խմբելնիցըի, կը կարծէին թէ թաթար ոյժը կազմողն Թուկայի-պէյի հրամանին տակ գտնուող քանի մի հազար մարդիկն են: Ամէն տեսակ լուրեր կը հասնէին, սակայն անորոց և հակասական: Խորագէտ խմբելնիցըի զիւամամբ կեղոնացեր էր, և թոյլ չէր տար ասպատակութիւններ կամ մասնական կոիւներ ընելու, որպէս

զի թագաւորին ձեռքը լուր տուող գերիներ չիյնան։ Ապստամբ Աթամանը ունէր իրեն նպատակը. այսինքն, բանակին մէկ մասովը պաշարել Սպարային, իսկ մնացած մասով՝ զազախ և թաթար, իյնալ թագաւորին վրայ, ձերբակալել զինքը և յանձնել խանին։

Թագաւորին գէմքին վրայ տեսնուած տիրութիւնը անպատճառ չէր։ Մարդու մը համար իրեն տկարութեան գիտակցութենէն աւելի ահաւոր բան չկայ։ Յովհան Քաղիմիր բազկաթոռին մէջ ընկըղմած, կոթնեցաւ սեղանին և զայն ծածկող գորգը դիտելով. ըսաւ.

— Այդ ամենը անօգուտ բաներ են։ Տեղեկութիւններու պէտք ունինք։

— Իմ ալ փափաքս այդ է, — պատասխանեց Օսոլինսքի։

— Լրտեսելու գնացող ջոկատները դարձան։

— Այս, բայց տեղեկութիւններ տուողներ չեն կրցեր ձեռք ձգել։

— Եւ ոչ մէկ գերի։

— Երջակայքի գիւղացիներ՝ որոնք բանմը չեն գիտեր։

— Իսկ Բելքայ. սա սքանչելի երկիր լրտեսող մըն է։

— Վեհափառ տէր, — ըսաւ Լոմժինի կառավարիչը, — Բելքայ դառնալիք չունի, սպանուած է։ Վայրկեան մը լոռութիւնը տիրեց։ Թագաւորը՝ մարած աչքերը ծխացող ճրագին յառած, սկսաւ մատերով սեղանին վրայ զարնել։

— Ուրիշ միջոց չե՞ս կրնար գտնել, — հարցուց վերջապէս։

— Սպասել, — պատասխանեց դիւնապետը։

Թագաւորը յօնքերը պոստեց։

— Սպասել, — հարցուց, — և սակայն վիսնիովիցը և միւս հրամանատարները Սպարայիի մէջ մահամերծ կը տանջուին։

— Ճար չկայ, պէտք է համբերել, — ըսաւ անտարբերութեամբ Ուատսէսքի։

— Լաւ կ'ընես լռես, եթէ լաւագոյն խորհուրդ մը չես կրնար տալ։

— Մանաւանդ թէ ունիմ լաւագոյն խորհուրդ մը, վեհափառ Տէր։

— Ո՞րն է։

— Խմիելնիցը հետ բանակցելու համար մէկը զրկել։ Ի դարձին զեսպանը կրնայ մեզի ըսել թէ խմիելնիցը մինակ է թէ խանն ալ միասին է։

— Այդ անտեղի է, — ընդդիմացաւ թագաւորը: — Քանի որ Խմիելնիցը ին ապօստամբ ճանչցեր ենք, անոր զլիուն զին կտրեր ենք, Զարորսի գաւազանը Զապուսքիի յանձներ ենք, մեր արժանապատութեան նուաստութիւն է անոր հետքանակցութեան խոնարհիլ:

— Խանին կարելի է դեսպան մը զըրկել, — խորհուրդ տուաւ կառավարիչը :

Թագաւորը հարցական ակնարկ մը նետեց դիւանապետին՝ որ քիչ մը մտածելէն վերջ, պատասխանեց.

— Խորհուրդը աղէկ է, բայց անօգուտ. Խմիելնիցը պիտի չթողու որ դեսպանը ետ դառնայ:

Թագաւորը ձեռքով վճատութեան նշան մ'ըրաւ:

— Կը հասկնամ, — ըստ դանդաղ կերպով, — որ դուն խորհուրդ մը չես կըրնար տալ, ուրեմն լսէ իմ վճիռս. մեր բոլոր ուժերով պէտք է Սպարայի երթանք: Թող թարձրելոյն կամքը կատարուի: Հոն կ'իմանանք թէ Խանը ապստամբներուն հետն է թէ ոչ:

Դիւանապետը թագաւորին կամաց հաստատութիւնը կը ճանչնար, ուստի բնաւ

չտակարուսեցաւ թէ ըսածը պիտի գործադրէր: Դարձեալ, փորձովը գիտէր որ թագաւորին կամաց հակառակիլն անօգուտ էր: Հետևաբար, փոխանակ հակառակ խօսելու, հաւանութիւն ցուցուց, միայն խորհուրդ տուաւ սպասել դեռ երկու երեք օր, թերես տեղեկութիւն մը կարելի ըլլայ ստանալ:

— Բբէք ինչ որ կ'ուզէք, միայն թէ վաղը տեղեկութիւն տուող մը բերէք ինձի:

Նորէն լոռութիւն: Լուսնի ճառագայթները պատուհանէն ներս կը թափանցէին, բայց սրահը թերաստուերին մէջ էր, վասն զի ճրագները կը ծխային:

— Ժամը քանի՞ է, — հարցուց թագաւորը:

— Քիչ ատենէն կէս զիշեր, — պատասխանեց Ռապտէսքի:

— Քնանալ չեմ ուզեր: Բանակին մէջ շրջան մը կ'ուզեմ ընել և դուք ինձի պիտի ընկերէք...: Ուր են Ռապալտոյ և Արդզիշեսքի:

— Բանակն են: Կը հրամայեմ անմիջապէս որ թամբեն ձիերը, — ըստ կառավարիչը դէպ ի ուուր երթալով: Նոյն



վայրկենին բակին մէջ աղմուկ մը և ա-  
ճապարող քայլերու ձայներ լսուեցան .  
դուռը բացուեցաւ և թիցէնհաւու՝ թա-  
գաւորին թիկնապահը, հատկլեալ երեցաւ  
դրան մէջ:

— Վեհափառ Տէր, — ըստւ, — Ապա-  
րայիէն ընկեր մը եկեր է:

Թագաւորը ոտքի ցատքեց, դիւանապետն  
ալ ոտք ելաւ, և երկուքը միաբերան բա-  
ցագանչեցին.

— Կարելի՞ բան չէ:

— Ստոյգ է: Հոս դուրսը կը սպասէ:

— Շուտով թող ներս գայ, — պոռաց  
թագաւորը ծափ ծափի զարնելով: — Թող  
գայ մեր մտատանջութիւնները փարատէ  
. . . յանուն Ամենասուրբ կուտին:

Վայրկեան մը վերջ բարձրահասակ մէ-  
կը երեցաւ դրան մէջ:

— Առաջ եկուր, առաջ եկուր, — պո-  
ռաց թագաւորը անհամբեր: — Ուրախ ենք  
զքեզ տեսնելնուս: — Անծանօթը սեղանին  
մօտեցաւ, թագաւորը և դիւանապետը երբ  
տեսան զինքը, քայլ մը ետ բաշուեցան:  
իրենց զիմաց կեցողը աւելի ուրուականի  
մը քան մարդու նմանութիւնը ունէր, պա-  
տառոտուն զգեստները հազիւ կը ծած-

կէին մարմինը, նիհար, տժգոյն, տղմով  
և արիւնով շաղախուած : Զարագուշակ  
բոցով մը կը փայլէին աչքերը . սև և  
խառնավնդոր մօրուքը կուրծքին վրայ կը  
տարածուէր: Երունկերը այնպէս ուժով կը  
դողային որ ստիպուեցաւ կոթնիլ սեղա-  
նին :

Նոյն վայրկենին բարձրաստիճան մար-  
դիկ և սպայներ սրահը խուժեցին : Ու-  
պալտոյ և Արզիշեսքի հարիւրապետները,  
Լիթուանիոյ փոխ-դիւանապետը, Պանդո-  
միրսքի և ուրիշներ: Ամենքը թագաւորին  
ետեր կեցած նոր եկողը կը դիտէին:

— Ո՞վ ես դուն, — հարցուց թագա-  
ւորը:

Թշուառը շրթունքները բացաւ նուա-  
դած հազիւ կրցաւ արտասանել.

— Ապա... ըայ... իէն...:

— Գաւաթ մը զինի տուէր իրեն, —  
ըստւ մէկը:

Անմիջապէս գաւաթ մը զինի բերին՝  
զոր զժուարութեամբ հազիւ կրցաւ խմել:  
Դիւանապետը հանեց մուշտակը և անոր  
ուսերուն վրայ ձգեց:

— Հիմա կրնաս խօսիլ, — հարցուց  
թագաւորը քիչ մը լուռ կենալէն վերջ:

— կրնամ, — պատասխանեց անծանօթը տկար ձայնով:  
 — Ո՞վ ես:  
 — Արշեղուցքի... հորադրներու մէջ տեղակալ...:  
 — Որուն ծառայութեան մէջն ես:  
 — Ուուս Պալատինին:  
 Արահին մէջ շշունչ մը բարձրացաւ:  
 — Ի՞նչ լուր, ի՞նչ լուր, — հարցուց թագաւորը տենդոտ:  
 — Եեղութիւն... սով... մահ...:  
 Թագաւորը ձեռքովը աչքերը զոցեց:  
 — Յիսուս Նազովրեցի, — մըմնջեց:  
 — Դեռ երկայն ժամանակ կրնամք դիմանալ:  
 — Ոչ... վասօդ կը պակսի...: Թենամին պարիսպներու մօտ է...:  
 — Մե՞ծ ուժերով:  
 — Խմիելնիցքի... խանը... բոլոր թագար խումբերով:  
 — Խանն ալ:  
 — Այո... . . .:  
 Գերեզմանական լոռութիւն մը յաջորդեց: Ներկայ եղողները մէկմէկու կը նայէին, ամենուն դէմքին վրայ անհաւատութիւնը կը նկարուէր:

— Մինչև հիմա ի՞նչպէս կրցաք դիմաղրել. — հարցուց զիւանապետը տարակուսական շեշտով: — Այս հարցման, ըԱրշեղուցքի գլուխը բարձրացուց, կարծես երկնային բոլոր ուժերը օգնութեան կը կանչէր: Աչքերը փայլեցան և ձայնը ուժով և վսեմ ելաւ կուրծքէն.  
 — Քսան յարձակումներ ետ մղեցինք, տամնըվեց պատերազմի մէջ յաղթեցինք, եօթանասունըհինգ անգամ դուրս յարձրկեցանք...:  
 Ամենքը լոեցին: Թագաւորը կանգուն կեցաւ, ցնցեց խիտ մազերը առիւծի մը բաշերուն նման, ու պոռաց.  
 — Յանուն Աստուծոյ կենդանւոյ, բաւական ժամանակ կորսնցուցինք...: Հոն ըւլայ կամ ոչ խանը, զինուորազրութիւնը լմնցած ըլլայ կամ ոչ, այսօր իսկ Սպառայի պիտի արշաւենք:  
 — Սպարայի, Սպարայի, — կրկնեցին շատ կորովի ձայներ:  
 Արշեղուցքի՝ խանդավառ, զուարթ դէմքով բացազանչեց.  
 — Վեհափառ Տէր, ձեզի հետ մինչև ի մահ:  
 Թագաւորը կարեկցելով սեղմեց զինքը կուրծքին վրայ:

— Դուն, — ըսաւ, — ինծի աւելի սիրելի ես քան ամենը որ մետաքս հազուած են։ Շատ աւելի թեթև ծառայութիւններ վարձք և պատիւ կ'ընդունին։ Դուն մի վախեր ես պարտական եմ քեզի։

— Այսպիսի ասպետ մը երէք չտեսանք, — բացագանչեցին ուրիշները։

— Սպարայիի դիւցազներուն մէջ առաջինն է։

— Անմահ փառք վաստկեցաւ……

— Սակայն ի՞նչպէս սահեցար անցար թաթարներու և Ղաղախներու մէջէն։

— Ճախճախուտին մէջ մտայ, եղեգնուտը, անտառը կարեցի անցայ…… մոլորեցայ…… բերանս բան չզրի……

— Կերակուր տուէք իրեն, — հրամայեց թագաւորը։

— Կերակուր տուէք իրեն, — կրկնեցին ուրիշները։

— Զգեստ ալ տրուի։

— Վաղը թէ զգեստ և թէ ձի պիտի ունենաս, — ըսաւ նորէն թագաւորը։ — Ասկէ վերջ բան պիտի չպակսի քեզի։

Թագաւորին օրինակին հետևելով, ամենքը սկսան ասպետին դիւցազնութիւնը գովել, հարցմունքներ ետևէ ետե կը տե-

դային՝ որոնց դժուարութեամբ հազիւ պատասխան կու տար Աքշեղուցքի, վասն զիսաստիկ տկար էր։ Վերջապէս ուտելու բան բերին իրեն. միմնոյն ժամանակ ներս մտաւ թէզիշիովսքի բահանայն՝ թագաւորին մատուանապետը։

Ամենքը մէկդի բաշուելով ճամբայ տուին։ Գիտուն և յարգելի բահանայ մըն էր՝ որուն խօսքերուն աւելի յարգ կու տար թագաւորը քան դիւանապետին խօսքերուն։ Ներկայ եղողները անոր չորս կողմը հաւաքուեցան և Աքշեղուցքի գալստեան պատմութիւնը կ'ընէին և թէ թագաւորը որոշեր է Սպարայիի վրայ բալել, կ'ըսէին։

Քահանայն Աքշեղուցքին դիտելով լոռութեամբ մտիկ ըրաւ։ Աքշեղուցքի, առանց ամենեին ուշ դնելու թագաւորին ներկայութեան, կ'ուտէր, թագաւորը անոր գինի կը լեցնէր արծաթեայ գաւաթի մը մէջ։

— Ի՞նչ է այս սպային անունը, — հարցուց վերջապէս բահանայն։

— Աքշեղուցքի։

— Յովհաննէս։

— Այս։

- Ոուս Պալատինին տեղակալը:  
 — Այո՞ւ:  
 — Փառք քեզ, ով Աստուած իմ, բացագնչեց քահանայն աչքերը երկինք վերցնելով: — Աստուծոյ ճամբայները ծածուկ են: Ես կը ճանչնամ այս սպայն:  
 Սքշեդուցքի աչքերը վեր վերցուց բահանայն երեսը նայեցաւ. բայց անոր գէմքը բոլորովին նոր էր իրեն համար:  
 — Ուրեմն գո՞ւն միայն համարձակեցր թշնամի բանակը կարել անցնիլ, — հարցուց քահանայն:  
 — Ինձմէ առաջ ուրիշ մը փորձեց, բայց սպանուեցաւ, — պատասխանեց Սքշեդուցքի:  
 — Աւելի մեծ է քու արժանիքը, վասն զի մահուանէ չես վախցեր: Դէմքէդ կ'երեսի որ տաժանելի եղած պիտի ըլլայ ճամբորդութիւնդ: Բայց Աստուած քու անձնանուիրութիւնդ տեսնելով ազատեց զքեզ: Անոր սուրբ անուամբ ես զքեզ կ'օրհնեմ:  
 Սքշեդուցքի ուզեց ծունը դնել, բայց չկրցաւ. մանկաւիկ մը և Արզիշիէսքի օգնեցին իրեն:
- Յանուն Հօր և Որդւոյ և Հոգւոյն

Սրբոյ, ամէն. — արտասանեց քահանայն, ապա թագաւորին և ներկայ եղողներուն դառնալով, ըսաւ. — Վեհափառ Տէր, ինչ որ կ'ուզէիք զիտնալ այս մարդէն արդէն լսեցիք: Հրաման տուէք որ հանգստանայ, վասն զի չափէ դուրս յոգնած է: Հրաման տուէք, Վեհափառ Տէր, որ զինքը իմ տունս տանիմ որպէս զի գիշերը հանգիստ կարենայ ընել:

— Աղէկ, հայր, — ըսաւ թագաւորը: — Իրաւացի է փափացի: Իրեն թող օգնեն թիցէնհաւուս և ուրիշ մը վասն զի մինակ պիտի չկարենայ քալել: Գնա, սիրուն ընկեր: Ամենէն աւելի գուն իրաւունք ունիս հանգչելու: Ցիշէ որ պարտապանդ եմ և երբէք պիտի չմոռնամ զքեզ:

Թիցէնհաւուս Սքշեդուցքիի թեր մտաւ ու սրահէն դուրս հանեց: Դիմացէն կ'երթային քահանայն և ջահը ձեռքը ծառայ մը:

Գիշերը պարզ և ջերմին էր:

— Դուն չես կրնար գուշակել, որդեակիմ, թէ ինչպիսի վարձատրութիւն քեզի կը սպասէ, — ըսաւ քահանայն: — Թագաւորը զքեզ պիտի վարձատրէ, ինչպէս որ կը հաճի: Բայց թագաւորն թագաւո-

բաց՝ որ յերկինսն է, արդէն լեցուցեր է զքեզ իրեն շնորհքներով:

— Հայր, — պատասխանեց Արշեղուցքի տկար ձայնով, — Աստուած զիտէ իմ քաշածներս և Աստուած զիս պաշտպանեց...: Հիմա չարաշար յոգնած եմ, աշքերս կը մթագնին....:

— Երկնից հրեշտակները քու վրադ պիտի հսկեն հանգչելու պահուդ, — ըստ քահանայն:

Հասան վերջապէս քահանային տունը՝ որ եկեղեցւոյ մօտ էր: Արշեղուցքի լուացուցաւ, մաքրեց տիղմը և արիւնը և սուրբ մարդուն չոր անկողնոյն վրայ պառկեցաւ: Երկու օր այդպէս մնաց քնացած, երրորդ օրը կէս օրին արթնցաւ: Աչքերը շփեց և ապշած չորս կողմը կը նայէր: Նոյն միջոցին ներս մտաւ թեղիշիովովսքի:

— Բարի՛ լոյս, — ըստ մատուցներով քթախոտին տուփին զարնելով:

— Ո՞ւր եմ, — հարցուց Արշեղուցքի միջաւ աւելի ապշած:

— Կ'երկի թէ քունը յիշողութիւնդ տարեր է: Թորորով ես, Ապարայիէն եկար թագաւորը տեսնելու:

Արշեղուցքի ինքիրեն եկաւ:

— Ո՛հ, հիմա կը յիշեմ: Ո՞ւր է թաշաւուրը:

— Երկու օր առաջ Ապարայի գնաց մատուած է որ անոր սրտին հետ կը խօսի, Աստուած պիտի առաջնորդէ անոր:

— Երկու օր առաջ, — բացագանչեց Արշեղուցքի:

— Արեւ երեք անգամ ծագեցաւ: Ի՞նչ պէս ես հիմա:

— Անմիջապէս ձի կրնամ հեծնել:

— Ո՛հ, ո՞հ. Աստուած քեզի երկաթեայ առողջութիւն մը տուեր է...: Հոս է ջուրի կոնքը, և ասոնք թագաւորին դրկած զգեստները:

Արշեղուցքի աչքերը վեր վերցուց: Խըեն զիմացը գտնուող սեղանին վրայ գըրուած էր արծաթ թելերով բանուած բաճկոնակ մը, մութ գոյնով թաւշեայ պատմուճան մը, ճայի փետուրով զարդարուած գլխարկ մը, արծաթեայ գօտի մը, ականակուու երախակալով սուր մը և տուրիշ կարեսոր զգեստեղիններ:

Անմիջապէս ոտքի ցատքեց, և շուտով հագուեցաւ: Քահանայն անթարթ անոր կը նայէր, կը ժպտէր քթախոտի տուփին զարնելով:

— Հոս, — ըսաւ, — ուրիշ պայուսակ մ'ալ կայ որուն մէջ կը գտնես ուրիշ զգեստ մը և միւս ասպետներուն ընծայները՝ որոնք ցու դիւցազնութիւնդ ուզեցին վարձատրել...: Իսկ թագաւորին ախոռին մէջ երեք ձի...:

Եւ Աքշեղուցքիի նայելով՝ որ կը ժըպտէր, յաւել.

— Աակայն այսչափ չէ քու վարձքդ...: Երկնից թագաւորը ուրիշ կերպով պիտի վարձատրէ զբեզ:

Աքշեղուցքի հագուեր սգուեր էր, կարծես պարահանդէս մը պիտի երթար: Երկուքն ալ ծունը զրած աղօթեցին. ապա ծերը ըսաւ.

— Հիմա քիչ մը կազդուրուելու ժամանակն է:

— Այո՛, — ըսաւ ուրախ Աքշեղուցքի ժպտելով սպիտակ ակուայները ցուցուց: Քահանայն ծափի ծափի զարկաւ:

— Հոս բերէք մեզի ապուրը, — պոռաց:

Անմիջապէս դուռը բացուեցաւ և ինչպիսի եղաւ Աքշեղուցքիի զարմանքը երբ դիմացը տեսաւ կենսանի զուարթ դէմքը: Կենսան ապուրի ամանին վրայ կը փէքր

որուն շոգին արգելք կ'ըլլար իրեն տեսնելու:

— Կենսան, — պոռաց Աքշեղուցքի: — Դուն հոս:

Հաւատարիմ ծառայն քիչ մնաց ապուրին ամանը սեղանին վրայ պիտի նետէր, վազեց համբուրելու տեղակալը:

— Ո՛հ, իմ սիրելի տէրս, իմ սիրելի տէրս:

Աքշեղուցքի անոր գլուխը համբուրեց, կենսան համբուրեց անոր ուսերը և ձեռքերը: Երկուքն ալ ուրախութենէ կու լային:

— Ո՞ւկից դուրս ելար, — հարցուց Աքշեղուցքի:

— Ո՛հ, եթէ ամէն բան պատմեմ շատ երկայն պիտի ըլլայ: Մազ մնաց որ պիտի բռնէին զիս թաթարները Ապարայիի մօտերը...: Տագնապալից վայրկեան մընէր, հաւատացիր, մանաւանդ որ մինակ չէի:

Կենսան ակնարկ մը նետեց քահանային, ծիծաղեցաւ և խոշոր ձեռքովը բերանը գոցեց:

— Ո՛հ, ազատեցայ սակայն, ազատեցայ, փախայ փոշիի ամպ մը թողլով եւտելու.... ու հասայ Զամոսդ...:

— Զամոսդ. զինուորներուն հետ....:  
— Այո... զինուորներուն հետ....: Դիտէի որ Սպարայի կ'երթային, իսկ ես շատ պէտք ունէի զքեզ տեսնել... և միւսները...:

Կենսան նորէն քահանային նայեցաւ, նորէն ձեռքովը բերանը գոցեց և բարձրածայն ծիծաղեցաւ:

— Ա՛, ա՛, ա՛:

— Դիք կերակուրները սեղանին վրայ տիրոջդ դիմացը, — ըստ քահանայն, — ու դուն գնա ուր որ ըսեր եմ քեզի:

— Երթալ, այո... ըսելը դիւրին է: Սակայն ես չեմ յագենար տիրոջս նայելէն...: Բայց ճար չկայ, պէտք է որ երթամ:

Ծռեցաւ ու դուրս ելաւ: Արշեղուցը և քահանայն սկսան ուտել, կը խօսէին թագաւորին արշաւանքին, Սպարայիի պաշարման, պատերազմներուն, յարձակումներուն, սովին և վերջապէս Լոնկինոս Բոտպիբիէնդայի դիւցազնական փառաւոր մահուան վրայ: Բահանայն ձեռքովը աչքերը գոցեց և ամփոփ աղօթեց պատերազմի դաշտին վրայ ինկած դիւցազներուն համար: Յանկարծ գլուխը վեր վերցուց:

— Մտիկ ըրէ, — ըստաւ: — Զինուորներուն հետ հոս եկաւ Վիտքովսքի բերդակալուհին իրեն էրկանը հետ....: Անոր հետ էր քեզի ծանօթ աղջիկներէն մին՝ որ հիմա արդէն լսեր է քու գալդ և կը փափաքի տեսնել զքեզ....: Ես հրամայեցի որ հոս բերեն զինքը... վասն զի լաւագոյն է որ առանձին տեսնուիք....:

Արշեղուցը ապշած քահանային կը նայէր որ լուրջ կերպարանը մ'առեր էր:

— Եատ անգամ, — առաջ տարաւ խօսքը քահանայն, — անակնկալ ուրախութիւն մը մահացու կ'ըլլայ....: Անոր բերնէն լրսեցի քու կենացդ և նեղութեանցդ պատմութիւնը, ամէն բան .... անոր համար ուզեցի պատրաստել զքեզ անակնկալ երջանկութեան, այն վարձատրութեան՝ զոր Աստուած կը շնորհէ քեզի: — Արշեղուցը բան չէր հասկնար և չէր գիտեր ի՞նչ պատասխանել: Բահանայն ոտքի ելաւ:

— Երբեմն դուն աղջկան մը չէի՞ր սիրահարուած՝ որուն հետ կ'ուզէիր ամուսնանալ:

Տեղակալը գունաթափեցաւ: Ոտքի ելաւ և դժուարութեամբ ու զրեթէ հառաչելով պատասխանեց.

— Բայց... բայց նա... մեռեր է...:  
 — Աստուծոյ կամքովը, բաժակը միայն  
քու գլխուղ վրայ կոտրեցաւ, առանց ա-  
նոր դպչելու... — ըստ միւսը լրջօրէն .  
 — նա ողջ է, անարատ և միշտ քուկդ...:

Այսպէս խօսելով քովի սենեակը զնաց  
և, վայրկեան մը վերջ Հեղինէ իշխանուհի-  
ւոյն հետ դրան մէջ երեցաւ. իշխանուհին  
տժոյն էր, յուզեալ, կու լար բայց գե-  
ղեցիկ՝ առաւօտեան աստղին նման:

Սրշեղուցքի բար կտրեցաւ. Ապա դող-  
դոջուն շրթունքներով թոթովեց.

— Յիսուս նազովրեցի, Աստուած իմ:  
 — Բան մը ըսէ իրեն, — խորհուրդ  
տուաւ բահանայն Հեղինէի դառնալով:  
 — Ողջ եմ, — մրմնջեց իշխանուհին:  
 — Քու բարեկամներդ զիս Պոկունին ձեռ-  
քէն ազատեցին:

Սրշեղուցքի քովը մօտեցաւ, ձեռքէն  
բռնեց և խենթի մը պէս կը կրկնէր.

— Ողջ... ողջ... հոգւոյս հատորը...:  
 Եւ անոր դիմաց՝ ծունկի վրայ ինկաւ:  
 Քահանային խուցին մէջ արեը լուսե-  
ղէն պատկ մը կը ճառագայթէր, օդոյ մէջ  
երկնային ներդաշնակութիւն մը կը հնչէր  
որ կը փարատէր մտատանջութիւնները,

դառն ցաւերը, յուսահատութիւնը: Երջան-  
կութեամբ զեղուն երիտասարդ սրտերը  
միասին կը բարախէին, մաքուր արտա-  
սուցներով աչքերը կը փայլվէին. աղջը-  
կան քնքուշ այտերը վարդի գոյն կ'առ-  
նէին:

Քահանայն ալ կու լար. կենսան կը  
հեծկլտար այնպէս իբր թէ մեռած ըլլա-  
յին բոլոր ազգականները:

Երեք օր վերջ պատերազմի դաշտէն  
լուր եկաւ որ թագաւորը՝ Սպարայիի պա-  
րիսպներու տակ վճռական պատերազմէ  
մը վերջը, դաշինք կռեր էր խանին հետ,  
դաշինք՝ որ շատ շահաւոր չէր իրեն հա-  
մար, սակայն ժամանակ մը Հասարակա-  
պետութեան խաղաղութիւնը կ'ապահո-  
վէր:

Այս դաշանց համաձայն խմիելնիցքի կը  
մնար Աթաման և իրաւունք կ'ունենար  
մինչև քառասուն հազար մարդ զինելու:  
 Այս առանձնաշնորհութեան փոխարէն ինքն  
ալ հաւատարմութիւն կ'երդնուր թագա-  
ւորին: Սպարայիի պաշարումը վերցուե-  
ցաւ: Յոգնած զինուորները Լվով զրկուե-  
ցան կազդուրուելու: Բերդաքաղաքէն դուրս  
ելլելու ժամանակնին, Երեմիա իշխանը՝

հեծելազօրուն գլուխը անցած բանակին ձախ թեր բռնեց որպէս զի Թաթարներու վայրենի յարձակման դէմն առնէ։ Ապարայի անապատ դարձաւ։ Մնացին միայն պատնէշները, խրամները, ուրիշ պատերազմական շինութիւնները, հողի բարձր կոյտերը՝ որոնց տակ յաւիտենական քունը կը քնանային հայրենեաց ախոյեանները։

Արշեղուցքի լսելով շրջակայից խաղաղութիւնը իրեն սիրելույն հետ ելաւ թուրորովէն։ Հեծելազօրու զոկատ մը իրեն կ'ուղեկցէր. կ'ընկերէին իրեն Զակլոպա, Վոլոտիէսրոյ, Քուշէլ, Վերշիուլ և ուրիշ բարեկամներ։ Նախ Զակլոպա տղու մը պէս լալով զրկեց երկու նշանուածները կը համբուրէր զանոնք և իրեն զաւակները կ'անուանէր։

— Ահ, ահ, — կը բացազանչէր արտասուալիր աչքերով ծիծաղելով, — ոչ մանչ տղայ և ոչ աղջիկ ունիմ, ու թուներ պիտի ունենամ։ Աստուած զիտէ թէ որչափ տանջուեցայ իրեն համար, սակայն, կ'ենթադրուի, հարկ չկայ ըսել, վասն զի չէի զիտեր կենդանի՞ է թէ մեռած……։ Մենք գնացինք Եակորլիք և զին-

քը ազատեցինք Պոկունին ձեռքէն։ Ի վայատինկա կարծեմ սա Պոկունը գայլի պէս ոռնացած պիտի ըլլայ երբ վճուկին և թզուկին դիակները տեսեր է……։ Աստուած զմեզ ամենքնիս պահեց, բաց ի խեղճ լոնկինուէն։ Թերևս Պոկուն միշտ հոն, այն ժայռերուն մէջն է և կ'ոռնայ. քանի որ Սպարայիի պարիսպներուն տակ չերեցաւ; Էյ, եթէ խաղաղութիւնը չկնքուէր, անոր աւ հախէն կու գայի, ինչպէս եկայ Պուրւայիի հախէն……։ Սակայն խաղաղութեան համար ալ գոհութիւն Աստուծոյ……։ Հիմաժամանակ կ'ունենանք կազդուրուելու և հանգչելու այս հրեշտակին հետ……։ Ճեսէք, տեարք, Ես եղայ Ես որ զինքը ազատեցի ……։ Ոհ, պատմելու շատ, շատ բան կայ……։

Նշանուածներուն դէմքերը գարնանային գեղեցիկ երկնքի մը պէս զուարթ էին. ....։ Պղտիկ ասպետը պեխերը կը խածնէր, երջանիկ էր տեսնելով բարեկամին երջանկութիւնը, աշխարհիս վրայ մինակ կը զգար ինքզինքը……։

Արշեղուցքի հարսանեաց հանդէսը Լվովի մէջ կատարուեցաւ։ Ներկայ գտնուեցան թագաւորը և ամենէն բարձր աստի-

ճանաւոր անձինք: Վոլոտիէսցոյ և Զակ-  
լոպա հարսը դէպի խորան առաջնորդե-  
ցին, ի դարձին թագաւորը և Երեմիա իշ-  
խանը ընկերեցին իրեն: Երջանիկ զոյզը  
շատ և ճոխ նուէրներ ընդունեցաւ առա-  
տաձեռն թագաւորէն:

Օրհնեց Աստուած ամուսնոյն փառքը  
և կողակցին առաքինութիւնը չնորհելով  
անոնց տասուերկու կորովի զաւակներ :

Հասարակապետութեան զինուորութեան  
մէջ միշտ գտնուեցան շատ Աբշեգուցքի-  
ներ, որոնք յօգուտ հայրենեաց շատ ա-  
րիւն թափեցին:

## ՎԵՐՋԱԲԱՆ

Արիւնահեղ պատերազմը ո՛չ Սպարա-  
յիով և ոչ Սպորովով լմնցաւ: Երկու տա-  
րի վերջը, զազախ ապստամբութիւնը աւե-  
լի բուռն և ընդհանուր կերպով բռնկեցաւ  
նորէն: Ասպարէզ ելաւ նորէն խմիենիցքի,  
աւելի զօրաւոր, և իրեն հետ խանը բոլոր  
թաթար խումբերով և միևնոյն զօրավար-  
ներով՝ որոնք կոռւեր էին Սպարայիի պա-  
րիսպներուն տակը: Նորէն բռնկեցան հըր-  
դեհները, բարձրացան ողբուկոծն և հայ-  
նոյանքները, կոտորածը ընդհանրացաւ,  
արեան հեղեղներ վազեցին, և կարծես  
հնչեց Հասարակապետութեան վերջին ժա-  
մը:

Ոակայն Հասարակապետութեան աչքե-  
րը վերջապէս բացուեցան, մէկդի թողուց  
դիւանապետին քաղաքականութիւնը, հաս-  
կըցաւ որ միայն զէնքով կարելի էր ա-  
պահովել խաղաղութիւնը: Թագաւորը՝ գը-

լուխ անցած հարիւր հազար զինուորներու, ասպարէզ ելաւ, իրեն կը հետեւին ազնուականութիւնը և ծառայները։ Նոյներն էին զօրավարները, հոն էր Երեմիա իշխանը իրեն զօրաբաժնովն՝ որուն մէջ կը ծառայէին միշտ Արշեղուցքի, Վոլոտիէսքոյ և Զակլոպա։

Պէրէսդէսքոյի դաշտերուն վրայ արքունի բանակը զարնուեցաւ Խանին բոլոր ուժերուն դէմ։ Այնպիսի պատերազմ մը տեղի ունեցաւ, որուն նմանը չէր տեսած Եւրոպա։ Խառնուրդն՝ որուն մէջ կը գըտնուէր Երեմիա իշխանը, երեք օր տևեց։ Թափարաց վայրենի խումբն լաւ մարզուած զինուորներու անդիմադրելի թափին դէմ չկրցաւ զիմանալ, ցրուեցաւ։ Խմիելնիցքի հաւատարիմ դաշնակից թուկայի-պէյը սպանուեցաւ։ Իշխանը յաղթեց։

Թագաւորը՝ երբ տեսաւ համբաւաւոր զօրավարին տարած յաղթութիւնը, որուշեց ջախջախել թափար խումբերը Խմիելնիցքի զազախ զօրագունդներուն հասնելէն առաջ։ Պատերազմը նորէն բռնկեցաւ, և այն պատերազմին մէջ՝ կուրծքէն վիրաւորուած, մեռաւ Խանին եղբայրը՝ Ա-

մուրատ։ Խալամ-Լիիրէյ՝ Ամուրատի պարտութիւնը տեսնելով, սկսաւ փախչել թափար լէզէոններու հետ, հալածեցին և ջարդեցին զիրենը Լեհերը։

Խմիելնիցքի հասաւ փախստականներուն, յուսահատ կերպով աղաչեց Խանին որ դառնայ և նորէն սկսի պատերազմը։ Խանը սաստիկ բարկացաւ, բռնել տուաւ զինքը, կապել տուաւ ձիուն վրայ և հետք տարաւ։ Տայիտալոյ՝ ուրիշ զազախ զօրավար մը, չզիտնալով իրեն Աթամանին գլուխը եկած դժբաղդութիւնը, թէշշիուզքի ճախճախուտներու մէջ ատրճանակի հարուածով մը ինքզինքը սպաննեց։

Եոյն միջոցին փոթորիկները սկսան յաճախ տեղի ունենալ, և տեղատարափ անձրւ մը քանի մ'օր շարունակ տեղաց։ Երբ օգերը պարզուեցան, պաշարում մը սկսաւ՝ որուն նման չէր տեսնուած երբէք։

Թագաւորին հարիւր հազար զինուորները պաշարեր էին Տայիտալոյի երկու հարիւր հազար զինուորները։ Թագաւորին բանակին մէջ կը պակսէին զէնք, ուազմամթերք և պաշար։ Տայիտալոյ վասովի ահազին պաշար ունէր, եօթանասուն կտոր

մեծ և փոքր թնդանօթ։ Աակայն լեհերու կ'առաջնորդէր թագաւորը, և Ղազախները կորսնցուցեր էին Խմբելնիցքի։ Թագաւորին զինուորները ետևէ ետև տարած յաղթութիւններէն խրախուսուած էին՝ Ղազախները կորսնցուցեր էին վստահութիւննին։ Ղազախ զօրավարները ներկայացան իրենց հպատակութիւնը այտնելու թագաւորին, կը խոստանային իրեն ձեռքը մատնել Խմբելնիցքին եթէ գետնի տակ աւ ծածկուած ըլլայ։

Բարեսիրտ թագաւորը կ'ուզէր ներել։ Հաւանեցաւ ազատ արձակել ամբողջ բանակը եթէ զօրավարները անձնատուր ըլլային և ուզէին մնալ իրեւ պատանդ մինչեւ որ Խմբելնիցքի իրեն յանձնուի։

Այս պայմանը ախորժելի չեկաւ զազախ գլխաւորներուն՝ որոնք ճանչնալով իրենց յանցանքը, թագաւորին ներման հաւատք չեին ուզեր ընծայել։ Անոր համար, բանակցութեանց միջոց, պատերազմը առաջ կ'երթար և արիւնհեղութիւնը կը շարունակուէր։ Տայիտալոյ թագաւորին առաջարկութեանց հաւանեցաւ և պատրաստ էր ինքզինքը զոհել բանակին փրկութեան համար։ Աակայն մէջերին

համաձայն չէին . ոմանք խաղաղութիւն կ'ուզէին, ուրիշները մահ կը պոռային, ամենքը կ'ուզէին զիրենք պաշարող բանակը կտրել անցնիլ։ Բանակցութիւնները երկայն կը տեւէին, անհամաձայնութիւնը երթալով կը տարածուէր, վերջապէս Տայիտալոյն պաշտօնանկը ընելով անոր տեղ զրին Պոկունը որուն վրայ մեծ վստահութիւն ունէին։ Պոկուն բանակցութիւն չէր ուզեր լսել. սակայն շուտով հասկցաւ որ պիտի չկարենար ազատել իրենները լեհերու դիակներուն վրայէն անցնելով։ Յուսահատ միջոց մը ձեռք առնել մտածեց. որոշեց Բլէշիովայի անյատակ ճախճախուաները անցնիլ անոնց վրայ այնպիսի կամուրջ մը ձգելով ուսկից կարենար անցընել բոլոր բանակը։ Իրեն համար անկարելի բան չկար։ Աակայն թագաւորը՝ իմանալով Պոկունի ձեռք զարկած հսկայական գործը, որոշեց ջախջախել բոլորովին զթշնամին։ Ղազախներէն ոչ որ իմացաւ թագաւորին այս որոշումը, և կամուրջը քիչ ժամանակի մէջ շինուեցաւ։ 1651ի Յուլիս ամսոյ 7ին, Պոկուն ուրիշ սպայներու հետ գուրս ելաւ, աշխատութիւնները աչքէ անցնելու համար։ Օ-

ըր մշուշային էր. արեք բարձրացաւ, ջուրերու և անտառներու վրայ արեան գոյն լոյս մը սփռելով : Լեհ բանակին ձիերը . արածելու կ'երթային. զազախ բանակին մէջ մեծ աղմուկ մը կար : Ամէն մարդ գիտէր Պոկունի արշաւանքը, խիզախ զօրավարը կը տանէր հետը ձիաւորներ, և մըտադիր էր ջախջախել Պրասլաւի կառավարիչը՝ որ Ղազախներու կռնակը անցած ուրմբակոծութեամբ արգելք կ'ըլլար կամուրջին շինութեան :

Ամբոխը հանդարտ և վստահութեամբ կը դիտէր համբաւաւոր զօրավարին առաջ խաղալը : Յանկարծ հազարաւոր ձայներ սարսափահար աղաղակեցին.

— Ազատի ովկ կարող է ... : Լեհերը առաջ կու գան... : Սպայները կը փախչին :

Ահաւոր խուճապ մը տիրեց Ղազախներու վրայ: Յանկարծակի գալով կը նահանջէին դէպ ի լճակը, ազատիւ կը ջանային և հարիւրաւորներով կը կորսուէին: Շատերը անանցանելի ճահճներու մէջ կը նետուէին, մեծ մասը կամուրջին վրայ կ'ապաւինէր, կատաղաբար կը կռուէր ճամբայ բանալու համար: Բլէշիովայի ջուր

բերը դիակներով լեցուեցան ... : Յուսահատ ճիշերը հասան նոր զօրավարին ականջին. սա հասկցաւ պատահածը: Դարձաւ բանակը փախուստը արգիլելու համար, սակայն իզուր : Իրեն ձայնը կը խղղուէր հազարաւոր փախստականաց զուռում գոչումին մէջ և ինքն ալ իրեն ձիաւորներով այն հոսանքին մէջ ինկաւ:

Թագաւորին զինուորները՝ առանց հրամանի սպասելու, խոյացան թշնամոյն վրայ: Ով որ ձիերու ոտքերէն կ'ազատէր կը խղղուէր կամ սրոյ հարուածի տակ գետին կը տապալէր: Թագաւորն ի զուր կը ջանար զսպել իրեն զինուորները. կոտորածը՝ որուն նմանը չէին յիշեր ծեր զինուորները, մինչև իրիկուն տեւեց: Վերջապէս գիշերը վերջ տուաւ ջարդին. յաղթականները իրենց կատարած գործէն սարսափեցան:

Այսպէս լմնցաւ ահաւոր ողբերգութեան առաջին արարուածը՝ որուն հեղինակը Խմիելնիցը էր: Պոկուն այն ձախորդ օրը չինկաւ: Ոչ ոք գիտցաւ արգեօց փախե՞ր էր նա թէ մէկը զինքը ազատեր էր: Այս ստոյգ է որ յետազայ պատերազմներու մէջ շատ անզամ լսուե-

ցաւ իրեն անունը: Քանի մի տարի վերջ  
հարուածեց զինքը վրէժինդիր ձեռք մը,  
սակայն այդ ալ իրեն վերջին օրն չեղաւ:  
Վիսնիովիեցքի իշխանին մահուանէն վերջ,  
որ պատերազմի աշխատութեանց մէջ կոր-  
սընցուցեր էր առողջութիւնը, երբ Լուպ-  
լին Հասարակապետութեան ձեռքէն ելաւ,  
Պոկուն այն երկիրներուն մեծագոյն մա-  
սին տէր եղաւ: Կ'ըսուէր թէ նա և ոչ  
իսկ Խմբելնիցքի հեղինակութիւնը կը  
ճանչնար: Խմբելնիցքի՝ յաղթուած, խոր-  
տակուած, անիծուած, օտար օգնութիւն-  
ներու դիմեր էր. բայց զոռոզ Պոկունը ի-  
րեն վիզը օտար լուծի տակ չխոնարհե-  
ցուց, իրեն պուրովը միայն կ'ուզէր պաշտ-  
պանել զազափ ազատութիւնը:

Կ'ըսուէր դարձեալ որ այս մարդուն  
շրթանց վրայ երբէք չաենուեցաւ. Ժպի-  
տը: Լուպլինի մէջ չէր բնակեր, նոր շի-  
ներ էր զիւղ մը՝ որուն անունը դրեր էր  
Ռազլոկ, և հոն կը բնակէր և հոն ալ  
կնքեց իրեն կենաց օրերը:


Ասոր մահուանէ վերջ ալ զեռ երկայն  
ատեն շարունակուեցան ներքին պատե-  
րազմները: Անոնց յաջորդեց ժանտամահը,  
պաշ Շուետացիք: Թաթարները՝ անխոնջ

ասպատակներ Ուգրանիոյ ժողովուրդը գերի  
կը տանէին: Հասարակապետութիւնը անա-  
պատ դարձաւ՝ երբ քիչ ժամանակի մէջ  
անապատացաւ Ուգրանիա: Քաղաքներու  
և բերդերու մնացորդներու վրայ գայլերը  
կ'ոռնային: Եղբայրական սրտերու մէջ  
ծաղկեցաւ ատելութիւնը և տարիներով  
շլաուեցան « փառք ի բարձունս Աստու-  
ծոյ և յերկիր խաղաղութիւն, ի մարդիկ  
հաճութիւն » խօսքերը:



Վ Ե Ր Զ





ՀՀ Ազգային գրադարան



NL0321157

16.19P